

Sp. Col
Lost x.
297, 246
J 418
V. 3-4
1911

أثر خامه احمد جودت



قصص النبيا


تواريخ خلفا

جزء ثالث ورابع

ناشرى : قناعت كتيخانه سى صاحبى الياس


كافة حقوق محفوظه

قناعت كتيخانه سنك مهرى حاوى اوليان نسخه لى ساخته اولوب طابع وبابى مشولدر



درمعات - قناعت

۱۳۳۱




۱۵۶۶

۱۳۳۶







جزو ثالث و رابع

زمان جاهليتده عربلر ؄ ناحق یره قان دوکک و فقر و فاقه بهانه سیله
قیز اولادلرینی دیری دیری طوبراغه کومک کبی انسانیتیه یاقیشمایان فنا
خویدلردن صاقیمازلر و سرقت و زنا کبی چیرکین ایشلردن چکینمز لر
ایدی .

شریعت احمدیده بو منللو مذموم خویرلر و چیرکین ایشلر یاساق اولدی
وناسه اخلاق حیده و اعمال صالحه ایله امر و نصیحت بو یورولدی .

عقل و انصافی اولانلر ؄ حضرت پیغمبرک معجزاتی و دین اسلامک
محسناتی کوروب ایمان کتوردیلر .

قبائل و عشائرک اکثر وجوه و اشرافی ؄ بلغادن اولق حسیله قرآن
کریمک نهایت مرتبهده اولان بلاغته یاقوب انسان کلامی اولمادیغنی
آکلادیلر .

لکن قوم و قبیله لرینه ریاست ایتمهک آلیشمش اولدق لردن ریاستلرینی
الان چیقارماق ایچون خلقی اسکی عقاید باطلهده طومق اوزره اصرار
ایلدیلر .

علی الخصوص قریش قومک رؤسای ؄ کندی ایچلرنده یتیشوب

بیومش اولان نبی ذیشانہ آحاد ناس ایله برابر اوله رق تابع اولمقدن عار ایدرلردی .

حتی بعضیلری معجزات باهره دن اولان بلاغت قرآنییه دیه جک بر سوز بولامیوب « بو قرآن ، اشراف مکدن (ولید ابن المغیره) وطائف بلده سنک امیری اولان (عروۃ ابن مسعود الثقفی) کبی بر بیوک آدمه » نازل اولایدی ، دیدیلر .

باق شو باطل خولالره که : کندی ینلرنده مال واعتبارجه بیوک بیلدکلی کسانا حقیقت حالده بیوک صانورلر ومنصب نبوتی آنلردن بکندکلیینه توجیه ایتدیرمک ایستلر ایدی .

حال بوکه : بیوک بیلدکلی آدملردن ولید ابن المغیره کبی بعضیلری چوق کچمیوب مکده فوت اولدی ، بر چوغی دخی بدرده تلف ایدیلدی . بوجهته ریاست مکه ، ابوسفیانده قرار قیلدی .

عروہ ابن مسعود الثقفی ، اکرچه هنوز بر حیات اولوب طائفده ریاست وحکومت ایتکده ایدی . لکن برادر زاده سی اولان (مغیره ابن شعبه الثقفی) ، (بنی مالک) دن (لاث) نام تبحانه خدمه سی اولان اون اوچ کیشی بی اولدورمش وبوندن طولای (بنی مالک) ایله (مغیره) نک قبیله سی آره سنه عظیم عداوت کیرمش ایدی .

عروہ ، مدبر ومرعی الحاطر بر آدم اولوب بو اون اوچ کشینک دینلرنی ویردی وایکی فرقه بی بربریه باریشدیردی .

مغیره ایسه خندق غزاسندن صکره مدینه منوره یه کلدی واسلام ایله مشرف اولدی .

اشبو مغیره ، غایت حاضر جواب وجن فکرلی وعموجه سی کبی شان وشهرت صاحبی بر آدم ایدی . بناءً علیه آنک ایمانه کلی اهل اسلامی ممنون ایتدی ومشرک لک کوچه کیتدی .

رؤسای قریشدن فوت وتلف اولانلرک یرلرینه کچن (عکرمة ابن

ابی جهل) و (صفوان ابن امیه) کی یکی رئیسار دخی پدرلربنک یولنده
 اصرار ایتکده ایسهده پکده او قدر افکار عامیه قارشو طورامیورلردی.
 فقط رسول اکرم ایله محارب اولدقلرندن آنلره تابع اولان آحاد
 ناسک اکثری، اهل اسلام ایله الفت واختلاط ایدممدکری جهتهله
 دین اسلامک محسناتی بیله میورلردی.

قبائل وعشائر سائر دخی قریش ایله اهل اسلام آره سنده کی محاربناک
 نتیجه سنه منتظر اولیورلردی.

مع مافیہ بر تقریبه دین اسلامک محسناتی اوکره نلر وعلی الخصوص
 رسول اکرمک مبارک یوزنی کورنلر دخی پیدرپی ایمانه کلیورلردی.
 چونکه: فخرعالم صلی الله تعالی علیه وسلم حضر تلربنک هر کسدن
 زیاده صورتی کوزل و سیرتی مکمل ایدی.

شویله که: هپ اعضاسی تام و متناسب و مستثنای بر حالده و جمیع اوصاف
 حد اعتدالده ایدی.

یوزنده نور و ملاحه، سوزنده سلاست و لطافت، لساننده طلاقت
 و فصاحت، بیاننده فوق العاده بلاغت وار ایدی.

بیوده سوز سویله میوب هر کلامی حکمت و نصیحت ایدی و هر کسک
 عقل و ادراک نه کوره سوز سویلر ایدی.

کولر یوزلی و طاتلی سوزلی اولوب اهل یتنه و خدامنه و اصحاب
 کرامنه حسن معامله ایتدیکی کبی سائر ناسه دخی رفق و لطف ایله معامله
 ایلر ایدی.

حلیم و متواضع و جمله کالات انسانیه یی جامع ایدی. بونکله برابر
 کمال و قار و مهابتی وار ایدی.

مجلس سعادتنه داخل اولانلر، فائده مند و فرحیاب اولوردی و آنی
 بیلمه یی بر گیمسه، بقت کورسه کندوسنی مهابت آلوردی.

الحاصل کافه اخلاق حمیده و اوصاف پسندیده ناک کالی آنده موجود
 ایدی. مثلی یارادیلماش بر وجود مبارک و مسعود ایدی.

شوخاله نظراً قریش ایله بر مصالحه یاییلوبده ایکی طرف خلقی بربریه
 سرېستجه کوروشور اولسهر هپ مشرکله دین اسلامک محسناتی ورسول
 اکرمک معجزاتی کوروب اوکرنه بیلوولردی .

بوصورنده ایسه هر طرفده دین اسلامه بر میل عمومی حاصل اولاجنی
 و آ ز وقت ظرفنده دین اسلام طرف طرف شیوع و انتشار بولاجنی
 درکار ایدی .

الحاصل دین اسلامک عربستانده قولایقله انتشاری ایچون بر مصالحه
 احتیاج وار ایدی .





مصالحه حُدُیّه

رسول اکرم صلی الله تعالی علیه وسلم حضرت لری ، آلتنجی سنه هجریه نک غره ذی القعدة سنده بیک بش یوز قدر اصحاب کرامیله مدینه دن چیقوب مککه عزیمت بیوردی . زوجة محترمه لری (ام سلمه) رضی الله عنها حضرت لری دخی برابر کوتوردی .

نیت شریف لری محاربه اولیوب مجرد (عمره) یعنی سعی و طواف ایله کعبه معظمه بی زیارتدن عبارت اولدیفنه دلیل اواق اوزره مکمل آلات و ادوات حربیه کوتورمیوب فقط اصحاب کرامنه یولجی سلاحی اولان برر قلیچ طاقدردی و اهل مدینه نک میقاتی اولان (ذوالحلیفه) نام محله واردقده احرامه کیردی و یتش قدر قربانلق ددوله نشان اوردی .

فقط شایدکه قریش طائفه سی نمانعت و محاربه یه قالدیشورلر دیو (غفار) و (مزینه) و (جهینه) کبی مدینه اطرافده بولسان بدوی قیله لری دخی برلکده حج ایتک اوزره دعوت بیوردی .

اشبو قبائل عربان ایسه « پیغمبر ، مقدسجه کندوسنی مدینه ده محاصره ایدن قریش طائفه سی ایچنه کیدیور ، کندوسنی تهلکیه القایدیور . آرتق کبرو کلک احتمالی یوقدر ، دیو برلکده کیتمکدن امتناع ایلدیلر . کویا خانلری امورینه باقعجق کیمسه لری اولماق بهانه سیله عذر دیلدیلر .

رسول اکرم ، قریشک احوالی تجسس ایچون جانب مککه جاسوس گوندرمشیدی . (عسفان) نام محله واردقده او جاسوس دونوب کلدی . قریش طائفه سی ، رسول اکرمک مدینه دن جیقدیغنی خبر آلدقلری کبی

طوبیلاشم و بعض قبائل عربانی جمع ایله جنکه حاضرلانش اولدقلری وایکیوز آتلو ایله (خالد ابن ولید) ی ایلرویه کوندرمش اولمالریله آنک دخی (غنیم) نام موقعده بکله مکده اولدینی خبرنی کتوردی .

بناء علیه عسفاندن ایلرو حرکت اولئدقده فخر عالم حضرتلری « صاغ طرفی طوتکیز ، دیو بیوردی .

بو جهته اردوی هایون ، یولک صاغ طرفنه میل ایله بر صرب یوقوشه اوردی .

خالد ابن الولید ، آنی اوزاقدن کورنجه درحال دونوب قریشک یانه واردی و کیفیتی خبر ویری .

اردوی هایون ایسه بر تبه یه واردی که آندن آشیلدینی کبی قریشک خارج مکده (حدیبیه) نام محله اردو قوردقلری موقعه اینیلوردی .

بحکمة الله تعالی اوراده رسول اکرمک (قصوا) نام بنک ده و می چوکیوردی . اصحاب کرام ، هایدیدیلر . قلعمادی حرون حیوان کبی عناد ایدوب طوردی .

« قصوا طوردی ، دیدیلر رسول اکرم « خیر طورمدی و بویله طورمق خوبی یوقدر . فقط فیلی مکیه کیرمکدن منع ایدن ، آنی دخی طوردوردی ، یعنی الله تعالی حضرتلری ، اصحاب فیلی مکیه کیرمکدن منع ایتدیکی کبی بزمده بو حال و هیئت ایله کیرمکه رخصت ویرمدی دیو بیوردی .

چونکه طوغری قرنش اوزرینه واریلسه بهمه حال محاربه اولئق لازم کلوردی .

حال بوکه: مدینه اطراقده کی قبائل ، برابر کلدیکندن حجاج مسلمینک مجموعی بیك بش یوز قدر اولدقلری حالده حج نیئیه کلش اولدقلری جهته نذارکات حریه لری ده مکمل دکل ایدی .

قریش مکه ایسه آنلره نسبتله زیاده اولدقلری حالده جوار مکده بولئان قبائل ده طوبیلائیویرمشر ایدی .

حتی بالاده ذکرى بکن (صروة ابن مسعود الثقفى) و عمران ایچنده جنکاور لکله معروف اولان قبیله (احاییش) شیخی (حلّیس) دخی برابر ایدی .

ا کرچه اهل اسلام ، یکدل و یکجهت و انضباط تام تحتنده بر هیئت اولیغندن اردوی هایونه نسبتله قریش اردوسی بائی بوزوق طرزنده بر جمعیت ایدی .

شوحاله نظر آ اهل اسلامك عون و عنایت باری ایله مظفرتی مأمول . ایسهده بو صورتده طرفیندن بر چوق تلفات و قوعیله مکّه مکرمهیه حرباً کیریلهر ك حرم شریفه چاردهسز بر نوع حرمتسزك ایدیلش اولوردی . بوايه اراده السیهیه مغایر ایدی .

برده مکّه مکرمهده اسلامی اظهار ایدمه یوبده جانی کبی ایمانی دخی دروننده کیزلو اولان بر چوق ضعیفای مسلمین وار ایدی . بوقار شاه لقدمه آنلر دخی بیلنمیه رك پایمال اولوب کیدردی .

قالدی که : هنوز ایمانه کله مش اولان اشراف قریشدن نیچه ذاتلر ، قریب العهدده ایمانه کلوبده دین اسلامه بیوک بیوک خدمتار ایتلری و نیچه خیرلو اولاد یتیشدیرملری مقدر ایدی .

ایشته ده و نهك او یله خلاف حادث اولارق من طرف الله چو کیورمی بومثللو دقیقه لره رمز و اشارت ایدی .

بناء علیه اصحاب کرام ، ده و نه یی قالدیروب یوروتمک ایستدکلرنده یرندن قیملد اتماش ایکن بعده رسول اکرم ، بالذات سوق ایدنجه قالدقوب یوریوردی .

فقط طوضری یول ایله کیتیبوب بر طرفه صابارق (حدیبیه) نك نهایتنده صوبی چکیلش بر قویو باشنه ایندی . خلق دخی کلوب اطراقه قوندی .

اصحاب کرام ، اوراده صوبسزلقدن شکایت ایتکله رسول اکرم ، ترکشدن براوق چیقاردی و آنی او ، قویو ایچنه براقدیردی .



قویودن او قدر سو قلیئدی کو بتون اودو خلق ، طویونجه ایجدی ،
آپوستم آلدی ، حیوانلری صوواردی .

رسول اکرم ، محاربه نیتده اولدیغنی بیلدیرمک ایچون (خراش ابن
امیه الخزاعی) بی قریشه کونده ردی .

قریش ایسه (خراش) ی اولدورمک ایچون اوزرینه هجوم ایشلر ،
هله عربان (احابیش) آریه کوروب آتی قورتارمشلر اودخی همان کلوب
کیفیتی رسول اکرمه بیلدیردی .

رسول اکرم ، محاربه نیتده اولدیغنی رؤسای قریشه کوزلجه آکلاتمق
اوزده عمر الفاروق رضی الله عنه حضرتلری کونده دمک ایستدی .

حضرت عمر د رؤسای قریش ، بنم آنلر حقنده نه مرتبه غیظ و غلظتم
اولدیغنی بیلورلر . قورقارم بکا سوء قصد ایدرلر . درون مکده عشرتمده
یوق که بی حمایه ایتسونلر . فقط عثمان ابن عفان کیتسه مناسب اولور .
زیرا آنک نفس مکده عشرت واقرباسی چوقدر . نفسجه قورقوسی
یوقدر ، ذیدی .

فی اواقع رئیس قریش مکه اولان ابوسفیانک پدری (حرب ابن امیه
بن عبد شمس ابن عبد مناف) ایدی . عثمان ذی النورین رضی الله تعالی عنه
حضرتلرینک پدری اولان (عفان) ک پدری دخی (ابوالاص ابن امیه ابن
عبد شمس) اولقله اشراف مکدن اولان بی امیه ، هپ کندوسنک عزاده لری
ایدی .

بنام علیه رسول اکرم ، ابوسفیان وسائر قریش ایله کوروشوبده
مقصد پیغمبری ، مجرد طواف زیارت بیت الله اولدیغنی آنلرم بیلدیرمک
وقریش مکه ایچنده کیزلو مسلمان اولانلر ایله کوروشوبده آنلره دخی
سلیت ویرمک اوزره حضرت عثمانی کوندردی .

رؤسای قریش ، آتی عنونیت ایله قارشولامشلر و د کعبه بی طواف
ایت د دیو تکلیف ایشلر .

حضرت عثمان ایسه رسول اکرم طواف ایتدیجه بن ایدم ، دیمکله

روسای قریش ، دلگیر اولمشلر و آتی توقیف ایله کوز خبسه آلمشلر ایدی .

اوشانده (خزاعه) قبیلهسی رئیس اولان (بُدیل ابن وَرْقَا) کندی قومندن بر طاقم آدملر ایله اردوی هایونه کلدی .

(خزاعه) قبیلهسی (تِهَامَه) قائلندن اولوب زمان جاهلیتده بر خصوصدن طولابی (بنی هاشم) ایله عقد اتفاق ایتمشلر ایدی . ظهور اسلامدن صکره دخی بو عهدی اونونمدیلر و رسول اکرمه طرفدارلقدن کیرو طورمدیلر .

بناءً علیه خزاعه قبیلهسی ، هنوز اسلام ایله مشرف اولمامشلر ایکن رسول اکرم ایله قریشک احوالنه داتر کیزلو مخابره ایدرلردی .

بوکره (بدیل) ک کیشی دخی خیر خواهلق یولنده اوله رق حضور نبوییه کیردی و قریش طائفهسی کوردنم . حدیبیه نکه صولی یرلرینه قومشلر و تدارکلی بولنمشلر . کیرو دونمک نیتنده دکلر . سزه ممانعت ایتسلر کرکدر ، دیو خبر ویردی .

رسول اکرم ، آکادخی « بزم کیمسه ایله جنک ایچون کلدک . آنجیق عمره ، یعنی سسی و طواف ایچون کلدک و قریش طائفهسی . قدمکی محاربه لر ایله ضعیف دوشدی . حرب و ضربه مجاللری قالمدی . فقط ایستلر ایسه آنلرله بر متارکه ایدرم . صکره بنم شریعتک ظهور و افشارنده ایستلر ایسه آنلر دخی سائرلی کبی تابع اولورلر . یوق اکر امتناع ایدرلر ایسه شو حالده بن ، آنلرله یالکز قانجهیه قدر جنک ایدرم . آرتق جناب حق ، امری نه ایسه یرینه کتور » دیو بیوردی .

بدیل « اوله ایسه بن واریم ، بونی قریش خبر ویریم » دیه رک دخصت آلوب قریش اردوسنه واردی .

رؤسای قریش ایله کوریشوب « بن ، او ذاتک یانندن کایورم . ایشیتیم بر سوز سولیلور ایدی ، ایتر ایسه کز سزه عهض ایدیم »

دیدکده عکرمه ابن ابی جهل و حکم ابن عاص کی بعض سفها ، سنک ویره جکک خبره احتیاجز یوق ، دیمشله .

عروه ابن مسعود الثقفی ایسه « بدیلک سوزنی دیکله یکنز الویرر ایسه طوتکنز ، الویرمن ایسه آتکنز ، دیو نصیحت ایلش .

آنک اوزرینه حارث ابن هشام ایله صفوان ابن امیه ، بدیله « سوبله باقالم ، دیمشله . او دخی رسول اکرمدن ایشتدیکنی سوباش .

عروه ، قالقوب رؤسای قریشه خطاباً « بگا امنیتکنز وارمی ؟ » دیدکده « اوت ، سندن هر وجهله امینز ، دیمشله .

او دخی « بو آدم ، سزه مصلحانه و منصفانه بر یول کوسترمش . براغکنز بی ، برکزه آنک یانه وارايم ، دیمش . آنلر دخی « کیت باقالم ، دیمشله .

بناءً علیه عروه ابن مسعود ، اردوی هایونه کلدی . رسول اکرم ایله کوروشدی و سوزه کیریشدی .

« یا محمد ! قریشک وجوه و اشرافی تدارکات کلیه ایله چیقیدیلر و سنی مکیه قویماق اوزره یینلرنده معاهده ایتدیلر . سنک یانکده کی عسکرایسه بر درتی غلبه لکدن عبارتدر . یارین جمله سی قاجوب سنی میدانده یالکنز براقویررلر ، دیدی .

عروه نک بو سوزندن ابو بکر الصدیق رضی الله تعالی عنه حضرتلرینک جانی صیقلوب قاشلارینی چاتدی و « بزمی طاغیلوبده حضرت پیغمبری یالکنز براقاجنز ؟ » دیه رک عروه بی تعذیر و تکدیر ایتدی .

بعده عروه ، عادت عرب اوزره رسول اکرمک صقانی طوتوب اوقشامق ایستدی .

بوایسه تعظیمه منافی بر کیفیت اولدینی حالده رسول اکرم ، عروه به لطف و نزاکت ایله معامله ایدردی .

لکن (مغیره ابن شعبه الثقفی) که رسول اکرمک باشی اوجنده طور و یوردی

همان عروەنك النى ايتدى و « چك الكى » ديهرك عموجه سنه عتف ايله
معامله ايتدى .

عروە ، بو كيم ؟ ديو باقوب كوردى كه برادر زاده سى مغيره در .
« بره غدار ! بن سنك دوكدىكك قان لكسى هنوز تميزله دم . شمدى بو
طور و معامله ك نه در ؟ » ديدى .

عروە ، بو وجهله مغيره يى تكدير ايلدى . مغيره دى آكا قارشولق
اوله رق سرت سوزلر سويلدى . بو وجهله سوزى اوزانديلر و حضور
نبويده خيليجه مجادله ايتديلر .

بعده نبي محترم ، مجرد طواف ايجون كلدېكنى وعقد متاركه ايدمه بيله جكنى
و قریش اكر مخالفت ايدرسه صوڭ درجه يه قدر مقاتله ايدمه جكنى افاده
ايلدى . الحاصل بديله نه سويلديسه عروە يه دى سويلدى .

عروە « يا محمد ! طوتالم كه سن غالب كلدك . عربده سندن اول اصلى
تلف ايدوب بتورمش كيمسه وارمى ؟ » ديدى .

عروە ، بو مكالمه لار اتانسانده اصحاب كرامك حضور نبويده طور
و معامله لرينه دقت ايدوب كوردى كه اصحاب كرام ، پروانه كې فخر عالمك
باشى اوچنده طولا شورلر و هر نه امر ايتسه كمال سرعت ايله اجراسنه
چاليشورلر و يوزينه حدت ايله باقوب حضورنده كمال تعظيم ايله و آلچق
سس ايله سوزه كيريشورلر و آبدست آلوركن دوكون قطره لرى آلوبده
يوزلرينه و كوزلرينه سورمك ايجون باشنه اوشرلر و بر قىلى يره دوشه چك
اولسه آلوب و صاقلابوبده حرزجان ايتك اوزره قايشورلر . سانكه
عروەنك ديدېكى كې فيخر عالمى بر اقوبده طاغىلاجق بر جمعيت اولمادق لرى
لسان حال ايله بيلديرلر ايدى .

عروە ، عودت ايدوبده قریش اردوسنه واردقده « اى جماعت ! بن
تقيصر و كسرى و نجاشى ديوانلرېنى كوردم . نيچه حكمداران ايله كوروشدم .
والله ، برينك قومنده محمد اصحابنك ايتديكى حرمت و اطاعتى كوردم .
قولايقله طاغىلاجق بر جمعيت دكلدر « ديهرك مصالحه يى ترويج ايتش .

آنک اوزرینه عرمان احایشک رُئسی اولان حلیس « هله بنده بر
کرمه کیدوب کورهم » دهرک قالقوب اردوی هاپونه کلش . کوزمش که
کعبه به قریان ایدیلک اوزره بر چوق ده وەرلر علامتلمش . اصحاب کرام
(لیتک) دیو جاغریشیور . همان دونوب قریشک یانته کیده رک « بویه
زیارت بیت الله ایچون کلش اولان جاعت ، فصل منع اولنه ییلور ؟ بز ، واقعا
سزکله متفقز . لکن زوآر بیت اللهی منع ایتمک اوزره متعهد دکلز ،
دیویورمش .

بناءً علیه رؤسای قریش دخی چالامسز مصالحه به رضا کوسترمشلر
و عقد صلح ایچون فضحای عربدن مشهور (سہیل ابن عمرو) ی
کونده رمشلر .

سہیل ابن عمرو ، اردوی هاپونه کلوب رسول اکرم ایله کوروشدی
وهان شروط مصالحه مذاکره سنه کیریشدی .

شروط مصالحه نک مذاکره سنده یک چوق مباحثلر واقع اولدی .
نهایت اون سنه مدت ایله عقد مصالحه اولنهرق بو مدت ظرفده
طرفیندن یکدیگره تعرض اولنماسنه قرار ویریلدی و طرف نبویدن همان
اهل اسلامک مکيه کوروبده کعبه یی طواف ایتملری شرطی میدانه
قونولدی .

سہیل ایسه « بو ، شیمدی اولاماز . زیرا مکيه جبراً کیریلش حوادثی
طوائف عرب ایچنه یاییلور و بو جهتله قریشک شان و اعتبارینه خلل کلور .
فقط کله جک سنه اولاییلور » دیمکله سعی و طوافک کله جک سنه به تأخیری
طرف نبویدن دخی قبول بیورولدی .

بعده سہیل ، یک آخر بر شرط درمیان ایتدی . شویله که : « سزدن
بری بزه کلورسه رد ایتمهلم . اما بزدن سزه بر آدم کیدرسه مسلم اولسه بیله
رد ایدمسکنز » دیدی .

اصحاب کرام ، بو سوزدن حدتلدیلر . « هیچ بو اولور شیئی ؟ بزه بر
مسلم کلدیکی حالده آتی مشرک لک انه فصل تسلیم ایدلم ؟ » دیدیلر .

سپیل ایسه بو شرطه موافقت اولندیجه مصالحه یه قرار ویریه میه جکی قطعاً بیان ایتمکله رسول اکرم ، چاره سز بو شرطی دخی قبول ایتدی .
 اصحاب کرام ، بوکا تعجب ایدرک « یارسول الله ! بو شرطی دخی یازدیره جقمیسین ؟ » دیدیلر .

رسول اکرم ، « اوت . بزدن آنلره کیدنلری الله بزدن ایراغ ایتسون . آنلردن بزه کلنلر ایچون دخی جناب حق البته برچاره یارادیره دیو بیوردی .

چونکه : مدینه اطرافنده کی قبائل دخی حج و طواف نیتیه کلش اولسه ییدیلر اردوی هایونده قریشک کوزینی ییلدیراجق مرتبه غلبه ک پیدا اولوردی . لکن آنلر قورقوب برلکده گلداکلرندن عسا کر اسلامیه ، عددجه آز وحج نیتیه جیقمش اولدقلرندن اسباب سفریه جه دخی تدارکنز ایدیلر .

قریش ایسه یرنده قوتلو وادوات حربیه لری مکمل اولدینی حالده جوار مکده بولان قبائلی جمع ایدیویرمش اولدقلرندن اهل اسلامه نسبتله قوتلری قات قات زیاده ایدی .

شوحالده اهل اسلامک تا شهر مککک کنارینه قدر کیدوبده قریشی هیچه صایمالری فوق العاده بر شجاعت و فقط اوپله بر قوی دشمنه قارشو اوراده اوزون اوزادییه طور مق دخی مخاطرله بر کیفیت ایدی .

بناءً علی ذلک ، اهل اسلامه کوره هر نصل اولورسه اولسون قریش ایله بر مصالحه یایق مقتضای عقل و حکمت ایدی .

قالدی که : مکده سوز ، رؤسای قریشده اولمغله ایام محاربه بمتد اولدقجه آحاد ناس دخی سورسیله آنلره تابع اوله برق جنک وجدال ایله مشغول اولور و بو جهته دین اسلامک نشری ایچون طرفیندن پک چوق قان دوکولمک لازم کلور ایدی .

اما مصالحه وقوعنده طرفین ، بربریه سربستهجه کوروشوب رسول اکرمک معجزاتی و حسن اطوار و عاداتی و دین اسلامک ، محسناتی

ايشيدهرك وافراد مسلمينك مظهر اولدينى حريتى كورهرك آحاد مشركينك
كىمى مسلمان اولاجق وكىمى دين اسلامه ميل ايله اهل اسلام حقده
اولان عداوتلىرى آزالاجق واوله حالده رؤساي قريش يالكز قالاجق
ايدى .

قبائل سائره ايسه قريشه باققده اولدقلرندن رؤساي قريشك قوتلرينه
او صورتله ضعف كلدكه آنلر دخى طرف اسلاميه ميل ايده جكلرى
جهتله دين اسلام ، آز وقت ظرفده طبعيله بتون عربستانه يايلاجق
ايدى .

الحاصل آحاد مشركينك اهل اسلام ايله سربستجه اختلاطى ، دين
اسلامك آز وقت ظرفده انتشارينه سبب اولاجق ايدى .

هر وقت عقد مصالحده آرايلاجق شى ايسه كله جكده حاصل اولاجق
فوائددن عبارتدر .

لكن اصحاب كرام ، بورالرينى كركى كې دوشونه مدكلرندن اويله آغر
شرطلرك قبولى ، پك كوجلرينه كيندى .

قالدى كه : رسول اكرم ، مدينه ده ايكن رؤياسنده اصحاب كراميله
برلكده مكبه واروب حج ايتدكلرينى كورمش وعينيله ظهور ايده جكنى
خبر وېرمش ايدى . اصحاب كرام دخى رؤيا همان بو سنه چيقاقق ظن
ايتشلر ايدى . بناء عليه بو كتره مكبه كيروبده كبه يي طواف ايده جكلرنده
هيچ شبهه ايتزلر ايكن اويله آغر شرطلر ايله بر مصالحه ياييلوبده طواف
كېبدن دخى محروم اوله رق كيرو دونمك كندولرينه غايت گران كلدى
و آز قالدى كه بر چوغى دائره اطاعتدن چيقه يازدى .

حتى حضرت عمر ، حضور نبويده « سن اللهك رسولى دكليسين و بزم
دينغز حق دكلى ؟ نيچون بو ذكك وحقارتى قبول ايدبورز ؟ » ديدى .

رسول اكرم دخى « بن اللهك رسولى يم . لكن آكا عاصى اولامام .
اوبنم يارد مجيمدر » ديو جواب وېردى .

بعده حضرت عمر « يا ، سن بيت اللهه واروبده طواف ايده جكسكز

دیدی؟ « دید که رسول اکرم » اوت . دیدم ، اما بو سنه دیدم .
 ینه دیورم که : مکه یه کیروب سی و طواف ایده جکر ، دیو بیوردی .
 الحاصل ، بالاده بیان اولدینی اوزره مواد مصالحه یه قرار ویریلدی
 و حضرت علی ، صلحنامه یی یازمغه مأمور اولدی .
 رسول اکرم « ابتدا بسم الله الرحمن الرحيم یاز » دید که سهیل « بو
 عباره یی طانیام . اوتدنبرو یازیله کلدیکی وجهله (باسمک اللهم) یاز »
 دیدی .

اصحاب کرام ، بوکا مخالفت ایتک ایستدیلر ایسه ده بر نزاع لفظی
 اولوب معاجه اییی کلام بیننده فرق اولمادیغندن رسول اکرم « باسمک
 اللهم یاز » دیو بیوردی وبعده صلح نامه نك عنوانه (محمد رسول الله)
 دیو یازدیردی .

سهیل « اکر یز ، سنک رسول الله اولدینکی تصدیق ایتسیدک سنکله
 محاربه و مجادله ایتمز ایدک . آنک یرینه بابا کک اسمی یاز » دیدی .
 رسول اکرم ، « سز تکذیب ایتسه کزده بن اللهک رسولیم .
 اما باس یوق . یا علی ! آنی بوزده (ابن عبدالله) یاز دیو امر ایتدی .
 حضرت علی « بن ، رسول الله لفظی بوزامام ، دیمکله رسول اکرم ،
 آنی کندی ایله بوزدی و (محمد ابن عبدالله) دیو یازیلدی .

بعده اون سنه مدت ایله عقد مصالحه اولدینی تحریر اولندقدن صکره
 بو سنه اهل اسلام کبه یی طواف ایتمکسزین کیرو دونمک وکله جک سنه
 کلدرک مکه یه کیروب طواف ایتمک ، فقط اوچ کوندن زیاده طورماق
 و اووقت قریش طائفه سی ، مکدن طیشارو چیقماق شرطلری یازیلدی .
 بعده طرف اسلامیان کلتارک ردی ماده سی درج ایدیلدی . فقط بو ماده
 قریشه تخصیص اولنوب قبائل سائر مستتنا طوتولدی .

شویله که : قریشدن ماعدا اولان قبائل ، ایسترلر ایسه عهد و امان محمدي یه
 و ایسترلر ایسه قریشک عهد و امانه داخل اولق اوزره مخیر بر ایلدیلر .
 حال بوکه : بوراسی تصدیق اولدینی کبی همان (خزاعه) قبیله سی

خالقوب عهد و امان محمدی به داخل اولدقلرینی اعلان ایلدیلر ، (بنی بکر) دخی قریشک عهدینه داخل اولدیلر .

صالح نامه ، بر منوال مشروح تمام اولدقدن صکره ذیلنه اشراف چهارین و انصاردن ورؤسای مشرکیندن شاهد اولان کیمسه لرک اسملری تحریر و علاوه ایلیدی و اوصره ده پک آجی بر وقعه ظهوره کلدی .

شویله که سہیلک اوغلی (ابو جندل) اسلام ایله مشرّف اولدیغدن یدری ، آتی باغلا یوب حبس ایتشیدی . نصلسه بو ائشاده قورتولوب فرار ایله زنجیرینی سورویه رک و تکییر کتوره رک اردوی هایونه چیقه کلدی . سہیل ، آتی کورنجه « ایشته » صاخنامه اقتضاسنجه ابتدا سزدن ردّنی ایستیه جکم بودر » دیدی .

برو طرفدن « هنوز شیمیدی مصالحه یه قرار ویریلدی . بو آرمده قاجوب قورتولان مستتاً اولق لازم کلور . بوندن صکره کله جکلر رد اولتور » دینلیدی ایسه ده سہیل ، اگر اوغلی کندوسنه رد و تسلیم اولماز ایسه صاخنامه یی کأن لم یکن حکمنده عد ایده جکفی قطعاً بیان ایتمکله تقض عهده دن اجتناباً اوغلی ابو جندل ، کندوسنه ویریلدی و ابو جندله « صبر ایت . قریباً جناب حق ، سنی بوبلیه دن خلاص ایدر » دیو تسلیت ییورولدی .

ینه بو ائشاده حضرت عثمانک عودتی جیکمش اولدینی حاله قتل اولنش دیو بر سوز ایشیدیلکله رسول اکرم « آرتق محاربه ایتدکجه کیرو دونه میز » دیدی . ایشته او ، وقت (بیعت رضوان) وقوع بولدی . شویله که : رسول اکرم ، بر آفاج آئنده اوطوردی . هب اصحاب کرام کلوب اولتجه یه دک صبر و ثبات ایله اصلاً فرار ایتماک اوزره عقد بیعت ایلدیلر . یالکز (جد ابن قیس) ده وه سنک آرقسنه صاقلاندی و کلوب بیعت ایتدی . رسول اکرم ، ایکی النی بر برینه باغلا یوب حضرت عثمان طرفدن دخی غائبه اجرای رسم بیعت ایلدی .

اهل اسلامک بو بیعتی ، قریشه خوف و دهشت ویردی . همان حضرت

عثماني اردوی ہایونہ کوندردیلر بروطرفدن دخی سپیل کیتدی ومصلحہینی
اعلان ایتدی . دیدی قودی دخی یتدی .

رسول اکرم ، قربانلق دهمومسنی کسدی وباشنی تراش ایتدی . آنک
اوزرینه اصحاب کرام دخی قربانلرینی کسدیلر و کیمی باشلرینی تراش
ایتدیلر و کیمی صاچلرینی کسدیلر .

اکرچه درون مکبہ کیروبده سسی و طواف ایدهمدکری ایچون
مخزون اولدیلر . آنجق او ائشاده بروزکار اسوب آنلرک صاچلرینی حرم
شریفه کوتورمکله متسلی و نمون اولدیلر .

هجرتدن مقدم فرس دولتی ، روما دولته غلبه ایدهمدک انطاکیه و شام
و قدس شریف طرفلرنده دین نصار ایی قالدیروبده مشرککری بر نوعی
اولان مجوس آیینی یورومتکه تشبث ایتشیدی . روم طائفهسی ایسه نصارا
دیتنده اولوب نصارا دخی اهل کتاب اولق حسیله اهل اسلامه یقین
اولدیغندن مشرکین قریش ، فرسک رومه غلبه سنی ایشتدکری . کچی نمون
اولهرق اهل اسلامه « بزم اخوانمز ، سزک اخوانکزه غلبه ایتمش . البته
یزده سزمه غالب کلوروز ، دیملریله اهل اسلام مکدر اولمشیدی . آنک
اوزرینه (الم غلبت الروم) سورهمسی نازل اولهرق اون سنهیه وارمادن
رومک فرسه غلبه ایدهمدکی تبشیر بیورلغله ابوبکر الصدیق رضی الله تعالی
عنه حضرتلری ، او وقت مشرکین قریشه ، او قدر سونیمیکرز . اون سنهیه
وارماز روم ، فرسه غلبه ایدهمدکدر ، دیدکده (ابی ابن خلف) آنی
تکذیب ایدهمدک . کل سنگله بحث ایدهم ، دیوب حضرت ابوبکر دخی
موافقت ایتمکله طقوز سنه ظرفده روم غلبه ایدرایسه ابی بن خلف ،
آکا یوز دهوه ویرمک و غلبه ایتمز ایسه حضرت ابوبکر ، آکا یوز دهوه
ویرمک اوزده بحث ایتشلر ایدی .

اشبو حدییه سفری ائشاننده رومک فرسه کرکی کچی غلبه سی شایع
اولدی . ابی ابن خلف ایسه احد غزاشنده رسول اکرمک بر ضربه سیله
برملتوب تلف اولمش ایدوکندن حضرت ابوبکر ، او دهوه لری ابی ابن

خلفك ورثه سندن ایستدی، آنلر دخی ویردی. حضرت ابوبکر، ده وه لری
آلوب رسول اکرمه کتوردی. او دخی « آنلری فقرايه تصدق ایله »
دیو بیوردی.

بناءً علی ذلک حضرت صدیق ، بویوز دوه یی تصدق ایدره رك فقرای
مسلمینی طویوردی . بو صرده رومك فرسه غلبه سی حوادثك شیوعی
جمله مؤمنینه فرح ویردی .

رسول اکرمك حدیه ده اقامتی ، یکریمی کون قدر اولوب یوقاروده
بیان ایتدیکمز وجهله قربانلری کسدکن صکره اصحاب کرامیله برابر
مدینه یه عودت بیوردیلر .

اگرچه کعبه یی طواف ایتمکسزین کپرو دوندکلرندن طولای مکدر
ایدیلر . آنجق اثنای راهده قریباً بیوک فتوحاته مظهر اولاجقلرینه دائر
سوره فتح نازل اولغله نمون اولدیلر و آتی تلاوت ایدرك سلامت ایله
مدینه یه وصول بولدیلر .

آرهدن چوق وقت کچمدی (أَبُوبَصِيرٌ قَهْقَى) نام ذات ، مکده اسلام
ایله مشرف اولدی وهان قریشك ایچندن صاووشوب مدینه منوره یه
کلدی .

آرقه سندن اوچ کون صکره آتی ایستمک اوزره قریشك طرفدن
ایکی مأمور کلوب معاهده مقتضاسنجه آتی رسول اکرمدن ایستدیلر .
رسول اکرم دخی ویرمهک مجبور اولدی .

ابو بصیر ، هرنه قدر « بن ، کندیمی هنوز چرکاب شرکدن
تطهیر ایتمشکن مشرکینک ایچنه نصل واره بیلورم؟ » دیو فریاد ایلدی ایسه ده
ویریلسه قرض عهد ایدیلک لازم کله جکندن رسول اکرم « یا ابابصیر ! بز
عهدمزی بوزمايز . آرتق سن ده براز صبر و ثبات ایت . جناب حق ،
الته سکا و سنک کبی مشرکین ایچنده قالان اهل اسلامه بر طریق نجات
کوستریر ، دهرک چاره سز آتی او مأمورلره تسلیم ایلدی .

مدینه منوره دن چیقوب (ذوالحلیفه) نام محله واردقلرنده اوتوروب

خرما يرلر ايكن ابوبصير، آنلردن برينك قليجنه « باقعيم نصلدر؟ » ديهرك
قينندن چيقارمش و همان آنى اوروب اولدورمش .

ديكر آرقداشى، قاچوب قورتولارق مدينه منوره يه كلوب رسول اكرم
ابوبصيردن شكاييت ايتدى .

متعاقباً ابوبصيردخى كلوب حضور نبوى به كيردى « يارسول الله ! سن ،
بنى آنلره تسليم ايله عهدكى ايفا ايتمش اولدك . اما شيمدى بنى جناب حق
خلاص ايلدى » ديهرك مدينه منوره ده قالمق ايستدى .

حال بوكه : هر نه وقت قریش طرفندن طلب اولنسه معاهده اقتضاسنج
ويرنلك لازم كله چكندن رسول اكرم ، آنى مدينه ده آليقومادى و « چيق
ايستديك يره كيت » ديوت كندوسنه رخصت ويريلدى .

ابوبصير دخى مدينه دن چيقوب ساحل دريا طرفه كيتدى و مكدن
شامه كيدن يول اوزرنده (عيص) نام موقعى طوتدى .

دائماً مكدن شامه كيدن مشركينه تعرض ايلردى . مكده غنى اولان
اهل اسلام ، آنى ايشيتدكلرى كې همان طاقم طاقم چيقوب ابوبصيرك ياتنه
طويلانديلر و آز وقت ظرفنده يتمش نفره بالغ اولديلر و قریش طائفه سنك
شام يولنى كسديلر .

مكدن هر نه وقت يولجى چيقسه ايريشوب طوتارلر و مالى يغما ايدرلر
ايدى . ابوبصير، معيتمده كى جماعته امام اولوب نماز قىلارلردى .

فقط ابوجندل ابن سهيل دخى بر آرائى پدريتك قيد و بندندن قورتولوب
فرار ايله ابوبصيرك ياتنه كلدى و آندن سكره او جماعته ابوجندل ، امامت
ايدر اولدى .

ابوجندلڭ خروجى اطرافده ايشيديلديكى كې (غفار) و (اسلم) و
(جهينه) قيله لرندن و قبائل سائرهدن اسلام ايله مشرف اولان بر چوق
كيمسهر ، آنك ياتنه كلوب او جماعته قاتيلديلر و آز وقت ظرفنده اوچيوز
نفره بالغ اولديلر .

مكه نك شام يوللارنى بتون بتون كسىدیلر . قريش ايسه تجارت ايله كچينور بر طائفه اولديقتن بك زياده صيقلدیلر .

هان رسول اكرمه ايلچي كوندروب او جماعتى مدينه يه جاب ايتك اوزره قريشدن مدينه يه وارائلك ردينه دائر اولان شرطك مصالحه نامه دن طى اولنمى و بوندن صكره قريشدن هر كيم مدينه يه كيدرسه رد اولنماسى خصوصى رجا ايتدیلر .

آنك اوزرينه رسول اكرم دنخى ابوبصير ايله يولداشلارنى دعوت ايجون ابوبصيره مکتوب كوندردى .

ابوبصير ، او ائنده آغير خسته اولوب مکتوب هايونك كنديسنه وصولنده صوك نفسه كلشيدى ، مکتوبى اله آلوب يوزينه و كوزينه سوره رك تسليم روح ايلدى . رضی الله تعالى عنه

ابوجندل ، آنى اوراده دفن ايتدكدن صكره او جماعتى آلوب مدينه يه كلدى و آندن صكره هر طرفدن اسلام ايله مشرف اولوب كلنلر چوغالدى .





فدیج خیبر

خیبر، مدینه نك شام جهتنده و مدینه به درت قوناقلق بر محلهه كائن بر
بيوك شهر ایدی . اطرافنده متعدد قلعه لر و بك چوق خرمالقلار و مزرعه لر
وار ایدی .

یوقاروده بیان ایتدیكمز وجهله جوار مدینه ده متوطن اولان یهودیلر
کیمی نفی واجلاء کیمی قتل و اعدام اولمغله بقیه سنك چوغی خیبرده اجتاغ
ایتمش لر ایدی .

حتی بنی نصریک رئیس اولان (حی ابن اخطب) (آل حقیق) كذاذی قیمت
اشیاسنی كتوروب خیبرده برکیزی یرده دفن ایتمشیدی .

عربك الكبيوك تجارتی شام ایله اولدینی حالد شام یولی اوزرنده یهودیلر
ایله طویلانوبده قوت پیدا ایتملری اهل اسلام حقنده مضر ایدی .

لكن اهل اسلامك قریش مکه طرفندن دائماً شبه و وسوسه سی اولدینی
جهتله شام طرفی دوشونمكه وقتلری مساعد دكل ایدی . مؤخرأ حدیبیه ده
قریش ایله عقد مصالحه اولمغله آرتق شام جهتنی دوشونمكه فرصت الوردی .
بناءً علیه رسول اکرم ، حدیبیه دن عوت ایله یکریمی کون قدر مدینه ده
اقامتدن سکره هجرتك یدنجی سنه سی محرمی خلالتده بیک درتیوز پیاده
وایکیوز سواری ایله مدینه دن چیقوب خیبر طرفنه عزیمت بیوردی .

برکون صباخلین ابرکندن خیره واردی و قلعه لرینی محاصره ایتدی .
مدت محاصره ، اون کوندن زیاده سوردی .

(دوس) قبیله سی رئیس اولان (طفیل ابن عمرو دوسی) رضی الله
تعالی عنه حضرتلری که هجرتدن مقدم مکه به واروب اسلام ایله مشرف

اولش واوو قندنبرو قیله سی خلقی ایمانه کتورمکه چالیشوب چالامقده بولنش ایدی . بوگره درتوز آدمی ایله مدینه یه کلوب رسول اکرمک خیر غزاسنه چیقدیغی خبر آلتجه اردوی هایونه کلدی وبو شانلی محاربه ده بولدی .

ینه بوآننده اشبو دوس قیله سندن مشهور (أَبُوهُرَیْرَه) رضی الله تعالی عنه حضرتلری دخی کلوب اصحاب صفه یه ملحق اولدی .

آندن صکره فخرعالم حضرتلرینک یانندن ایرلیوب قوه حافظه سی دخی متین اولدیغندن پک چوق حدیث شریف روایت ایتمشدر .

کندوسندن مرویدرکه : « بندن زیاده حدیث بیلن یالکز عبدالله ابن عمردر . او ، ایشیتدیکنی یازاردی ، بن یازمازدم ، دیر ایمش . بز ، ینه صده کلهلم :

اشبو خیر محاربه لرنده اهل اسلامدن اون بش نفری شهید اولدی . یهودیلردن ایسه طقسان اوچ نفری قتل اولندی .

بومحاربه ده حضرت علیدن فوق العاده آثار قوت وشجاعت کورولدی . حتی بر قلعه قپوسنی قوپاروب قالقان کبی قوللاندی . نهایت خیر قلعه لری برر برر آ لیندی . پک چوق اموال و اشیا اله یکیریلدی و آل حقیقک بالاده مذکور اولان دینه سی بولدی . یالکز بو دینه دن چیقان اوانی و حلیاتک قیمتی اون بیک آلتون تخمین قیلندی .

اواننده خیر یهودیلری طرفدن رسول اکرمه قیزارتیلش بر قویون اهدا و تقدیم اولندقدنه بعض اصحاب کرام ایله آنی پیک اوزره سفریه اوطوردی . بر پارچه سنی بر آز چیکنه دکدن صکره آغزندن جیقاروب آندی و « ال چکیگزکه بو قویون زهرلی اولدیغی بکا خیر ویریور ، دیو بیوردی . لکن (برآه ابن معرور) ک اوغلی (بشر) برلقمه یوتمشیدی .

رسول اکرم ، اوزهرلی آتی بر آز آغزنده چیکه مکله مبارک وجودینه بر مقدار تأثیری اولمشیدی . درعقب مداوا نه قیام ایله ایکی کوره کی آره سندن

هجمات اينديردى وزهرهك تأثيراتى صاوشدى . اما بشر ، بك آغر خسته دوشدى .

او قويونى تسميم ايدن (سَلامُ ابنِ مِشْكَم) ك زوجەسى (زينب بنت الحارث) اولمغله حضور نبوى به كتورلدى و د بو خيانتە نصل جراث ايتدك ، ديو سورولدى .

زينب دخى ، اكر حق پيغمبر ايسهك كار ايتز و اكر يلانجى ايسهك الكدن قورتولش اولورز ديو بو ايشه جسارت ايتدم . شمدى حق پيغمبر اولدينگى آكلامد و سكا ايمان ايلدم ، ديو جواب ويردى . رسول اكرم دخى آنى صاليويردى .

لكن متعاقباً بشر ، وفات ايدنجە آنك وارثلىرى معرفيله زينب دخى قصاصاً قتل و اعدام ايديلدى .

خير اراضيسى ، بيت المال ايجون ضبط اولتدى و نسوان و صبيان اسير ايديلدى . باقى اهالىسى دخى يارمچيلرله يرلرنده براغيلديلر و عمر الفاروق رضى الله تعالى عنه حضرتلرينك ايام خلافتنده عموماً يهوديلر ، او حواليدن نفى و اجلا اولتدقلىر و قته قدر خيرده قالديلر .

مدينه يە ايكي قوناق مسافەسى اولان (قَدَك) نام قريه اهالىسى ، خيرك فتح اولنديغى ايشيتدكلىرى كچي خوف و خشيتە دوشەرك اراضيلرى رسول اكرمك اولقى اوزره يارمچيلقله يرلرنده اها اولملىرىنى استدا ايلدكلىرىن او وجهله آنر دخى وطنلرنده اها بيورلديلر .

خير اسيرلىرى ايجنده حبيّ ابن اخطبك قيزى (صَفِيّه) دخى وارايدى كه رؤساء يهوددن (ربيع ابن حقيق) ك اوغلى (كنانه) هنوز آنى تزوج ايتمش اولدينى حالده بوكرّم خيرده مقتول اولمغله صفيه ، بكي كلين اولدينى حالده طول قالمشيدى .

صفيه ايسه فوق العاده كوزل اولديغندن اسيرلرك تقسيمنده هر كيمك حصه سنه دوشه ديكرلرينك كوكلى قالاچق ايدى .

بناءً علیہ رسول اکرمؐ، هیچ کیسه‌نك خاطری قلامق اوزره صفیه‌نی کندوسی ایچون سچوب آردی .

لکن جاریه اولدینی حالمی قالاچق ، یوقسه امهات مؤمنین اولان زوجات مطهرات صره‌سنه‌می قونولاچق؟ بوراسی اصحاب کرامك معلومی اولدیغندن حجاب و پرده آرقه‌سنه آلتجقمی؟ دیو منتظر اولدیلر .

چونكه: حضرت پیغمبرك زوجهلرینی اصحاب کرامؓ، هپ‌کندی آنالری مقامنده طوناردلردی . قارلرك یانجی ارکكلره کورونعلری مقدا حرام قیلنمش ایسه‌ده بوکیفیت ، حرّه اولان خاتونلره مخصوص ایدی . جاریه‌لره کوره تستر واجب اولوب آنلر آچیق کزدرلردی .

متعاقباً رسول اکرمؐ ، صفیه‌نی حجاب و پرده آرقه‌سنه آلتجه امهات مؤمنین صره‌سنه کچه‌جکی آکلاشیلدی و چوق کچمیوب رسول اکرمؐ، آنی تروج بیوردی .

رسول اکرمؐ ، خیردن عودت ایتدکده (وادی القری) ناحیه‌سنه کیتدی و اوراده‌کی یهودیلری دینه دعوت ایتدی .

یهودیلر، ایمانه کلیوب قارشو طور دیلر . ایچلرندن بری طیشار و اوغرایوب اردیله‌دی . زیر رضی‌الله تعالی‌عنه حضرتلری ، آنی قتل ایتدکدن صکره دیگر بری سچقدی . حضرت زیر آنی دخی اعدام ایلدی .

بمده پیسدرپی مبارزه‌یه چیقان یهودیلرك برینی حضرت علی کرم‌الله وجهه و ایکیسنی ابودجانه رضی‌الله تعالی‌عنه حضرتلری اولدوردی . بو صورتله یهودیلرك اون بر نقری اعدام قیلندی .

بمده یورویش ایله وادی القری ، ضبط ایدیلوب ایچنده بولسان اموال و اشیا، غزانه تقسیم و اهالیسی خیبر لیلر کبی چقجی اولق اوزره برلرنده ابقا اولندی .

بونك اوزرینه مدینه منوره‌یه‌یدی ، سکز قوناق مسافده و مدینه ایله شام آرمسند بولان (تبّا) بلده‌سی اهالیسی دخی جزیه و یرمك اوزره اطاعت ایلدیلر .

الحاصل اطراف وجوارده بولتان قبائل و عشائر ، سطوت اسلامیہ دن اور کوب برر برد عرض اقیادہ باشلادیلر و مدینہ منورہ پہ عودت بیورلدقدن صکرہ آردہ صرہ اطرافہ فرقلر کوندریلور و هر طرفده سطوت اسلامیہ کوستریلور اولدی .

بناءً علیہ آذ وقت ظرفنده ملت اسلامیہ ، پک بیوک قوت قازانوب بوندن ایکی سنہ صکرہ قولایقله مکته فتحه مقتدر اولمشدر .

بوفتوحات ایسه هپ حدییہ مصالحه سنک محسناتنددر . زیرا اگر قریش ایله مصالحه اولنماش و او طرفدن اهل اسلام امین و مطمئن بولنماش اولایدی ، برو طرفک ایشلرینه بویله سربستجه باقیلامازدی .

بوسیدن ناشی اومصالحه نك شروطنی مضر کوروبده اعتراض ایله یلر ، صکره پشیمان اوله رق توبه و استغفار ایتمشدر .

ینه بوسنه دیار یمنده متوطن اولان (اشعری) قیله سندن برچوق کیمسلر (ابوموسی الاشعری) ایله برلکده مدینہ منورہ پہ کلدیلر و اسلام ایله مشرف اولدیلر .





سفراء پیغمبری

حذیبہ دن عودت بیورلدقدن صکرہ کافہ انس وجنہ مبعوث اولان خاتم الانبیا حضرت تری طرفدن دین اسلامه دعوت ایچون ملوک اطرافه کوندرملک اوزره یدی سنہ ہجری سی محرّمندہ الی قطعہ نامہ هایون یازیلدی وعندالملوک مهره اعتباراولنه کلمسیله کوموشدن بر مهر یاپدیریلدی، اوزره بنه (محمد رسول الله) دیو حک ایندیریلدی واو نامه لره باصیلدی . هرنامه بی کوتورمک ایچون برر ایلمچی تمین وارسال بیوریلدی .

شویله که : نجاشی ، یعنی سلطان حبش اولان (اَحْمَدُ بْنُ بَحْر) •
(عمرو ابن امیة الضمری) و مصر حکمداری اولان (مَقْوِس) •
(خاظم ابن بلتمه) و قیصر روم اولان (هرقل) • (دَجِیةُ ابن خلیفه)
و (بلقا) ملکی اولان (حارث ابن ابی شمر غسانی) • (شجاع ابن وهب اسدی) و دیار نجدده بنی حنیفه دن یمامه ملکی اولان (هَوَذه ابن علی) •
(سَلِطُ ابن عمرو عامری) و کسرای عجم اولان (خسرو پرویز) •
(عبدالله ابن خُذَافَة سحی) کونده دلدی.

حبشستانده کی مهاجرین اسلامی ایسته مک و (امّ حبیبه) رضی الله تعالی عنها حضرت تری، رسول اکرمه نکاح ایملک دخی عمرو ابن امیة نک مأموریتی اقتضاسدن ایدی .

چونکه : امّ حبیبه رضی الله تعالی عنها ، رئیس قریش اولان ابوسفیانک قیزی اولوب مقدما زوجی (عُبَیْدُالله ابن جَحْش) ایله برابر مکدن حبشه

هجرت ایلش اولدینی حالدہ مؤخرأ عیدالله ، نصارا دینہ کیروب امّ حبیبہ ایسہ دیندہ نبات ایدہ رک آندن آیریلش و عرب خاتونلری کفونی بولمادقجه ازدواجی قبول ایتیموب بویله اصیلزاده بر خاتونک اویله دیارغریبته دینداشلرندن کفونی بولق دخی مشکل اولدیغندن ییچاره امّ حبیبه پک کوچ بر حالدہ قالمش ایدی .

بویله دین مین اوغورنده وطنندن دور واقربا و تعلقاتندن مهجور اوله رق بی کس قالان اصیلزاده بر خاتونک تلطیفی ایسه الزم اولدیغندن رسول اکرم ، آنی تزوجه طالب و راغب اولمش ایدی .

نجاشی ، عمرو ابن امیّه رضی الله تعالی عنه حضرتلرینه لایق و جهله اکرام و احترام ایتیش و مهاجریندن ، رسول اکرمک عمزاده سی اولان (جعفر ابن ابی طالب) رضی الله تعالی عنه حضرتلرینک حضورنده اسلام ایله مشرف اولمش و امّ حبیبه یی رسول اکرمه نکاح ایتدیرمش و آنلر ایله برابر سائر مهاجرین اسلامی ایکی کمی یه بئندیروب عربستان طرفته کوندرمش ایدی .

رسول اکرم ، خیر غزا سنده ایکن آنلر مدینه یه کلدیله و رسول اکرم ، خیردن عودتنده آنلرله کوروشوب فوق العاده ممنون اولدی . حتی و بیلیم بو ایکی شینک قنغیسیله فرح لانایم ؟ فتح خیرله می ، یوقسه قدوم جعفرله می ؟ ، دیو بیوردی .

بو صورتله امّ حبیبه ، سائر امّهات مؤمنین صرهمنه کچدی و رسول اکرم ایله رئیس اعداسی اولان ابو سفیان ییتنده قرابت صهریه پیدا اولدی .

مقوقس دخی خطب ابن بلتمه رضی الله تعالی عنه حضرتلرینه اکرام و احترام ایتیش و رسول اکرمه هدیه اولق اوزره دوت جاریه و (دُلُل) دیو معروف و مشهور اولان بیاض بر استر ایله (یَعْفُور) نامنده بر حار کوندرمش ایدی .

او جاريه لردن بري (ماريه) رضي الله تعالى عنادرکه رسول اکرمک
آندن (ابراهيم) نامنده بر اوغلي دنيايه کلدی .

قيصر روم دخي نامه هايوني تعظيم ايله اله آلوب يوزينه سورمش
و (دجيه) يه پک زياده احترام ايدوب بر چوق هديه لر دخي ويرمش در .
چونکه : قيصر روم ايله کسري بيننده برمدتدنبرو محاربات شديد
وقوعه کلوب مقدمه کسري، غلبه ايدرك سوريه قطعه سني ضبط ايلش وبتون
عربستاني بنه مش ایدی . اهل فرس ايسه مشرك اولديقتدن على العموم
اهل کتابك دشمنی ایدی و روم طائفه سی اهل کتاب اولان نصارا ديتده
اولوب اهل اسلامه آليشقين ملت ايسه نصارا طائفه سی ایدی . بناء على ذلك
يوقاروده بيان ايتديکمز وجهه اهل فرسک روملره غلبه سندن طولايي
مشركين قریش ، منون و اهل اسلام محزون اولمشیدی . مؤخرأ روملرک
اهل فرسه غلبه سی خبری ، حدييه ده ايکن ايشيديلديکی کبي اهل اسلام
فرح بولمشیدی . بو ائاده ايسه قيصر روم ، قدس شريفه کلوب او طرفک
اصلاح احواليه مشغول اوله رق او حوالی اهاليسنی تلطيف وتأليف ايتک
ايستردی . ايشته بوسرمده دجيه ، کيدوب کندوسنه نامه هايوني تسليم
ايلش اولديقتدن پک زياده التفات و احترام قيصری يه مظهر اولمشدر .

ملوك غسان ، في الاصل يمتدن بو طرفلره مهاجرت ايدن طوائف عربدن
اولوب پک چوق و قتلردنبرو بو حوالیده حکومت ایده کلشدردر . فقط
بونلر ، قيصر رومه تابع اوله رق آنک طرفدن شام جهتمده کی عربان اوزرينه
مأمور ايديلر .

شوحاله نظرأ (حارث ابن ابی شمر غسانی) قيصرک برواليسي حکمنده
ایدی . حال بوکه شجاع اسدی رضي الله تعالى عنه حضرتلری ، کيدوب آکا
رسول اکرمک نامه سنی ورددکه او قويوب يره آتمش و « ايشته بن ، آنک
اوزرينه وار يورم » دهرک بد معامله ايتش و قيصره مکتوب کونده روب
عسکريله مدینه يه هجوم ايتک اوزره استيدان ايلش ايسده قيصر ، آکا رخصت
ويرماش ایدی .

شجاع اسدی ، مدینه منوره یه کلوب حارثک اویله بد معامله سنی افاده ایتدکده رسول اکرم ، حارثه «ملکی زائل اولسون» دیو بد دعا ایتدی . چوق کچمیوب حارث ، کفر اوزره وفات ایدرک جاتی جهنمه ایصار لایوب کتدی .

یمامه ملکی (هَوَہ) دخی نصارا دینده اولدینی حالده سلیط عامری . رضی الله تعالی عنه حضرتلری ، واروب آکا رسول اکرمک نامه سنی ویردکده «اکر بنی کندیسنه ولی عهد ایدرسه مسلمان اولورم و آکا یاردیم ایدرم والا آنکله جنک ایلرم» دیمش اولدیندن رسول اکرم «یارب ! سن آنک حقندن تل» دیو بیوردی . آره سی چوق کچمیوب هوزده دخی کافر اولدینی حالده وفات ایلشدر .

هوزده طرفندن مدینه یه کوندولش اولان (رحال) نام کسنه مسلمان اولوب ایجه قرآن کرم دخی تعلّم ایلش ایکن یمامه یه عودتنده مرید اوله رق کویا «رسول اکرم ، مسیلمة الکذاب نبوتده کندیسنه شریک ایتدی» دیو نام مقول بر یالان سولشدر .

عبدالله ابن حذافه رضی الله تعالی عنه حضرتلری دخی پای تحت کسرایه واروب رسول اکرمک نامه سنی تسلیم ایتدکده خسرو پرویز ، حدتله رک نامه هایونی یرتوب پاره پاره ایلش اولدیندن رسول اکرم «الله ، آنک ملک و دولتی پاره لسون» دیو پرویزه بد دعا ایلدی .

پرویز ، کندو طرفندن یمده والی بولتان و آل ساساندن اولان (بازان) . خبر کونده روب «شو حجاز طرفده دعوی نبوت ایدن آدمی بکا کونده» دیو امر ایلش اولدیندن بازان دخی رسول اکرمه «هان کسرائک یانه وارمه سین» دیو مکتوب یازوب ایکی مأمورایله مدینه یه کونده رمکله مأمورلر کلوب حضور نبوی به کیردیلر و بازانک مکتوبی ویردیلر و «هان کسرائک یانه کیدر ایشهک بازان دخی سنک ایچون کسرایه شفاعتنامه یازار و اکر ابا ایدر ایشهک سنی تلف ایدر» دیدیلر . رسول اکرم دخی «یارین جواب ویررم» دیو آنلری حضورندن چیقاردی .

متعاقباً رسول اکرمه وحی الہی کلدی. طرف الہیدن پرویزه، اوغلی (شیرویه) مسلط اوله رق اوکیجه آنی اولدورمش اولدینی خبر ویریلدی. رسول اکرم دخی اومأمورلری چاغردی، کیفیتی آنلره خبر ویردی و «بنم شریتم یقینه دولت کسرانک ایریشدیکی یرلره ایریشه جکدر. باذانه سوبله یگ ایمانه کلسون» دیو بیوردی.

اومأمورلر دونوب صنایه وارمشلر و کیفیتی باذانه خبر ویرمشلر. بر قاج کون مرورنده شیرویه طرفدن پدرینک اعدام اولدیفنه دائر و حضرت پیغمبره تعرض اولنماسنی مشعر باذانه فرماننامه کلنجه حساب ایتدیلر. کوردیلرکه :

پرویزک قلی، رسول اکرمک خبر ویردیکی کونک کیجه سنه تصادف ایدیور. بو معجزه یی کوردونجه کرک باذان و کرک اهل فارسدن آنک معیتده بولتان کسان، هپ ایمانه کلدیلر.

رسول اکرم دخی باذانی صنعا والیسی نصب ایتدی. ایشته حضرت پیغمبرک ابتدا نصب ایتدیکی والی بودر و ملوک عجمدن ابتدا ایمانه کلن دخی اودر.





عُمَرَةُ پیغمبری

اشبو یدنجی سنه هجریه ذی القعدة سنک اوائلنده (عمره) ، یعنی سہی
وطواف کعبہ نیتیلہ رسول اکرم ، مدینہ منورہ دن جیقدی و قربانلق آلتیش
دہوہ کوتوردی و یدکدہ یوز آت وار ایدی .

صیان ونسواندن باشقہ اولارق ایکی بیک نفر اصحاب کرام دخی
برابر ایدی .

مکبہ یاقلاشدقلرنده قریش طائفہسی ، مکدن جیقوب اوزاقدن
رسول اکرمک قدومنی تاماشا ایلدیلر .

رسول اکرم ، دہوہ اوزہرندہ اولوب اصحاب کرامی اطرافنی احاطہ
ایتیش اولدقلری حالہ (عبدالله ابن رواحہ) رضی اللہ تعالی عنہ ، رسول
اکرمک اوکنده یورور والہی طرزندہ کوزل اشعار اوکور ایدی .

عبدالله ابن رواحہ حضرتلری ، خزرج قبیلہسندن وعقبہدہ بیعت
ایدوب بدر غزاسندہ بولنان انصار کرامدن وشعرا بنامدن اولوب دائمًا
کفارک دین باطللرینی ذم وقدح یولندہ اشعار سویلردی .

بوکرہ دخی رسول اکرمک اوکنده اودرلو اشعار سویلیوب کیدردی .
بوصورتلہ مکہ مکرمہ یه کیردیلر . همان رسول اکرم بیت اللہی طواف

و (صفا) ایلہ (مروہ) یینندہ سی ایتدی .

اصحاب کرام دخی کذلک طواف وسی ایتدیلر و زیارت کعبہ معظمہ
احکامنی یرینہ کوتوردیلر .

رسول اکرمک حدییہ وقعہسندن اولجہ کورمش اولدینی رؤیا ،
ایشتہ بوکرہ عینیلہ جیقدی وعقی عباس ، بوکرہ کندی زوجہسی

(ام الفضل) ك قیز قرنداشی اولان (میمونه بنت حارث) ی رسول اکرمه نکاح ایتدیردی .

رسول اکرم ، اوچ کون مکه مکرمده اقامتدن صکره چیقوب اصحاب کرامیله برابر مدینه یه عودت بیوردی ،

هجرة مكسكنسجى سنهسى

(خالد ابن الوليد) و (عثمان ابن ابى طلحه) و (عمرو ابن العاص) اشبو سکنسجى سنه هجریه تک صفرنده مدینه منوره یه کلوب اسلام ایله مشرف اولدیلر .

خالد ابن الوليد ، بنی مخزومک اشراقدن اولوب قریشک سواری باشبونى مقامنده ایدی و فن حرب کندوسنه داد حق بر کیفیت ایدی احد غزاسنده قریش طافهسى مغلوب اولمشیکن غالب کللرینه او، سبب اولمشیدی . اسلام ایله مشرف اولدقندن صکره دین اسلامه یک بیوک خدمتار ایتشدیر .

عثمان ابن ابی طلحه دخی عبدالدار اوغوللرندن اولوب کعبه معظمه تک یرده دارى ایدی و مفتاح کعبه آنلرک الله ایدی .

عمرو ابن العاص ، بنی حمک اشراقدن و دهات عربدن، یعنی عربک جن فکلولرندن عاقل و حکیم برذات اولوب مشکل ایشلرک حل و تسویه سنده جانندی یوق ایدی .

اشراف قریشدن بویه اوچ بیوک ذاتک برلکده کلوب ایمان ایتلری اهل اسلامه باعث ممنونیت اولدی .

بو اوانده دخی مدینه منوره دن طاقم عسا کر اسلامیه چیقهرق اطرافده راست کلدکلری کروه مشرکینی اوروب غارت ایتمکده وکاه غالب وکاه مغلوب اولوب مع مافیه آره صره مدینه یه اموال غنائم کتورلمکده ایدی .





محاربه موته

(موته) شام ديارنده (كرك) بلده سنك حانب قېلىسندە (بَلَقَا) يە تابع بر یردر .
سكزنجی سنه هجریه تك جادی الاولاسنده اوراده بر بیوك محاربه وقوع بولشدر .
اهل اسلامك عساكر روم ايله اڭ اول وقوعه كلن محاربه سی بو وقعه در .

سېی بودرکه : رسول اکرم (حارث ابن عُمیر آزدی) رضی الله تعالی عنه حضرتلرنی نامه هایون ايله بصری والیسنه کونده رمشیدی .
حارث رضی الله تعالی عنه موته یه واصل اولدقده قیصر رومك امراسندن (شَرَحِبِل ابن عمرو النّسانی) آتی رسول اکرمك ایلچیسى اولدیغی اوکره تمش اولدیغی حالده قتل ایتشیدی و آندن بشقه رسول اکرمك هیچ بر ایلچیسى قتل اولنماشیدی .

رسول اکرم ، ایلچیسنك قتل اولندیغنه مطلع اولدقده پك زیاده متأثر اولدی وهان کندی آزادلوسی اولان (زید ابن حارثه) رضی الله تعالی عنه حضرتلرنی امیرالجیش ، یعنی سرعسكر نصب ایدرک لواء شریفی الیه وردی . اوچ بیک عساكر اسلامیه ايله آتی مدینه دن چیقاردی وبالذات فخر عالم حضرتلری ، خارج مدینه ده (ثَبَّةُ الْوداع) نام محله قدر چیقوب آنلری کچوردی .

» زید ابن حارثه ، شهید اولورسه یرینه جعفر ابن ابی طالب واودخی

شهید اولورسه عبدالله ابن رواحه کچسون . او دخی شهید اولورایسه اهل اسلام، ایچلرندن برینی اتخاب ایٲسون، دیو بیوردی .

شرحیل ، اردوی اسلامک حرکتی ایشندیکی کچی برادری (سدوس ابن عمرو) ایله ایلرویه بر مقداری سواری سوق ایتمکله برابر کلیتلو عسکر جعنه تشبث ایتمش وجانب قیصریدن دخی استمداد ایلمش ایدی .

بناءً علیه اهل اسلامه قارشو کلک اوزره دیارشامده بولنان روم عسکرله قیصره تابع اولان عربلردن مرکب غایت جسیم بر اردو تشکیل اولنمشیدی . سدوس ابن عمرو، زیاده سرعت ایله حرکت ایدرک وادی القراده عساکر اسلامیه قارشو کلدی . لکن جنکه کیرشدکده عسکری بوزولدی وکندوسی مقتول اولدی .

عساکر اسلامیه آندن قالقوب (معان) . واردقلرنده یوزبیک نفردن زیاده مکمل بر روم اردوسنک حرکت ایلمش اولدینی ایشیدیلدی ورؤسای عسکره طورغونلق کلدی .

ایکی کون معانده اقامت ایتمدیلر وه کیفیتی رسول اکرمه یازلمده کله جک جوابه منتظر اولالم، دیدیلر .

لکن عبدالله ابن رواحه رضی الله عنه حضرتلری، دیگرلرینی تشجیع و تشویق ایتمکله همان متوکلاً علی الله ایلرو یوریدیلر .

(موته) نام محله واصل اولدقلرنده دشمن عسکری کلوب کوروندی . کرک عددجه وکرک آلات و ادوات حربیه جه او قدر جسیم ومکمل بر اردو ایدی که اوج بیک عسکرله آکا قارشو وارمق بمکن دکل ایدی . لکن کیرو چکیلوبده یاقهینی قورتارمق دخی مشکل ایدی .

همان زید ابن حارثه رضی الله تعالی عنه حضرتلری، سنجانی انه آلوب میدان حربیه کیردی . اهل اسلام دخی آنک اطراقده صف باغلا یوب طوردی .

زید رضی الله عنه، مزراق ایله اوریلوب شهید اولنجه سنجانی، جعفر ابن ابی طالب رضی الله تعالی عنه حضرتلری، طوتدی اودخی پک چوق

برندن يارالادی . لکن اصلا فتور کتورمیوب یرنده ثبات ایتدی . حتی صاغ الی کسیدلی . همان سنجانی صول الله آلدی . صول الی دخی کسیدلی . همان سنجاغه صاریلدی و نهایت شهید اولدی .

همان عبدالله ابن رواحه رضی الله تعالی عنه حضرتلری ، سکیرتدی و سنجانی آلوب حربہ قیام ایتدی .

اودخی شهید اولتجه اردوی اسلام ، باشبوغسز قالدی و بو صروده دها اون قدر اهل اسلام شهید اولدی . بوجهتله عسا کر اسلامیہ بوزولوب طاغیلدی .

فقط سنجاق یره دوشمه سون دیو (ابویسر الانصاری) رضی الله تعالی عنه حضرتلری آلدی و اهل اسلام طرفدن امارته هرکیم انتخاب اولته جق ایسه آکا تسلیم ایتک اوزره (ثابت ابن اقرم عجلانی) رضی الله تعالی عنه حضرتلرینه ویردی .

عسا کر اسلامیہ ، مهزم اوله رق کپرو دونوب کیدرکن خالد ابن الولید رضی الله تعالی عنه حضرتلری ، اوکلرینه کچوب آنلری آلیقویمق ایستدیسده مفید اولدی . لکن کندوسی بر موقع انتخاب ایله طیانوب طوردی .

بعده (قطبہ ابن عامر) رضی الله تعالی عنه حضرتلری ، عسکرک اوکنه کچوب « ای جماعت مسلمین ! فرار ایدرکن اولمکدن ایسه پنجه پنجه مرده جک ایدرک جان و یرمک خیرلوردر ، دیرک حمیت اسلامیہ بی تحریک ایدمک سوزلرله بوزغون عسکری کپرو چویردی .

جملهسی کلوب خالد بن ولیدک یانته طویلاندیلر . ثابت ابن اقرم دخی لواء شریفی کتوروب آکا ویردی .

حضرت خالد ، قبول ایتیموب « سن ، آکا بندندها زیاده مستحق سین . زیرا بندن یاشلیسین ، همده بدرغزاسنه حاضر اولان کبار اصحاب کرامدن سین » دیدی .

ثابت ابن اقرم دخی آکا « سن ، فن حربی دها اعلا بیلورسین . بن سنجانی آنجق سکا و یرمک ایچون آلام ، دیدکدن صکره » ای جماعت مسلمین ! خالدك امارتنه راضیمیسکمز ؟ « دیدکده هرکس « اوت » دیدیلر وهان آنک امری آلتنه کیردیلر .

حضرت خالد دخی سنجانی اله آلدی و عسکری کوزبله ترتیب ایله مردانه مدافعهیه کیرشدی . نهایت آقشام ایرشدی وایکی عسکر بربرندن آریلیدی .

او کون خالدك محاربهجه مسلم اولان مهارتی قدر آثار شجاعتی دخی کورولدی . حتی النده طقوز قلیچ قیریلدی .

دشمنك کثرت و قوته نسبتله اردوی اسلامك قوتی، پك آ ز اولدینی خالد عسا کر اسلامیةك میدان محاربهده بویله مردانه و فدا کارانه طاورایشنه دشمن عسکری ، حیرت نظریله باقوب متعجب اولدی و بیانی کوزلری ییلدی .

بونکله برابر اهل اسلامه نسبتله فوق العاده کثرتلری اولدیغندن فرداسی همان عسا کر اسلامیةیی هر طرفدن احاطه ایدوب بیتیرمک نیتنده ایدیلر .

حضرت خالد ایسه علی الصباح عسا کر اسلامی تنظیم و تعیه ایتدیکی صرمده وضعی ده کشدیردی .

شویله که : پیشداری دمدار و دمداری پیشدار ایتدی و صاغ جناحده کی عسکری صول جناحه و صول جناحده کی عسکری صاغ جناحه کچوردی . دشمنك هر فرقسی ، کندی اوکنده دون کورمش اولدینی عسکردن بشقه عسکر کورمکه اهل اسلامه امداد ایچون تازه عسکر کلتش دیوب طورورکن خالد، آنلرك اوزرینه بقتة برشدتلو هجوم ایدنجه دشمن بوزولدی و میدان محاربهده برچوق اسلحه و ساثره براغوب کیرو چکیلدی .

لکن دشمنك کیروسی چوق ایدی . مصلحت آنجق عسا کر اسلامی بو دریای فلاکندن چیقاروب قورتارمق ایدی .

بناءً عليه حضرت خالد، دشمنك بو اتهزامنی فرصت و بوفرستی غنیمت
بیله رك همان کبرو چکیدی .

عسكرك هیئت مجموعه سنه خلل كتورمه یه رك یاواش یاواش دونوب سالماً
مدینه منوره کلدی و طوغریسی بو خصوصده فن حربجه پك زیاده مهارت
کوستردی .

موتده او وجهله محاربه اولنوركن رسول اکرم، او محاربه یی کوزی
اوکنده تماشا ایدر کی نه اولدینی بیلوردی .

حتی موتده محاربه اولدینی کون رسول اکرم، مدینه ده کی مسجد
شریفده اصحاب کرامیله اوطورور و بصیرت کوزیله عالم معنایه متوجه اولوب
طورور ایکن زید ابن حارثه نك شهید اولدینی سویله دکن صکره بر مقدار
سکوت اوزره طوردی و مبارک کوزلرندن یاش آق قرق جعفر بن ابی طالبك
و ابن رواحه نك دخی شهید اولدینی خبر و یردی . بعده « اللهك قلیجلرندن
برسی اولان خالد، سنجانی آلدی و ایش آنك یوزندن قتح اولدی »
دیو بیوردی .

آندن صکره خالد ابن ولیده (سيف الله) تعمیری لقب اولدی . فی الواقع
اهل اسلامك اللهك برکسکین قلیجی ایدی . آندن صکره دخی
یوزندن پك چوق فتوحات ظهوره کلدی .

ینه او وقت رسول اکرم « جعفرک کسین ایکی الله بدل جناب حق ،
آکا ایکی قاناد و یردی . کوردم که : ملکر ایله برلکده اوچو بیوردی » دیو
بیوردی . بو سیدن ناشی جعفر ابن ابی طالب دخی آندن صکره « جعفر
طیار » دیو شهرت بولدی .





بمض وقایع حربیه

قضاءه طوائفندن (بلی) و (عُذْرَه) قبیله لرینک مدینه منوره حیواناتی غارت ایتک اوزره (وادی القری) آرقه سنده نجمع ایتمکده اولدینی خبر آلدی.

عمرو ابن عاص رضی الله تعالی عنه حضرتلرینک پدری اولان (عاص ابن وائل) ک والده سی ایسه (بلی) قبیله سندن اولسیله رسول اکرم، عمرو ابن عاصی امیرالجیش، یعنی باشوغ نصب ایدیه رک اشبو سکنزنجی سنه هجریه نک جادی الآخره سنده مهاجرین وانصاردن اوچیوز نفر ایله او طرفه کوندردی. بوتلرک اوتوز نفری آتلا ایدی.

عمرو ابن العاص او طائفه یه یاقلاشدقه کثرت اوزره اولدقارینی خبر آلمغله (رافع ابن مکیث) رضی الله تعالی عنیه رسول اکرمه کونده روپ امداد ایستدی.

رسول اکرم دخی آکا امداد ایچون ابو عیبه ابن الجراح رضی الله تعالی عنه حضرتلرینی ایکیوز نفر ایله اورایه کوندردی و «اختلاف ایتیکز، متفقانه حرکت ایدیکنز» دیو بیوردی.

ابوبکر الصدیق و عمر الفاروق رضی الله تعالی عنهما حضرتلری دخی بو ایکیوز کیشی ایچنده ایدیلر.

ابوعیبه، عمرو ابن عاصک یانته واردقده عسکره امام اولق ایستدی عمرو ایسه «سن، بکا امداد ایچون کلدک اصل امیرالجیش بنم» دیدی. ابو عیبه، ملازم بر ذات اولدیشدن «رسول اکرم، اختلاف ایتیکز دیو امر ایتدی. سن بکا اویماز ایسه ک بن، سکا او یارم» دیمکله عمرو ابن العاص، جماعت مسلمینه امام اولوب نماز قیلدیردی.

بوجهتله اصحاب كرامك اولوتى اولان ابوبكر الصديق ايله عمر الفاروق
رضى الله تعالى عنهما حضرتلى ، عمرو ابن عاصك زياستى آلتنه كيرمش
اولدى .

عمرو ابن عاص ، حكيم و مدبر بر آدم اولوب اهل اسلامك درجه
اطاعت و انضباطنى كورونجه همان حريجه لازم كلان تدابيرك كال شدت ايله
اجراسنه باشلادى .

حتى كيجه اردوده آتش يانمى صيقى يساغ ايدرك « هر كيم آتش ياقار
ايسه آتى ، او آتش اينجه آتارم » ديو اعلان ايلدى .

هوا ايسه بك صفوق اولديغندن عسكر كلوب ابوبكر الصديق ايله
عمر الفاروقه شكايت ايتدكه حضرت عمر « نه ديمك ؟ بو آدم ، عسكرى
صوغوقدن قيراجقى ؟ » ديو عمروك يساغنى قالديرمق ايستدى ايسه ده
حضرت ابو بكر « طوقونما يا عمر ! حضرت پيغمبر ، آنى مجرد احوال
حربه وقوفى ايچون باشوغ نصب ايتدى . مادامكه بو ساعتده باشوغدر .
آنك ايشنه قارشىمق جائز دكلدر ، ديمكله حضرت عمر دخى سكوت
ايتدى .

عمرو ابن عاصك بو يساغى ايسه نفس الامرده بر كوزل تدبير ايدى .
زيرا اردوده آتشلر يانسه عساكر اسلامك نه قدر اولدينى قارشودن تخمين
اولته بيلوردى .

دشمن ايسه كثرث اوزره اولديغندن عساكر اسلامك بش يوز نفردن
عبارت اولديغنى بيلسه تلاش ايتمهرك طياتوب طوروردى .

عمرو ابن عاص ايسه قوردينى ترتيبى كيمسه يه آجيوب همان على الصباح
دشمن اوزرينه بقتة بر شدتلو هجوم ايتدى .

دشمن دخى اهل اسلامك نه مقدار اولديغنى بيلمديكى جهتله بردن بره
اوركوب ، بوزولدى و بر چوق حيواناتى ترك ايله تارمار اوله رق فراره يوز
طوتدى .

هیچ بر وقته بر سر عسکرک ایشه قارشق جائز اولوب عسکرک برنجی وظیفه سی آمرینه اطاعتدن عبارت اولدینه بو وقه دلیل واضحدر. عمرو ابن عاص، هنوز اسلام ایله مشرف اولمشیکن بویه کبار اصحاب کرامدن مرکب بر فرقه عسکریه امیر اولوبده مظفرآ مدینه یه عودته فوق الماده سونوب بایلدی و رسول اکرم غننده بنم سائره فضل ورجحانم اولسه بویه الک سوکیلی اصحاب کرامنی بنم معیتمه ویرمزدی، یوللو یا کلش بر فکره ذاهب اولدی.

آنک بوکره مهاجرین وانصاردن اوج یوز قدر اصحاب کرامه باشبوغ نصب اولنسی ایسه مجرد حکیم و مدبر و اعمال عسکره مقتدر ذواندن اولسیله برابر بیوک والده سی، قضاعه نسلدن بولندینه مبنی ایدی. ابو عیده نک آ کا تبعیتی دخی مجرد میانه ده بر گونه اختلاف حادث اولماق ایچون مماشات قیلندن ایدی.

حال بوکه: بر کیمسه نک بر خصوصده ممتاز اولوبده اوجه تله بر طائفه یه فائق ورئیس اولسندن طولانی هر خصوصده فائق اولسی لازم کلز. بناءً علی ذلک عمرو ابن عاص، مدینه منوره یه عودت ایتدکدن صکره حضور نبویه «یا رسول الله! الک زیاده سودیکک کیمدر» دیو سوردی. رسول اکرم دخی «عایشه در» دیو جواب ویردی. بعده عمرو ابن عاص «نسواندن دکل، ارککلرایچنده الک زیاده سودیکک کیمدر» دیدکده رسول اکرم دخی «عایشه نک پدری ابو بکر در» دیو بیوردی.

آنک اوزربنه عمرو ابن عاص «یا، آندن صکره الک زیاده کیمی سورسین؟» دیدکده «عمری سورم» دیدی.

عمرو «دها صکره کیمی سورسین؟» دیو سوردقجه رسول اکرم دخی صره سیله سائر اصحاب کرامی سویلدی.

بو وجهه خلی اصحاب کرامک اسملری یاد اولوب هنوز کندوسنه نوبت کلدیکندن عمرو ابن عاص سکوت ایلدی.

عمرو ابن عاصدن مرویدرکه : بویه رسول اکرم ایله واقع اولان محاوره سی حکایه ایندکدن صکره « اک صوکه قالورم دیو خوفدن ناشی سسی کسوب صوصدم » دیر ایش .

فی الواقع عمرو ابن عاص رضی الله تعالی عنه ، کبار اصحاب کرامدن ایسه ده اووقت اصحاب کرام ایچنده آگا نسبتله عندالله وغند رسول الله دها سوکیلو ودها افضل یک جوق ذاتلر و آنک طبقه سنک اوست طرفنده خلی طبقه ل وار ایدی . ایشه او طبقه لرده بولنان کبار اصحاب کزین صایلدقدن صکره عمرو ابن عاصه نوبت کله جکنی کندوسی دخی درک ایتکله سوزی اوز اتمیوب قیصه کسمشدر .

استطراد

اصحاب کرامک برنجی طبقه سی اول باول ایمان ایدن (خدیجه الکبری) و (ابوبکر ابن ابی قحافه) و (زید ابن حارثه) ایله (عثمان ابن عفان) و (عبدالرحمن ابن عوف) و (سعد ابن ابی وقاص) و (زبیر ابن العوام) و (طلحه ابن عبیدالله) وبعده (ابو عبیده ابن الجراح) و (سعید ابن زید) و (عثمان ابن مظعون) و (ارقم ابن یاسر) و (بلال حبشی) ایله عمر ابن الخطابک اسلامندن مقدم ایمانه کلن سائر صحابه کزیندرکه اوتوز طقوز نفره بالغ اولدقلری حالده حضرت (ارقم) ک (صفا) اوزرنده اولان خانه سنده طولانوب رسول اکرم ایله کیزلو مصاحبت ایدرلردی .

حضرت عمر دخی او خانه ده ایمانه کلدی و آنکله اهل اسلامک عددی قرقه بالغ اولدی . آنک اوزرینه دین اسلام اعلان ایدیلدی .

آنلردن اون کشی بی حال حیاتلرنده ایکن رسول اکرم ، جنت ایله مزده لهدی .

ایشته آنلره (عشره مبشره) دهنیلورکه (ابوبکر الصدیق) و (عمر الفاروقی) و (عثمان ابن عفان) و (علی ابن ابی طالب) و (طلحه ابن عبیدالله) و (زبیر ابن العوام) و (سعد ابن ابی وقاص) و (سعید ابن

زید (و) عبدالرحمن ابن عوف (و) ابو عیدة ابن الجراح (حضرت ایدر .
(رضی الله عنهم ورضوا عنه) .

فخر عالم ، صلی الله تعالی علیه وسلم حضرت لری ، بر محله اوطورسه
صاغنده (ابوبکر) وصولنده (عمر) اوطوروردی وقارشوسنده (عثمان)
اوطوروب سرکتابت وظیفه سنی ایفا ایدردی . علی دخی رسول اکرمک
سرکابی ومحرم اسراری ایدی . رضی الله عنهم .

فخر عالم حضرت لری ، ابوبکرک قزی (عایشه) بنی وعمرک قیزی (حفصه) بنی
تزوج ایدوب ایکسینه دخی داماد اولمشیدی وعثمانه بر کریمه سنی و آنک
وفاتنده دیکر کریمه سنی و یردیک کبی علی به دخی اک سوکیلو کریمه سی اولان
(فاطمة الزهرا) رضی الله تعالی عنها حضرت لری ووروب ایکسینی دخی
کندوسنه داماد ایتمشیدی .

بو دودی (خلفای راشدین) درکه جمله اصحاب کزینک افضلیدرلر .
یوقاروده بیان ایتدیکمز وجهله حضرت ابو بکر ، زمان جاهلیتده
بیومش ایکن اصلا بتلره طابامشیدی .

حضرت علی ایسه خانه سعادتده بو یویوب صبی ایکن اسلام ایله مشرف
اولمشیدی .

بناءً علیه اصحاب کزین ایچنده هیچ بتلره سجده ایتمه مش اولق ، بو
ایکسینه مخصوص بر شرف ومزیتدر . (کرم الله وجههما) .

حضرت طلحه ، زید ابن حارثه دن صکره اول باول ایمانه کان بش
کشینک بریسیدر . احد غزاسنده کفاردن بری ، رسول اکرم اوزرینه
قلیج حواله ایتدکده طلحه او حله بی الیه دفع ایدوب بو ضربه دن الی
جولاق قالمشیدی .

حضرت زبیر ، حضرت خدیجة الکبریاک برادر زاده سی وحضرت
ابوبکرک دامادیدر . والده سی دخی رسول اکرمک خاله سیدر . هب غزالده
رسول اکرم ایله برلکده بولنشدر .

حضرت (سعد ابن ابی وقاص) دخی اول باؤل ایمان ایدنلردن .
ابتدا فی سبیل الله اوق آتان و دین اوغورنده قان دوکن اودر . (احد)
جنگنده ثبات ایدنلردن بریدرکه رسول اکرمک یانندن آیریلوب اوکون
بیک اوق آتمشیدی .

حضرت سعید ابن زید ، حضرت عمرک عمزاده سیدر و آنک قیز
قرنداشنی تزوج ایتشدرد . زوجہ سیله برلکده حضرت عمرک اسلامنه سبب
اولمشیدی .

حضرت عبد الرحمن ابن عوف ، بنی زهره دن و رسول اکرمک
والده سی (آمنه) خاتونک اقریاسندرد . (احد) جنگنده یکریمی بر
برندن یارالانمش و یاره نک بری آیاغنده اولغله طویال اولمش ایدی .

حضرت ابو عبیده ابن الجراح دخی (احد) جنگنده رسول اکرمک
بوزینه باتان حلقه لری ، دیشلریله طوتوب چیقاریرکن ایکی اوک دیشلری
چیقوب دوشمشیدی .

اصحاب کرامک ایکنجی طبقه سی : حضرت عمرک اسلامندن صکره
اسلام ايله مشرف اولانلردر .

اوچنجی طبقه سی : (عقبه) ده ابتدا بیعت ایدن انصار کرامدر .
دردنجی طبقه سی : ایکنجی دفعه (عقبه) ده بیعت ایدن انصاردرکه
یتیمش بو قدر ذوات ایدی .

بشنجی طبقه سی : رسول اکرمک مکدن هجرتنده هنوز (قبا) ده
ایکن کلوبده آکا واصل اولان مهاجریندر .

آلتنجی طبقه سی : (بدر) غزاسنده بولتان مهاجرین و انصاردرکه
آنلره (اصحاب بدر) دینلور .

یدنجی طبقه سی : (بدر) غزاسیله (حدیبیه) سفری آره سنده هجرت
ایدنلردر .

سکزنجی طبقه سی : حدیبیه ده (شجره رضوان) آلتنده عقد بیعت
ایدن اصحاب کرامدر .

طغوزنجی طبقه سی : (مصالحه حدییه) دن صکره هجرت ایدنلردرکه
عمر و ابن عاص ، آنلرک اشراقنددر . بزینه صده کلهلم :

بعض وقایع عسکریه

خلال رجبه ابو عیده ابن الجراح رضی الله تعالی عنه حضرتلری ،
باشوغ اوله رق اوچیوز عسا کر اسلامیه ایله سواحل طرفنه کونده دیلدی .
عمر الفاروق رضی الله تعالی عنه حضرتلری دخی آنک معیتده ایدی .
بوندن مقصد (جهینه) قیله سندن بر طائفه یی تأدیب و تربیه ایدی . لکن
محاربه وقوع بولمق سزین عودت ایدیلدی .
خلال شعبانده (ابو قتاده ابن ربیع) رضی الله تعالی عنه حضرتلری ، اون
بش نفر اهل اسلام ایله جانب نجده واردی . برعشیرتی اوردی ، ایکیوز
ده وه وایکی بیک قویونلرینی سوروب کتوردی .





فتح مکه مکرمه

یوقاروده بیان ایتدیگمز وجهله حدیبیه ده عقد مصالحه اولتدینی کبی.
(خزاعه) قبیله سی ، رسول اکرمک عهد و امانته و (بنی بکر) قبیله سی .
قریش مکّه نك عهد و امانته داخل اولمشلر ایدی .

حال بوکه : خزاعه ایله بنی بکر بیننده عداوت قدیمه اولدیفندن اشبو
سکزنجی سنه هجریه خلالتده بنی بکر، بقتّه خزاعه اوزرینه هجوم ایدوب
رؤسای قریشدن (صفوان ابن امیه) و (عکرمة ابن ابی جهل) و (سهیل
ابن عمرو) و (خُوَیْطِبُ ابن عبدالعزّی) و (مکرز ابن حفص) دخی
بر مقدار قریشیلر ایله بنی بکره یاردیم ایدرک خزاعه دن بکرمی اوچ کشتی
قتل ایشلر .

آنک اوزرینه خزاعه قبیله سی طرفندن (عمرو ابن سالم خزاعی)
قرق نفر ایله ینسوب مدینه منوره یه کلدی و رسول اکرمه عرض حال
ایتدی .

او وجهله قریش طائفه سی ، بنی بکر ایله برابر خزاعه یه تعرض
ایتدکلرندن طولای حدیبیه مصالحه سی بوزمش اولدیلر . بو جهتله رسول
اکرم دخی خزاعه یه مأموللرندن زیاده یاردیم ایده جکنه سوز وردی .
و قریش طائفه سنه « یا خزاعه دن مقتول اولان آدمارک دیتلرخی ویریگز ،
یاخود بنی بکری حمایه دن واز کیگیز ، دیوخبر کونده ردی .

قریش طائفه سی ، ایکی صورتی دخی قبول ایتدیلر ایسه ده کندولری
نقض عهد ایش اولدقلرینی دوشوندجّه تلاشه دوشدیلر .

حتی (حارث ابن هشام) و (عبدالله ابن ابی ربیعہ) صفوان ایله

اعلان ايتسون، بكا يئيشور . او دخى دنيانك ضوك دورينه قدر بتون
عربك اولوسى اولور ، دهرک حضرت حسن کوستردى .

حضرت فاطمه « اوغلم کوچوگدر . هنوز کيمسە يى حايه ايدەجک
و کيمسە يە عهد و امان و یرەجک ستنە بالغ اولمادی ، دهرک اعتذار
بيوردی .

ابوسفیان ، شاشیردی وینه حضرت علینک یانە واردی . « یا علی !
بن ایشک صارپە ساردیقنى آکلادم ، نەیاپام ؟ بکا بر نصیحت ایت وایشمه
یارایاجق برتدیر اوکرمت ، دهرک حضرت علی یى خلیجە صیقشیدردی .
حضرت علی ، ناچار قالوب « سن قریشک اولوسى سین . چیق ،
ناس ایچندە بر عمومى حايه اعلان ایت . بعدە چیق ، کیت ، دهرک آنى
باشندن صاومق ایستەدی .

ابوسفیان « بو تدیر ، کافی اولورمى ؟ نەدیر سین ، دیدکە حضرت
علی « اوراسنى بیلەم . فقط بشقە تدیر دخى بولامام » دیدی .
آنک اوزرینە ابوسفیان ، هان مسجد نبوی یە کلوب عامە ناسە خطاباً
« ای ناس ! بن ایکی طرفى دخى عهد و امانم آلتنە آلدەم . والله کيمسە
نم عهدیمى قیرماز ظن ایدرم » دیدی و کندوسنى تصدیق ایدن کيمسە
اولمادینى حالده هان دوه سە یینوب کیتدی . اصحاب کرام دخى « بونە ؟ »
دهرک آنک آرقەسندن بر برینە باقوب کولوشدیلر .

حل یوکە : ابوسفیان ، مدینە دە زیاده جه اکندیکندن قریش طائفەسى
« قالبا او دخى طرف محمدی یە میل ایله کیزلوجه آکا تابع اولدی ، دهرک
آنى اتهام ایتمشلر ایدی .

ابوسفیان ، کیجه لین مکیه وارمش ، خانه سە کیرمش ، قومنک
کندوسنى اووجهله اتهام ایلدیکنى زوجەسى هند ، آکا بیلدیرمش و « سن ،
نەیاپدک ؟ » دیو سورمش . او دخى بر شى یاپامادیغنى خبر ویرمش . هند
ایسە حدتله رک آنک کوکسە بر تکمه اورمش .

ابوسفیان ، قومنک کندوسنى اتهام ایتمشدن وقارینسک بد معاملەسندن

طولاني دنيايه کوشمش و تبرئه ذمت ايچون صباحين صفا و مرويه ده کی
 «(آساف) و (ناثله) نام بتلرک ياننه واروب آنلر ايچون قربان کوشمش
 و اولنجه يه قدر سزک عبادتگزدن آيريلام ، ديو آنلره عهد و پيمان
 ویرمش .

اشراف قریش ، ابوسفیانک ياننه کلوب « محمددن نه خبر وار ، آنکله
 تجديد مصالحه ايتدگمی « ديو صورمشلر .

ابوسفیان « والله محمددن مصالحه ايستدم ، بکا بر جواب ویرمدی .
 ابوبکرک ياننه کيتدم ، آندن دخی بر خير کورمدم . عمر ابن الخطاب مراجعت
 ايتدم ، بزه اذبيوک دشمن آنی بولدم . سائر اصحاب محمدی طولاشدم ،
 هر بری بر سوز ايله بنی باشندن صاودی . برندن معاونت کوردمدم .
 حکمدارلرينه بو مرتبه اطاعت ايدر بر قوم کورمدم . بو جهتله تجديد
 مصالحه ايدمدم . نهايت علينک اخطاريله کندولکمدن بر مصالحه عوميه
 اعلان ايتدم « ديو جواب ویرمش .

« يا ، محمد سنک بو اعلانکی تصديق ايتدیمی ؟ » ديو صورده قارنده
 دخی ابوسفیان « خير ، او تصديق ايتدی . اما باشقه چارده بولامدم ،
 ديمش .

آنلر دخی « اويله ايسه سن هيچ بر شی يامامش سين . سنک کندی
 کنديگه اعلان ايتديکک عهد و صلحک نه حکمی وار ؟ علی ، سنگله عادتا
 اکلنش . سن بزه مصالحه خبری کتورمدک که امين و مطمئن اولام ،
 محاربه خبری کتورمدک که صاقينام و جنکه حاضر لانام « ديو آنی لوم
 وتوييخ ايتمشلر .

رسول اکرم ايسه ، ابوسفیانک عودتندن صکره صیقی صیقی تدارکات
 سفره يه باشلادی .

برکون حجره سعادتنن چيقوب قپوسی اوکنده او طور دی « ابوبکر
 چاغيرگنر « ديو امر ایلدی .

ابوبکر الصّدیق رضی الله تعالی عنه حضرتلری ، کلوب رسول اکرمک اوکنده اوطوردی . خلیجه کیزلی لاقیردی ایتدکن سکره رسول اکرم ، آنی صاغ طرفنه کچوردی و عمر الفاروق رضی الله تعالی عنه حضرتلرینی چاغیردی .

حضرت عمر دخی کلوب حضور نبوی ده اوطوردی و بر آ ز محرمانه مصاحبتدن سوکره اوست پرده دن سوزه کیریشوب « یارسول الله ! آنلر کفرک باشیدر . سکا ساحر ، کاهن دین آنلردر . مفتی ، یلانچی دین آنلردر » دهرک فوق العاده غضب و حدت کوستردی .

رسول اکرم ، امر ایتدکجه اصحاب کرام ، آنک یانه وارمادقلری جهته قارشودن بو حالی تماشا ایدرلردی و بحث نه اوزرینه اولدیفنی بیلمیوب یالکز حضرت عمرک غضوبانه لاقیردیلرینی ایشیتمکله « عجا عمر ، ینه نیه طاریلدی ؟ » دهرک باقیشوب طورورلردی .

بعده رسول اکرم ، حضرت عمری صول طرفنه کچوردی و سائر اصحاب کرامی چاغیردی .

کلدیلر ، حضور نبویده دیزیلدیلر . رسول اکرم « سزه بو ایکی آرقداشگنک برر مثالی سویلیه یمی ؟ » دیو بیوردی و آنلر « بیوریگنلر یارسول الله ! » دیملریله مبارک یوزینی حضرت ابو بکر دن یگذا چویردی . « الله یولنده ابراهیم ، یاغدن دها ملایم ایدی » دیو بیوردی .

بعده حضرت عمره باقوب « الله یولنده نوح ، طاشدن قاتی ایدی . لکن ایش ، عمرک دیدیکیدر . هان سفره حاضر اولک » دیو اصحاب کرامه تدارک کورملری ایچون امر و یردی .

اصحاب کرام ایسه مسئله نه ایدی ، نه اوزرینه قرار و یریلدی . آنی بیلمدکلی حالده رسول اکرم دن صورمادیلر . حضرت عمر ، پک زیاده متهور و غضبناک اولدیفندن آنک دخی یانه وارمادیلر ، فقط مجلس طاغیلقدن سکره حضرت ابو بکرک یانه واردیلر و کیفیتک تفصیلاتی آندن صوردیلر .

حضرت ابوبکر دخی ، رسول اکرم ، قریش اوزرینه سفر ایتک
 خصوصنده رأیی موردی . بنده یار رسول الله ! آنلر سنک قومکدر .
 نهایت الامر سکا مطیع اولاجقاری معلومکدر . دیدم . صکره عمری چاغردی ،
 آندن دخی موردی . عمر ایسه ، کفرک باشی آنلردر ، سکا شویله ، بویله
 دین آنلردر . دهرک مشرکینک رسول اکرم حقنده سویلدکری
 سوزلری برر بر صایدی . واقعا قریش طائفه سی بیون اکه دجه قائل
 سائره بویون اکر . ایشته رسول الله دخی مکسفرینه حاضر اولماکز ایچون
 امر ویردی ، دیو مسئله یی شرح و ایضاح ایلدی . اصحاب کرام دخی
 تدارکات سفریه به باشلادی .

مدینه منوره ده بو وجهله تدارکاته تشبث اولنمغه برابر حضرت پیغمبر
 « خدایه و روز جزایه ایمان ایدنلر ، رمضان شریفک اوائلنده مدینه به
 کسونلر ، دیو (غَفَار) و (اَسْلَم) و (سُلَیم) و (اَشْجَع) و (مَزَینَه)
 و (جُهینَه) قبیله لرینه خبر کونده وردی .

هان رمضان شریفک ابتداسنده مدینه منوره جوارنده بولان قبیله لر
 طاقم طاقم کلکه باشلادی .

حضرت حسان رضی الله تعالی عنه ، او ائنده خزاعه قبیله سنک انتقامی
 آلمق اوزره اهل اسلامی جنکه تشجیع و تشویق ایده جک سوزلر سویلدی .
 رسول اکرم ایسه قریش طائفه سی حاضر لایمغه میدان ویرمه رک
 باصمق ایستردی . آنک ایچون تدارکاتی آنلردن کیزلردی .
 حتی کندوسنی نجد طرفیله مشغول کوسترمک ایچون غره رمضانده
 (اَبُو قَتَادَه) رضی الله تعالی عنه حضرت تری بر فرقه عسکر به ایله (وادی
 اَضَم) طرفه کوندردی .

برده مکه یوللری طوتمق اوزره خزاعه قبیله سنه امر ایلشیدی . آنلر
 دخی طاقم طاقم طاغیلدر . یوللری و بوغازلری طوتوب بر طرفدن دیگر
 طرفه قوش اوچورماز اولدیلر .

حال بوکه : بنی هاشمک آزادلولرندن (ساره) نام خاتون که رؤسای قریشه و علی الخصوص (ابن خطل) خوانندهک ایدر ، بمضاً رسول اکرم حقنده سویلتان هجومه لری تفتی ایله اوقویوب آنلری اکلندیرر ، بو وجهله کندهوسی دخی کچینوب کیدر ایدی . بو ائشاده مدینه منوره به کلوب بدر غراسندن صکره قریش طائفه سی دوچار اولدقلری حزن وماتم اوزرینه اولکی کبی خواننده لره اعتبار ایتمز اولدقلری جهتله مکده مدار تعیش بولامادیقندن بمخله صدقه ایسته مش و رسول اکرم دخی آکا برده وه یوکی ذخیره احسان ایلش ایدی . بو دفعه دونوب مکیه کیدرکن (خاطب ابن بلته) رسول اکرمک تدارکات سفریه ایله مشغول اولدیفنه دائر بعض رؤسای قریشه خطاباً بر مکتوب یازوب آنکله کونده رمشیدی .

بو کیفیت ، طرف الهیدن رسول اکرمه وحی ایله بیلدیریلش اولدیفندن علی وزیر و مقداد رضی الله تعالی عنهم حضراتی چاغردی « فلان محله وارینگز . اوراده ده وه ایله کیدر بر یولجی قاری بولورسکمز . آنک یاننده بر مکتوب واردر . آنی آلوب کتورینگز » دیو بیوردی .

آنلر دخی اورایه واریدیلر ، ساره یی بولیدیلر ، مکتوبی ایستدیلر . « بنده مکتوب یوقدر » دیدکده « رسول الله ، یلان سویلمز . هان مکتوبی چیقار ، یوقسه سنی صویوب آرامغه مجبورز » دیدیلر . ساره ، ناچار صاچاری ایچندن مکتوبی چیقاروب ویردی .

آنلر دخی مکتوبی آلوب رسول اکرمه کتوردیلر . آجیلدی . خاطب ابن بلته طرفندن اولدینی کورولدی ، فوق العاده حیرت و تعجبی موجب اولدی .

زیرا حرکات حریبه به دائر دشمنه معلومات ویرمک پک بیوک بر صوچدر ، خاطب ابن بلته ایسه بدر غراسنده بولان اصحاب کزیندن ایدی . اصحاب بدرک قدر و حیثیتلری دخی پک بیوک اولوب آنلر اصحاب کرام ایچنده ممتاز و مستثنا ایدیلر .

رسول اکرم « نیچون بو ایشی ایشله دک » دیو خاطبه خطاب وعتاب

ایتدکده « یارسول الله ! والله بن مؤمن . ایمانه اصلا خلل کلامشدر ، فقط قریش ایچنده اهل وعالم وار . آنلری اوراده حایه ایده جک عشرتم یوق . بو وسیله ایله قریش ایچنده ال پیدا ایتمک ایستدم » دیو عذر دیله دی .

حضرت عمر الفاروق ، قلقوب « رخصت ویر یارسول الله ! شومنافقک بوینونی اورایم » دیدی .

رسول اکرم « یا عمر ! خاطب ، بدر غزاسنده بولندی . نه بیلورسین ؟ بلکه جناب حق ، اصحاب بدره هر نه یاپسه گز ، بن سزی عفو ایتمشیمدر . دیمش اوله » دیو بیوردی .

آنک اوزرینه حضرت عمر « الله ورسولی اعلم » در دیوب کپرو طور دی .

مقدما اهل اسلام علیهنده بولان پک چوق عشار و قبائل ، حدیه مصالحه سندن صکره رسول اکرمه تابع اولدقلرندن بو کره بروجه بالا طرف نبوی دن واقع اولان دعوت سنیه اوزرینه اطراف وجوارده بولان قبائل عرب ، اوائل رمضان شریفده پیدربی مدینه منوره یه کلکه باشلادیلر . اصحاب کرام دخی حاضر اولدیلر .

بو جهته رسول اکرم دخی همان اشبو سکنزنجی سنه هجریه رمضانندن اون کون مرور ایتدکدن صکره اون بیک نفر عساکر اسلامیه ایله مدینه منوره دن چیقدی .

اولجه بر نمایش ایچون دیارنجده کونده رلش اولان ابوقتاده حضرتلری ، دونوب یولده رسول اکرمه یتشدی . بعض قبائل دخی کلوب کذلک اثنای راهده رسول اکرمه ایریشدی . بو صورتله اردوی هایونک موجودی اون ایکی بیک نفره بالغ اولدی .

حدیه سنه سی ، مدینه دن حرکت ایدن اردوی اسلام بیک بشیوز نفر راده سنده ایکن ایکی سنه صکره مکه اوزرینه چیقاریلان اردونک اون ایکی بیک نفره بالغ اولسی حدیه مصالحه سنک ثمره سیدر .

بناءً عليه او وقت مصالحه اعتراض ايتمش اولانلر ، صلحك بويله آثار
حسنه سنی کوردکجه پشپان ومحجوب اولمقده ايديلر .

رسول اکرمک عمتی عباس رضی الله تعالى عنه ، مقديجه ايمان ايتلش
ايسده اسلامنی کيزلر ومکده اقامت ايله سقايت زمزم خدمت شريفه سنی
ايفايلا ايدی . بو کره اسلامنی اعلان ايدرك اهل وعيالي ايله برلکده
چيقوب مدینه یه کلوزکن اردوی هایونه راست کلدی وآغراغنی مدینه یه
کونده روب کندوسی رسول اکرم ايله برلکده مکيه عازم اولدی .
رسول اکرم ، آندن پک زیاده نمسون اولوب « یا عباس ! سن
مهاجرینک خاتمه سی اولدک » دیو بیوردی .

حضرت پیغمبرک عمزاده سی (ابو سفیان ابن حارث ابن عبدالمطلب)
واوغلی (جعفر ابن ابی سفیان) وخاله سی اولان (عاتکه بنت عبدالمطلب) ک
اوغلی (عبدالله ابن ابی امیه) دخی (آبواء) نام محله رسول اکرمه
قارشو کلوب عذر دیله دیلر . لکن رسول اکرم ، آنلرک یوزلرینه
باقدی .

چونکه : اشبو ابو سفیان ابن حارث ، بشتدن مقدم ، رسول اکرم
ایله غایت طائنی کورو شوب الفت ایدرکن بعثتن صکره رسول اکرمه پک
زیاده عداوت ایدرک حقنده محبویه لر سوبلر وحسان دخی آکا جواب ویرر
ایدی . عبدالله ابن ابی امیه دخی کذلک رسول اکرمه اذا ایدردی .

بناءً عليه رسول اکرم ، آنلری قبول ایتدی . لکن صکره زوجات
مطهراندن آم سلمه رضی الله تعالى عنها حضرتلری ، شفاعت ایتکلر رسول
اکرم ، آنلری عفو ایتدی . آنلر دخی اسلام ايله مشرف اولدیلر .

یوقاروده بیان ایتدی کیمز وجهله خزاعه قبیله سی ، یوللری طوتمش
اولدقلرینه مبنی مدینه دن مکيه کیدوب کلن اولدینی جهتله قریش طائفه سی،
اولجه رسول اکرمک بويله تدارکات جسیمه سندن خبر آلامیوب غفلت
اویقوسنده اولدقلری حالده اردوی هایون (مرالظهران) نام وادی یه
واردی .

رسول اکرم، کیجہ اورادہ اون بیک آتش یاقدیردی و تشریفی
 اوپله بر بیوک آتش دوتماسیله قریشہ بیلدیردی .
 رؤسای قریش، آندن خبردار اولدقلری کچی حیرت و تلاشه دوشدیلر
 وینه رئیسری اولان ابو سفیانک باشنه اوشدیلر .

او دخی (حکیم ابن حزام) و (بدیل ابن ورقاء خزاعی) ایله برلکده
 کلوب مر الظهرانک اوزرنده کی تپیه چیقديلر وده بوقدر آتش یاقان اردوه
 عجبا کیملر اوله ؟ دیو دوشونوب طولاشورلر ایکن اردوی هایوندن
 چیقاریلش اولان سوارى قره غولنه اسیر دوشدیلر .

برو طرفدن رسول اکرمک عمی عباس رضی الله تعالی عنه حضرتلری،
 دخی « یارین قریش طائفه سی ، ظافل ایکن بو غلبه لک ایله بقته مکیه
 کیریله جک اولورسه بر بیوک قتالقی اولقی ملحوظدر . باری چیقایم ، بر
 آدم بولوبده قریشہ کونده رهیم . کلوبده آمان دیلسونلر ، دهرک رسول
 اکرمک استرینه یینوب اردودن طیشارو چیقمشدی . اوزاقدن ابوسفیانک
 سسنى ایشدکده « ابو سفیانمیسین ؟ » دیو سوروب او دخی « اوت » دیو
 جواب ویروب بیلشدیلر و کوروشدیلر .

حضرت عباس ، ابو سفیانی آرقه سنه آلوب حضور نبوی به
 کتورورکن کیملرک یانندن کچسه لر بویله کیجه لین اردو ایچنده کزن
 کیمدر ؟ دیو باشلری قالدیروب رسول اکرمک استری اوزرنده حضرت
 عباسی کورونجه بربرینه « عم رسول ، عم رسول » دهرک باشلری اوکلرینه
 اگزلدی .

عمر الفاروق رضی الله تعالی عنه حضرتلرینک حذاسنه کلدکلرنده حضرت
 عمر ، ابو سفیانی کوروب طانیغله سکیرندی . حضور نبوی به کوروب
 « یارسول الله ! ابوسفیان کلپور . رخصت ویر ، هان بوینونی اورایم »
 دیرکن حضرت عباس ، کال سرعت ایله یتشوب ابوسفیانک عفو واطلاقى
 نیاز ایتدی .

حضرت عمرک الی ، قلیجک قبضه سنده و حضرت عباسک دیلی عفو

و مرحت استدعاسنده یکدیگره معارض اولمالریله رسول اکرم حضرت عباسه ه هله سن ، آئی بوکیجه توقیف ایت ه دیو بیوردی .

اودخی ابوسفیانی آلوب اوکیجه کندی یاننده حبس و توقیف ایله فرداسی علی الصبح رسول اکرمک چادرینه کتوردی .

رسول اکرم ه ه یا اباسفیان ! هنوز (لاله الا الله) دیه جکک وقت ایرشمدیمی ؟ ه دیو صورتی .

ابوسفیان ه ه اکر اللهدن باشقه اله ه یعنی طاباجق یوق دیسم بو قدر بتلری نه یاپیم ؟ لات و عزادن نصل کجهیم ؟ ه دیو بر آ ز دوشونوب طوردی . نهایت (لاله الا الله) دیویردی .

بعده رسول اکرم ه یا ه (محمد رسول الله) دیه جکک وقت دها ایرشمدیمی ؟ ه دیو بیوردی .

ابوسفیان ه یا محمد ! بونک ایچون بکا بر آ ز مهلت ویر . زیرا بوندن طولایی ذهنده هنوز ایلشیک وار ه دیو جواب ویردی .

حضرت عمرایسه طیشاروده طولاشوب کزینوردی و ه آم ! ابوسفیان سن طیشاروده اولسهک ه بویه هزیان ایده مزدک ه دیو کندو کندویه سویلتوردی .

حضرت عباس ه دخی ه نه یاپورسین ؟ یا اباسفیان ! عقلگی باشنه ده وشیر . عمر ه طیشاروده قلیج ایله بکلیر . سنک باشگی کسمک ایچون فرصت کوزه دیور ه دیو آ کا نصیحت ایلردی .

آنک اوزرینه ابوسفیان ه همان (محمد رسول الله) دیه رک عمرک پنجه سندن یاقاسنی قورتاردی .

ینه او مجلسده (حکیم ابن حزام) ایله (بدیل ابن ورقاء) دخی شرف اسلام ایله مشرف اولدیلر .

رسول اکرم ه حضرت عباسه ه ابوسفیانی آلدده اردونک کجه جکی بوغازه کونورکه اللهک عسا کرخی تماشا ایتسون ه دیو بیوردی .

حضرت عباس ، « یا رسول الله ! ابوسفیان ، فخر و مباحاتی سور
بر ذاتدر . آکا مدار افتخار اولاجق بر امتیاز ویرسه گز ، دیدی .

رسول اکرم دخی « کیم که ابوسفیانک خانه سنه کیرر ایسه امیندر .
کیم که مسجد شریفه کیرر ایسه امیندر . کیم که خانه سنه قاپانورسه امیندر .
کیم که ترك سلاح ایدرسه امیندر . کیم که حکیم ابن حزامك خانه سنه کیررسه
امیندر ، دیو بیوردی .

آنک اوزرینه حضرت عباس ، ابوسفیانی آلوب اردوی هایونک
کچه جکی بوغازك آغزینه کوتوردی .

عسکر ، فوج فوج کچدکجه ابوسفیان صورار ، حضرت عباس دخی
کیملر اولدقلرخی تعریف ایلر ایدی .

شویله که : ابتدا سیف الله خالد ابن ولید رضی الله تعالی عنه حضرتلری ،
بیک نفر (بنی سلیم) قبیله سی دلاورلریله ابوسفیانک حذاسنه کلدکلرنده
جمله سی بر آغزدن تکیر آلدیلر .

ابوسفیان « بوکیم ؟ » دیدی . حضرت عباس « خالد ابن الواید »
دینجه « شو بزم ولیدك اوغلی خالدمی ؟ » دیو صورتی .

حضرت عباس « اوت » دیو جواب ویردی .

بعده زیر ابن العوام رضی الله تعالی عنه حضرتلری ، مهاجرین
سنجاغنی چکدرک درتوز نفر زرهلو ، یکتیلر ایله کذلک تکیر آلهرق
کلوب کچرکن ابوسفیان « بوکیم ؟ » دیو صورتی . حضرت عباس دخی
« زیر ابن العوام » دیو جواب ویردی . ابوسفیان « ها ، همشیره زاده کرمی ؟ »
دیدی .

بعده ، ابوذر غفاری رضی الله تعالی عنه حضرتلری ، اوچوز نفر
سبکبار وچاپک رفتار اولان (بنی غفار) یکتیلریله کچرکن ابوسفیان « بونلر
کیم ؟ » دیدی . حضرت عباس « بنی غفار » قبیله سی دیدکده « آنلرله
یینمزده بر شی یوق » دیدی .

آدن صکره (خزاعه) قبیله سنک بر شعبه سی اولان (بنی کعب) دن

بش یوز نفر سواری وبعده سکنز یوز نفر (مزینه) قیلهسی تیراندازلری ودرت یوز نفر (بنی لیث) ایله (بنی ضمیره) آرسلانلری کلوب کچدیلر .
بعده ، اوچ یوز نفر شجعان عرب ایله (اشجع) قیلهسی کچرکن ابوسفیان، هانکی قیله اولدیغنی سوردی . حضرت عباس « اشجع قیلهسی » دیو جواب وردی .

ابوسفیان « سبحان الله ! محمدك اك بيوك دشمنی آنلر ایدی . شمدی نه عجب آ كا مطیع و متقاد اولشار » دیدی .

حضرت عباس دخی « نور اسلام ، آنلرك قلبنی منور ایتمش . بوده اللهمك بر فضل و عنايةتدر » دیدی .

بعده ، سکنز یوز نفر (جهینه) دلاورلری و دیگر بعض قبائل و عشائر ، فوج فوج کلوب کچدکه ابو سفیانك کوزی طولادی .

« آز وقت ایچنده بو قدر قیلهلری طوبلا یوب و جمله سنی یکو وجود ایلوبده خبر سزجه مکیه قدر سوق ایدیورمك نه بیوک اقتداردر » دیو ده رین افکاره طالادی .

ابو سفیان ، بوراسنی دوشونورکن برده اوزاقدن اصل موکب نبوی کوروندی که بش بیک قدر کزیده عسکر ایدی و آنلورک و زرهلورک اڭ کزیدهلری برابر ایدی .

رسول اکرم (قُصَو) نام ده وه سنه بنوب اوکنده انصارک سنجاغیله (ابن عباده) و صاغنده ابو بکر الصدیق وصولنده (اُسَید ابن حَضِر) و اطرافنده سائر اصحاب کزین رضی الله تعالی عنهم حضراتی تیمورلره مستغرق اولدقلری حالده بش بیک کشتی تکبیر آلهرق کلپورلردی .

ابوسفیان، آنی کورونجه « یا عباس ! قرنداشک اوغلتک ملک و سلطنتی نه چوق بیومش ! » دیدکده او دخی « صوص ! او ملک و سلطنت دکل ، نبوتدر » دیمکله ابو سفیان دخی « اوت ، نبوت » دیدی .

بتون عسا کر اسلامیه ، او بوغازی کچدکدن صکره حضرت عباس رضی الله تعالی عنه ، ابو سفیانی صالیوردی .

ابو سفیان ، همان حکیم ابن حزام ایله برلکده مکيه واردی و حرم شریفه کیدوب قریشه خطاباً « ای ناس ! ایشته کلن محمددر . قارشو طورامایاجغئز بر قوت ایله کلیور » دیو کیفیتي آنره بیلدیردی .

و « محمد نه دیدی ؟ » دیو سورددقلرنده « ابو سفیانك خانهسنه کیرن امیندر . مسجده کیرن امیندر . اونده اوتوروبده قیوسنی قاپایان امیندر دیدی » دیو جواب ویردی .

بعده ای « جماعت قریش ! مسلم اولك سلامت بولهسگئز » دیو سوزی کسیدردی .

ابو سفیانك قاریسی معهود هند، همان قوجهسك اوزرینه هجوم ایتدی و صقالندن طوتدی « ای آل غالب ! شو معتوه حریفی اولدیرگئز » دیو حایقردی .

ابو سفیان دخی « صقالی براق . والله مسلمان اولماز ایسهك سنكده بوینك اوریلور . هایدی اویگه کیت . سسکی چیقارما » دیدی وقاریسنی اسكات ایتدی . او دخی صاووشوب خانهسنه کیتدی .

آنك اوزرینه مکه ایچنه بر عظیم غلغله دوشدی ، خلق ، نه یاپه جفتی شاشیردی .

کیمی ابو سفیانك خانهسنه وکیمی حرم شریفه سکیردیر و کیمی کندی خانهسنه قبانور و کیمی بر یرده طورامیوب زقاقلرده طولاشور ، کیمی سلاحلنور و کیمی سلاحی آتار ، کاه طوبلانورلر کاه طاغیلورلرایدی . رئیس قوم اولان ابو سفیانك ایمانه کلسیله قریشك اکثری اسلامه میل ایتدی .

فقط (سهیل ابن عمرو) ایله (عکرمة ابن ابی جهل) و (صفوان ابن امیه) ، (بنی بکر) و (بنی حارث) و (هذیل) و (احابیش) قیله لرندن برمقدار عسکر طوبلایوب مکةك آلت طرفنده (خندمه) نام محلهه جنگه حاضر اولدیلار .

رسول اکرم ایسه ، مکہ مکرمه اوست طرفنده (کدّاء) نام طایغ یولیه مکّه کیرمک اوزره (زیبر) رضی الله تعالی عنه حضرتلری و دیگر طرفدن کیرمک اوزره (سعد ابن عبادہ) رضی الله تعالی عنه حضرتلری بر فرقہ ایله مأمور ایتدیکی کبی مکہ مکرمه آلت طرفندن (خندّمه) یولیه حرکت ایتمک اوزره (خالد ابن ولید) رضی الله تعالی عنه حضرتلری دخی بر فرقہ باشبوغ نصب و تعیین بیوردی .

(قضاعه) و (سلیم) و (اسلم) و (غفار) و (حزینّه) و (جهینه) قیبله لری هب حضرت خالد ایله برابر ایدی .

خاتم الانبیا حضرتلری ، « قریش طرفندن تعرض اولنمادقجه حربہ کیرشمه یکنز » دیو جمله سنه تنبیه بیوردی .

بناءً علیه عسا کر اسلامیّه ، کیمسه یه تعرض ایتمه رک کمال تعظیم و آداب ایله مکّه مکرمه یه کیرمک اوزره قول قول اوله رق یوریدیلر .

اهالی طرفندن دخی تعرض اولمادی . فقط خندّمه ده (سهیل) و (عکرمه) و (صفوان) ک جمع ایلدیکی عسا کر ، (خالد ابن ولید) ک فرقّه سنه سدّ راه اولق ایستدیلر . حضرت خالد ، آنلره نصیحت ایتدیه ده دیکله مدیلر وهان محاربه یه باشلادیلر . حتی (کُرّز ابن جابر فهری) ایله (حیث ابن الاشعری) بی شهید ایلدیلر .

آرتق حضرت خالد دخی جنکه مجبور اولدی و آنلرک اوزرینه اوله شدتلر بر هجوم ایتدی که درحال اون اوج نفر مشرکینی اعدام ایتدی ، باقیسنی طاغیندی .

اشبو کُرّز ابن جابر فهری ، بدر غزاسندن مقدّمه مدینه منوره مک حیواناتی غارت ایدن کیمسه درکه صکره اسلام ایله مشرّف اوله رق اصحاب کزیدن اولوب حتی بر دفعه رسول اکرم طرفندن بر فرقّه سرکرده نصب اولنشدی . بوکّره (حیث) ایله برابر مکّه مکرمه فتحه قریبان اولدی . رضی الله تعالی عنهما .

رسول اکرم ، حضرت خالدک محاربه سنی ایشیدوب « بن ، محاربه

اولئاسون دیو تنیه ایتدیمی ؟ « دیدکده » خالده تعرض اولندی ، او دخی چاره سز جنک ایتدی « دیو جواب وریلدی .

باشقه طرفده اصلا محاربه وقوعه نکلکسزین عسا کر اسلامیه ، طاقم طاقم مکّه مکرمه یه کیردیلر .

ایشته او حالده خاتم الانبیا علیه افضل التحایا حضرتلری ، باشنده سیاه عمامه اولدینی حالده مکّه مشرقیه داخل اولدی وهان کعبه معظمه یه عزیمت ایلدی .

کعبه معظمه کوروندکده خاتم الانبیا حضرتلری ، تکبیر آلتجه جمله اصحاب کرام تکبیر آلدیلر .

او قدر بیک آدمک تکبیرلریله طاغیر ایکله دی . صانکه طاغیردن خوش کلدیکنر صدالری کلوردی .

اوکون ، یوم جمعه ایدی وعید فطره اون کون قالمشیدی . اهل اسلام حقنده مسعود برکون ایدی .

خاتم الانبیا حضرتلری ، حرم شریفه واردی . بیت شریفک قیوسنده طوردی :

« ای جماعت قریش ! بندن نه اومارسکنر ، حقکزده نه معامله ایده جکم ظن ایدرسکنر ؟ » دیو سوردی .

حاضر اولان اشراف قریش « خیر اومارز . کرم صاحبی برادر وکرم صاحبی برادر زاده » دیو جواب ویردی .

آنک اوزرینه فخر عالم حضرتلری ، دخی « کیدیکز . هب آزادسکنر ، دیو بیوردی .

رسول اکرم ، اووجهله قریش طائفه سی حقنده عفو عمومی اعلان ایتدیسده ایچلرندن بعض کسانى تعداد واستنا ایدوب آنلرک دملریخی قیلدی .

ازجمله (عکرمه ابن ابی جهل) و (صفوان ابن امیه) و (عبدالله ابن سعد ابن ابی سرح عامری) و (عبدالله ابن الزبیری السهمی)

و (عبدالعزی ابن خطل) و (حورث ابن قئد) و (مقیس ابن صباه) و حضرت حمزه نك قاتلی اولان معهود (وحشی) ایله طائفه نسادن ابو سفیانك زوجہ سی اولان (هند) و ابن خطلك ایکی خواننده جاریہ لری و بی هاشمك آزادلولرندن (ساره) نك دملری هدر ایدلشیدی .

عکرمه ، رسول اکرمه عداوتده باباسنه بکزر دی . (صفوان) دخی دین اسلامك بیوک دشمنلرندن ایدی .

(عبدالله ابن سعد ابن ابی سرح) ایسه هجرتدن مقدم کاتب وحی اولمشیکن صکره مرتد اولشیدی .

(عبدالله ابن الزبیری) ایله (حورث ابن قئد) دخی مکة نك مشهور شاعرلرندن اولوب رسول اکرمی هجو ایلر و حقنده پك فنا سوزلر سویلر ایدی .

(ابن خطل) مقدما ایمانه گلشیکن صکره مرتد اولشیدی و سالف الذکر ایکی خواننده جاریہ لره رسول اکرمك هجویه لرینی تغنی ایله اوقوتدیریر ایدی .

ساره ، دخی بر مشهوره خواننده اولوب او دخی رسول اکرمك هجویه لرینی (ابن خطل) ك قارشوسنده اوقویوب آئی اکلندیریر ایدی و یوقاروده ذکر ایتدیکنمز وجهله فتح مکة دن مقدبجه مدینه منوره یه کله رك مسلمان اولوب رسول اکرمدن احسان و صدقه آلمش ، بعده (خاطب ابن بلتعہ) نك مکتوبخی مکة یه کوتورور ایکن طوتولمش و مکة یه عودتنده مرتد اولمش ایدی .

مقیس ابن صباه ، مقدما ایمانه گلشیکن انصاردن بری ، خطاء آنك قرنداشنی اولدرمکله اودخی او انصاری بی قتل ایدرک مرتد اولوب مدینه دن فرار ایله مکة مشرک لرینه قارشمش ایدی .

وحشی ایله هندك احد غزاسنده سیّد الشهدا اولان حضرت حمزه حقنده معامله لری معلوم اولغله بشقه تفصیلاته حاجت کورولمز .

ایشته بونلرک هب دملری هدر قیلندی . آنلر دخی مستحق اعدام

اولدقلرینی بیلدکلرندن اشبو فتح مکه کونی هر بری بر طرفه صاووشوب
صاقلاندی .

فقط (سعید ابن حرث المخزومی) ایله (ابو بَرزَة الاسلمی) رضی الله
تعالی عنهما ، ابن خطله تصادف ایتملیله آتی قتل ایتدیلر . ایکی خواننده
جاریه لرندن بریسی دخی بو صروده قتل اولندی .

علی ابن ابی طالب رضی الله تعالی عنه حضرتلری دخی (حویرث ابن
تقید) ایله (ساره) یه راست کلوب ایکیسینی دخی قتل ایتدی .

(خندمه) ده مشرکلر منهزم اولتجه مقیس ابن صبابه ، برطاقم یارانیه
بریره کیزلنوب شراب ایچیورلردی . (نَمْلَة ابن عبدالله الکلبی) رضی الله
تعالی عنه ، آندن خبردار اوله رق اورایه واردی ، مقیسی قلیج ایله اوردی ،
اولدردی .

دیگر دخی هدر قیلنا نلر ، هپ فرارده ایدی . آنلرک اسملری معلوم
اولدیفندن سائر ناس ، هپ امنیت اوزره کزردی .

حقی اشراف قریشدن (خُوَیْطِبُ ابن عبدالعزّی) قاچوب بر محله
کیزلنمشیدی . ابو ذرّ رضی الله تعالی عنه حضرتلری ، آتی کورمکله کلوب
رسول اکرمه خبرویردکده « بز ، قتلی امر ایتدیکمز اشخاصدن بشقه سنه
امان ویرمدکی ؟ » دیو بیوردی . ابو ذرّ دخی واروب خویطبه خبر
ویردی . او دخی حضور نبوی به کلوب اسلام ایله مشرف اولدی .

بو وجهله عامه یه امان ویریلدکدن صکره حضرت پیغمبر ، یدی کرّه
بیت اللهی طواف ایتدی .

فخر عالم حضرتلری ، طواف ایدرکن اصحاب کرامی دخی آنک ایزینه
باشوب کیدرلردی .

ابو سفیان ، بریرده طوروب تماشا ایدرکن « آه ! بر ازدو طوبیلاسم
وشو آدمله ینه جنکه باشلاسم نصل اولور ؟ » دیو دوشونورمش .

رسول اکرم دخی او وقت آنک یانندن کچرکن « او آدم ، سنی ینه
وذیل و ذلیل ایدر ، دهنجه ابو سفیان ، توبه و استغفار ایتدی و « شمعی

بیلدم که حق پیغمبر سین . واقما ذهنمده او یله بر قوروتی وار ایدی ، دیو اعتراف ایلدی .

(فَضَالَةُ ابْنِ عُمَيْرٍ ابْنِ الْمُلُوحِ اللَّيْثِي) دخی رسول اکرمی طواف ایدرکن اوروب اعدام ایلک نیتله یواش یواش یاتنه یا قلاشد قدده رسول اکرم آکا « فضاله میسین ؟ » دیو سوردی او دخی « اوت » دیو جواب وردی . رسول اکرم « نه دوشونو یورسین » دیوب او دخی « هیچ بر شی دوشوندیکم یوق . مان ذکر الله ايله مشغولم » دیدکده رسول اکرم کولدی و « ذهنکده قوردینک شیدن توبه واستغفار ایت » دیو بیوردی و مبارک الله انک کوکسنه قویدی . در حال فضاله نک ذهنتده کی قوروتی زائل اولمش و آنک اوزرینه ایمانی رسوخ و قوت بولمش ایدوکنی صکره دن کندوسی حکایه ایلشدر .

کعبه ده اوچیوز آلتمش بت وار ایدی . او کون جمله سی قیریلوب آتیلدی و بیت الله آنردن تطهیر ایدی .

(هُبَل) نام بیوک بت قیریلوب ییقیلور ایکن زیر ابن العوام رضی الله تعالی عنه حضرتلری ، ابوسفیان « سنک احد وقعه سننده وجودیله افتخار ایتدیکک هبل کورو یورمیسین ؟ » دیدکده ابو سفیان « آرتق توییخی براق یا زیر ! کورو یورم که محمدک الهندن بشقه اله اولسه یدی ایشلر بشقه درلو اولوردی » دیدی .

رسول اکرم ، کعبه معظمه نک قبوسنده طوروب « ای ناس ! حاجلک ، یعنی کعبه خدمتی ايله سقایت زمزم مأموریتدن بشقه اسکیدن قاله نه قدر دعوا وداعیه و رسوم عادیه وار ایسه جمله سنی الفا و ابطال ایتدم » دیو بیوردی .

سقایت زمزم منصبی ، عبدالمطلب اولادینه مشروط اوله رق او وقت بو مأموریت شریفه ، حضرت عباسک عهده سننده اولدینی کبی حاجلک خدمت شریفه سی دخی (ابو طلحه ابن عبدالدار) اولادینه مشروط

اوله رق اووقت کعبه معظمه نك آناختاری (عثمان ابن طلحه ابن ابی طلحه) ده ایدی .

رسول اکرم ، آندن بو مفتاح سعادتی ایسته دی . اودخی خانه سندن مفتاح کعبه یی کتوردی و « آل امانی ، دهرک رسول اکرمه ویردی . ابو طلحه و اوغوللری ، کندولرندن بشقه بر کیمسه کعبه یی آجاماز ظن ایدرلر دی .

رسول اکرم ایسه مفتاح سعادتی آلوب بالذات کعبه یی آچیوردی و ایچرو کیردی . بر چوق صورتلر کوردی ، جمله سنی قالدیرتدی . حضرت عباس رضی الله تعالی عنه ، حاجبکک سقاییت زمزم خدمته علاوه سیله بنی عبدالمطلبه تخصیص بیورلسنی استدعا ایتدی . حضرت علی رضی الله تعالی عنه دخی « یارسول الله ! حاجبک خدمت شریفه - نی اهل بیتکّه تخصیص بیورملیسین » دیدی .

عثمان ابن طلحه ایسه آباواجدادینه مخصوص اولان برخدمت شریفه نك لندن چیقمسو سوزلرینی ایشدتکجه پک زیاده متأثر و متالم اولیوردی . او حالده جبریل امین کلدی و حاجبکک ینه ابو طلحه نسلنده براغلمسی اصره یی کتوردی .

آنک اوزرینه همان رسول اکرم « ای بنی ابی طلحه ! امانه اللهی مؤیداً عهده گزده قالمق اوزره آلکز » دهرک کعبه آناختارینی عثمان ابن طلحه یه ویردی .

عثمان ابن طلحه نك وفاتنده مفتاح سعادت ، آنک عمرزاده سی اولان (شیه ابن عثمان ابن ابی طلحه) یه کچدی . آندن دخی اولاد و احفادینه قالدی . الحاله هده بو حاجبکک خدمت شریفه سی (بنی شیه) دeder .

حضرت ابو بکرک والدیه سی (سلمی) رضی الله تعالی عنها حضرتلری ، اول باول ایمان ایدنلر دن ایدی . اما پدری (أبو قحافه) پیر فانی اولدینی حالده هنوز ایمانه کلامشیدی .

بو کره حضرت پیغمبر ، مسجد حرامه داخل اولدقده حضرت ابو

بكر الصديق ، پدری ابو قحافة نك الدن طوتوب حضور نبوی به كتوردی .
او دخی اسلام ایله مشرف اولدی .

بعده فخر عالم صلى الله تعالى عليه وسلم حضرتلری (صفا) اوزره
چيقوب اوتوردی . حضرت عمر الفاروق دخی آلت طرفده طوردی
وناس كلوب برر برر بیعت ایلمكه باشلادی .

ابتدا ارککلر ، اسلام اوزرینه بیعت ایلدیلر . رسول اکرم دخی اللهه
ورسولنه اطاعت ایتمك اوزره آنلرك بیعتی قبول ایلدی .

ارککلرك بیعتی تمام اولدقه نوبت ، قادینلره کلدی . حضرت علینک
همشیره سی (آم هانی بنت ابی طالب) و (عاص ابن امیه) نك قیزی
(آم حبیبه) و (عتاب ابن اسید) ك خالهری (آروی) و (عاتکه)
و (حارث ابن هشام) ك قیزی و (عکرمة ابن ابی جهل) ك زوجہ سی اولان
(آم حکیم) و خالد ابن ولیدك قیز قرنداشی (فاخته) کبی قریش ایچنده
شانلو واعتبارلو خاتونلر ، طائفة نسائك اوکلرینه دوشوب حضور نبوی به
کلدیلر .

(عتبّه) نك قیزی و ابو سفیانك زوجہ سی اولان (هند) دخی
تبدیل قیافت ایدرك آنلرك ایچنه قاریشوب کلشیدی .

رسول اکرم ، آنلره شرك و سرقت وزنادن اجتناب ایتمك و اولادلرخی
اولدرمامك و کیمسه به بهتان و امر حقه عصیان ایتمه مک اوزره بیعت ایتملرخی
تکلیف ایتمدی .

حال بوکه : ابتدا شرکدن اجتناب ایتمك شرطنی تکلیف ایتمدکه هند ،
میدانه چيقوب « والله ، سن ، ارککلره تکلیف ایتمدیكك شرطی بزه تکلیف
ایدیورسین . هر نه ایسه بزده آنی یرینه كتوره جکزر » دیدی .

بعده ، سرقت بحثنه کلدکه هند « والله ، اگر خرسزلقی ایتمسه یدم
ابوسفیانك مالندن نیچه شیلر چارباردم » دیدی .

ابوسفیان اورادہ حاضر ایدی « کچمشى وار ايسه سکا حلال اولسون .
کله جکه باقالم » دیدی .

فخر عالم حضرتلری ، او وقت هندی طانییدی و « هندميسين ؟ » دیو
صوردی .

او دخی « بن هندم . کچمشى عفو ایت . الله ده سنى عفو ايتسون »
دیو جواب ویردی .

بعده رسول اکرم ، زنا ایتهمک شرطنى تکلیف ایتدکده هند (حَرَم
اولان خاتون هیچ زنا ایدرمی ؟ » دیدی .

بعده رسول اکرم ، اولادلرینى اولدورمه مک یحشنه کلدکده هند
« بز ، آنلری کوچوک ایکن بویوتدک وبویوک ایکن آنلری سن بدرده
اولدوردک . آرتق نه اولدی ايسه اوراسنى سن و آنلر دها ائی بیلورسکز »
دیدى .

حضرت عمرک فوق العاده تمکین ووقاری وار ایکن هندک بو سوزینه
طایانامایوب کولدی .

بعده رسول اکرم ، خاتونلرک بهتاندن صاقینمالرینى تکلیف ایتدکده
هند « والله بهتان چیرکین شیدر . سن ، بز ه حسن اخلاق ايله امر ایدپورسین »
دیدى .

نهایت عصیان ایتهمک تکلیفنه کلدکده دخی هند « بز ، بودیوان عالییه
صکره عصیان ایتمک نیتيله کلدک » دیو سوزى کسیدردی .

آنک اوزرینه رسول اکرم ، بو وجهله قادینلردن بیعت آلمق اوزره
حضرت عمره امر ایتدی . او دخی آل ویردی وبالوکاله قادینلردن
بیعت آلدی .

هندک مقدجه دمی هدر قیلتمش ایکن بو وجهله مظهر عفو وامان
اولدی و خلوص قلب ايله ایمانه کلدی .

حتی خانه سنه واروب ، نه قدر بتلر وار ايسه « بو قدر وقت سزه
آلدانمشز » دهرک برر برر قیروب پارالادی وجهله سنى محو ایلدی .

فخر عالم ، صفا اوزرنده جناب حقه حمد و ثنا ایدرکن انصاردن
بعضاری ، فکر و مطالعیه واروب « حضرت پیغمبر ، وطنته قاووشدی ،
عشیرتیه کورووشدی . هیچ بوندن صکره دونوبده بزم بلده مزه کیدرمی؟ »
دیو تأسف واندیشه ایدرلر مش .

همان حضرت جبریل علیه السلام کلوب رسول اکرمه وحی کتوردی
وانصارک بو اندیشه لرینی بیله یردی .
رسول اکرم ، صفا اوزرنده دعاسنی تمام ایتدکدن صکره بو کیفیتی
انصاردن صورتی .

آنلر دخی « اوت یارسلو الله ! ذهنمزه اوپله بر خاطره کلدی »
دیدیلر .

خاتم الانبیا حضرتلری دخی « ای جماعت انصار ! بن اللهك قولى
ورسولی یم . سزك بلده گزه هجرت ایتدم . حیات و ماتم سزك یانگزده دره
دیو بیوردی .

انصار کرام حضراتی ، رسول اکرمک بو التفاتندن فوق الصاد
سویندیلر وسوینجاردن آغلاشدیلر .

اوپله وقتی کلدکده حضرت بلال رضی الله تعالی عنه ، کبه اوستنه چیقوب
اذان او قودی .

نه بویوک انقلابات حسنه درکه : کبه اوزرنده ، صباحلین قوجه (هَبْل)
نام بت طورورکن آن واحده خلك ايله یکسان اولوب اوپله وقتی اذان
محمدی اوقونویور و حرم شریفده بونجه بتلر وار ایکن جلهسی بردن محو
ایدیلوب کبه مشرفه نك اطرافده بو قدر بیک آغزدن تکیر آلتیور
ولات و عزایه پرستش اولتور ایکن یالکز واجب الوجود تعالی حضرتلرینه
عبادت اولتیور ایدی .

قریش طائفهسی ، طاغیله رق کیسی بر طرفه قاچوب کیزلنش و کیسی
مککک اطرافده کی طاغله و بایرلره چیقوب اوزاقدن تماشایمکده
بولنش ایدی .

بر طاقی دخی ابوسفیان ایله برلکده کعبه حولیسندہ طوروب بویله
 بقتہ ظہورہ کلن تبدلات عظیمہ یه نظر حیرت و تعجب ایله باقیورلردی .
 ایشته اووقت ابوجهلک قیزی (جَویرِیَه) « الله، بابامه لطف واحسان
 ایتش که وقیله وفات ایدوبده بالاک کعبه اوزرنده باغردیغنی کورمدی »
 دیمش .

حارث ابن هشام دخی « کاشکی اولجه فوت اولوبده بوکونی کورمه یه
 ایدم » دیمش .

آنرله برلکده بولسان دیکر اشراف قریش دخی بو سیاقده برر
 سوز سويلشلا .

فقط ابوسفیان « بن ، محمدك حقنده بر شی سويلم . زیرا آکا کوکدن
 خبر ویریلیور » دیمش .

درعقب رسول اکرم ، آنلرك یاننه واردی وینلرنده کیزلوجه
 نه سويلشدکریخی برر برر کندولرینه خبر ویردی .

حارث ، هان « بن ، شهادت ایدرم که سن حق پیغمبر سین . زیرا
 بزم بو سوزلریزه کیمسه مطلع اولمادی » دهرک کلمه شهادت کتوردی .
 کله لم شمدی بزم مقدا دملری هدر قیلنمش اولان بالاده مذکور فراریلرک
 احوالنه :

هنگاه مظهر عفو و امان اولسی سائر فراریلره جسارت ویردی و ابن
 خطلک خواننده جاریه لرندن بری که قاچوب کیزلنمشیدی . مسلمان اوله رق
 حضور نبوی یه کلوب عفو و امان دیله دی . رسول اکرم دخی آنی عفو
 ایلدی .

(عبدالله ابن سعد ابن ابی سرح) دخی عثمان ذی النورین رضی الله
 تعالی عنه حضرتلرینک سوت قرنداشی اولمغله آکا التجا ایلش و او دخی
 آنی کیزلنمش ایدی . عامه یه امنیت و اطمینان کلسدکدن صکره حضرت
 عثمان، آنی میدانه چیقاردی . حضور نبوی یه کتوردی ، عفوایتدیردی .

آندن سكره بو ذات ، قوی مسلمان اولوب بك چوق محاربه لرده
بولنش و حضرت عثمانك خلافتنده مصر والیسی نصب اولنش در .

عكرمه ابن ابی جهل كه خندمه ده منهزم اولدقندن سكره بمن طرفنه
فرار ایتشیدی . زوجہ سی ام حكیم ، مسلمان اولوب رسول اكرم
آنك ایچون امن و آمان آلدی و آرقه سندن كیدوب آنی بمن ساحلنده
بولدی « ناسك الڭ زیاده حلیم و کریمی اولان ذات طرفندن سکارای و امان
ایله کلدیم » دهرک آنی کیرو چویردی و حضور نبوی به کتوردی . عكرمه
دخی اسلام ایله مشرف اولدی .

صفوان ابن امیه دخی جده به فرار ایتشیدی . (عمیر ابن وهب ججی)
حضور نبوی به کلوب « یارسول الله ! صفوان ، بنم قومك اولوسیدر .
سندن قورقوب قاچدی . آکا رأی و امان ویر » دیدی . رسول اكرم
دخی امان ویردی .

آنك اوزرینه عمیر ججی ، جده به واردی . صفوان ایله کوروشدی .
رسول اكرمك نصل حلیم و کریم و اقرباسنه نه مرتبه وفادار اولدیغنی
بیان ایتدی و « او ، سنك عمزاده کدر . آنك عزو شرفی ، سنك عزو
شرف کدر » دیدی و آنی کیرو چویروب و مکه مشرفه به کتوردی و حضور
نبوی به چیقاردی .

صفوان ، حضور نبویه عمیره اشارت ایدرک « بو آدم ، دیورکه : سن ،
مکا امان ویرمش سین . طوغریبی ؟ » دیو سوردی .

رسول اكرم دخی « طوغریدر » دیو جواب ویردی .
صفوان « اويله ایسه مسلمان اولق ایچون بکا ایکی آی مهلت ویر »
دیدی .

رسول اكرم « درت آی تحیر سین » دیو بیوردی .
بناء علیه صفوان ابن امیه ، بر مدت مشرك اولدیغنی حالده امن و امان
اوزره قالدی .

(عبدالله ابن الزبیری) حضرت علیؓ ک ہمیشہ سی ام ہانی حضرت تارینک زوجی اولان (ہیرۃ ابن ابی وہب مخزومی) ایلہ برابر (تَجْرَان) مہ کتندی . ہیرہ ، اورادہ مشرک اولدینی خالدہ وفات ایتدی . ابن الزبیری ایسہ دونوب مکہ کیہ کلدی وعذر دیلہ دی . رسول اکرم دخی آنی عفو ایلدی . آبدن سکرہ او دخی اعتذار وادیسندہ نیچہ شعرلر و رسول اکرمہ مدحیہ لر سویلدی .

حضرت حمزہؓ نک قاتلی اولان (وحشی) بر مدت اطراف واکتافہ طولاشدی . لکن صیغہ جق بر بولامایوب نہایت رسول اکرمہ دخیل دوشدی . رسول اکرم آنی دخی عفو ایتدی فقط « کوزیمہ کورونمہ » دیو بیوردی . بناء علیہ وحشی ، سربست کزردی . لکن رسول اکرمہ اصلا کورونمزدی .

ساحل بحر اوزرنده (مُشَلَّل) نام طاع کہ اورادن (قَدید) نام محل مشہورہ اینلور . ایشته او طاع اوزرنده (اوس) و (خزرچ) قبیلہ لرینک (منات) نامندہ بر بتی وار ایدی . عید فطرہ آلتی کون قالہ (سعد ابن زید ابن اشہل) رضی اللہ تعالیٰ عنہ حضرتلری ، آنی ہدم ایتمکہ مأمور اولمغلہ واروب ہدم ایلدی .

مکہ کیہ بر قوناق مسافدہ واقع (تَخَلَّہ) نام محلہ قریشک (عُرَی) نامندہ بر بتی وار ایدی کہ عندلرنده بتلرک الٹ بیوکی ایدی . عید فطرہ بش کون قالہ آنی کسر و ہدم ایچون دخی خالد ابن الولید رضی اللہ تعالیٰ عنہ حضرتلری مأمور اولہرق بر مقدار سواری ایلہ واروب آنی پارالادی .

مکہ کیہ اوچ میل مسافدہ (ہَذیل) قبیلہ سنک دخی (سَوَاع) نامندہ بر بتی وار ایدی . او اتنادہ عمرو ابن العاص رضی اللہ تعالیٰ عنہ حضرتلری دخی واروب آنی اوردی ، قیردی ، خاک ایلہ یکسان ایلدی .





وقعة خُذَيْمَه

فتح مکدن صکره رسول اکرم ، قبائلی دینه دعوت ایچون هر طرفه
مأمورلر کونده رمله (خالد ابن الولید) ی دخی نخله دن عودتندن صکره
مهاجرین وانصار ایله (بنی سلیم) قیله سندن مرکب بر فرقه ایله (خذیمه)
قیله سنه کونده ردی .

حال بوکه : زمان جاهلیتده خذیمه قیله سی ، عبد الرحمن ابن عوفک
پدرینی و خالد ابن الولیدک عموجه سنی اولدورمش اولدقلرندن خالد، آنلردن
اخذ انتقام ایچون فرصت آراردی .

بناء علیه شوال آینده مکیه برقوناق مسافه سی اولان (یَلَمَّ) ناحیه سنه
واردی . بنی خذیمه ، مسلح اوله رق قارشو چیققدقلرنده « سلاحلر کزی
برایکیز . زیرا خلق ، مسلمان اولدی ، دیدی . آنلر دخی اطاعت
ایدرك سلاحلرینی براقدیلر .

شوحالده آنلره تعرض اولتق اصلا جائز دکل ایکن خالد ، آنلرک
اللرینی باغلاتدی وکندولرینی عسکره توزیع ایدرك « هر کس ، کندی
اسیرینی اولدورسون » دیو امر ایندی .

بنی سلیم قیله سی ، کندی یانلرنده کی اولان اسیرلری اولدوردیلر .
اما مهاجرین وانصاره اوله برچیرکین ایشی ایشله مکدن ابا ایدرك یانلرنده کی
اسیرلری صالیوردیلر .

فی الواقع خالدک بوحرکتی ، پک چیرکین برایش اولدی . حتی صوچنی
باصدیرمی ایچون اکابر اصحاب کرامدن اولان (عبد الرحمن ابن عوف)
حضرتلرینه « پدرینک انتقامنی آلم » دیدکده ابن عوف حضرتلری

﴿ قصص انبيا ﴾

« اويله دكل . سن عموجه نك انتقامنى آلىق ايچون عصر اسلامده زمان جاهليت ايشنى ايشله دك » ديو آنى تكدير ايلدى .
رسول اكرم ، اووقعه ي ايشدكده « يارب ! بن خالك ايشله ديكي ايشدن برى يم » ديو بيوردى و برچوق مال ايله حضرت على ي ، بنى خذيمه يه كونده ردى .

حضرت على ، بنى خذيمه يه واردى . تلف اولان آدملىرىك ديتلرينى وىردى « دها بر حقكز قالدېمى ؟ » ديو صوردى . « خير قالمادى » ديديلر . حضرت على « بيلمه ديككز دها ضايعات وار ايسه آكا قارشولق » ديه رك ياننده فضله قالان ماللىرى دخى آنله وىردى .
بعده حضرت على دونوب كلدى ، كيفيتى حضرت پيغمبره خبر وىردى .
حضرت پيغمبر دخى آنك بو اجرا آتتى تحسين بيوردى .





غزوة حنین

مکه مکرمه فتح اولدینی کبی قریش قومک اکثری مسلمان اولدی. ایمان ایتمینر ، پک آز قالدی . بو جهله دین اسلام ، برمرته دها میدان آلدی .

مقدما قریش قومک طرفداری اولان قبائل وعشار ، بالطبع طرف اسلامیانه مائل ومتوجه اولدی و دین اسلام هر طرفده شان وشهرت بولدی .

فقط عربک الک بیوک قیله لرندن بری اولان (هوازن) قیله سی ، رسول اکرم ایله محاربه ایتک اوزره یینلرنده اتفاق ایلدیلر . طائف ایله مکه آرسنده (حنین) نام وادیده طولانمغه باشلادیلر .

(قارب ابن اسود ابن مسعود ثقی) ثقیف قیله سیله اورایه کلدی . رسول اکرمک کوچوک ایکن سوت امیدیک (بنی سعد ابن بکر) قیله سیله (بنی جشم) کبی دیگر بعض قبائل دخی کلوب آنلره قاتلدی .

بو جهله هوازن اردوسنک موجودی یکریمی بیک نفردن زیاده اولدی .

رسول اکرم ، کندی علیهنده ایله بر بیوک اردونک طولانیدیغی ایشیتدی وهمان تدارکات کلیه یه تشبث ایتدی .

حتی صفوان ابن امیه دن ایکره تی اسلحه ایستدی . صفوان غصبامی یا محمد ؟ ، دیو صوردی .

رسول اکرم « خیر . غصباً دکل ، بلکه سکا رد واعاده اولنجیه دک تلف اولورسه اوده نمک شرطیله عاریت اوله رق ایستم » دیو بیوردی .

صفوان دخی « اوله ايسه باس يوق » دیدی وعاريت اوله رق اوچوز زره ویردی .

(تَوْقَلْ ابن حارث ابن عبدالمطلب) دخی بو وجهله اوچوز مزراق اعاره ایتدی .

الحاصل رسول اکرم ، تدارکات حربیه سنی امام ایلدی و فتح مکدن سکره اسلام ايله مشرف اولان اشراف قریشدن (عَتَّابُ ابن اَسِيد) رضی الله تعالی عنه حضرتلرینی مکده قائممقام براقدی . اووقت عَتَّابُ سنی یکریمی راده سنده ایدی .

اهل مکيه تعلیم احکام دین ایچون رسول اکرم (مُعَاذُ ابن جَلَل) رضی الله تعالی عنه حضرتلرینی عتاب ايله برابر براقدی .

بعده شوالک یدنجی کونی رسول اکرم (دلدل) نام استرینه سوار اوله رق اون ایکی بیک عسکرله مکدن چیقوب جانب حنینه عزیمت ایتدی . بو عسکرک بیک نفری مهاجرین و دورت بیک نفری انصار و بش بیک نفری جهینه و مزینه و بنی سلیم و اسلم و غفار و اشجع قبیله لری و ایکی بیک نفری اهل مکه ایدی .

برلکده سکسان نفر مشرک اولوب آنلردن بری دخی صفوان ابن امیه ایدی .

بنی سلیم قبیله سیله مکه عسکری مقدمه الجیش ، یعنی چرخه جی اولوب رئیس لری او وقت ائک زیاده بهادر و ماهر سواری قوماندانی اولان خالد ابن الولید حضرتلری ایدی .

ایشته بویه بر مکمل اردو ايله رسول اکرم ، شوالک اون برنده وادی حنینه واصل اولدی .

اهل اسلامدن بمضیلری ، اردوی هایونک کثرت و قوته باقوب « بو عسکر ، هیچ بر وقته آزلقدن طولای مغلوب اولماز » دیدی .

بوایسه یا کلیش برسوز ایدی. زیرا : کثرت وقوت ، اگرچه اسباب غلبه‌دن ایسه‌ده نصرتی ویرن جناب حقدور .

کیشی ، اسباب لازمی حاضر ایتلیدر . لکن نصرتی جناب حقدور بیلملیدر . یوقسه‌کندی بکن ، صکره اوتانور وکندی قوته‌کووه‌ن ، دائما آلدانور .

حق‌عالی حضرتلری دخی حینی غالب ومظفر ایدن آنجق کندوسی اولدیتی بیلدیرمک ایچون بو غزاده عساکر اسلامییه بر هزیمت صورتی کوستردی . بعده محضا غایت السیهی اولق اوزره بر بیوک مظفریت احسان بیوردی .

شویله که : دشمن اردوسنک باش قوماندانی و هوازن قیله‌سنک شیخی اولان (مالک ابن عوف نصری) عسکرینی غیرته‌کتورمک و آنلره فداکارانه جنک ایتدیرمک اوزره بالمله نسوان وصیان ایله حیواناتی موقع حربه سوردی و « جله‌گز » یکوجود اوله‌رق بردن بره هجوم ایدیگز « دیو عسکرینه امر ویردی .

خالد ابن الولید حضرتلری ، وادی خنیده لایالیانه سکیردوب کیدرکن پوصولرده کیزلنش اولان هوازن عسکری ، بقتة جیقوب بر شدتلو هجوم ایدنجه بنی سلیم قیله‌سی ، بوزولدی . مکه عسکری دخی آنلره پیرو اولدی . آنلرک بو هزیمتی سائر عساکر اسلامییه سرایت ایدرک بتون اردوی اسلام بوزولوب طاغیلدی .

حضرت پیغمبرک یاندنه یالکز عمتی (عباس) و عتراده‌تی (ابو سفیان ابن حارث) ایله (ابو بکر) و (عمر) و (علی) و (اسامة ابن زید) کچی پک آزا صحاب کرام قالدی .

بو ، بوزغونلق اوزرینه ایمانی ضعیف اولان تازه مسلمانلردن بر چوغنک افکاری بوزولدی .

حتی اهل مکدهن بعضیلری ، بربریه سولشورلر ایکن ابو سفیان ابن حرب « بو هزیمتک دکزه قدر آرقه‌سی آلتماز ! » دیمش .

صفوان ابن امیة نك آنا بر قرن داشی اولان (كَلْدَه) « بوكون، سحر بوزولدی ! » دیوب صفوان ایسه هنوز مسلمان اولماشیکن « صوص. الله آغریگی بیر تسون . بکا، هوازندن بری حاکم اولمقدن ایسه قریشدن بری حاکم اولق یکدر » دیو کلدیهی تکدیر ایتش .

رسول اکرم ایسه ثبات و شجاعتده جمله ناسه فائق ایدی . انک طار و غاطرملو و قتلرده دخی تلاش و عجله ایتزدی .

حضرت علیدن مریدرکه « محاربه » شدت بولوبده باشمز صیقی به کلدیکی وقت بزء هب رسول الله صیغوردق « دیر ایتش .

ایشته بو دفعه دخی فخر عالم حضرتلری ، جمله ناسک اشجعی اولدیغی کوستردی .

شویله که : بروجه بالا اردو بوزولوبده فخر عالم ، یالکز قالدقده اصلا فتور کتورمیوب و هیچ تلاش کوسترمیوب دلدلی دشمنه قارشو سوره ردی . حضرت عباس ایسه ایلرو کیتمه سون دیو دلدک دیزکیتی طوناردی .

اووقت فخر عالم حضرتلری ، یاننده کی اصحاب کزینی ایله صاغ طرفه چکیلوب طوردی . « ای ناس ! کلیگز . بن رسول الله ، محمد ابن عبدالله ، دیو ندا بیوردی .

حضرت عباس دخی گور سسلی بر ذات اولوب صوت جهیر ایله « ای عقبهده بیعت ایدن انصار ! ای شجره رضوان آلتنده کیرودونمه مک اوزره سوز ویرن اصحاب ! » دیو چاغردی .

ایشیدن اصحاب کرام « لَبَّيْكَ لَبَّيْكَ » دهرک دوندیلر وهمان کلوب رسول اکرمک اطرافنه طوبلانیدیلر .

هله (اسید ابن حنیر) رضی الله تعالی عنه حضرتلری (یا اوس) ، (سعد ابن عباده) رضی الله تعالی عنه حضرتلری (یا خزرج) دیو چاغردقلا رنده نصل که آریلر ، بکلرینک باشنه اوشوب طوبلانورلر ایسه

(اوس) و (خزرج) قبیله‌ری دخی سکیردوب قوشوشدیلر و آنلرک باشنه اوشدیلر .

ایشته بو صورتله بوزغون عسکر ، هر طرفدن قوشوب رسول اکرمک یانه کلدیلر و کمال شدت ایله جنکه کیرشدیلر .

هوازن عسکری ، کال شدت ایله هجوم ایدوب کلورکن حضرت علی رضی الله تعالی عنه ، قارشو واروب آنلرک بایراقدارلرینی اولدوردی . اوئانده رسول اکرم « شیمدی فرون قیزدی ، دیویوردی و یردن بر آووج طوپراق آلوب دشمنلرک یوزلرینه قارشو آتدی و کؤکدن ملکلر اینوب رسول اکرمه یاردیم ایتدی . بوجهتله دشمنلر ، همان فراره یوز طوندی .

عساکر اسلامیه دخی آنلرک آرقه‌لرینه دوشوب دیله‌دکلرینی قل و دیله‌دکلرینی اسیر ایتدیلر .

یالکز انصاردن و خزرج قبیله‌سندن (ابو طلحه) رضی الله تعالی عنه حضرتلری ، اووقت مشرک‌کردن یکریمی نفرینی قتل ایتشدی .

بو جهتله مشرک‌لرک یتیم بو قدری تلف و بر چوغنی اسیر و باقیسی منهزم و پریشان اولدی و کافه اموال و عیال‌لری عساکر اسلامیه ائنه کچدی . اهل اسلامک شهیدلری ایسه درت نفردن عبارت ایدی .

ابتدا عساکر اسلامیه‌نک یوزولدینی خبری اهل مککه و اصل اولدقده بعضیلری « محمد اولمش و محمدیلر طاغیلمش . بوندن صکره عرب قومی دخی بابالرینک دینه دونرلر ، دهرک اظهار ممنونیت ایلشلر .

مکه قائممقامی اولان (عتاب ابن اسید) رضی الله تعالی عنه حضرتلری دخی « محمد اولورایسه شریعتی باقیدر ، تکریمی دیریدر ، دیمش .

متعاقباً اهل اسلامک منصور و مظفر اولدینی خبری مککه و اصل اولنججه عتاب ایله معاذ ابن جبل رضی الله تعالی عنهما ، یکیدن دنیا به کلشجه‌سنه ممنون اولشلردر .

غریبه

یوقاروده بیان اولندیفی اوزره رسول اکرم، مدینه دن حرکت بیورمدن اولجه (ابو قتاده) رضی الله تعالی عنه حضرتلرینی بر مقدار عسکرله جانب نجده کوندرمشیدی .

(اضم) نام محله واردقلرنده (عامر ابن اَضْبَط) ؎ تصادف ایشلار . عامر ، آنلره سلام ویرمش وکندوسنک مسلمان اولدیغنی بیلدیرمش ایکن ابو قتاده نك معینده کی عسا کردن (عَمَلَمُ ابن جُثَامَه) بر اسکی ماجرادن طولای غامری اولدرمش وده وه سیله اشیاسنی مال غنیمت دیو آلمش .

بعده ابو قتاده ، عسکریه عودت ایدوب رسول اکرم ایسه اردوی هایون ایله مکه اوزرینه حرکت ایلش اولدیغندن ابو قتاده دخی آرقداشلریله برلکده مکه یه متوجه اوله رق اثنای راهده رسول اکرمه یتشمشلار ومکه فتحنده بولندقدن صکره حنین غزاسنه دخی چیقمشلار ایدی .

رسول اکرم ، وادی حنینده اولیه نمازینی ادا ایتدکن صکره بر آفاج کولککسندن اوتوردی . اصحاب کرامی دخی اطرافنده صف اولوب طوردی .

اووقت غطفاندن (فزاره) قبیله سنک رئیس اولان (عِیْنَةُ ابن حصن) قالمقوب عامر ابن اَضْبَطك قاتنی دعوی ایلدی .

بنی تمیم قبیله سی شیخی اولان (اَقْرَعُ ابن حَابِس) دخی عَمَلَمُ ابن جثامه یی حمایه ایدرك مدافعه یه قالدیشدی .

حضور نبویه اوزون اوزادی یه محاکمه دن صکره ورنه نك موافقتیه دیته قرار ویردیله و ؎ عَمَلَمُ کلسونده رسول اکرم ، آنك ایچون استغفار ایتسون ؎ دیدیلر .

عَمَلَمُ کلدی ، حضور نبویه اوتوردی .

رسول اکرم ؎ آدك ندر ؟ ؎ دیو صوردی .

« محمّد ابن جثامه » دیو جواب ویردی .
 رسول اکرم « عامر ابن اضبط ، اسلامی اظهار ایتمشیکن سن آتی
 قتل ایتدگی ؟ » دیو بیوردی .
 محمّد « آنک اسلامی اقرار ایتسی ، آنجیق اولومدن قورتولوق ایچون
 ایدی » دیدی .

رسول اکرم « یا ، سن آنک قلبی یاردگی که طومری می ، یالانی
 بیله سین » دیدی .
 محمّد « آنک قلبی برات پارچه سیدر . یاریسه نه آکلاشیلور ؟ » دیدی .
 رسول اکرم ، « قلبی بیلمزین ، لسانه دخی اینامازین . نه یاملی ؟ »
 دیدی .

محمّد ، باشقه دییه جک بر شی بولامایوب « یارسلو الله ! بنم ایچون
 استغفار ایت » دیدی .

رسول اکرم « الله ، سنی عفو ایتمه سون » ده نیجه محمّد ، کوزلرندن
 یاش آقاراق قالغوب کیتدی و کدرندن بر هفته ظرقده وفات ایتدی .
 دفن اولتدقه یر ، آتی قبول ایتیه یوب طیشارو آتدی . تکرار دفن
 اولتدقه یر ، آتی ینه آتدی .

قومی کلوب رسول اکرمه خبر ویردی . رسول اکرم « بو یر ،
 آندن ده قالرینی قبول ایدر . لکن جناب حق ، سزه وعظ ایتک ایستر »
 دیو بیوردی .

آندن صکره (محمّد) ی قومی ، تکرار دفن ایتدیلر و اوزرینه بیوک
 طاشلر قویوب کیتدیلر .

وقعة اوطاس

وادی حنینده هوازن اردوسی ، منهزم و پریشان اولدقدن صکره
 فراریلردن بر طاقی هوازن دیارنده (اوطاس) نام وادیده طوپلاندی .

ابوعامر رضی الله تعالی عنه حضرتلری ، بر فرقهٔ عسکریه ایله اورایه واروب حربه گیرشدکده شهیداولنجه یرینه (ابوموسی الاشعری) رضی الله تعالی عنه حضرتلری کچوب جنکی قازاندی وبر چوق اسیرلر ایله نیجه اموال غنائم آلوب کیرودوندی .

بواسیرلر ایچنده (بنی سعد) قبیلهسندن (حارث) ک قیزی (شیبا) دخی وارایدی . رسول اکرمک سوت قیز قرنداشی اولدیغنی خبر ویردی وحضور نبوی کتورلادکده رسول اکرم ، آنی طانیوب متأثر اولدی . حتی مبارک کوزلرندن یاش کلدی . خرقهسنی یره دوشه یوب (شیبا) پی آنک اوزرینه اوطورندی وپک چوق حرمت ورعایت ایتدی . آکا بر کوله وجاریه وایکی دهوه وبر مقدار قویون ویردی وقوم وقبیلهسی یانه کوندهردی .

محاصرة طائف

بروجه بالا قبائل متفقہ اردولری ، منهزم وپیشان اولنجه آرتق قبائل عربده اهل اسلامه قارشو کلهجک تاب وطاق قالدی .

فقط ققیف قبیلهسی ، وطنلری اولان (طائف) بلدهسنه کیتدیلر وقلعهیه کیروب تحصن ایتدیلر .

هوازن قبیلهسنک رئیس اولان (مالک ابن عوف) دخی آنلرله برابر واروب طائف قلعهسنه قیاندی .

آنک اوزرینه حضرت پیغمبر ، اسرا ایله اموال غنائمک مکیه اون یوقدر میل مسافهسی اولان (جِعْرَانَه) نام موقعده جمع ایدیلسنی امر ایتدی ومحافظهلری ایچون اوراده بر مقدار عسکر آلیقودی . باقی عسکرله طائفه کیتدی واهل طائفی صیقی صیقی محاصره وتضییق ایتدی . حتی (سلمان فارسی) رضی الله تعالی عنه حضرتلرینک معرفتیه منجیق دخی قوللاندی . ققیف قبیلهسنک رئیس اولان (عُرْوَه ابن مسعود) ایله (غِلَّان ابن سلمه) مکهنک قتحندن سکره رسول اکرمک طائف اوزرینه یورویهجکنی

اوله در خاطر ایدرک منجیق صنعتی اوکره نمک ایچون (جُرش) طرفه
کیتمش اولدقلرندن حنین وقعه سنده بولنمدقلری کبی بوکره طائفک
محاصره سنده دخی بولنه مدیلر .

لکن ققیف قیله سیله طائفده بولنان سائر محصورین ، قلمه دن شدتلو
مدافعه ایندیله . پک چوق اوق وسائر آندیله .

شویله که : آندقلری اوقلر ، چکیرکه آلایی کبی هواده اوچار وبر برینه
طوقوشه رق اهل اسلام اوزرینه دوشر ایدی .

بوجه تله اهل اسلام دن اون ایکی کشتی شید وبر چوق کیمسه لر مجروح اولدی .
بو صره ده طائفدن بر چوق کوله لر ، قاجوب اردوی هایونه کلدیلر .
رسول اکرم ، جمله سنی آزاد ایندی .

خالد بن ولید رضی الله تعالی عنه حضرتلری ، بر قاج دفعه میدان
مبارزه یه چیقوب ار دیله دی .

رؤسای مشرکیندن (عبدالل) نام شخص « درون قلمه ده سکافارشو
چیقه جق کیمسه یوقدر . بزلر ، ذخیره من تمام اولنجه یه قدر طیانوب
طورورز . ذخیره من بیتر ایسه او وقت طوبمز بردن طیشارو اوغرایوب
اولنجه یه قدر اوغراشورز » دیو ردّ جواب ایلدی .

بوصورتله مدت محاصره ، اون سکنز کون قدر تمتد اولدی . طائفک
فتحی ایسه هنوز میسر و مقدر دکل ایدی .

بناء علیه رسول اکرم ، آندن واز کجیدی واردوی هایون ایله طائفدن
قالقوب جعرانه یه کلدی که اسرا و اموال غنائم هب اوراده ایدی .

اسرائک ذکور و انات مجموعی آلتی بیک نفوس و اموال غنائم یکرمی
درت بیک دموه و قرق بیکدن زیاده قویون و پک چوق قنود ایدی .

تقسیم غنائم

رسول اکرم ، چند روز اسرا و اموال غنائمی تقسیم ایچون جعرانه ده
مکت و توقف بیوردی .

فتح مکهدن صکره يکي مسلمان اولانلر هنوز قېلبرنده ايمانلری قوت بولامش اولانلرکه (مُؤَلَّفَةُ الْقُلُوبِ) دنيالور. رسول اکرم ؑ آنلره اموال غنائمدن زیادهجه حصه چیقاردی .

شویله که : (ابوسفیان) و اوغوللری (یزید ابن ابی سفیان) و (معاویه ابن ابی سفیان) و (خُوَیْطُ بْنُ عَبْدِ الْعِزَّى) و ابو جهلک اوغلی (عکرمه) و برادری (حارث ابن هشام) و (سهیل ابن عمرو) کی برنجی درجهده اشراف قریشدن اولان مؤلفه القلوبه یوزر دهوه و برر مقدار کومش وایکنجی درجهده اشرافدن اولان مؤلفه القلوبه قرقر دهوه و آکا کوره برر مقدار کومش ویردی .

بونلره اووقت مؤلفه القلوبدن ایکن صکره هپ قوی مسلمان اولشلردر. علی الخصوص ابوسفیان ایله اوغوللری یزید و معاویه و خویط ابن عبدالعزیؑ ؑ مؤخرأ رسول اکرمک خدمت کتایتمده بولنشلردر .

رسول اکرم ؑ نه مرتبه جود و کرم صاحبی اولدیغنی بوکره دخی یار و اغیاره بیلدیردی .

حتی احوال غنائم اووجهله قسیم اولنورکن بو وادیده الک اعلاجنسندن اوله رق یوزقدر دهوه طولایتمشیدی. صفوان ابن امیه ؑ آنلری کوروب « نه اعلا دهوه لر! » دیدکده رسول اکرم ؑ اويله ایسه سنک اولسون ؑ دیو بیوردی وهان دهوه لری آکا ویردی .

صفوان دخی مقدما مسلمان اولق ایچون درت آی مهلت آلمشیکن آرقق آکا باقیوب « بو مرتبه لطف و سخا ؑ آنجق خصلت انیادر ؑ دیه رک همان اسلام ایله مشرف اولیویردی .

رؤسای نهجبدن (عینه ابن حصن فزاری) ایله (اقرع ابن حابس تمیمی) یه دخی یوزر دهوه ویریله رک اشراف قریشک برنجی درجهده نه معادل طولولایلر .

بوکره انصاره اموال غنائمدن سائرلره ویرلدیکی قدر حصه ویریلدیکندن بعضیلرینک جانلری صیقیلوب بینلرنده سویلنمشلر .

فخر عالم حضرتلری ، آنلری حضور سعادته جاغردی « بن ، برطاقم
ضعیف الاعتقاد اولان یکی مسلمانلرک جلب و تألیف قلبی ایچون اموال
غنائمن آنلره زیادهجه حصه ویردم . آنلر ، مالی آلوب مملکتلرینه
کیده جکلر . سزده رسول اللهی آلوب کندی دیارگزه کتورمکه راضی
دکلیسکز ؟ » دیو بیوردی .

جملهسی « راضی و خوشنودز » دیدیلر و بوتلفات ییغمیریدن نمون
و متأثر اولوب آغلاشدیلر .

فخر عالم حضرتلری دخی اللری قالدیروب خاصهٔ انصاره و آنلرک
اولاد و احفادینه خیر ایله دعا ایتدی .

اواننده هوازن قیله سنک اشرافی جمرانه یه کلدیلر و اسلام ایله مشرف
اولدیلر . اولاد و عیاللرینک رد و اعاده سی نیاز ایدیلر و حضور نبویه
غایت مؤثر سوزلر سویلدیلر .

رسول اکرم « بنی هاشمک حصه سنه اصابت ایدن اسرا هپ سزگدر ،
دیدی .

سائر مهاجرین و انصار دخی « بزم حصه لرمنه اصابت ایدن اسرا ، هپ
رسول الله کدر ، دیدیلر . دیگر قیله لرده ایسترایسته من آنلره تبعیت ایتدیلر .
بو صورتله بر کونده آلتی بیک اسیر آزاد ایدیلدی و جمله سنه طرف
نبویدن اکراماً بر رقات روبه کیدیریلدی .

متعاقباً هوازن قیله سنک رئیس اولان (مالک ابن عوف) کلدی و اسلام
ایله مشرف اولدی . آکا دخی طرف نبویدن یوز دوه احسان بیورودی .

رسول اکرمک مککه یه و آندن مدینه یه عودتی

انساننده ظهوره کلن بعض وقایع

خاتم الانبیاء علیه افضل التحایا حضرتلری ، واسط ذی القعدة ده جمرانه دن
قالقوب مککه کتدی و بیت اللهی زیارت ایتدی و عتاب ابن اسید رضی الله
تعالی عنه حضرتلریخی امیر مککه ، یعنی مککه والیسی نصب ایلدی .

ناسه احكام شرعيه يي بيلديرمك ايچون معاذ ابن جبل رضى الله تعالى عنه
حضرتلارنى دخى مكده برآقدى .

كندوسى اصحاب كراميله برلكده مكدن چيقدى و اواخر ذى القعدة ده
مدينه يه واصل اولدى .

عتاب رضى الله تعالى عنه ، بوسنه ناس ايله عربك اسكى عادى اوزره
حج ايتدى .

اشبو عتاب ، حضرت عثمان ذى النورينك عمزاده سى و (اسيد ابن
ابى العاص ابن اميه) نك اوغلى ايدى . ايبيلر حقنده شفقتلو ، کوتولر
حقنده شدتلو، عادل و صالح و بنى اميه ايچنده سوزى نافذ و ضبط و ربط
مملكته مقتدر بر نوجوان ايدى .

ضعفاى ناس ، آنك امارتندن ممنون و عدالتندن خوشنود قالدى .
اما اون دنبرو مكده رياسته آليشمش اولان كبار قریش ، اويله نورسيده
برذاتك امارتندن خوشنود اولديلر .

على الخصوص جله سنك رشتى اولان ابوسفياه كوره اويله برنوجوانك
حكومتى آلته كيرمك کوچ ايدى .

فقط ابوسفیان ايله فتح مكده يكي مسلمان اولان ديكر كبار قریشدن
نيچهلرى بعدالفتح مكدن مدينه يه کوچ ايتديلر .

ابوسفیان ، نجران واليسى نصب و تعيين بيورولدى . اوغلى معاويه
دخى كاتب وحى اولدى .

مكده (ابو محذور) دينور اون التى ياشنده ظايت كوزل سسلى بر
چوجق وار ايدى . فتح مكده رسول اكرم ، آكا تسليم اذان ايدوب
آنى مكده برآقدى . اودخى هجرتك الى طقوز سنه سنه قدر مكده مؤذلك
ايتدى . بعده فوت اولدى . ايشته پيغمبرمك مؤذنلرى ايچنده حضرت
بالادن صوكره اُنك مشهور اولان بودر رضى الله تعالى عنهما .

رسول اكرم ، جمراندن عودت ايتديكى ائنده (بحرين) حكمدارى

(منذر ابن ساوی) یہ خطاباً برنامہ یازدیرمش و (علاء ابن الحضرمی) رضی اللہ تعالیٰ عنہ حضرت تریلہ کوندیرمش ایدی .

علاء حضرت تری ، بحرینہ واردی . نامہ ہایونی مندرہ ویردی . منذر ، ایمانہ کلکله بحریندہ کی عربلر دخی ایمان کتوردی .

لکن اورادہ بولنان یہود و مجوس طاقہلری ، ایمانہ کلیوب اسکی دین و آینلرنده اصرار ایتدکلرندن منذر ابن ساوی ، حضرت پیغمبرہ برقطعہ عریضہ یازوب آنلر حقتندہ نہ یاپیم ؟ دیو صوردی .

رسول اکرم دخی مندرہ جواباً بر امرنامہ یازدیروب اومقولہ لره جزیه باغلا دیو بیوردی .

ینہ او ائسادہ طرف نبویدن کاتب حضرت پیغمبری (ابی ابن کعب - الانصاری) رضی اللہ تعالیٰ عنہ حضرت تریلہ قلمیلہ (عمان) حکمداری اولان (جلندی) اوغوللری (جیفر) ایله (عبد) . نامہ ہایونی یازیلش و عمرو ابن عاص رضی اللہ تعالیٰ عنہ حضرت تریلہ کوندیریش ایدی .

عمرو ابن عاص ، عمانہ واردی . نامہ ہایونی جیفر ایله برادری عبدہ ویردی . جیفر ، براز تردد دن صکرہ عبد ایله برابر ایمان کتوردی .

بعدہ عمرو ابن عاص ، عمان اطرافندہ کی عرب اغنیاسنک زکاتی طوبلادی و فقیرلرینہ تقسیم ایلادی . درون بلدہدہ بولنان مجوس طاقہسنہ دخی جزیه باغلادی .

ینہ او ائسادہ ملوک غساندن بلقاوالیسی اولان (جبلہ ابن اہیم) .ہ برقطعہ نامہ ہایونی یازیلدی ، و دین اسلامہ دعوت بیورولدی .

جبلہ دخی اطاعت کوستردی و رسول اکرمہ برقطعہ جوابنامہ ایله بعض ہدایا کوندہردی .

شام طرفندہ متوطن اولان قبائل عربدن (جذام) قیلہسی رئیس (قروۃ ابن عمرو الجذامی) کہ قیصر روم طرفندن (معان) بلدہسی متصرفی واو جوارده بولنان طوائف عربک امیری ایدی . بوائسادہ رسول اکرم ،

آنی دخی دین اسلامه دعوت ایتدی . او دخی اطاعت ایدوب ایمانه کلدی .

رومالور ایسه فروه نك مسلمان اولدیقى ایشیتدکلی کی آنی جلبایله حبس واعدام ایلدیلر ، رضی الله تعالی عنه .

خلال ذی الحجده رسول اکرمک (ماریه) نام جاریه سندن (ابراهیم) نام اوغلی دنیا یه کلدی و رسول اکرمک بیوک کریمه سی (زینب) رضی الله تعالی عنها حضرتلری دخی بوسنه دار قنادن کوچوب دار بهایه کیتدی .

ینه بوسنه مدینه منوره ده مأکولات بهایه چیمقله خلق ایستدی که رسول اکرم نرغ ویره . رسول اکرم دخی بیوردی که « نرغ ویریحی آنبحق اللهدر ».





هجرتك طقوزنجی سنهسی

ز نكینلرك زكاتی طوبلا یوبده فقیرلره تقسیم ایتمك اوزره طرف
تپویدن قباله مأمورلر کونده ریلدی.

خزاعه قیسهسی زكاتلری ویرمك اوزره ایکن (بنی تمیم) قیسهسی
« بوقدر اموالی نیچون الدن چیقارملی؟ » دهرک عمانت صددنده اولدقلری
ایشیدیلدی .

آنك اوزوینه رسول اکرم (عینه ابن حصن فزاری) بی بر مقدار
عربان آتوسيله بنی تمیم اوزرینه کوندردی .

عینه دخی خلال مجرمده مدینه منوره دن چیقوب (صفرا) طرفنه
طوغری کیدرك (سقا) نام محله واردی . اوراده بقتہ تمیمی اوردی و بر
خیلی اسیر و اموال غنائم آلوب کتوردی .

بنی تمیمك وجوه و اشراقی ، اسیرلری قورتارمق اوزره مدینه منوره یه
کلدیلر و ائک فصیح و بلیغ آدمیلری برابر کتوردیلر و باب سعاده کلوب
« یامحمد! حیق . سنگله مشاعره ایدلم و فخریه سویلشم » دیو باغردیلر .

رسول اکرم چیقوب « بن ، شعرا یله مبعوث اولدم . فخریه ایلله دخی
مأمور دکلم . فقط سویلیکیز باقیم » دیو بیوردی .

بنی تمیمك ائک فصیح و بلیغ خطیبی اولان (عطارد ابن حاجب)
قالقوب کندی قومك مدح و ثنای حقنده غایت فصیحانه و بلیغانه برخطبه
اوقودی .

رسول اکرم ، اكا جواب ویرمك اوزره بلغای اسلامدن و کبار انصار
کرامدن (ثابت ابن بن قیس بن شماس) رضی الله تعالی عنه حضرتلرینه
امر ایتدی .

ثابت ابن قيس دخي قالقوب و جناب حَقَّ عظمته و رسول اكرم
كيفيت بخته دائر پك كوزل برخطبه اوقويوب عطارده غالب كلدى .

بدمه بنى تيممك شاعر مشهورى اولان (اقرع ابن حابس) قالقوب
فخريه يولدمه برقصيده اوقودى .

حضرت پيغمبر اكا جواب ويرمك اوزره (حسان ابن ثابت الانصارى)
رضى الله تعالى عنه حضرتلرينه امر ايلدى .

حضرت حسان دخي دين اسلامك شرف و شانه دائر بالبداهه بر كوزل
قصيده سويلدى .

اقرع ابن حابس ، انصاف ايدوب « بوذاتك خطيبي ، بزم خطييمزك
و شاعرى ، بزم شاعر مزك فوقنده و آنلك سسلرى ، بزم سسلرمزك
اوستنده دره ديدى و آرقداش لريله برابر ايمانه كلدى .

ديار يمنده متوطن اولان قبائل (حَير) بكلى طرفلرندن دخي بو ائنده
مدينه منوره يه ايلچيلر كلوب رسول اكرم ايله ملاقات ايتديلر و شروط
اسلامى اوكره نوب كيتديلر .

بنى تيمم قيلهسى مبعوثلرينك مزاجلرى غليظ اولوب آنلره نسبتله يمين
ايلچيلرى ، پك تازك و ظريف آدملىر اولدقلرندن حضرت پيغمبرك مدح
و ثنائسه مظهر اولديلر .

ينه اول ائنده (عُذْرَه) قيله سندن اون ايكي كيشى كلدى (جره ابن
نعمان) دخي آنلك ايچنده ايدى . قيله لرينك زكاتلرينى كتوروب و يرديلر
وجهلسى ايمان كتورديلر « يارسول الله ! بزم تجارتمز شام ايله دره او طرفده
ايسه روم قيصرى هر قل وار . آنك حقنده سكا برشى و حى اولنديمى ؟ »
ديو سورديلر .

رسول اكرم « مژده سزه كه يقينه شام فتح اولنه جقدر و هر قل ، بو
حوالدين صاووشوب كيده جقدر » ديو بيوردى .

فصحى و بلغاى عرب ، قرآن كريمه نظيره سويلكدن عاجز قالوب

بو جهته جوغی مسلمان اولدیهده برطاقی، دین باطللرنده اصرار ایدرک
سلاح ایله غلبه سوداسنه دوشدیلر .

لکن سلاح ایله مقاومتدن دخی عاجز قالنجه بنی تمیم کی بعضیلری
ینه لسان قلیجنه مراجعت ایدرک خطبه و شعر ایله جنکشمکه قالدشیلر .
خطبا و شعراء اسلام ایسه وادی^۱ بلاغته آنره غالب کلدیلر . نهایت
آنر دخی عجزلریغی اعترافه مجبور اولدیلر .

خطبای اسلام ایچنده (ثابت ابن قیس) رضی الله تعالی عنه ، سائر
فائق اولدینی کی شعرده دخی (حسان ابن ثابت) ایله (کعب ابن مالک الانصاری)
رضی الله تعالی عنهما حضرتلری فائق الاقران ایدیلر .

بعده (کعب ابن زهیر) دخی کلوب آنره قاتیلدی . رسول اکرمک
مدح و ثنایله مشغول اولدی .

شویله که : ملغای عربدن مشهور (زهیر ابن ابی سلمی) نام شاعرمک
(بُحَیْر) و (کعب) نامنده ایکی اوغلی اولوب ایکیسی دخی آنک کی
شاعر ماهر ایدیلر .

هله کعب ، فوق العاده آتش زبان بر شاعر اولوب پدرینک وفاتندن
سکره شهرتی آکا میراث قالدی .

بو کره رسول اکرم ، مکدن مدینهیه عودت ایتدکده بحیر ابن زهیر،
مدینه منورهیه کلدی و اسلام ایله مشرف اولدی .

کعب ابن زهیر ، آنی ایشتدکده جانی صیقیلدی و برادرینه « نیچون
بابا کک دیتسندن دؤندک ؟ » دیو تویسخ و تکدیر یوللو برقصیده یاپوب
کوندهردی .

بحیر ، اوقصیده بی حضور نبویه اوقودی . رسول اکرم ، دلکیر
اولدی « هرکیم ، کعب ابن زهیره راست کلورسه اولدورسون . دمی هدردر
دیو بیوردی .

بحیر دخی برادرینه نصیحتنامه قیلیقلور بمنظومه یاپوب کوندهردی و بیوک
تهلکده اولدیتی کندوسنه بیلیدردی .

کعب ، فصل مخاطره لی بر حالد اولدینی آ کلادی و یک زیاده تلاش ایلدی . همان مدینه منوره یه کلوب ابو بکر الصدیق رضی الله تعالی عنه حضیرتربنک یاننه واردی .

حضرت صدیق دخی آنی آلوب مسجد شریفه کتوردی و یارسول الله بر آدم بیعت ایدمک ، دهرک حضور نبوی یه چیقاردی .
آنک اوزربنه کعب دخی رسول اکرمک الی طوتدی ، بیعت ایندی و دیز چوکوب اوتوردی .

« کعب ابن زهیر ، تائب و مسلم اوله رق استیان ایچون حضور سعادتنکزه کلک ایستر . قبول ایدرمیسکنز ؟ » دیو صوردی . رسول اکرم دخی « اوت » دیو جواب ویردی .

درحال کعب « یارسول الله ! کعب ابن زهیر بنم ، دینجه انصاردن بری قالقوب » رخست ویر یارسول الله ! شونک بوینی اورایم ، دیدکده رسول اکرم « آندن واز کچ . زیرا دین اسلامه میل ایله توبه ایدوب کلشدر » دیو بیوردی .

او وقت کعب دخی رسول اکرمه مدحیه اولوق اوزره نظم ایندیکی (بَانتُ سَعَادُ) قصیده سنی اوقومغه باشلادی .

بو مدحیه یه (قصیده بُرده) دنیلور . (برده) ایسه عربجه خرقه دیمکدر . او وجهله تسمیه سنه سبب بودرکه : کعب ، آنی اوقورکن رسول اکرم ، غایت محظوظ اوله رق صرتندن خرقه شریفه سنی چیقاروب کعبه کیدیردی . کعب دخی آنی آلوب عمری اولدقجه او برکذار سعادت ایله افتخار ایلدی .

حتی صکره معاویه ابن ابی سفیان ، اون بیک درهم و یروب آنی آلمق ایستدکده حضرت کعب « بن ، رسول اللهک خرقه سنی کیمک ایچون کیمه یی نفسه ترجیح ایدم » دیو رد ایتمشیدی . لکن کعبک وفاتنده معاویه ، آنک وره سنه یکریمی بیک درهم کونده روب او خرقه سعادت آلمشدر .

ایشته آندن سکره ملوک و سلاطین بیننده خلفاً عن سلف تداول ایدن خرقه شریفه ، اشبو برده لطیفه در . بزینه صده کلهم .

(طئی) قیلهستک اولوسی اولان و طالده فوق العاده جود و سخا ایله شهرت بولان (حاتم طائی) نك محلهسنده طئی قیلهسنك بر بختانه سی اولوب آنده (فلس) نامنده بر بت وار ایدی .

کچن سکزن سنه هجریه سنده (حاتم طائی) دنیادن کوچدی ویرینه اوغلی (عدی ابن حاتم) کچدی . او دخی پدری کبی مشهور بر ذات ایدی .

لکن اطراف و جوارده کی بختانه لر ، بیقیلوب بتلر قبریلقده ایکن بختانه طائیک حالی اوزره قالسی جائز و روا دکل ایدی .

بناء علیه رسول اکرم ، آنی هدم ایتمک اوزره اشبو طقوزسنه هجریه سی ربیع الآخرنده علی کرم الله وجهه حضرتلری بر فرقه عسکریه ایله او طرفه کوندردی .

حضرت علی دخی بر کون صباحلین ایرکندن حاتم طائی محلهسنه واردی وهان او بختانه بی یقیدی و فلسی قیردی .

عدی ابن حاتم ، شام طرفنه قاچدی . لکن قیز قرنداشی (سفانه بنت حاتم) اله کچدی .

حضرت علی ، بر چوق اسیر و اموال غنائم آلوب سفانه ایله برابر مدینه منوره یه کتوردی .

رسول اکرم ، سفانه بی آزاد ایدوب برادری عدی ابن حاتمک یانه کونده ردی .

آنک اوزرینه عدی ابن حاتم ، مدینه منوره یه کلدی و اسلام ایله مشرف اولدی .

ایشته کبار اصحاب کرامدن اولان (عدی ابن حاتم) رضی الله تعالی عنه حضرتلری ، بو ذاتدر .





غزوة تبوك

قصر رومك امريله شامده اهل اسلام عليهنه بر بيوك اردو ترتيب اولنش و (جُذَام) و (لَحْم) و (غَسَان) قيله لری دخی روم عسكریله برلكده حركت ایدمك ایش دیو ایشیدیلدی .

آنك اوزرينه رسول اكرم دخی دیار شامه کیتمك و روما دولتيله جنك ایتك اوزره مدینه منوره ده بر بیوك اردو جمع و ترتینه مباشرت بیوردی .

مکدن، سائر قبائل عربدن عسکر جلب ایتك اوزره هر طرفه مخصوصاً مأمورلر کوندردی وایام قحط و غلا اولدیغندن ذی قدرت اولانلرك عسکره اعانه ایتلرینی امر ایتدی .

بناءً علیه قدرتی اولانلر، قدرتسزلره بك چوق اعانه ایلدیلر . حتی اهل اسلام خاتونلری، حلیاتلرینی عسکره هدیه ایتدیلر . ابو بکر الصدیق رضی الله تعالی عنه حضرتلری، جمیع اموالنی بواوغورده بذل و صرف ایلدی .

عثمان ذی النورین رضی الله تعالی عنه حضرتلری، اعانه عسکره اوله رق اوچوز ده وه یوکی ذخیره و تقدماً بیک آلتون ویردی . ایشته آنك اوزرينه رسول اكرم، حضرت عثمانه خاصه دعا ایتدی و کندوسندن صدور ایش و ایدمك بالجملة تقصیراتنك معفو اولدیغنی تبشیر بیوردی .

رسول اكرم، اوتة دنبر بر سمته سفر ایدمك اولدقده بشقه طرفه کیده جنك کبی کوسترش ایتك معتاد شریفلری ایکن بو دفعه هوالر صیجاق

وهر یرقوراق و دشمن قوی و کید یله جک یر، اوزاق اولدیندن هر کس، آکا کوره تدارک کورمک ایچون کید یله جک سمت و محلی بیلدردی .
 کروه منافقین « بویه صیجاق و قتلرده یوله چقمیگز » دیو خلقه نصیحت یولنده فساده سی ایدرلردی . آنلره جواباً « جهنم خراقی دها شدتلودر » دیو بیوریلدی .

رئیس المنافقین اولان (عبدالله ابن ابی ابن سلول) « روم دولتی . محمد ، او یونجاقی صانیور ؟ آنک اصحابیله برابر طوتولوب اسیر اولاجق لرخی کوزله کورمش کبی بیلورم » دهرک ناسه خوف و دهشت ویرردی .
 اعتقادی بتون اولانلر ایسه رسول اکرمک امرینه مطیع و جهاد و غزایه غایت ایستکلو اوله رق کال سرعت ایله سفره حاضرلانو رلردی و بعضیلری زاد و ذخیره لرینی یوکلده جک دهوه بولامادقلرندن پک زیاده محزون و متأسف اوله رق آغلارلردی .

بدناً ، یاخود مالاً سفره اقتدارلی اولمایانلره دهر جک اولیوب آنلر ، حقیقه معذور اولدقلری جهته کیرو قالدیلر .

هر باندن بعضیلری دخی حقیقه معذور اولمادقلری حالده بر طاقم اعذار واهییه سرد ایدره ک سفره کیتمه مک اوزره رخصت آلدیلر .

لکن هر طرفدن کال شوق و غیرت ایله فوج فوج آقوب کلن عساکر اسلامیه حد کفایه ایریشدی .

بناء علیه رسول اکرم ، اولاد و عیالنه باقق ایچون علی کرم الله وجهه حضرتلرینی و امور مملکتی رؤیت ایچون (محمد ابن مسلمه) رضی الله تعالی عنه حضرتلرینی مدینه ده بر اقدی .

هجرتک اشبو طقوزنجی سنه سی رجینه پنچشنبه کونی خاتم الانبیا حضرتلری ، اردوی هایون ایله مدینه دن چیقدی .

عبدالله ابن ابی ابن سلول ، منافقیندن بر کروه ایله برلکده بلا عذر بو سفردن کیرو قلوب آجیقندن آجیغه رسول اکرمک امرینه مخالفت ایلدیلر .

صحیح الاعتقاد اولان اهل اسلامدن بعضیلری دخی کذلک بر کونه عذرلری اولمیدنی حالده زحمت و مشقتدن قاچوب سفردن کیر و قالدیلر . اردوی هایون ایله کیدنلر ، فی الواقع صیجاقدن و صوسزلقدن پک زیاده کوچلک چکدیلر . لکن بیوک اجر و ثوابه نائل اولدیلر . رسول اکرم ایله برلکده کیدن عسا کرک مقداری اوتوز بیک نفردن زیاده اولوب اون بیکی آتلو ایدی .

اشنای راهده رسول اکرمک ده و هسی غائب اولدی منافقیندن (زید ابن اللصیت) « محمد ، پیغمبرم دیر و کولکردن خبر ویریر . حال بوکه ده و هسنک نروده اولدیفنی بیلمز ، دیمش .

او وقت رسول اکرم دخی « بر شخص ، بنم حقمده شویله ، بویله دیور ، دهرک آنک بوسوزلرینی اصحابنه حکایه ایلدی و « بن ، والله برشی بیلیم . آلا جناب حق بیلدیردیکنی بیلیم . شمدی جناب حق ، بکا بیلدیردی که ده و ه ، فلان وادیده ، فلان یرده یولاری بر آجک دالنه ایلشوب قالمش . کیدک ، کتورک ، دیو سویلدی . همان اورایه واردیلر و ده و ه یی او حالده بولوب کتوردیلر .

بعده رسول اکرم اردوی هایون ایله (تبوک) نام مرحله یه واردی که مدینه دن دمشق شامه کیدرکن یاری یولدر .

اوراده اردوی هایون ، بر صو باشنه قوندی که غایت آز آقیوردی . بویله بر بیوک اردونک اداره سنه کافی دکل ایدی .

رسول اکرم ، آندن آبدست آلدی . همان معجزه محمدیه اوله رق صو ، اوقدر چو غالدی که بتون اردونک اداره سنه کافی اولدی .

اردوی هایون ، تبوک مرحله سنده اقامت ایله مهابتی اطرافنی بورومش اولدیفنی حالده کرک عسا کر رومیهدن و کرک قیصره تابع اولان عربانندن بر حرکت کورولمادی . بو جهته محاربه وقوع بولمادی .

لکن اردوی هایونک شام حدودینه قدر کلوبده روما دولته میدان اوقوماسی هر طرفه دهشت ویردی .

بناءً عليه (عقبه مصريه) جوارنده ودکتر کنارنده (آيله) نام بلده نك
حکمداری اولان (يُوحَنَّا) کلوب اوچيوز آلتون جزیه ویرمک اوزره
عهد و امان دیله دی . رسول اکرم دخی آکا او وجهله بر قطعه عهدنامه
اعطا ایلدی .

بلاد شامدن (جربا) و (آذرح) نام بلده لرکه ایکسینک آرمسی اوچ
میل مسافه دن عبارتدر . آنلرک اهالیسی دخی سنوی یوز آلتون جزیه
ویرمک اوزره عهد و امان ایستدیلر . رسول اکرم ، آنلره دخی اووجهله
بر قطعه عهدنامه ویردی .

ینه او ائنده رسول اکرم ، دوت یوز اللی آتلا ايله سیف الله (خالد
ابن ولید) رضی الله تعالی عنه حضرتلری (دُومَةُ الْجَنْدَل) بلده سنک
حکمداری اولان ونصارا دیننده بولنان (اُکیدِر ابن عبد الملك) اوزرینه
کونده ردی .

سیف الله اورایه کیندی ، اکیدری خارج قلمه ده خواص اتباعیه کز رکرن
طوتدی و آلوب اردوی هایونه کتوردی .
اکیدر ، دخی جزیه اعطاسنی تمهد ایتمکه رسول اکرم آنی اوشرطله
صالیوردی .

رسول اکرم ، یکریمی کون قدر تبوک موقعنده طوردی و اصحاب
کرامیه مشورت ایدوب ده ایلرو کیدیلک ایچون آنلرک رأیی
صوردی .

عمر الفاروق ، رضی الله تعالی عنه حضرتلری « اکر طرف باریدن
مأمور ايسه ک بیوروک کیدلم » دیدی .
حضرت پیغمبر « اکر طرف باریدن مأمور اولسه یدم سزک رأیکزی
صورمازدم » دیو بیوردی .

آنک اوزرینه حضرت عمر « یار رسول الله ! دیار شامده قوت و جمعیتلر
چوق . اهل اسلام هیچ یوق . حال بوکه : سزک بومرتبه یاقلاشما گز ، آنلره

خوف و دهشت و یردی . بوسنه بو قدر جقله ا کتفا ایدمه ده باقالم ایلروده . جناب حق نه کوستر ، دیدی .

برده شامده طاعون اولدینی ایشیدیلدی . رسول اکرم دخی و طاعون اولان بلده یه کیرمه یکنز ، دیو بیوردی .
بناءً علی ذلک ، تبوکنن ایلری کیدیله یوب همان اورادن مدینه یه عودت بیورولدی .

رسول اکرمک ده وه سنی (عمار ابن یاسر) رضی الله تعالی عنه حضرتلری یه در ، (حذیفه ابن یمان) رضی الله تعالی عنه حضرتلری کیرون سوردرایدی .

کیجه لین (عقبه) دن کچرکن بقتہ اوزرینه هجوم ایله سو قصد ایتمک اوزره منافقیندن اون ایکی ملعون ، پینلرنده کیزلو اتفاق ایدرک حضرت پیغمبرک کچه چکی یرده طوروب فرصت کوزه دیرلرمش .

آنلرک بو سوء قصدی ایسه رسول اکرمه وحی ایله بیلدیریلش اولدیفندن احتیاطلی بولنوب قارشودن او ملعونلرک قارالتیسنی کوردیکی کبی حضرت حذیفه امر ایدرک آنلری طرد و دفع ایتدیردی و منافق اولدقلری .
و سوء قصد ایله کلدکلری حذیفه یه خبر و یردی .

فرداسی (اسید ابن حضیر) رضی الله تعالی عنه حضرتلری ، بووقمه دن خبردار اولتجه اردوی هایونده نه قدر منافق وار ایسه اعدام ایتدیرمک ایستدی .

لکن رسول اکرم ، آکا راضی اولدی وه مادام که لسانلریله کلمه شهادت کتور بیورلر . آنلره تعرض اولنق جائز اولماز ، دیو بیوردی .

رسول اکرم ، هپ منافقلری بیلوردی . لکن اعلان ایتزدی . فقط حضرب حذیفه یه سویلردی .

بناءً علی ذلک حضرت حذیفه دخی هپ منافقلری طانوردی . لکن بو مثللو اسراری کیزلردی .

چونکه: حذیفه ، رسول اکرمک محرم اسراری ایدی . حتی دیرلرکه:

دنیاده نه قدر اولمش واولاجق شیر وار ایه ، رسول اکرم ، آکا بیان ایلردی .

بعده ، ینه اثنای راهده رسول اکرمه طرف السیدن (مسجد ضرار) ک کیفیتی بیلدیریلدی .

شویله که : رسول اکرم ، تبوک غزاسنه چیقمادن بر طاقم منافقر ، مسجد قبانک جماعتی آیرتمق غرضیه جوارنده بر مسجد یامنی قورمشل ومعهود ابو عامر فاسق ، آنلره « سز اويله بر مسجد یایکیز وایچنه ممکن اولدینی قدر اسلحه قوییکیز . بنده قصر رومه کیدیورم . سزه کلینلو روم عسکری کتوریرم ومحمد ایله اصحابی دیار مدینهدن چیقاریرم ، دیوب جانب شامه کیتمکه آنلر دخی اويله بر مسجد یامیشل وابو عامرک وعدینه منتظر اولوب طورمشل .

ایشته آکا (مسجد ضرار) دنیلورکه تبوکدن عودت ایله مدینهیه کلورکن رسول اکرمه طرف السیدن اومسجدک اويله غرض فاسداوزرینه بنا اولدینی بیلدیریلدی .

رسول اکرم دخی، هان (مالک ابن دَخْنَم) ایله (معن ابن عدی المجلانی) رضی الله تعالی عنهما حضرتلرینی کونده ومکه واروب اومسجد ضراری هدم ایلدیلر .

بعده رسول اکرم ، خلال رمضان شریفده سالماً مدینهیه وصول بولدی .

او وقت بو سفر هایوندن بلا عذر کیرو قالمش اولانلر ، پک چوق بشپان اولدی .

حتی ایچلرندن (اَبُولْبَّاهَ) کی بعضیلری ، دیه جک سوز بولامیوب کندوکندولرینی مسجد شریفک دیرکلرینه باغلادیلر وکیجه کوندوز آغلادیلر و اوچ قهری یعنی (کعب ابن مالک) و (مرارة ابن الریغ) و (هلال ابن امیه) حضور نبوییه کلوب عفو دیله دیلر .

رسول اکرم ایسه ، خلقی آنارله اختلاط و مصاحبتدن منع ایتمکله
اوچی دخی برر کوشه یه چکیلدیلر. والی کون خلق ایله الفتدن محروم
قالدیلر .

بوجهته دنیا باشلرینه زندان اولدی . بعده جناب حق طرفندن جهل سنک
توبه لری قبول بیورولدی و صوچلری عفو ایدیلدی .

بو غناده ، صیت سلطوت اسلامیه ، دیار شامه کرکی کبی یاییلدی
و صادق و کاذب سچیلدی . هله گروه منافقین ، بوتون بوتون رسوای
اولدی .





اهل طائفك اسلامي

مکنتک فتحندن صکره رسول اکرم، مدینه یه کلورکن (قیف) قیله سنک
رئسی (عروہ ابن مسعود التقی) کلوب اثنای راهده ایرشدی ورسول
اکرم ایله کوروشدی .

اسلام ایله مشرف اوله رق دونوب طائفه کیتدی و قومی دین اسلامه
دعوت ایتدی .

قیف قیله سنک بر طاقم اراذل واسافل ایسه رئیساری اولان وین العرب
غایت معتبر ذواتدن بولنان اشبو (عروہ ابن مسعود) ی اوقه طوتدیلر
ویبچاره یی اوق ایله اوروب شهید ایتدیلر .

رسول اکرم، ایسه (هوازن) قیله سی رئیساری اولان (مالک ابن
عوف نصری) یه قیف قیله سی تضييق ایچون امر ویرمشیدی .

بو جهته (مالک ابن عوف نصری)، فرصت بولدقجه قیف قیله سی
اوروب یغما ایدر اولدیندن قیف قیله سی، طائفدن طیشارو جیقما یوب
قلعه ده محصور کی بر حالد قالدیلر و هوازن، خلقنک تجاوزاتندن عاجز
اولدیلر . بو صورتله قیف قیله سی، طائفده کفر و ضلالت اوزره
یاشایامایه جقارنی آکلادیلر و همان رسول اکرمک تبوک غزاسندن عودتنده
قیف قیله سنک وجوه و اشرافی مدینه منوره یه کلوب عرض اطاعت
ایلدیلر . فقط نمازدن غفو اولمالرینی دیله دیلر .

حضرت پیغمبر ایسه « بر دینده که نماز اولمایه . آنده خیر یوقدر ،

دیو بیوردی .

برده رؤسای قیف، اوتهدنبرو طایفقلری (لأت) نام بتک اوچ سنه

قدر حالی اوزره بر اقیلمسنى ایسته دیلر . رسول اکرم ، قبول ایتدیکنندن
باری بر آئی قدر بر اقیلمسنى نیاز ایلدیلر .

رسول اکرم ، آئی دخی قبول ایتدیکنندن نهایت قیقلور ، هر تکلیفی
قبول ایدرک یولیه ایمانه کلدیلر .

آنک اوزرینه رسول اکرم (لات) نام تی ییقمق ایچون (ابوسفیان
ابن حرب) ايله (مغیره ابن شعبه الثقفی) یی طائفه کونده رمکله آنلر دخی
واروب تی کسر و احما ایتدیلر .

غریبدرکه آنلر ، او تی کسر وهدم ایدرکن ثقیف قیله سنک قاریلری
چیقوب آ کا تحسراً آغلار ایدیلر . لکن صکره جمهسی خالص مسلمان
اولوب لاک آدینی بیله اونوتدیلر .

او ائنده (سعد ابن ابی بکر) قیلهسی طرفندن دخی (ضام ابن نعلبه)
کلدی . حضور نبوی به کیردی ، مسلمان اولدی ، شروط اسلامی او کره ندی
ودونوب قیله سنه واردی . قومه ابتدا کی سوزی بو اولش که « لات
وعزى نفقا شیر ایش ، دیمش . قومی « صوص یا ضام ! سکا جنون
وبرص و جذام کی بر علت کلسون . صاقین ، دیمش . ضام رضی الله تعالی
عنه ایسه « یازیق سزه ! لات وعزى فائده و ضرر ویره مز . حال بوکه
الله تعالی حضرتلری ، سزه پیغمبر کونده ردی و آ کا کتاب ایندیردی .
ناسی ضالاندن قورناردی ، دهرک اسلامی میدان قومی و قومیه خالصانه
نصیحت و یرمش . آنلر دخی آنک نصیحتنی طوتمش و همان جمهسی ایمان
ایتمش . شویله که : او کون آقشامه قدر (بنی سعد) قیله سنده ذکور و اناندن
ایمانه کلدک کیسه قالمشدر .

سال حالک تتمه وقایعی

رسول اکرم خلال رجب شریفده بر کون نجاشینک ، یعنی حبش
حکمداری اولان (اصحمه) نک وفاقی خبر ویردی و اصحاب کرامیه برلکده

آنك جنازه نمازنى قىلدى . فى الواقع اوكون نجاشينك وفات ايلش اولدىنى
سكرەدن معلوم اولدى .

شعبان معظمده رسول اكرمك كريمسى و عثمان ذى النورينك
زوجه محترمهسى (ام كلثوم) رضى الله تعالى عنها حضرتلرى ،
عالم فنانن كوچوب دار بقايه كيتدى .

شوال اينده دخى رئيس المناقين اولان (عبدالله ابن ابى ابن سلول)

فوت اولدى .

اوغلى (عبدالله) رضى الله تعالى عنه حضرتلرى ، پدرينك جسمنى
جهنم آتشدنن محافظه ايچون حضرت پيغمبرك كوملكنى آلدى و پدرينى
آكا صاروب دفن ايتدى . رسول اكرم دخى دعا واستغفار ايتكم اوزره
قبرينه كيتدى . حضرت عمر الفاروق ايسه باشى اوچنده طوروب د يا
رسول الله ! آنك ايچون دعا واستغفار ايدم جكميسين ؟ او، فلان كون شويله
ديدى ، فلان كون بويله ديدى ، ديهرك آنك ايام سيئاتى ترداد ايدردى .
هان وحى آلهى كلدى . د اويله كفر اوزرينه فوت اولوب كيدنلردن
بريسى ايچون دعا واستغفار ايتمه و قبرينه كيمه د ديو نهى بيورولدى .

اشبو عبدالله ابن ابى ، اهل اسلام حقنده بر بيوك بليّه ايدى .
وقايله اهل اسلام ، آنك شر وفسادنن قورتولدى و آنك وفاتى اوزرينه
بيك قدر منافق ، خلوص قلب ايله مسلمان اولدى .

بوسنه حجج موسى كلكده رسول اكرم ، يارغارى ابوبكر الصديق
كرم الله وجهه حضرتلرى ، امير موسم حج نصب ايدمك اوچيوز كيشى
ايله مكّه معظمه يه كوندهردى .

بعده حجاجه (راءة) سوره سنى تلاوت ايتكم و بوسنه دن سكرە مشركر ،
مسجد حرامه ياقلاشماق وچيلاق اوله رق كيمسه بيت الله طواف ايتمه مك
كبي خصوصاتى ناسه تبليغ ايلك اوزره على كرم الله وجهه حضرتلرى
دخى مأموريت مخصوصه ايله آرقەدن ارسال بيوردى .

مكّه مكرمه يه وارد قلرنده موقفلرده خطبه لرى حضرت ابوبكر الصديق

او قودی وناسه مناسك حجی او کره تدی. اهل اسلام ، او وجهله حج ایئدی. کفار دخی زمان جاهلیتده کی عادتلی اوزره حج ایلدیلر .

حضرت علی ایسه ناسه (براءة) سوره سنی او قودی ویوم اتحاده « بو سنهدن صکره مشرکله حج ایتمسون و چیبلاق کیمسه بیت اللهی طواف ایلمسون . رسول الله ایله عهدی اولانلرک مدت معینهلرینه قدر عهدلرینه رعایت اولنه جقدر ، دیو ندا ایئدی .

مشرکله بربرینه لوم ایتمکه باشلادیلر « ایشته قریش مسلمان اولدی. سز نه یاپه جقسکز ؟ » دیدیلر ونهایت آنلر دخی ایمان ایلدیلر .

چونکه قریش طائفه سی ، اسماعیل ابن ابراهیم علیهما السلامک ذریت خالصه سی و حرم شریفک اهل یسوی اولوب سائر قبائل حرب ، هیچ بروقتده آنلرک فضل و شرفی انکار ایتمزلردی .

رسول اکرمه اعلان حرب ایدن آننجق قریش قومی اولوب قبائل سائر ، آنلرک نتیجه احوالنه منتظر ایلدیلر .

مکه فتح اولتوبده قریش طائفه سی دخی ایمانه کلنجه مهابت اسلامیه هر طرفی قابیلدی و قبائل حربدن پیدرپی ایلجیلر و مبعوثلر کلوب کیتمه باشلادی .

هر نه وقت بر ایلچی کلسه رسول اکرم ، البسه سنک اعلاسنی کیر و ایلچی به کمال مرتبه مدارا و اکرام ایلر و هر کسک حال و شاننه و هر قبیله نك عرف و اصطلاحنه کوره سوز سویلر اییدی .





هجرة تك اونجي سنهسى

سنه جديده تك دخولندن صكره دخى مدينه منوره يه ايلچيلرو مبعوثلر
كلوب كيتمكدن خالى اولدى .

از جله ديار بحرینده متوطن (عبدالقیس) دنیلن قبیله عظیمه دن
اون آلتی کیشی کلدی که مشهور (جارود) نام قسیس نصرانی دخى برابر
ایدی . جملهسى حضور نبویه اسلام ایله مشرف اولدیلر .

بنی عامر قبیله سندن اولان (بنی مُتَنَقُّ) ك مبعوثلری دخى كلوب
حضور نبویه کیردیلر . التفات کوردیلر رسول اکرم ، آنلره ال ووردی .
آنلر دخى رسول اکرمك مبارک الی طوتدیلر ، بیعت ایتدیلر . بعده دونوب
شرف اسلام ایله مشرف اولدقلری حالده قبیله لرینه کیتدیلر .

رسول اکرم ، ديار ینده دین اسلامی تلقین ایچون (ابو موسی الاشعری)
رضی الله تعالی عنه حضرتلری (زَیِّد) و (عَدَن) طرفلرینه و (معاذ
ابن جبل) رضی الله تعالی عنه حضرتلری ینک بر قطعه بالاسی اولان
(جَنْد) الکاسنه کونده ردی . ایکبسی دخى کیدوب ینک بر طرفده
ناسه احکام شرعیه یی اوکره تدیلر و دین اسلامی نشر ایتدیلر .

بو ائشاده رسول اکرم ، طرف طرف امیرلر و والیلر نصب وارسال
ایلدیکی صرهده (زیاد ابن لید الانصاری) رضی الله تعالی عنه حضرتلری
دخی (حضرموت) والیسی نصب ایله او طرفه ارسال بیوردی .

ینه بو ائشاده (قَبَائِلِ اَزْد) ك بر بطنی اولان (غَامِد) قبیله سندن اون
کیشی كلوب مسلم اولدقلری عرض واقاده ایتدیلر . رسول اکرم ، آنلره

دخی (ابی ابن کعب) رضی الله تعالی عنه حضرت لرینی امیر نصب و تعیین بیوردی و آنلره برابر غامده کوندردی .

(اَزْدَشْنُوَه) قیله سندن دخی اوئاناده برکروه کلوب مسلمان اولدقلرینی

عرض اینتدیلر . رئیس لری (صُرْدُ ابن عبدالله الازدی) ایدی . رسول اکرم، آنی کندی مملکتته والی ایدوب کونده ردی و دیار یمنده کی مشرکار اوزرینه غزا ایتمنی امر و تنیه بیوردی . او دخی یمنده (جُرْش) نام بلده اهلایی اوزرینه کیتدی . آنلر دخی جنکه قیام ایتدی . لکن اهل اسلام ، غالب کلدی و جرش اهلایسندن پک چوق کسان تلف اولدی .

او ائاناده جرش اهلایسندن دخی مدینه منوره یه ایکی کیشی کلشیدی . حضور نبوی یه کیردکلرنده رسول اکرم، آنلره قیله لرینک بوغازلا نمقدمه اولدقلرینی خبر ویردی . دونوب مملکتلرینه کیتدکلرنده فی الواقع اوکون جرش اهلایسنک قیریلش اولدقلرینی اوکره ندیلر و کیفیت قیوم و قیله لرینه خبر ویردیلر . آنک اوزرینه جرش اهلایسندن بر چوق کیمسه لر ، مدینه منوره یه کلدیلر و اسلام ايله مشرف اولدیلر .

ینه او ائاناده یمنده واقع (نَجْرَان) ناحیه سی نصاراسنک رئیس لری بر خیلی آدم لریله مدینه منوره یه کلدیلر . سنوی معلوم المقدار جزیه و یرمک اوزره تعهد ایلدیلر و جزیه لرینی آلوب کتورمک اوزره بر امین آدم ایسته دیلر . رسول اکرم « قالحی یا اباعبیده ! » دیدی . ابوعبیده ابن الجراح رضی الله تعالی عنه حضرت لری ، آیاغه قالدی . رسول اکرم « ایشته بو امتک امینی ، بودر ، دیو بیوردی و ابوعبیده ، آنلره برابر نجرانه کیدرک جزیه لرینی آلوب کتوردی .

برکون رسول اکرم ، اصحاب کرامیله اوتوروب مصاحبت ایدرکن « سزه شوطرفدن بر خیرلو کیشی کلورکه یوزنده ملک نشانه سی واردر ، دیو بیوردی .

آده سی چوق کچمبوب (بَحْیَلَه) طائفه سندن (جریر ابن عبدالله البجلی) یوز الی کیشی ايله چیقہ کلدی .

بجمله یمنده (معد) قبیله سندن بر جاعتدر . جریر ، بو جاعتدن و اشراق یمندن ، ملک کبی کوزل و یوزی نورانی بر ذات ایدی . بو دفعه یوز الی آدمیله بر لکده ایمانه کلدی و خواص اصحاب کرامدن اولدی . فخر عالم حضرتلری ، آکا احکام شرعی یی اوکرمه تدی . بعده آنی یمنده (ذوالخلفه) نام بتخانه نك هدم و تخربینه مأمور ایتدی .

شویله که (بجله) و (ختم) قبیله لرینك (ذوالخلفه) نامنده بر بر بتخانه سی وار ایدی . آنی زیارت قصدیه اطرافدن بك چوق خلق کلوب کیدردی . عربستانده او مثللو علائم کفریه هب محو ایدیلشکیکن یمنده او بتخانه نك حالی اوزره قالسی روا اولدیغندن رسول اکرم آنی هدم ایتک اوزره جریر بجلی حضرتلری او طرفه کوندردی .

حضرت جریر دخی یوز الی نفر کزیده آتو ایله واروب او بتخانه یی ییقدی و ایچنده کی بی قیردی . بعده دونوب مدینه منوره یه کلدی .

مؤخرآ رسول اکرم ، اشبو جریر بجلی یی امراء یمندن (ذوالکلاع) ایله (ذوعمر و حمیری) یه کونده ردی . اودخی واروب آنلری دین اسلامه دعوت ایتدی . ایکیسی دخی ایمانه کلدیلر . حتی ذوالکلاع ، کندوسنك زمان جاهلبددکی کناهلرینه کفارت اولق اوزره درت بیک قول آزاد ایلشدر .

دیگر قبائل یمنده دخی بر چوق کیمسه لر منوال مشروح اوزره پیدر پی کلوب کیتدکلری صرمده قبائل یمندن (غس) قبیله سی شیخی اولوب (اسود غنسی) دیومعروف اولان (عبهله ابن کعب) دخی کلوب ایمان ایتدی و دونوب یمنه کیتدی . زیرده بیان اولنه جفی وجهله یمنه عودتنده مرتد اوله رق نبوت دعواسته قیام ایتمشدر .

او اتاده دیار نجددن دخی پیدر پی بر چوق خلق کلوب اسلام ایله مشرف اولدقلری صرمده اهل یمامه اولان (بنی حنیفه) دن بر گروه کلوب اسلام ایله مشرف اولدیلر که مشهور (مسیلمة الکتاب) دخی آنلره

برابر ایدی . یمامه عودتده اودخی مرتد اولارق نبوت دعواسنه قیام ایلشدیر .

ینه بو صرده بنی اسد قیله سنک شیخی اولان (طَلِیحَةُ ابْنِ خُوَیْلِد) کلوب اسلام ایله مشرف اولشدرکه فرط شجاعت ایله معروف بر آدم ایدی . اودخی سکره مرتد اوله رق نبوت دعواسنه چیقمشدر .
خلال ربیع الاولده خالد ابن الولید رضی الله تعالی عنه حضرتلری ، بر فرقه عسکریه ایله نجران طرفنه کونده ریشدی . مؤخرآ علی کرم الله وجهه حضرتلری دخی اوچوز آتلو ایله او طرفه کیتدی و خلقی دین اسلامه دعوت ایتدی .

یمن اهل البسنت اکثری ، حضرت علینک دعوتنه اجابت ایدوب حتی یمنده کی (هَمْدَان) اهل البسی کافه بر کونده ایمان ایلشدر . سائر قبائل یمن دخی گروه گروه کلوب ایمان ایتمک باشلامشدر .

بوکا دائر حضرت علینک مکتوبی کلدکده رسول اکرم ، آشوری مرتبه بمنون اوله رق جناب حقک لطفنه تشکراً سجدهیه واردی و حضرت علینک آرتق عودت ایلسی ایچون خیر کونده ردی .

یمنده معاذ ابن جبل رضی الله تعالی عنه حضرتلری واسطه سیله ایمانه کلش اولان (نَحْمَ) قیله سندن (زُرَّارَةُ ابن عمرو) دخی مؤخرآ ایکوز کیشی ایله مدینه منورهیه کلوب مسافر خانهیه ایندیریلشدر .

مسافر خانه (عفر) خاتونک اوغلی (معاذ) رضی الله تعالی عنهما حضرتلرینک زوجهمی و (حارث نجاری) نک قیزی اولان (رَمَلَه) خاتونک خانه سیدرکه رسول اکرمه کلن ایلچیلر و مرعی الحاطر مسافرلر، اورایه ایندیریلور ایدی .

ایشته (زراره) رضی الله تعالی عنه ایله آرقداشلری دخی اورایه قوندورلش و حقارنده حرمت کامله اجرا بیورولمشدر .

اشبو (زراره) اثنای راهده غریب رؤیالر کورمش و رسول اکرمه

تمیز ایندیرمشدر . صوکره هب عینله تمیز بیورولدینی وجه اوزره ظهوره کلشدر .

الحاصل ، مکّه مکرمه نك فتحندن صکره قریش طائفه سی ، هب اسلام ایله مشرف اولدی . بعده سائر قبیله لر دخی برر ، برر ایمانه کلدی .

عربستانده اهل اسلامه قارشو طوراجق طوائف وقبائل قالمادی . ناس ، آرتق اوزاق ، یقین هر طرفدن فوج فوج کلوب ایمان ایتمک باشلادی .

ایشته ، بو نصرت ومظفریتلره دائر (اذاجاء نصرالله والفتح) سوره سی نازل اولمشدرکه خلاصه معنای منیفی « اودم که الله طرفندن نصرت وفتوحات کله وکوره سین که ناس فوج فوج اللهک دینته داخل اولیورلر . همان ربگه حد ایدرک تسبیح واستغفار ایت » دیمکدر .

بو ایسه خاتم الانبیا علیه اکل التحایا حضرتلرینک عمری آز قالمش اولدیفنه رمز و اشارت ایدی .

زیرا ، آنک بعثی ، دین اسلامی تأسیس ایتمک حکمتنه مبنی ایدی . دین اسلام ، بو وجهله انتشاره باشلادقده او مقصد حصوله کلش ایدی .

برده « ناسک فوج فوج اسلامه کلدیکنی کوردیکگده تسبیح واستغفار ایت » دیمکدن « آرتق برو طرفه توجه ایت و آخرت سفرینه حاضر اول » معنایی چیقار .

حتی ، بو سوره شریفه تلاوت اولنورکن حضرت عباس رضی الله تعالی عنه ، بو نکته نی آکلامش وآندن متأثر اولوب آغلامش .

رسول اکرم ، آنی کورمش و « نیچون آغلا یورسین ؟ » دیو سورمش . اودخی « یا رسول الله ! بو ، سزک عالم فانییه وداع ایدوب کیمته گزه دلالت ایدیور . دیو جواب ویرمش . رسول اکرم دخی « اوت . دیدیکک کبی دره دیو بیورمش ایدی . ایشته (حج وداع) دخی اوئانده وقوع بولمشدر .





حج وداع

مَهرتک اشبو اوتنجی سنهسی خاتم الانبیا علیه ا کمل النحایا حضرتلرینک
حج شریف نیتله مکّه مکرمه به کیده جکی ناسه اعلان اولندی .

ناس دخی فیخر عالم ایله برلکده حج ایتک اوزره اطراف واکنافدن
فوج فوج مدینه منوره به کلوب طویلاقمه باشلادیلر .

ذی الحجه به بش کون قاله رسول اکرم ، اويله نمازینی قیلدقدن صکره
اهل بیتي واصحاب کرامی ایله مدینه دن جیقوب (ذوالحلیفه) به واردی .
کیجه اوراده قالدی . فرداسی احرامه کیردی و اويله نمازینی قیلدی .
بعده اورادن قالدوب قرق بیک حجاج ایله مکّه مکرمه به عزیمت بیوردی .
ذی الحجه نیک دردنجی بازار کونی علی الصباج اويله بر عظیم قافله حج
ایله مکّه به واردی و (بنی شیبّه) قبوسندن حرم شریفه کیردی .

بیت شریفی کوردکده « یارب ! سن بو بیتک شرف و شان ومهابتی
زیاده قیل » دیدی . همان بیت الهی طواف ایتدکدن صکره صفا اوزره
چیقدی . جناب خدایه حمد وثنا ونیاز ودعا ایتدکدن صکره مرویه به ایندی
و ، سعی ایتدی .

اوانئاده حضرت علی کرم الله وجهه ، یمندن عودت ایدرک بر قافله ایله
مکّه مشرفه به کلدی و رسول اکرم ایله کوروشدی .

دیگر طرفلردن دخی قافله به قافله یک چوق حجاج مسلمین کلدی وموسم
حج شریفه ایریشدی .

حج موسمی شهر (آذار) یعنی مارت ایچنده کون ایله کیجه نیک

متساوی اولادینی زمان ایدی و جمعه کوئی عرفه اولوب خاتم المرسلین ، یوز
بو قدر بیک حجاج مسلمین ایله حج اکبر ایلدی .

اوکون رسول اکرم ، نایت مؤثر بر خطبه او قوددی و بو خطبه سندم
زمان جاهلیتدن قاله قان دعوالرینی یساغ ایتدی و ایشله مش قانص دعوالرینی
قاله یردی .

بعده ، « ای ناس ! سزک قاریلریکیز اوزرند هقلریکیز واردر . اما
آنلرک دخی سزک اوزریکیزده هقلری واردر . آنلر سزک حقوقکیزه
رعایت ایتلیدر ، سزده آنلره حسن معامله ایتلیسکیز . مؤمنلر ، هپ بر برینک
قرنداشیدر . برکیمسه یه قرنداشنک مالی حلال اولماز . مکرکه حسن رضاسیله
وبرمش اوله . بن ، سزه لازم اولان احکام شرعیه یی تبلیغ ایتدم و سزه
ایکی شی براقدم که آنلره تمسک ایتدجه هیچ بر وقت ضاللتده قالمازسکیز .
آنلری بری ، اللهک کتابی و دیگری پیغمبرینک ستیدره دیو دهانیچه احکام
دینییه یی بیان ایتدکدن سکره » ای ناس ! تبلیغ ایتدمی ؟ « دیو صوردی .
واصحاب کرام « اوت » دیمکله اوچ کره « شاهد اول یارب ! « دیو
بیوردی .

غلبه لک پک زیاده اولوب هر کس رسول اکرمک سسنی ایشیده مدیکندن
(ربیعه ابن امیه ابن خلف) رضی الله تعالی عنه ، فخر عالم حضرتلرینک
خطبه سنی حضاره تبلیغ ایدردی .

ایکیندی وقتی کلش و حال بوکه اوله نمازی قیلنماش ایدی . بلال
رضی الله تعالی عنه حضرتلری ، اذان او قوددی و اقامت کتوردی . ابتدا
اوله نمازی قیلندی ، بعده حضرت بلال ، یه اقامت کتوردی ، ایکیندی
نمازی قیلندی .

آقشام اوستی حضرت پیغمبر ، هنوز موقفده ایکن « الیوم اکملت
لکم دینکم و اتممت علیکم نعمتی و رضیت لکم الاسلام دیناً » آیت کریمه سی
نازل اولدی .

معنای لطیفی « بو کون سزک دینکیزی اکمال ایتدم و سزک اوزریکیزه

نعمتی تمام ایلدم و سزك ایچون دین اولق اوزره اسلامی بکندم واختیار ایتدم » دیمکدر .

حال بوکه : حضرت پیغمبرک تبلیغه مأمور اولدینی احکام دینیّه ، تمام اولنجه آنک دخی بو عالم فانیده ایشی بیتمش اولور .
هرنه وقتکه بر ایش تمام اولدی دینلور ایسه بر نقصانه منتظر اولق لازم کلور .

بناء علیه بو آیت کریمه ، خاتم الانبیا حضرتلرینک آرتق بو عالم فانیدن رحلت ورب العالمینه موصلت ایده چکنه اشارت ایتدی .

ابتدا ابوبکر رضی الله تعالی عنه حضرتلری ، بو آیت کریمه یی ایشیتدیکی کجی ، او اشارتی آکلادی و رسول اکرمک وفات ایده چکی خبر ویریلور دیو آغلادی .

فروب شمسده فخر عالم حضرتلری (قُصُوا) نام ده وه سنه ییندی و (اسامه) رضی الله تعالی عنه حضرتلرینی ترکیسنه آلدی . عرفاندن حرکت و کمال تمکین و وقار ایله (مُزْدَلَفَه) یه موصلت ایلدی .

آقشام نمازی قیلنمش اولمایوب یاتسی وقتی ایسه ایریشمش اولدیفندن رسول اکرم ، ابتدا آقشام نمازینی و آرقه سندن یاتسی نمازینی قیلدی .

فرداسی صباحلین ایرکندن صباح نمازینی قیلدقدن صکره ینه ده وه سنه ییندی . بو کره ترکیسنه (فَضْل ابن عباس) ی آلدی و (مَنِي) یه کلدی .

مناسک حجّک اتمامه قیام ایتدیکی صروده قربان کسیدی و تراش اولدی . و کسینلن صاچلری ، اصحاب کرامنه یادکار اولق اوزره برره ، ایکیشر طاغیتدی . آنلر دخی بو مبارک قیللری آلوب حرزجان ایتدی .

فخر عالمک بویله اصحابنه یادکار ویرمسی ایسه عمری آز قالدیغه اشارت ایلدی .

او ائنده « ای ناس ! مناسک حجّی بدنن اوکره نکز . بیلم اما ، بلکه بوندن صکره بنمله بوراده کوریشه مزسکز » دیدی .

یہ منادہ اوقودینی خطبہ سندہ امتہ خطاباً «ہرریکزک قانی ومالی دیکرینہ حرامدر . یوم قیامتہ ربکزک حضورینہ کلہ جکسکز . او دخی عملرکزدن سوراجق وعملرکزہ کورہ مجازات بیوراجق در . صاقین بندن صکرہ کفار کی فرقہ اولوبده بربریکزک بویتنہ اورمایہ سکزر . «ای ناس ! تبلیغ ایندمی؟» دیووردی وحضار «اوت» دیملریلہ رسول اکرم دخی «شاهد اول یارب !» دیدکن صوکرہ «حاضر اولانر ، غائب اولانلرہ تبلیغ ایلسون» دیو بیوردی وسوکیلو امتیلہ وداع ایندی .
بعده رسول اکرم ، مکہ یہ کلدی . طواف وداع ایندی وابن عباس النذن زمزم ایچدی .

حج تمام اولدی . حجاج طاغیلدی . رسول اکرم دخی دار هجرتی اولان مدینہ یہ عودت بیوردی .

دونوب مدینہ یہ کلورکن عالم بقایہ مدعو اولدیتی صحابہ کزینہ خبر ویردی . ذوالحلیفہ یہ کلدکده کیجه اوراده قالدی و فرداسی مدینہ یہ کیردی .

او ائسادہ فخر عالم حضرتلرینک اوغلی (حضرت ابراهیم) دنیادن کوچوب دار عقبایہ کیتدی . پدر اکرمی دلخون ایندی .
رسول اکرم انک حقنده «اکر صاغ اولسه نبی اولماسی لازم کلوردی . سزک نبی کزدن صکرہ ایسه نبی یوقدر» دیدی .
آنک وفاتی کوئی ، کون طوتولدی . ناس دیدی که «حضرت ابراهیمک وفاتی ایچون طوتولدی» .

رسول اکرم ، آنلری ردایدوب «کون وآی ، جناب حقک وحدانیت وعظمتنه دلیل اولان ایکی آیتدر . انلر ، هیچ برکیسمه تک حیات ومائی ایچون طوتولماز .» دیدی .

رسول اکرمک (فاطمه الزهرا) رضی الله تعالی عنها وارضاه حضرتلرندن باشقه اولادی قالمادی .

آنك اوغوللرى (حسن) و (حسين) رضى الله عنهما حضرتلرينى
اوز اولادى كې سۈردى .

برده (زيد ابن حارثه) رضى الله تعالى عنه حضرتلرينك اوغلى
(اسامه) رضى الله تعالى عنه حضرتلرينى كىندى اولادى مقامىندە
حلوتاردى .

زيدابن حارثه ، رسول كرمك آ زادلولرندن اولوب آكاه آ زادلولرندن
(امّ ايمن) رضى الله تعالى عنها حضرتلرينى تزويج ايتىش واشبو اسامه ،
آنلردن تولد ايتىش ايدى .

هجرتك اشبو اوتتېچى سەسى خاللندە (مسيلمە الكذاب) (يمامە) دە
نبوت دعواسە چىقىشىدىنى كې (اسودعنىسى) ديو معروف اولان (عېھلە
ابن كعب) دخى يىندە بودعوايە قالدقېشىدى .

شۈبھەكە : اشبو عېھلە ، حققە بازلقدە ماھر وسوزى مؤثر بر ملمون
كافر اولوب يىن اھالىسىندىن پك چوق كېمسەلرى آلداندى ونجىران اھالىسى ،
آ كا تەبىئەت ايتىدى .

بەدە عېھلە ، سەنعايە كىتىدى واوراسى دخى ضبط ايلە دائرە فسادى
بوپوتىدى .

بوھەتلە يىندەكى مأمورىن اسلاميە پرىشانلق كلدى . حتى (مەاذ ابن
جبل) رضى الله تعالى عنه حضرتلرى ، محمل مأمورىقتىن ساووشدى
و (مارب) بلدە سەنە واروب اورادە (ابو موسى الاشقرى) رضى الله تعالى
عنه حضرتلرلە كۈرۈشدى . ايكيى برلكدە ماربىدن چىقوب (حضرت موت)
كىتىدىلر .

رسول اكرم ، بو كېفەتە واقف اولتېچە يىندەكى اھل اسلامە مأمور
مخصوص كۈندەردى و « ھر نصل اولور ايسە اولسون عېھلەك حقتىن
كلەسكز » ديو بيوردى .

ديار نەجددە اولان اھل اسلامك دخى (مسيلمە الكذاب) اوزرىنە
واروب حقتىن كللىرى ايجون امر وىردى وبو ايكي ملمونك قىرباً تلف

اولاجقلى عالم معاده رسول اكرم بيلدیرلش اولدیغندن اودخی کیفیتی
اصحاب کرامنه بیلدیردی .

ینه او ائنده (بنی اسد) قیلهسی شیخی اولان (طَلِيحَةُ بْنُ خُوَيْلِدٍ)
دخی دعوای نبوت ایتمکله رسول اکرم آنک اوزرینه دخی بر مقدار
عسکر کوندردی .

هَجْرَتُکْ اُون بَرْنَجِي سَنَهَسِي

نجدده (مسيلمۃ الکذاب) ک و یمنده (اسود عنسی) نک اختلال
چیقارمالری اوزرینه ایکی طرف ایچون تدابیر لازمهیه تثبیت بیورولدی
حاله عربک اک بیوک تجارتی شام ایله اولدیغندن اهل اسلام ایچون اوطرفی
آجق پک مهم برایش ایدی .

بنام علی ذلک خاتم الانبیاء علیه اکل التحایا حضرتلری ، صفرك یکرمی
آلتیسنده شام شریف ملحقانتندن (بلقا) طرفه کونده دمک اوزره بر
اردو ترتینه باشلادی .

مقدما اوطرفده شهید اولان (زید ابن حارثه) رضی الله تعالی عنه
حضرتلرینک اوغلی (اسامه) رضی الله تعالی عنه حضرتلرینی سر عسکر
نصب ایله « بابا کت شهید اولدینی یره کیت و دشمنلری آنلره چیکنت ،
دیو امر ایلدی .

برکون صکره خاتم الانبیاء حضرتلری ، خسته اولدی لکن امر جهاده
اصلا سکتہ کتورمدهدی .

حتی ربیع الاوله برکون قاله خسته اولدینی حالدہ حضرت اسامهیه
سنجاق ووروب اودخی سنجانی (بُرَيْدَةُ بْنُ الْحَصْبِ الْأَسْلَمِي) رضی الله
تعالی عنه حضرتلرینه ویردی وخارج مدینهیه چیقوب (جُرف) نام محله
اوردوسنی قوردی .

(ابوبکر) و (عمر) و (سعد) و (سعید) و (ابو عیبه) کبی کبار
اصحاب کرام ، هب سفره مأمور اولدقلری جهته تدارک کورمکده ایدیلر .

فخر عالم صلی الله تعالی علیه وسلم حضرتلری ، خسته لکله بیتاب اولدینی
حالد بر طرفندن (فضل ابن عباس) ودیگر طرفندن (علی ابن ابی طالب)
رضی الله تعالی عنهما حضرتلری طوتارق منبره چیقوب اوطوردی .

جناب حقہ حد ایتدکن صکره « ای ناس ! هر کیمک آرقهسنه
اورمش ایسه ایشه آرقم . کلسون اورسون ، ققاص اولسون وهر کیمک
آلاجنی وارایسه ایشه مالم . کلسون آلسون ، دیو بویوردی .

بعده ، منبردن اینوب اوله نمازینی قیلدی وینه منبره چیقوب اولکی
سوزینی تکرارلادی .

بودفه بر آدم ، کندوسندن اوچ درهم آدعا ایتکله درحال آنی تأدیه
ایتدی وبعده اصحاب احد ایچون دعا واستغفار ایلدی .

بوصرمده مشرک لک جزیره العزیدن چیقاریلارینی وکلوب کیدن
ایلچیلره کندی زماننده فصل حرمت ورعایت اولنوردیسه ینه اولهجه
اکرام اولنمسنی توصیه ایتدی وینه بوصرمده بیوردی که : « الله تعالی ،
برقولی ، دنیا ایله وصلت الیه سی یئینده مخیر قیلدی . قول دخی آنک
وصلت وملاقاتی اختیار ایتدی . »

قول تعیری ، رسول اکرمک ذاتندن کنایه اولوب بوجله عالم عقابه
ارتحال ایدمچکنی اشعار ایلدی .

ابوبکر الصدیق رضی الله تعالی عنه حضرتلری ، مراد نه اولدینی
آکلادی و « قفسمز سکا فدا اولسون یارسول الله ! » دیهرک آغلادی .
رسول اکرم ایسه آنک سوزینی کسیدردی . اصحاب کرامنه نصیحت
ووصیته باشلادی وابوبکردن پک زیاده خوشنود اولدینی بیلیدردی .
حال بوکه مبارک کوزلرندن یاش آقیوردی .

بعده مسجد شریفه آچیلان قولری قاتدی . فقط ابوبکر قبوسنک
آچیق براقلمسنی امر ایتدی و « سزی اللهه ایصارلادم ، دیهرک حجره
سعادتنه کیتدی .

آندن صکره فخر عالمک خسته لکی مشدد اولدی . انصار کرام ایسه

آندن مضطرب اولوب مسجد شریفك اطراقده پروانه کئی طولاشمغه باشلادیلر .

آنك اوزرینه حضرت عباس رضی الله تعالی عنه ، رسول اکرمک اوکنه دوشوب واوغلی (فضل) ایله (علی ابن ابی طالب) رضی الله تعالی عنهما برر قولتوغنه کیروب تکرار حضرتی مسجد شریفه کتوردیلر .

خاتم الانبیا حضرتلری منبره چیقدی وانصاره خطاباً : « ای ناس ! بنم ارتحالمی دوشونوب تلاش ایدیورمش سکز . بریغمبر ، امتی ایچنده مؤبد قالدیمی که بنده سزک آرا کزده مؤبد قالدیم ؟ معلومکز اولسون که بن حضرت حقه واصل اوله جفم و شرف وصلته جمله کزدن زیاده مستحقم . سزه نصیحتم اودرکه مهاجرین اولینه حرمت و رعایت ایده سکز ، دیو بیوردی .

بعده : « ای مهاجرین ! سزله دخی وصیتم بودرکه : انصاره کوزل معامله ایده سکز . آنلر ، سزه ایلک اینتدیلر . سزی کندی مملکتلرینه کتوردیلر ، خانه لرنده باریندیردیلر ، کچینه ده مضایقه لری وار ایکن سزلی نفسلری اوزرینه ترجیح ایله ماللرینه اورناق ایلدیلر . هر کیم ، انصار اوزرینه حاکم اولور ایسه آنلره رعایت ایلسون و ایچلرنده قصور ایدنلر اولورسه عفو ایله معامله ایلسون ، دیو نصیحت وردی و جمله یه خطاباً : « ای ناس ! عالمده جریان ایدن ایشلر ، قضا و قدر الهی یه منوط و معلقدر . وقتیه اولاجق ایشک تمجیلنده فائده یوقدر . جناب حق ، کیمسه نك تمجیلی ایله عجله ایلز . اللهم قضا و قدرینه غلبه سوداسنده اولانلر ، مغلوب و مقهور اولور . طرف الهی یه خدعه ایتک ایستیانلر ؛ آلدانور ، خائب و خاسر قالور . بن ، سزه شفقتلو و مریحتلویم . سزلی یه بگا قاووشاچسکز . بولوشاچغمزیر ، حوض کوثر کناریدر . هر کیم ، کنار حوضده بمله بولوشمق ایستر ایسه النی و دینلی مالاینین صاقینسون . ای ناس ! کناه و معصیت ، سبب تغیر نعمت اولور . اکر خلق ، یار و مطیع اولور ایسه امیر و آمرلری دخی او یله اولور و اکر خلق ، فاجر اولور ایسه آنلرده او طور و حال اوزره اولورلر ، دیدی .

رسول اکرمؐ خسته‌لکی زیاده‌لشدکده اهل بیتک اتفاقیه (عایشه) رضی‌الله تعالی عنها حضرت‌ت‌لرینک حجره‌سنده یاتماسنه قرار ویریش‌ایدوکنندن بوکره دخی خاتم الانبیا حضرت‌ت‌لری ، امته او وجهله وعظ ونصیحت ابتدکدن صکره منبردن اینوب ینه (حضرت عایشه) نک حجره‌سنه کیتدی ودوشکنه یادی .

خسته‌لکی انناسنده دائماً اذان او قوندقجه مسجد شریفه چیقار وامام اولوب جماعت ایله نمازی قیلار ایدی . فقط وفاته اوج کون قاله خسته‌لکی آغر لاشدی و آرتق مسجد شریفه چیقماز اولدی .

ایشته او وقت * ابوبکره سویله‌یکز . ناسه نماز قیلدیرسون * دیوامامتی حضرت ابوبکره تقویض ایلدی .

بناءً علیه حضرت پیغمبرک حیاتنده ابوبکر الصدیق ، جماعت مسلمینه امام اوله‌رق اون یدی وقت نماز قیلدیردی .

ربیع الاولک اوتخی جمعه ایرتسی کونی جانب حقدن جبرائیل‌علیه‌السلام کلوب خاتم المرسلین حضرت‌ت‌لرینک حال وخطارینی صوردی .

فرداسی بازار کونی ینه استفسار خاطر ایچون کلدی ویمنده دعوائ نبوت ایدن یالانچی (اسود عنسی) نک اعدام اولندیغنی خبر ویردی [*] رسول اکرمؐ دخی اصحاب کرامنه بیلدیردی .

فی‌الواقع ربیع الاولک اون برنجی بازار کیجه‌سی (اسود عنسی) صنعاده سراینده یاتور ایکن طرف اسلامیاندن اعدام ابتدیرلش و آنک فتنه وفسادی سببیه اطرافه طاعیلان مأمورین اسلامیه ، یرلرینه عودت ایدوب صنعا امارته‌یینلرنده اتفاق آرا ایله (معاذ ابن جبل) رضی‌الله تعالی عنه حضرت‌ت‌لری ، انتخاب ایدیش اولدینی بعده تبین ایتشدرد .

بازار کونی رسول اکرمؐ خسته‌لکی زیاده‌مشتد اولدی . حتی (اسامه) رضی‌الله تعالی عنه حضرت‌ت‌لری ، اردودن کلوب حضور سعاده کیردی . رسول اکرمؐ ایسه طالغین یاتیوردی . (اسامه) یه بر شی سویله‌مدی .

[*] اعدام ایدن (فیروز دہلی) حضرت‌ت‌لری ایدی .

فقط اللہی کوکہ قالہ بردی و آنک اوزرینہ سوردی . آکا دعا ایندیک
آکلاشیلدی .

بعده رسول اکرم ، آجیلوب کندویہ کلدی . حتی فرداسی بازار
ایرتہسی کہ ربیع الاولک اون ایکنجی کونی ایدی . ہب اصحاب کرام ،
مسجد شریفہ صف باغلا یوب ابوبکر الصدیق کرم اللہ وجہہ حضرتلرینک
آرقہ سندہ صباح نمازی قیلارلر ایکن فخر عالم حضرتلری ، مسجد شریفہ
کلدی . امتنک اولہ صف صف طوروب عبادت ایتمکده اولدقلرینی
کوردی . ممنون اولارق تبسم بیوردی ، کندوسی دخی حضرت ابوبکرہ
اویوب نماز قیلدی .

اصحاب کرام، حضرت پیغمبری مسجد شریفہ کوردکلری کبی بتون
بتون افاقت بولدی ظنیلہ یک زیادہ مسرور اولدیلر .
رسول اکرم ایسہ ینہ حضرت عایشہ نک حجرہ سنہ کیتدی و آرتق
راحت دوشہ کنہ یاتدی .

اسامہ کاوب حضور نبویہ کیردکده رسول اکرم آکا « آرتق، علی
برکة اللہ کیت » دیدی . اودخی جیقوب اردوسنہ کیتدی . وہان حرکت
ایتمک اوزرہ عسکرہ امر ایتدی .

حال بوکہ : او ائنادہ فخر عالم حضرتلرینک خستہ لکی شدت بولدی
و کریمہ محترمہ لری فاطمہ الزہرا رضی اللہ تعالیٰ عنہا حضرتلرینی یانہ چاغروب
قولاغنه برشی سویلہدی . حضرت فاطمہ آغلادی . بعده ینہ برشی سویلہدی .
اودخی کولدی . مکر ابتدا حضرت فاطمہ نک قولاغنه « بن اولسم کرک »
دیو بیورمش . اودخی یرینوب آغلامش، صکرہ « اهل بیتدن اک اول
یم یانہ کلہ جک سنسین » دیو مزده ویرمش . اودخی سوینوب کولمش
بعده وقت زوال شمسدن اولجہ حضرت جبرائیل ایلہ عزرائیل علیہما
السلام برلکده باب سعادتہ کلدیلر

جبریل امین، ایچرو کیردی . عزرائیلک قبوده بکلدیکنی و ایچرو کیرمک
ایچون رخصت ایستدیکنی خبر ویردی .

طرف نبویدن رخصت ویریلکله حضرت عزرائیل، همان ایچرو کیردی.
سلام ویردی واللهم امرینی بیلدیردی .

خاتم الانبیا علیه اکمل التحایا حضرتلری، حضرت جبریلک یوزینه
باقدی . اودخی « یارسول الله! ملا اعلی سکا منتظر در » دیدی .

آنک اوزرینه فخر عالم « یا عزرائیل ! کل مأموریتگی یرینه کتور » دیو
بیوردی .

حضرت عزرائیل دخی روح بر قنوح محمدی بی قبض ایله اعلای علیینه
اولاشدیردی . صلی الله علیه وسلم

ایشته دنیانک حالی بودر . کیشی، نه قدر یاشاسه انجاسی فنادر . باقی، آنجق
خدادر .

بو قوناغه هر کون کلوب کیدن چوق ، اما دونوب کلن یوق .

وفاسر دنیا کیمسه یه قالماز . دنیا وارلنی کیمسه یه مال اولماز .

انسان دنیایه کلور . کنج اولور ، اختیار اولور ، شویله اولور ، بویله
اولور . نهایت اولور

أولئر ، صانکه دنیایه کلامش کی اولور . فقط خیر ایشله ینلرک کوزل
نامی قالور .

ایلیک ایدنلر ، اجر و مکافاتنی کورر . کوتولک ایدنلر دخی جزاسنی
بولور .

بونلره باقوب عبرت آلمالی . غفلت اویقوسندن اویانوب آگاه اولمالی .
بزینه صده کللم :

رسول اکرمد اولوم علامتلی بلوردکده ام آیین رضی الله تعالی عنها
حضرتلری ، اوغلی اسامه یه خبر کونده ردی .

اسامه و عمر وابوعبیده رضی الله تعالی عنهم حضراتی ، بویله برکدرلی
خبر آلدقلری کی همان اردودن قالقوب مسجد نبوی یه کلدیله .

حال بوک : امهات مؤمنین ، روح محمدینک اوجوب اعلای علیینه کیتدیکنی
کورنجه فریاده باشلادیله . آنلرک فریاد و فغانی ایسه مسجد شریفده کی

اصحاب کرامی شایرندی و عظیم تلاش و اضطرابه دوشوردی .
حضرت علی ، قالب بی جان کبی اولدینی یرده طوکا قالدی . حضرت
عثمانک دیلی طوتولوب دیلسز کبی اولدی .

حضرت عمر ، بویله بردهشتلو حالی کورنجه مدهوش اوله رق قیلیجه
طاوواندی . « هرکیم ، حضرت پیغمبر فوت اولدی دیر ایسه بوینی اوریرم ،
دیه رک قلیج النده و آفاق اوزرنده طوره قالدی .

حضرت ابوبکر ، کندی محله سنده ایدی . کلوب بو حالی کوردی .
هان حجره سعادته کیردی . فخر عالمک یوزینی آچدی ، کوردی که روح
برفتوح محمدی اوچوب کیتمش . فقط سائر ناسک جنازه لرنده کی چیرکین
حالر ، آنده یوق . جسد شریفی ، لطیف و نظیف اوله رق ینه نور کبی
یاتیور . « آه مماتک دخی حیاتک کبی کوزل ، دیه رک اوپدی ، آغلادی
و مبارک یوزینی اووردی ، اهل بیته تسلیت و یردی .

بعده او یار فارصدیق ، جیقوب مسجد شریفه کلدی . « ای ناس ! هرکیم
که محمد طایور ایسه بیلمی که محمد ، اولدی و هرکیم که الله طایور ایسه
بیلمی که الله ، یاقدر . اولمز ، دیدی و هان (و ما محمد الا رسول قد خلت
من قبله الرسل اذان مات او قتل اقلبتم علی اعقابکم ومن یقلب علی عقیه
فلن یضر الله شیئاً و سيجزي الله الشاکرین) آیت کریمه سنی اوقودی
معنای منیقی (محمد ، دکل الا بر رسولدر . آندن اول نیجه رسوللر کلوب
کچمشدر . او ، اگر اولور و یا خود قتل اولتور ایسه سز کیرو دونه جک میسکز ؟
هرکیم کیرو دوزر ایسه الله بر ضرر ایتمز . الله ایسه نعمت اسلامک شکرینی
ایدنلره مکافات ایدمه جکدر) دیمک اولور .

بو آیت کریمه ، احد غزاسنده (محمد قتل اولندی) دیو برس ایشیدیلکله
اهل اسلامه پک زیاده شاشقینلق و بریشانلق کلسی اوزرینه نازل اولمشیدی .
او وقتدنبرو اصحاب کرام ، بو آیت کریمه بی کرات ایله ایشیتمشلر و دفعات
ایله تلاوت ایتمشلر ایدی .

لکن رسول اکرمک وفاقی اوزرینه او مرتبه حیرتده قالدیلر و اوپله

بر دهرین دریای غم و افکاره طالیدیلر که کویا او آتی هیچ ایشیتمه مش کبی اولدیلر .

یا لکز ابو بکر الصّدیق رضی الله تعالی عنه حضرتلری ، کندوسنی شاشیرمیوب واردی ، حضرت پیغمبری کوردی و کلوب سائر اصحاب کرامه کیفیتی خبر ووردی و او آیت کریمه یی تلاوت ایله آنلره اتقباه کتوردی .

حضرت ابوبکر ، او آتی او قور ایکن حضرت عمرک عقلی باشنه کلدی . رسول اکرمک وفاتنه ایناندی . دیزلرینک باغی چوزولدی ، بره دوشدی .

بعده حضرت ابو بکر (اَنْتَکَ مِیّتْ وَاَنْتُمْ مِیّتُونَ) آیت کریمه سنی دخی او قودی که (یا محمد ! همه حال سن اوله جکسین و همه حال آنلر ، یعنی مشرکله دخی اوله جکلردر ، دیمک اولور .

وفات پیغمبری وقعه سنک دهشتیله حیران و سرکردان اولان سائر اصحاب کرام دخی حضرت ابوبکرک خطابتی اوزرینه صانکه بفته بر آخر او یقودن او یاندیلر و کندولرینه کلوب حضرت ابو بکرک سوزینه قاندیلر .

یعنی ، حیب خدا محمد المصطفی علیه اکمل التحایا حضرتلرینک وفاتنه ایناندیلر .

ایشته او آناده حضرت اسامه نک اردوسنده کی عسکر ، درون شهره کوردی . حضرت (بریده) دخی سنجاغ شریفی کتوروب حضرت پیغمبرک قبوسی او کنه دیکویوردی . بو ایسه بر مرتبه دهانه دهشت ووردی ،

فخر عالم حضرتلرینک ، مکدن هجرت ایله مدینه یه تشریفلری کونی مدینه شهری نصل که تعریف اولتماز صورتده منور و روشنا اولدیه بو کره وفاتنده دخی شهر مدینه یی او مرتبه ظلمات حزن و کدر قابلا دی .

حزن و کدر ، صانکه اهل اسلامك ، يوره كنه بر زهرلی خنجر
صابلادی .

گوزلر آغلار ، کوز یاشلری جاغلار ، آتیش حسرت هر کسك
جکرینی داغلار ایدی .

حضرت (عباس) و (علی) وسائر اهل بیت نبی ، کوز یاشی دوکدرک
حضرت پیغمبرك تجهیز و تکفینی خدمت شریفه سی ایله مشغول ایدیلر .
حضرت ابوبکر دخی سعادتحانه حضرت پیغمبریده بولنه رق آنلرله
برابر یانوب یاقیلیمده و او خدمت شریفه یه باققده ایدی .

لکن یانوب آغلامله ایش یتیموب مصالح امتی کورمك و احکام
شریعتی اجرا ایتك ایمون هرشیدن مقدم رسول اکرمه خلیفه اوله جق
بر امیر انتخابی الزم ایدی و او وقت بو منصب جلیله جمله دن احق واولی ،
خاتم الانبیا حضرتلرینه مغارمه رفیق اولان حضرت ابوبکر صدیق ایدی .
زیرا اصحاب کرامك طبقه علیایی ، ابتدا مکده ایمان ایدن خواص
اصحاب کزین اولوب آنلرک دخی اول وافضلی حضرت ابوبکر ایدی .

اکرچه حضرت عباس و علی قرابتجه جمله دن زیاده رسول اکرمه
یقین ایسه لرده فخر عالم حضرتلری ، یارغاری اولان ابوبکری جمله اصحابك
اوست طرفنده طوقاردی و خسته لکی انساننده اصحاب کرامنه وداع
ایتدیکی کون محبتجه ائک زیاده ابو بکردن ممنون اولدیتنی بیلدیردی .

مسجد شریفه آجیلان قبولری هپ قبادوب یالکز ابوبکر قبوسنی
آجیق بر اقدیردی و ارتحالنه اوچ کون قاله امامتی ابوبکره تقویض بیوردی
وارکان دینك اعظمی اولان نمازده آتی جمله نك اوکنه کچوردی .

شو حاللره نظر آ خلافته حضرت ابوبکر ، تعین ایتیش دیمك اولسیله همان
همان اصحاب کزین برلشوبده آتی رسماً انتخاب ایتلری لازم کلوردی .

حال بوک: انصاردن بعضیلری کندو ایچلرندن امیر انتخاب ایتك امله
دوشدیلر و بنی ساعده صفه سنده برلشدیلر .

خزرج قبیله سنك رئیس اولان (سعد ابن عبادہ) نامزاج اولدینی حالده اورایه کلوب انصاره خطابت ایلدی

شویله که : «ای جماعت انصار ! سزك دینجه نائل اولدیغکیز فضل و مزیت بشقه قبیله لرده یوقدر. محمد صلی الله تعالی علیه وسلم ، نیجه ییلاغر قومی ایچنده اکلندی ، آنلری دینه دعوت ایلدی . ایچلرندن پك آز کیمسه ایمانه کلدیهده کفار ایله جهاده و دین اسلامی اعزازه قادر اولامادیلر . وقتا که جناب حق ، سزك سعادتکنزی مراد بیوردی . سزی شرف اسلام ایله مشرف قیلدی و رسول اکرم ایله اصحابنک محافظه سنی و جهاد ایله دین اسلامک اعزاز و اعلاسنی سزه میسر ایلدی . دشمنلر اوزرینه اڭ زیاده شدت کوسترن سزلر اولدیگز . طوائف عرب ، سزك قلیجلرکز سایه سنده ایستز ایستمز اطاعته کلدی و رسول اکرم ، سزلردن راضی اولدینی حالده وفات ایتدی . شمعی امارت و ریاست سزك حقکزدر . آتی بشقه سنه و یرمیکز ، دیدی .

انصاردن حاضر اولانلر دخی آکا «الله موفق ایله . رایکده اصابت ایلدک . بزده سنی امارته انتخاب ایلرز ، دیدیلر .

خزرج قبیله سی ، کندی رئیسلرینک امارته انتخابی سوزندن غایت ممنون اولدیلر .

اما اوس قبیله سی ، کندی رئیسلی اولان (اسید ابن حضیر) ک باشنه اوشدیلر و تردد و اندیشه یه دوشدیلر .

چونکه : اوس و خزرج قبیله لری ، ایکی قرن داش اوغوللری اولدقلری حالده مقدما یینلرنده عداوت ظهور ایله محاربه لر وقوع بولمشیدی .

بعده ، اسلام ایله مشرف اوله رق باریشدیلر و هپ دین قرن داشی اولوب برلشدیلر .

هجرتدن مقدم (مکه) یه واروب (عقبه) ده حضرت پیغمبره بیعت ایتدکلرنده ایلرو کلنلرندن اون ایکی کیمسه ، سائرلرینک اوزه رینه قیب ورئیس نصب و تمین بیورولمشدی .

ایشته بواون ایکی ققیدن بری (سعد ابن عباده) و دیگر بری دخی
(اسید ابن حضیر) ایدی .

انصاردن امیر انتخاب اوله جق اولدینی تقدیرده بو ایکسندن بریسی
انتخاب اولمق لازم کلوردی .

حال بوکه : ایکسندن مرهانکیسی ، انتخاب اولسه دیگر طرفک رقابتی
موجب اولوردی .

واقعا جملهسی ، انصار رسول الله اولوب ، دین اسلام اوغورنده
جان و باش فدا ایتدیلر و جملهسی دین قرداشی اولوب ، بربری ایچون
قانلر دوکدیلر .

لکن مرهانکی قیلهدن امیر اولسه دیگری ، آنی قیصقانعق وینه
(اوسیلک) و (خزرجیلک) غیرتی میدانله چیقماق برامر طیبی ایدی .

قرداش ، قرداشک غیرتی کوده در وایجابنده بری دیگری ایچون
جانی اسپرکه من . لکن فطرت بشریه اقتضاسنجه بریسی ، دیگرینک کندوسنه
تقوفی دخی چکه من .

بناءً علیه خزرج قیلهسی ، (سعد ابن عباده) به بیعت ایچون پک زیاده
حرصلاندیلر . اوسیلر ایسه (اسید ابن حضیر) ک یاننه طوبلاندیلر وه امارت ،
برکتره خزرجیلرک الله کچر ایسه فیابعد تحکم داعیه سنه دوشرلر و بزى
اصلا ایشه قاریشدیرمازلر ، دیو فیصلیدی به واردیلر .

مهاجرین ایسه انصاردن برینک امارتی قبول ایتک احتمالی یوق ایدی .
زیرا قرشیلر ، اشرف قبائل عرب اولدقلری جهته باشقه بر قیله نک
امری آلتنه کیره مزلردی .

فقط (سعد ابن عباده) نک نطقی انصاره پک زیاده تأثیر ایتدیکندن همان
آکا بیعت اولمق اوزره ایدی .

حال بوکه : ابتدا (خزرجیلر) ایله (اوسیلر) بیننه رقابت کیره جک
و آنلر ، یینلرنده اتفاق ایتسه لر مهاجرین ، آنلره مخالفت ایده جک والحاصل

اهل اسلام ایچنه بر عظیم تفرقه دوشه جک ایدی . بوا یسه ملت اسلامیه حقدنه بر بیوک تهلکه ایدی .

ایشته اوله طار وتهلکه لی بر وقته (ابوبکر الصّدیق) و (عمر الفاروق) و (ابو عیّده ابن الجراح) رضی الله تعالی عنهم حضراتی ، اورایه خضر کبی کلوب ایریشدیلر .

شویله که : حضرت عمر الفاروق ، انصارک او وجهله جمعیت ایتدکلریخی ایشیتدیکی کبی حضرت پیغمبرک خانه سعادتنه واردی . حضرت ابوبکری ، چاغردی ، کیفیتی خبر ویردی .

حضرت (ابوبکر الصّدیق) دخی حضرت (عمر) ایله حضرت (ابو عیّده) بی آلوب آنلر ایله برلکده (بنی ساعده) صفه سنه واردی .

او وقت انصاردن بری قلقوب « بزلر ، انصار رسولز . بزلر ، اسلامک مهتبا عسکری یز . ای مهاجرین ! سزلر ، بزم ایچمزدده کلوب سینیشم برجامت سکز . امارت ، بزم حقمزددر ، دیوردی .

حال بوکه : رسول اکرم ، هر هانکی مجلسده بولونسه صاغ طرفه (ابوبکر) ی و صول طرفه (عمر) ی آلوردی . (ابوعیّده) حقدنه دخی « بو امتک امیندر ، دیر ایدی .

بوکره اوچی بردن میدانه کلنجه سانکه رسول اکرم دیریش واورایه کلش کبی اهل اسلامک قبلرینه تأثیر ایلدی وهر کس آنلرک سوزینه منتظر اولوب طوردی .

حضرت ابوبکر الصّدیق دخی ، فصل که رسول اکرم خطبه ده کلامه باشلار ایدیسه او وجهله ابتدا جناب حقه حد ونا ایتدکدن صکره عومه خطاباً :

« بو امت ، مقدما طاشدن و آغاجدن یاپمه بتلره طاباردی . جناب حق ، کندوسنه عبادت و کندوسنی توحید ایتلری ایچون آنلره رسول کونده رددی . عرب قومنه ، بابالریشک دینی ترک ایتک کوچ کلدی . حق

تعالی حضرتلری ، مهاجرین اولینی ایمان ایله ممتاز قیلدی . آنلر ، حضرت پیغمبره یار و غمکسار اولدیلر و آنکله برلکده مشرکینک اضا و جفاسنه صبر و تحمل ایتدیلر . ایشته یر یوزنده ابتدا حق طابان و رسولنه ایمان ایدن آنلردر . رسول اکرمک یار و فاکاری و نصیر صدیقی و عشرتی آنلردر . بو جهتله آنلر ، امارته جلهدن زیاده احق و اولادر . بو بابده آنلره کیمسه منازعه ایده من . مکرکه ظالم اوله . ای انصار ! سزکده دینجه قدمکز و فضل و مزیتکز انکار اولنه ماز . جناب حق ، سزی دینته و رسولنه نصرت ایچون انتخاب ایتدی و سزلره رسولنک هجرتی میسر قیلدی . بزجه دخی مهاجرین اولیندن صکره سزک مرتبه کزده باشقه کیمسه یوقدر . رسول الله نصرت ایتدیکز . آنک ایچون دعوی ایتدیککز فضل و شرفک اهل سکز . بوکا کیمسه نک بر دییه جکی یوقدر . فقط امارت بحثده قائل عرب ، آنحق قریشی بیلور . باشقه سنک امارتی قبول ایتمز . زیرا قریش قومی ، حسب و نسبجه عربک افضلیدر . و مملکتلری جزیره العربک اوسطیدر . بز ، امرایز . سز ، وزراسکز . هیچ بر مشورت دن کیرو براقیلماسکز . سزک رایکز آلمادجه بر ایش کورولمز ، دیدی .

حضرت عمر دخی انصاره خطاباً : « رسول اکرم ، خسته ایکن سزی بزه وصیت ایتدی . اکر سز ، امرای اولاجق اولایدیکز بزی سزه وصیت ایلردی ، دیو حضرت ابوبکرک کلامنی تأیید ایتدی . انصار ، بر دییه جک سوز بولامایوب فکر و مطالعه یه طالدیلر . فقط ایچلرندن (حُباب ابن منذر ابن جَوْح) قالقدی . « بزدن برامیر وسزدن دخی برامیر اولسون ، دیدی .

حضرت عمر الفارق « ایکی امیر ، جمع اولاماز و پیغمبر ، هانکی قبیله دن ایسه خلیفه سی دخی اوقبیله دن اولمادجه والله عرب قومی ، قبول و اطاعت ایتمز ، دیدی .

حباب ابن منذر ، آنی رد ایله « ای انصار ! بو دینه عرب قومی

سرك قلیجلریكز ایله اطاعت ایلدی . حقكزی باشقهسنه قایدیرمایكز ، دیدی .

حضرت عمر ، آنی تکدیر ایلدی . او دخی سرت جوابلر ایله مقابله و مجادلایه باشلادی .

اووقت (عبیده ابن الجراح) سوزه باشلایوب « ای انصار ! ابتدا بو دینه نصرت ایدن سزلر ایدیکز . صاقین ابتدا ایثنی بوزان دخی سز اولمایکز ، دیدی .

آنك اوزرینه انصاردن وخزرج قیلهسندن (سعد ابن نعمان ابن کعب ابن خزرج) ك اوغلی (بشیر) رضی الله تعالی عنه حضرتلری ، آیاغه قالدی : « ای ناس ! محمد ، قریشدندر . کندی قومی ، آنك خلافتنه احق و اولادر . بزم کرچه اسلامه مسابقت و جهاد و نصرت حقمن واردر . لکن بزم آندن مرادمز ، اللهك و رسولك رضالری ایدی . بز ، بوندن طولایی دنیاچه عوض و مكافات ایسته مه بز ، دیدی .

حباب ابن منذر « یا بشیر ! سن ، عمزاده گه (یعنی سعد ابن عبادیه) حسد و نفسانیت ایدیورسین ، دیدی .

بشیر ابن سعد « یوق . والله اوایله دکل . لکن بو قومك حقوقنه تعرض و تجاوزی جائز کورمیورم ، دیدی .

ایشته اووقت حضرت ابوبکر الصّدیق « سزه بوایکی ذاتی انتخاب ایتدم . برینه بیعت ایدیکز ، دیو (عمر الفاروق) ایله (ابو عبیده) یی کوستردی . ایکسی بردن امتناع ایتدیلر و « حضرت پیغمبرك ایلرو کچوردیکی ذاتك اوکزه کیم کچه ییلور ؟ » دیدیلر .

بو صرمده کورولتو بویودی . کفتکو چوغالادی . هر ققادن برسس و هر آغزند بر سوز چیقار اولدی .

آنك اوزرینه حضرت (عمر الفاروق) سوزی کسیدردی و حضرت ابوبکر الصّدیق خطاباً : « رسول اکرم ، سنی اعظم ارکان دین اولان نمازده کندوسنه خلیفه ایتدی . سنی جمله مزه امام ایلدی . الکی اوزات .

بن، سکا بیعت ایدیم، دیوب (ابو عیده) ایله برلکده (حضرت ابوبکر) .
بیعت ایدمك اولدقلرنده (بشیر ابن سعد) سگرتدی ، آنلردن اول
ابوبكرك النى طوتدى ، بیعت ایتدی .

حضرت (عمر) و (ابو عیده) دخی بیعت ایدنجه برو طرفده بربريله
فیصلیدی ایتکده اولان (اوس) قیلهسی دخی رئیسلى اولان (استیدن
حضیر) ایله برلکده کلوب بیعت ایلدیلر .

بوصورتله خزرچيلرك اتفاق بوزولدی (سعد ابن عبادہ) یه بیعت
بمخى برطرف اولدی .

هپ انصار ومهاجرین ، بر اوغوردن حضرت ابوبکره بیعت ایتك
اوزره او مرتبه مسارعت ایله سگرتدیلرکه آ ز قالدی (سعد ابن عبادہ) ی
چیکنه یازدیلر .

اول امرده حضرت علی کلوب بیعت ایله مدیکى کبی (زیر ابن العوام)
و (مقداد ابن الاسود) و (سلمان فارسی) و (ابوذر غفاری) و (عمار
ابن یاسر) ایله (عُبَّهُ ابن ابی لهب) کبی بنی هاشمدن دیگر بعض ذوات
دخی حضرت (علی) یه بیعت ایتك ایستدیلر . بو جهته کلوبده حضرت
ابوبکره بیعت ایله مدیلر . لکن صکره جملهسی کلوب بمحق خلیفه رسول الله
اولان حضرت ابوبکره بیعت ایلدیلر .

مریدرکه : حضرت (علی) کرم الله وجهه و (زیر) رضی الله تعالی عنه
« بز ، ابوبكرك شرف و فضیلتی بیلورز . او ، رفیق غادرر . رسول الله ،
آنی حیاتنده ایکن امامته کچوردی . خلافته جملهدن احق واولا اولدیغی
تصدیق ایلرز . فقط بو خصوصده مشورتدن خارج طوتولدیغمز ایچون
کوجندك ، دیشلر .

فی الواقع امر خلافت ، ملت اسلامیه جه اك بیوك بر مصلحت در .
حضرت پیغمبرك وفاتی اوزرینه بالمله کبار اصحاب کرام ، برلشوبده
بالاتفاق ایچلرندن برینی انتخاب ایتلری لازم کلوردی . او حالده حضرت

(علی) و (زبیر) کبی کبار اصحاب کزینک رایلرینه مراجعت اولئق دخی
امر ضروری ایدی .

نه چاره که حضرت پیغمبرک وقائی اوزرینه هرکس نه یاپاجغنی شاشیردی .
انصارک دخی کندو ایچلرندن امیر انتخابنه قالدیشمه لری ایشی چیغیرندن
چیقاردی .

درحال (ابوبکر) و (عمر) و (ابوعبیده) یتشمه سیدیلر (سعد ابن
عباده) یه بیعت اولنه جق و بو جهتله (خزرجیلر) ایله (اوسیلر)
بیننه رقابت دوشه رک ابتدا انصار ، ایکی یه بولونه جک وقریش ایسه اصلا
قبول ایتمیوب ملت اسلامیه ایچنه بر بیوک تفرقه دوشه جک ایدی .
ایشته ، بو فناقلرک دفعنه حضرت (ابوبکر الصّدیق) موفق اولدی
و آنک خلافته انتخاب اولماسیله ملت اسلامیه ، بر بیوک تهلکه دن قورتولدی .
(رضی الله تعالی عنه و کرّم الله وجهه) .

ایشته خاتم الانبیا حضرتلرینک وقائی کونی که ربیع الاولک اون ایکنجی
پازار ایرتمسی کونی ایدی . اوله غریب مجادله و محاوره لر وقوع بولدی
و نتیجه سنده حضرت ابوبکر الصّدیق خلیفه رسول الله اولدی .
فرداسی صالی کونی بیعت عامه وقوعه کلدی . شویله که :

حضرت ابوبکر ، مسجد شریفه کلوب منبره چیقدی و جناب حقه
حد و شکر ایتدکن صکره « ای ناس ! بن ، سزک اوزه ریکز . والی
وامیر اولدم . حال بوکه : سزک اک خیرلوکز دکل . اکر ایلک ایلرسم
بکا اغانه ایدیکز و اکر فنا ایشلرسم بکا طوغری یولی کوستریکز .
طوغریلق امانتدر . یالانچیلق خیانتدر . سزک ضعیفکز ، بنم عندهده
قویدر که حقق آلویریرم و قویکز ، بنم عندهده ضعیفدر که آذن باشقه سنک
حقق آلورم . ان شاء الله تعالی . بریکز ، جهادی ترک ایتمسون . جهادی
ترک ایدن قوم ، ذلیل اولور . بن الله ورسوله اطاعت ایتدکه سزده
بکا اطاعت ایدیکز و اکر بن ، الله ورسوله عاصی اولورسم سزکده بکا
اطاعتکز لازم کلز . قالدیکز نمازه . رحکم الله ، دیدی .

بعده ، خاتم الانبیا حضرت نرینی تمجیز و تکفین ایله دفن ایتدیردی .
طرف نیویدن حضرت (اسامه) یه وریاش اولان سنجاغ شریف که
رسول اکرمک وفاتنده (اسامه) نك علمداری اولان (بریده) آنی
کتوروب سعادتحانه نبوی اوکنه دیکویرمشدی . حضرت ابو بکر ،
آنی ینه (بریده) یه وردی و (اسامه) نك قبوسی اوکنه دیکدیردی
و د کیمسه سفردن کیرو قالمسون دبو ندا ایتدیردی .

اسامه رضی الله تعالی عنه حضرتلری ، سنجاغ شریف ایله خارج
مدینه یه چیقوب اسکی اردو یرینه واردی وینه اوراده اردوسنی قوردی .
سائر اصحاب کرام دخی خلیفه رسول الله اطاعت ایدرک همان سلا حلا ندیلر .
اردوگاهه طوبلان دیلر .

فقط اسامه ، يك کنج اولدیغندن انصاردن بعضیلری ، آنك عزلیله
یرینه قدامی اصحاب کرامدن برینك نصبنی ایتدیلر .

حضرت ابو بکر الصدیقك جانی صیقیلدی « رسول اکرمك نصب
ایتدیکی سرعسکری بن ، نصل عزل و تبدیل ایده بیلورم ؟ » دیدی .

ربیع الآخرک غره سنده خلیفه رسول الله ، اردوگاهه کتیدی و حضرت
اسامه یی آتیه یندیروب کندوسی یاا اوله رق آنی تشیع ایتدی .

حضرت اسامه آکا « یا سنده ین ، یا خود بنده اینهم » دیدی .
خلیفه حضرتلری « نه بن ینهم ، نه سنده سن این . الله یولنده بر آز بنده
آیا قارم طوزلانس نه اولور ؟ » دیدی . لازم کلن محله دك یورویره رک اردوی
اسلامی بکوردی .

اسامه یه « الله سلامت ویرسون . کیت و رسول الله ، سکا نه امر ایتدیه
آکا کوره حرکت ایت » دیو وداع ایتدیکی وقت « اکر رایگه موافق
کلورسه عمری بکا معین اولمق اوزره براقویر » دیدی . حضرت اسامه دخی
راضی اولوب حضرت عمری براقدی .

بناء علیه خلیفه حضرتلری ، عمر الفاروق ایله برلکده مدینه یه عودت

ايتدی . اسامه دخی عسکر اسلام ايله جانب شامه کيتدی . بلقا ناجیه سنه
واردی و دشمنلری آتله چيکنه تدی و پدرينک قاتلنی بولوب اولدوردی .
منصور و مظفر اولدی و نيجه اموال غنائم آلدی .
ايسته رسول اللهك اڭ صكره تجهيز ايله ديكی و برنجی خليفه سنك اڭ
اول سوق ايتديکی اردو بودر .

اللهم صل على محمد وعلى آله واصحابه اجمعين



جزء رابع

رسول اکرم صلی اللہ علیہ وسلم
حضرتلرینک تیجهیز و دفنی

جزء ثالثہ بیان اولوندینی اوزره ابوبکر الصّدیق رضی اللہ عنہ
حضرتلرینہ بیعت اولوندقدن صکرہ فخر عالمک دفنی خدمت شریفہ سنہ
مبادرت قیلندی . لکن مدفن حقیقہ اختلاف اولوندی .

اصحاب کرامدن بعضیلری ، مسجد شریفده و بعضیلری (بقیع) ده ،
یعنی مدینہ منورہ مقبرہ سنده و بعضیلری جدّی ابراہیم علیہ الصلوٰۃ
والسّلامک قبری یاننده و بعضاری مکده دفن اولنمق رأینده بولندی .

حضرت صدیق ایسہ « بن ، رسول اللہ صلی اللہ علیہ وسلمدن بر شئ
ایشیتدم و حالا اونوتامدم . اللہ تعالیٰ ، بر پیغمبری قبض ایتمدی ، آلا دفن
اولنمنسی ایستدیکی یرده قبض ایتمدی . دیو بیوردی . آنی دوشه کینک
اولدینی یرده دفن ایدیکز ، دیمکله حضرت عایشہ رضی اللہ عنہا خانہ سنده ،
اوزرنده عازم دار بقا اولدینی دوشه کی قالدیریلدی و یری قازیلدی . برلحد
یاییلدی که حالا (روضہ مطهرہ) دینیلان محل مبارکدر [*] .

[*] پاشا صرحوم ، مدفن شریف نبوی ایچون (روضہ مطهرہ) ده نیلن محل
بوراسیدور . دیش ایسده (روضہ مطهرہ) قبر سعادت ایله منبر شریف آراسنده کی
بقعہ مقدسه اولوب قبر پیغمبرینک بولوندینی موقع اقدسه (حجرہ سعادت) تعبیر
اولونور .

[مصحح]

بو لحد مسعودی قازوب یاپان انصار کرامدن (ابو طلحه) رضی الله عنه حضرت لیدر .

غسل اوله جنی وقت دخی اثواب سعادتی چیقاروب چیقارماق خصوصنده بین الاحباب اختلاف وقوع بولدی .

بو آراق اصحاب کرامه من طرف الله اویقو کلدی . بو صرده « آنی اثوابی اوزرنده ایکن غسل ایدیکنز ، دیو بر سوز ایشیدیلدی ، قائل بیلینهمدی فقط موجبجه عمل اولوندی .

غسل ودفن نبوی خدمت شریفه سنده بولنانلر (علی ابن ابی طالب) و (عباس بن عبدالمطلب) ایله اوغوللری (فضل بن عباس) و (قثم بن عباس) و (اسامه بن زید) و رسول اکرمک آزادلوندن (شقران) اولوب انصار کرامدن و اهل بدردن (بنی عوف) ک جدی اولان (اوس بن حولی) دخی آنلره برابر بولندی . (رضی الله عنهم)

سائر جنازه لرده بر معتاد کورولن شیلردن آنده بر اثر کورولدی . حضرت علی « حیاتکده و ماتکده پاکسین » دهرک غسل ایدر و عباس ایله اوغوللری چویریر و (اسامه) ایله (شقران) صو دوکر ایدی .

بو وجهله غسل و تکفین اولوندی . ارککلر و قادیلر و چوجوقلر و کوله لر ، بلوک بلوک کوروب نمازینی قیلدیلر .

قبر شریفنه اینلر (علی) و (فضل) و (قثم) و (شقران) رضی الله عنهم ایدی . ققط (اوس بن حولی) رضی الله عنه « الله عشقنه یا علی ! بزم رسول الله دن حظ و نصیب می کوزمت » دیمکله حضرت علی ، امرایتدی . اودخی قبر شریفه ایندی و حائر شرف و مباهات اولدی .

تجهیز و تکفین ایشی کچیکمش و کیجه ایریشوب آقاق قارائلق باصمش ایدی . انفسی استیلا ایدن ظلمات حزن و کدر ایسه آندن دها باصقین ایدی . زیرا اتوار وحی الهییه مظهر اولان رسول اکرمک جسم مسعودی طوراغه کونمک اصحاب کرامنه اک بیوک مصیبت ایدی .

ایشته او ائنده قره العین رسول حضرت (فاطمة البتول) رضی الله عنها وارضاهما حضرتاری ، قبر نبویدن بر آووج طوپراق آالارق قوقلایوب « احد مختارک ترا بی قوقلایانک حالی نه اولور ؟ الی آخر العمر قاینامش آش قوقوسی آلامق لازم اولور ، نیم اوزم ریمه بر طاقم مصیتلر دوکولدی که اکر کوندوزلرک اوزم ریمه دوکولسه کیجه اولمالری لازم کلور ، دیو مرثیه نظم ایدرک آغلاردی وهر کسک جکرینی داغلاردی . آندن صکره غمخانه سه چکیلدی وانس والفتدن کسیلدی .

نه چاره که ، قافله بشره قاریشانلر ، هپ بو منزله قونوب کوجمک احوال طبعیه دندر ورسول اکرمدن صکره آنک شریعتنه خدمت ایلمک آکا محبت و اخلاصک اقتضاسندندر .

بناء علیه صحابه کزین ، حضرت پیغمبرک نار فراقیله سوزان اولدقلری حالده آنک تأسیس بویورمش اولدینی احکام دینی بی احکامه حصر افکار ایتمشلردر . از جمله حضرت صدیق ، رسول اکرمک حال حیاتنده تجهبیز بویورمش اولدینی اسامه اردوسنی ، دفن نبوی عقبنده سمت مأموریتنه سوق ایلمه مشدر .





بعض اوصاف سنیہ محمدیہ :

حلیہ شریفہ و شمائل محمدیہ نك تعریفی، بویله كوچوك رسالہ یہ سیغماز۔ فقط جزء ثالثہ آنلردن بالمناصبہ برآز بحث اولوندینی کبی بوراده دخی بر نبذه جك بحث اولنق مناسب کورولمشدر .

رسول اکرم وفخر عالم محمد المصطفی صلی الله علیه وسلم حضرتلری، خلقتجه و اخلاقجه نوع بنی آدمك اكملی ایدی .

هپ انبیاء عظام علیهم الصلوٰۃ والسلام حضراتی، تام الاعضا و كوزل یوزلو اولوب حییب خدا، آنلرك اڭ كوزملی ایدی .

مبارك جسمی كوزل، هپ اعضاسی متناسب، اندامی غایت مطبوع آلتی و كوكسی وایکی اوموزلرینك آرهسی و آووچلری كیش، بویونی اوزون و موزون و كوموش کبی صاف، اوموزلری و بازولری و بالدرلری ایری و قالین، بیله کلری اوزون، پارمقلری اوزونجه، اللری و پارمقلری قالینجه ایدی . مبارك قارنی كوكسیله برابر اولوب شیشمان دكل ایدی و آیاقلرینك آلتی چوقور اولوب دوز دكل ایدی . اوزونه قریب اورته بویلی، ایری کیکلی، ایری کوودهلی، کوچلی قوتلی ایدی . نه ضعیف، نه سمیز، بلکه ایکیسی اورتهسی و صیقی اتلی ایدی . مبارك جلادی ایسه ایبكدن یوموشاق ایدی .

کمال اعتدال اوزره بویوك باشلی، هلال قاشلی، چکمه بورونلو، آز ده کیرمی چهرملی و سوبوجه یوزلو ایدی . شیشمان یوزلو و یومرو یاناقلی دكل ایدی .

کیرپیکلری اوزون، کوزلری قاره و کوزل بویوجك وایکی قاشنك

آرەسى آچىق ، فقط قاشلىرى بربىنە قىرىب ايدى . چاتىق قاشلى دكل ايدى
وايىكى قاشنىك آراسىندە بر دامار وار ايدى كه وقت غضبەدە قاباروب
كورونور ايدى .

اونجى مجتبي ، ازهراللون ايدى ، يعنى نه كيرچ كچى آق ، نەدە قارە
ياغيز ، بلكە ايكيىسى اورتەسى و كل كچى قرمزى يە مائل بياض ونورانى
وبراق اولوب مبارك يوزندە نور لمعان ايدردى . كوزلرينك آقندەدنى آز
قىرمزىلىق وار ايدى . ديشلىرى ، اينجو كچى آبدار وتابدار اولوب سويلر كن
اوڭ ديشلرنندن نور صاچيلور ، كولر كن فم سعادتى ، بر لطيف شيمشك
كچى ضيالىر صاچاراق آچيلور ايدى .

صاچلىرى ، نەيك قيوبرجىق ، نەدە پكدوز ايدى وصاچلىرىنى اوزاتدينى
وقت قولاقلىرىنىك مەلرىنى تجاوز ايدردى . صقالى صيق وتام ايدى .
اوزون دكل ايدى وبر طوطامدن زيادەسى آلوردى .

علم بقاءه رحلت بيوردقلىندە صاچى ، صقالى هنوز آغارمغه باشلايوب
باشندە بر آز وصقالندە يكرمى قدر بياض قبل وار ايدى .

جسمى نظيف ، قوقوسى لطيف ايدى . قوقو سورونسون ، سورونمەسون
تتى وترى الك كوزل قوقولردن اعلا قوقاردى . بر كيەمەه آنكلە مصافحه
ايتسە بوتون كون آنك رايحه طيبەسى طوياردى ومبارك اليله برچوجوغك
باشنى مسح ايتسە رايحه طيبە سيله اوچوجوق ، سائر چوجوقلر آرەسندە
معلوم اولور ايدى .

طوغدينى وقت دنى نظيف وپاك ايدى وستتلى وكوبكى كسيك اوله رق
طوغمش ايدى .

حواسى فوق المادە قوى ايدى . پك اوزاقدن ايشيدير وكيمەه نك
كورەمەجكى مسافەدن كورور ايدى .

هپ حرکاتى معتدل ايدى . بر يره عزيمتندە عجلە وصاغ وصولە
ميل ايتيموب كمال وقار اليله طوغرى يولتە كيدر فقط سرعت وسهولت اليله
يورور ايدى .

شویله گه : عادتاً یورور کبی کورونور ، لکن یاننده کیدنلر ، سرعت ایله یورودکلری حالده کیرو قالورلر ایدی .

الحاصل جزء نالنده بیان اولوندینی اوزره اک مکمل ومستثنی صورتده یارادیلش بر وجود مسعود ومبارک ایدی .

کولر یوزلو ، طائلی سوزلوایدی . کیمسه یه فنا سوز سویله مز و کیمسه یه بد معامله ایله مز و کیمسه نک سوزنی کسمز ، ملایم ومتواضع ایدی ، خشین و غلیظ دکل ایدی . فقط مهیب و وقور ایدی . یهوده سوز سویله مزدی . کوله سی دخی تبسم ایدی .

آنی آنسزین کورهن کیمسه بی مهابت آلوردی و آنکله الفت ومصاحبت ایله ن کیمسه ، آکا جان و کوکلدن عاشق ومحب اولوردی . اهل فضله درجه لرینه کوره احترام ایلردی . اقراسنه دخی یک زیاده ا کرام ایلردی . لکن آنلری کندولرندن افضل اولانلرک اوزرینه تقدیم ایتمزدی .

خدمتکارلرینی یک خوش طوتاردی . کندیمی نه یر ونه کیرسه آنلره دخی آنی یه دیربر و آنی کیدیربر ایدی .

سخنی و کریم ، شفیق و رحیم ، شجیع و حلیم ایدی . عهد و وعندنه نابت ، قولنده صادق ایدی . الحاصل حسن اخلاقجه و عقل و ذکاوتجه جمله ناسه فائق و هردلو مدح و ثنایه لایق ایدی .

کتاب او قومامش ، یازی یازمامش اولدینی حالده عوام و خواصک ظاهری وباطنی امورنده واقع اولان حسن تدبیر و تصرفی بر آدم دوشونسه او حضرتک نه مرتبه عقل وفهم و ذکاوسی اولدینی درحال آکلار و ظلمات جهل ایچنده قالش قبائل عرب آره سنده بویوبوب و جزیره العرب کبی بر هجرا محله ظهور ایله یوبوده آمی اولدینی حالده انفس و آفاقی انوار علوم ومعارف ایله منور ایتدیکنی بر عقل سلیم صاحبی تأمل ایتسه بلاتردد آنک دعوی نبوتی جزماً تصدیق ایلر .

یهوده ، کیمده قدر ضرورت ایله اکتفا وزیاده سندن ابا ایلردی

بولدیغی یردی ، بولدیغی گیردی و قام طوبونجه وقارنی طولونجه یمزدی .
اوزرنده یاتوب اویودینی دوشك ، دهردن معمول اولوب ایچی دخی
خرمالینی ایدی .

آز وقت ایچنده بونجه فتوحاته مظهر اولمش و واردات اسلامیه
چوغلش ایکن دنیا ماله اصلا التفات ایله مزدی و غنائمن کندوسنه عاند
اولان اموالك اکثری مستحققرینه صدقه ایدوب کندی تعیشی ایچون
بك آزرشی آلیقوردی . بو جهتله بعضاً استقراضه مجبور اولوردی .
اهل یتنك اکثریا یمدیکلری آرپه اککی ، یاخودخرمالیدی و دارعقبایه
عنیمتده اک سوکیلی زوجه سی اولان عایشه رضی الله عنها حضرتلرینك
هجره سنده جزئی آرپه دن باشقه یمه جك یوق ایدی وزرهی بر یهودی یدنده
مرهون ایدی که عیالک نفقه سی ایچون اوتوز صاع [*] آرپه اودونج آلوب
زرهنی رهن ایتشیدی .



(*) بر صاع ، بیک قرق درهمدر .



ترکه نبویه

رسول اکرم ، صلی الله علیه وسلم حضرتلرینک وفاتنده کرک آلتون، کرک کوموش تقدی قالمادی . البسه وایکی کلیم و بر چارشف و بر قاچ صو قابی و قواطه و طاراق مقاص ، مسواک کبی ضروری الزوم اولان اشیاسندن باشقه بر کوموش مهری وار ایدی که : اوزه ری (محمد رسول الله) دیو حک اولنمشیدی . (ابوبکر) و (عمر) و (عثمان) رضی الله عنهم حضرتانی ، آنی ایام خلافتلرنده استعماک ایتمشلدردر .

بر سریری وار ایدی که : آیاقری (ساج) دینیلن آغاچدن ایدی . رسول اکرم ، بعد الهجره (ابویوب انصاری) حضرتلرینک خانه سنده ایکن (اسعد بن زراده) رضی الله عنه حضرتلری ، آنی تقدیم ایتمشیدی . رسول اکرم ، آنک اوزه رنده یاتوب اوپوردی . وفاتنده آنک اوزه رینه قونولوب نمازی قیلندی . بعده حضرت (عایشه) رضی الله عنها خانه سنده قالدی . صکره ناس ، تبرکاً آنک اوزه رنده موتالری کوتورور اولدیلر . حضرت (صدیق) و (فاروق) ک جنازه لری دخی آنک اوزه رنده کوتورولمشدر .

مدینه منوره اطرافنده اوتلار ، یکریمی رأس صاغیلورده وهرلری وار ایدی که : هر کون بونلردن ایکی قریه سوت کلوب زوجه لرله برابر کندولری تقدی بوپورور وبقیه سنی اصحاب صفیه ویریر ایدی . یوز قویونی و آلتی ، یدی قدر کچیکسی اولوب آنلرک سودلری دخی او یولده صرف اولونور ایدی . بوندن باشقه ترکسی : سلاخلریله بر بیاض (استر) دن عبارت اولوب

حضرت (صدیق) آنلری ، (علی المرتضی) رضی الله عنه حضرتلرینه ویرمش و « ماعداسی صدقدهر » دیو بویورمشدر .

اگرچه رسول اکرمک مدینه منورهده بر آزاراضیسی و (قَدْكَ) و (خیر) اراضیسنده بر مقدار حصهسی وار ایدی . لکن حال محنتده آنلری وقف ایدوب حکملرینی دخی تعین بویورمشیدی .

شویلهکه : آنلردن اکثرینک وارداتی کلوب کیدن ایلچیلر ومسافرلر ویولچیلر مصارفه تخصیص ایتمشیدی .

خیرک حاصلاتندن زوجهلری ایچون معینالمقدار آربه وخرما تخصیص ایدوب فضلہسنی دخی فقرايه ، مهاجرینه اعطا بویورورلر ایدی . (ابوبکر الصدیق) رضی الله عنه حضرتلری ، ایام خلافتنده بو مرتباتی وقت سعادتده اولدینی کی صرف ایدوب اصلا تغییر ایتدی .

حضرت عمر رضی الله عنه ، خلیفه اولدقده خیر اراضیسنی تقسیم وزوجات مطهره بی تخیرایله ، ایستین کافی السابق تعیناتی وایستین اراضیدن حصهسی آلسون ، دیوب آنلرک بعضیلری ، تعیناتی وبعضیلری اراضی بی اختیار ایتمشدرلر .

سائر طول قالان قادینلرک مدتلری منقضى اولدقندن صکره ایستدکلری اره واره بیلورلر . اما زوجات مطهره ، امهات مؤمنین اولدقندن کیمسه به تزویجیلری جائز دکلدر .

بناءً علیه برجات اولدقجه فقهلری جاری اولمق لازم کلش و ساکن اولدقلری خانلر ، وقاتلرینه قدر کندولرینه ترک ایدیلشدر . رسول اکرمک وارنلری ، کریمه محترمهسی (فاطمة الزهرا) رضی الله عنها وارضاه ، زوجات مطهرهلری رضی الله عنهن و عمنی (عباس) رضی الله عنه حضراتی ایدی .

لکن (ابوبکر) رضی الله عنه ، ترکه نبویه بی تقسیم ایتیموب وقت سعادتده جاری اولان ترتیباتی بعینها اجرا بویوردی وحضرت (فاطمه) رضی الله عنها ، حصه میراثی ایستدکده رسول اللهدن ایشیتدم . بزه ،

یعنی پیغمبر لره کیمسه وارث اولاماز . بزم ترك ایتدی کمز شیء ، صدقه در . دیدی . رسول الله ، مرنه یاپاردیسه بن ، اصلا تغیر ایتیم . زیرا قورقارم که بر یا کلیش یوله صاپمالیم ، دیو جواب ویردی .

مرویدرکه : حضرت (فاطمه) نزد (صدیق) . کلوب « سکا کیم وارث اولور ؟ » دیو سورمش و حضرت (صدیق) « عیال و اولادم اولور » دیدکده « یابن ، نیچون پدرمه وارث اولیورم » دیو بویورمش .

حضرت (صدیق) دخی « بن ، سنک پدرک اولان رسول اکرم حضرتلرندن ایشیتدم . بویوریوردی که : کیمسه بزه وارث اولاماز . آنک ایچون سنده وارث اولاماز سین . لکن بن ، آنک خلیفه سیم . آنک جاتنده اتفاق ایلدیکی کیمسه لری اتفاق ایدرم ، سنک مصارفکی و امور یکی دخی رؤیت ، وظیفه ذمتدر ، دیو جواب ویردی . آنک اوزه رینه حضرت فاطمه ، سکوت ایتدی و بر دهامیراث لاقیردینی ایتدی .





زوجات طاهرات

آتهات مؤمنین اولان زوجات طاهراتك اول وافضلى (خديجة الكبرى)
رضى الله عنها حضرتلريدركه : سيدة النساء (فاطمة الزهراء) رضى الله عنها
حضرتلرينك والده سيدر .

فخر كاشانه ابتدا ايمان ايدن وارقه سنده نماز قيلان اودر . او، بر حيات
اولد قجه رسول اكرم ، آنك اوزره ينه باشقه خاتون تزوج ايتدى .
ذريت نبويه دخى آندندر . زيرا رسول اكرمك حضرت (فاطمة) دن
باشقه اولادى قالمادى .

آندن صكره زوجات مطهره نك افضل ، ابوبكر الصديق رضى الله عنه
حضرتلرينك كريمه سى (عايشة الصديقه) رضى الله عنها حضرتلريدر . آندن
بك چوق حديث شريف روايت اولمشدر . رسول اكرمك بكر
اوله رق تزوج ايتديكى آنجق اودر . ساؤلرني هب طول اولدقلىرى
حاله تزوج ايتمشدر . رسول اكرم ، حضرت (عايشة) يى بك
زياده سوردى . مع هذا حضرت عايشة دير ايمش كه «خديجه ، رسول
اكرمك بنى تزوجدن اوچ سنه اول فوت اولمشيكن آنك قدر هيچ بر
خاتونى قيصقا نامدم . زيرا رسول الله ، دائما آنى ياد ايلردى و قربان كسوب
اتندن آنك متعلقاته اهدا ايدردى و آكا جنتده مجوف انجودن بر كوشك
ايله مزده ايلك اوزره رسول اكرمه رب تعالى امر ايتمشيدى ،

حضرت خديجه نك وفاتندن صكره رسول اكرم (سوده بنت زمعه)
تزويج اولمشدى . صكره ابوبكر الصديق حضرتلرى ، كريمه سى عايشه يى
تزويج ايتمشدر . سوده ، مقدما اشراف قريشدين عمتى زاده سى و حدييه
مكالمه سنده بولتان شهور (سهيلى بن عمرو) ك برادردى (سكران) ك زوج سى

اولوب آنکله برابر اسکیدن اسلام ایله مشرف اوله رق حبشه هجرت ایتمشلرایدی . سکرانک و قاتله طول قالمش و رسول اکرمک ازدواجله شرف تسلیت بولمش ایدی ، کندوسنه اختیارلق کلدکده نوبتی حضرت عایشه به بخش ایتمشدر . مؤخرآ عمر رضی الله عنه حضرتلرینک کریمه سی (حفصه) رضی الله عنها حضرتلرینک زوجی فوت اوله رق طول قالدقده رسول اکرم ، آنی تزوج ایله حضرت عمری تلطف بیوردقدن صکره پدرینک همشیره سی (آمنه بنت عبدالمطلب) ک قزی و (زید بن حارثه) نک مطلقه سی اولان (زینب بنت جحش) ی دخی تزوج ایتمشدر .

زوجات طاهراندن بری دخی (ابوسفیان بن حرب) ک قزی (ام حبیه) درکه زوجی (عیدالله بن جحش) ایله برابر سابقین اولیدن اوله رق حبشه هجرت ایتشلر ایدی .

عیدالله ، اوراده مرمتد اوله رق فوت اولوب ام حبیه ، اسلام اوزره ثابت و دیار غربتده بی کس قالمغله طرف نبویدن بیکس نوازلق یولنده وقوع بولان امر و اشعار اوزرینه (نجاشی) آنی اوراده رسول اکرمه نکاح ایدرک مدینه منوره به کونده رمش . ام حبیه نک پدری ابوسفیان ، اوزمان هنوز ایمانه کلیوب مکده رئیس الرؤسا ایدی . ینه حبش مهاجرلرندن (برة بنت عبدالمطلب) ک اوغلی (ابوسلمه) احد جنکنده آلدننی یاردن وفات ایلدکده زوجه سی (ام سلمه) یی دخی رسول اکرم تزوج بیورمشدر .

بعده بنی المصطلق غزاسنده (جویریّه) و خیرک فتحنده (صفیه) اسیر اولوب رسول اکرم آنلری دخی تزوج ایتمشدر . جویریّه ، بنی المصطلق شیخی (حرث بن ابی ضرار) ک و صفیه ، رؤسای یهوددن (ابن اخطب) ک قیزیدر . جزء ثالثده بیان اولندینی اوزره رسول اکرم ، عمره ایچون مکبه واردقده عمی عباس ، کندی زوجه سی (ام الفضل) ک قیز قرداشی (میمونّه) یی حضرت پیغمبره تزویج ایتمشدر . رضی الله عنهن



رسول اکرمک مُعْتَق و مُعْتَقَه لری [*]

رسول اکرم صلی الله علیه وسلم حضرت لری ، کوله و جاریه لری مالک اولدینی کبی ، یاخود بر مدتیجک صکره آزاد ایلردی و آنلری غیر قیلوب ایستیانلری خدمت سنیه لرنده آلیقور ایدی . حین وفاتنده آزاد اولماش هیچ برکوله و جاریه سی بولمادی . آزاد کرده لری چوقدر . ابتدا والده سندن موروث اولان (آمین) نام حبش جاریه یی آزاد ایلشیدی . لکن آمین ، ینه خدمت سنیه لرنده قائم اولوردی .

بعده (خدیجة الکبری) رضی الله عنها رسول اکرمه (زید بن حارثه) نام کوله یی باغشلادی . رسول اکرم دخی آنی آزاد و کندوسنه اوغول اتخاذا ایلدی و « برجتک خاتون المی ایستین آمینی تزوج ایتسون ، دیو بیورمغله زید ، آنی تزوج ایتدی و آنلردن (اسامه) تولد ایلدی . رسول اکرم ، آنی دخی کندی اولادی کبی سوردی .

بابا و اوغول ، ایکسی دخی رسول اکرمک خواص اصحابندرد و ایکسی ده وقت سعادتده سر عسکر اولمشلرد . آمین دخی مبارک و متیمن برخاتون ایدی . احد غزاسنه حاضر اولوب غزاته صو اولاشدیریر و یاره لوله تیمار ایدر ایدی . رسول اکرمدن صکره حضرت ابوبکر و عمر ، آنی زیارت ایدر لردی .

(صهب رومی) موصل نواحیسندن اولوب روملر ، اورالریغی ظاوت ایلدکلرنده آنی اسیر ایتشلر و بعض عربانه صاتمشلر ایدی . عرباندن دخی

(ابن جدعان) آلوب رسول اکرمه کونده رمشدی. اڭ اوّل اسلام ایله مشرف اولان اصحاب کزیندندر .

(سلمان فارسی) ایران اهالیسندن اولوب برآراقی اسپر دوشهرک بر یهودییه صایلمش و جزء قائیده بیان اولدینی اوزره رسول الله، آتی اسارتدن خلاص ایشدر . اودخی خواص اصحاب کرامدندر .

(شقران) بدر غزاسنده بولندینی وقت کوله ایدی . صکره حضرت پیغمبر، آتی آزاد ایشدر . رسول اکرمک غسل و دفنی خدمت شریفه سنده بولنلردن بریدر .

(ابو رافع) حضرت عباسک کولهسی اولوب آتی رسول اکرمه باغشلامشیدی . حضرت عباسک اسلامنی تبشیر ایتدکده رسول اکرم، آتی آزاد و معتقلرندن (سلمی) بی آکا تزویج بیوردی . آنلردن (عبدالله بن ابی رافع) تولد ایلدی که حضرت علینک ایام خلافتنده کاتبی ایدی . (سفینه) نامنده برکولهسی دخی اولوب آتی آزاد بیورمشلر ایدی . آندن (عبدالرحمن بن سفینه) تولد ایشدر .

یونلردن باشقه رسول اللهک دهانیجه معتق و معتقلری وار .

(رضی الله عنهم)





خدمه رسول الله

رسول الله خدمت مخصوصه سنده بولناردن بری (انس ابن مالک)
درکه اون سه رسول الله خدمت ایدوب دعاسی آلمش و یوز سندن زیاده
معمر اولمشد .

(ربیعہ بن کعب الاسلمی) اصحاب صفہ دن اولوب رسول اکرمک
آبدستی خدمتده بولنور ایدی و عجباً برخدمت ظهور ایدرمی ؟ دیوصباحه
قدر باب سعادته بکلردی .

(عبدالله بن مسعود) حضرت پیغمبرک مسوا کداری ایدی و بر محله
تشریف ایدمک اولدقلرنده نعلین شریفی کیدیریر و جیقاردقلری وقت ،
آنلری قوللرینه کچوروب محافظه ایلر ایدی .

(عقبه بن عامر الجهمی) سفرلرده فخر عالمک استری یه ده ردی . عالم
وفقیه وشاعر فصیح اللسان ایدی . معاویه زماننده معمر والیسی اولمشد .
(ابوذر الغفاری) دخی فخر کائناتک خواص اصحابندن اولدینی حالده
خدمت مخصوصه لرنده بولونور ایدی . بولنردن باشقه شرف خدمت نبویه
ایله مشرف اولان دهبا بعض ذوات وارد .

(قیس بن سعد بن عبادة الانصاری) دخی حضرت پیغمبرک یاننده
بولونوب صانکه (مدینه منوره) نک ضبطه ناظری متابه سنده ایدی .
حضرت (علی) و (زبیر) ایله برابر (مقداد بن الاسود) دیو
معروف اولان (مقداد بن عمرو) و (محمد بن مسلمة الانصاری)
و (عاصم بن ثابت) ایسه مستحق عقوبت اولانلرک جزالری اجرا
ایدلرلدی . (رضوان الله عليهم اجمعین)





مؤذنلر

فخر عالمك درت مؤذننى وار ايدى كه (بلال حبشى) و (ابن ام مكتوم القرشى) و (ابو مخذومه سمره) و (سعد القرظ) در . (بلال حبشى) حضرت تارى ، اك اول اسلام ايله مشرف اولانلردن بريدر . كوله ايكن اعلان اسلام ايله مشركلرك جور واذالرينه صبر و تحمل ايتمكده ايكن حضرت ابوبكر الصديق ، آنى ساتون آلوب حسة لله آزاد ايلدكدن صكره خدمت نبويه په مداوم اولدى . ابتدا اذان و یرن واقامت كتورن اودر . بعد الهجره اصحاب كزينكا كثرى ، تجارت وفلاح ايله مشغول اولارق فرصت بولدقجه حضور نبويه كلورلرايدى . بلال ايسه بر آن خدمت نبويه دن آيريلمازدى . وقت فجر دن اول غايت مؤثر بر اذان ايله اصحاب تهجدى او يانديرير و نماز و قى جماعت ، حاضر اولدقده فخر كائناتى مسجد شريفه كتيرير ، بعده حجره منوره سنه كوتورور ، باب سعادتده طورور ، حضرت پيغمبرك هر خدمتى كورور ايدى . ايام سفرده دخى بر آن يانندن آيريلمازدى . فخر عالمك وفاتنه قدر او وجهله مؤذنلكى خدمتده بولدى . آندن صكره جهان باشنه طاركلدى . رسول اكرمك هجر وفراقيله مدينه ده طوراما زاولدى . حضرت ابوبكر ، وقت سعادتده كى احوالك اصلا بوزولماسى املنده اولديغندن بلال كندوزماننده دخى مؤذنلك ايتسنى طاب وتكليف ايندكده حضرت بلال ، آكا د اكر بنى قيسك ايچون ساتون آلدك ايسه آليقوى فاكر الله ايچون آلوب ازاد ايلدك ايسه بنى كندى جالمله براق ، ديو جواب و یرمش ايسه ده ابوبكر الصديق حضرت تارى ، نام خندا بنى ياد ايدرك يالوارمغله حضرت بلال ، برمدت مؤذنلكده قالمشيدى . لكن نهايت الامر طياه ميوب جانب شامه كيتدى ، غزات مسلمينه التحاق ايتدى .

فقط بلال حضرتلری، جانب شامده ایکن رؤیاسنده رسول اکرمی کوروب «یا بلال؟ بو جفانه در، بی زیارت ایده جکک وقت کلدیمی؟» دیو بیورمش. بلال حبشی، خائف و حزین اوله رق او یانمش. همان ده وه سنه یینوب تک و تنها چوللری یاره رق مدینه منوره یه وارمش و روضه مطهره اوزرینه قبانوب یوزنی طوبراقلره سورده رک آغلامقده ایکن سبطین مکرمین، یعنی حسن و حسین رضی الله عنهما وارضاهما حضرتلری چیه کلشیر. بلال، ینه حزن و تحسرایله بکا ایده رک خاک پاک قبرنبوی بی براغوب آنلره صاریلش. آنلر دخی «یا بلال! سنک مسجد شریفده رسول الله او قودیغک اذان ایشیتیمک ایسترز، دیملریله درحال حضرت بلال، مسجد شریفک سطحنه چیقوب وقت سعادتده اذان و یردیکی یرده طوروب (الله اکبر) دیدیکی کبی مدینه یرندن اوینادی (اشهدان لا اله الا الله) دیدکده مدینه چالقادندی (ان محمد رسول الله) دینجه رسول الله یریلش دیره رک قیزلر، سو قاقلره اوغرادی. مملکت آلت، اوست اولدی. رسول اکرمدن صکره مدینه ده او قدر آغلایش کورولما مشیدی. حضرت بلاله دخی حیرت کلدی او، اذان تمام ایده مدی.

بونک اوزرینه ینه شام طرفنه عودت و آرزوی شهادتله سرحداته طوغری عزیمت ایلشدر. بر مؤذن که اذان شریف مشروع اولدقده ابتدا آنک لسانندن ایشیدیه و امامی فخر عالم اوله و دائماً آکا همدم اوله. آنک دیگر فضائلدن بحجه حاجت کورولمز.

(ابن ام مکتوم) حضرت خدیجه الکبرانک دایسی اوغلیدر. بلال حبشی، بوجه بالا اصحاب تهجدی او یاندر مقایجون وقت فجردن اول اذان و یروب (ابن ام مکتوم) ایسه صباح نمازینک تمام وقت اداسی کلدکده اذان و یرردی و رسول اکرم، بر طرفه سفر ایتدکده (بلال حبشی) برابر کیمکه ابن ام مکتوم، مسجد نبویه قالورایدی. کرات ایله رسول اکرم، آتی مدینه ده قائمقام براقشیدی.

(ابو محذوره) تک صوتی لطیف اولوب پک کوزل اذان و یریرایدی.

رسول الله ، آنی بعدالفتح مکده مؤذن تعین ییورمشیدی . اولادی
 (هرون الرشید) زمانده منقرض اولونجهیه قدر مؤذن اولمشلردر .
 (سعد القرظ) عمار بن یاسرک کولهسی ایدی . رسول اکرم ، آنی
 قبايه مؤذن تعین ییورمشیدی . بروجہ بالا بلال حبشی ، شام طرفه
 عنیمت ایلدکده (سعدالقرظ) مدینه منوره یه نقل ایله مسجد نبوی
 مؤذنلکده تعین ایدیلدی . اولاکندوسی و صکره اولادی چوق زمان
 مسجد رسول اللهده مؤذنلک ایتمشلردر . رضی الله عنهم ورضوا عنه .





خطیبلر و شاعرلر

اصحاب کرام ایچنده پک چوق خطیبلر ، یعنی کوزل نطق ایدنلر و نیجه شاعرلر وار ایدی . فقط ایچلرندن بعضاری خطابت ، یا شعر ایله شهرت آلمشار ایدی .

از جمله انصارک خطیبی اولان (ثابت بن قیس بن شماس) خطبانک و (حسان بن ثابت الانصاری) شرانک الک شهرتیلری ایدی .

(عبدالله بن رواحه الانصاری) هم خطیب ، هم شاعر ایدی . عقبه بیعتنده و بدر واحد و خندق و قعله لرنده و دیگر غزالرده بولتمش و (موته) جنکنده شهید اولمشدو .

(کعب بن مالک الانصاری) دخی مشاهیر شعرای اسلامدنر . بیعت عقبهده و سائر مواقع مشهورده بولتمشدر ، فقط تبوک غزاسنه کیتامشدر . جزء نالنده بیان اولندینی اوزره (کعب بن زهیر) دخی صکره دن مدینه منورهیه کلوب شعرای اسلامییه ملحق اولمشدر . رضی الله عنهم اجمعین .





فقهای صحابه

(ابو بکر) و (عمر) و (عثمان) و (علی) و (عبدالرحمن بن عوف) و (عبدالله بن مسعود) و (ابی بن کعب الانصاری) و (معاذ بن جبل) و (عمار بن یاسر) و (حذیفه بن الیمان) و (زید بن ثابت الانصاری) و (النجاری) و (ابوالدرداء) و (ابو موسیٰ الاشعری) و (سلمان الفارسی) اصحاب کرامت علما و فقهای اولوب وقت سعادتده بیله فتوی و بریرلردی. عمر و علی و معاذ بن جبل ، رسول اکرمک قاضیلری مثابه سنده ایدیلر . خلفای اربعه ایله عبدالرحمن بن عوف ، عشره مبشره دندر . ابن مسعود ، خدمه نبویه صره سنده دخی ذکر اولغشیدی . ابی بن کعب ، عقبهده بیعت ایدن انصار دندر . معاذ بن جبل ، تعلیم قرآن ایچون طرف نبویدن یمنه کونده ریلشدی . عمار بن یاسر ، خواص اصحاب کرامنددر . حذیفه بن الیمان ، رسول اللهک محرم اسراری ایدی . خدمت کتابتنده دخی بولنوردی . رسول اکرم ، آکا احوال آتییه دائر پک چوق سرلر کشف و بیان ایلش و منافقلرک اسملرخی سویلش ایدی . حضرت عمر ، اسراره دائر اولان شیرلی آندن صوراردی و برجازه وقوعنده حذیفه بی کوزهدوب آنک کیتمدیکی جنازه یه کیتمزدی . حضرت عمر ، برجیات اولدقجه قتنه ظهور ایتیجهکنی دخی خبر ویرمشدی . رضی الله عنهم ورضوا عنه .





کتاب حضرت پیغمبری

شیخین ، یعنی ابوبکر و عمر ، فخر کائناتک ایکی وزیرى متابسهنده اولوب عثمان بن عفان و علی بن ابی طالب دخی وحی کاتبلیکی ایدرلردی . فقط رسول اکرمک آنلردن بشقه کاتبلیرى دخی اولوب مشهورلری بروجہ آتی بیان اولنور :

(سعید بن عاص بن امیة بن عبد شمس) ک اوغلی (خالد) وحی کاتبی اولوب بسمله شریفه بی ابتدا یازان اودر وسابقین اولیندن اولوب هجرت یولنده حبشه کیتمش وفتح خیبر اناسنده مدینه منوره یه کلشدر . کولهسی (معقب بن ابی فاطمه) دخی قدمای مهاجریندن اولوب رسول اکرمک مهردارلق خدمتده بولنمش وحضرت صدیق وفاروقک ایام خلافتلرنده بیت المال امینی نصب اولمشدر . سعیدک برادری (ابان بن جاص) دخی فتح مکه کونی اسلامه کلوب وحی کاتبی اولمشدر .

(شرجیل بن حسنہ) ابتدا کی وحی کاتبلرنددر وسابقین اولیندن اولوب حبشه هجرت ایلمش و ام حبیه ایله برابر مدینه منوره یه کلشدر . آندن صکره دخی ملوکده نامه لر یازمشدر .

حضرموت اهالیسندن وکیار اصحاب کرامدن (علاء بن الحضرمی) دخی وحی کاتبلرندن ایدی .

فقها صره سنده مذکور اولان (ابی بن کعب) که هجرت نبویه ده وحی کاتبی اولمشیدی . ابتدا مکتوب آخرنده امضا یازان اودر .

ینه فقهادن (زید بن ثابت) دخی وحی کاتبلرندن اولوب بشقه شیلرده یازاردی . اطرافندن یکلن مکتوبلری ترجمه ایچون رسول اکرمک امریله یهود و سریانی کتابتی تعلم و تحصیل ایتمشیدی . زیرده بیان اوله جفی وجهله

حضرت صدیقك امریله قرآن کریمی جمع ایدن اودر . (عبدالله بن سعید بن ابی سرح) حضرت عثمان بن عفانك سوت قرنداشی اولوب فتح مکهدن اول اسلامه کلوب وحی کاتبی اولمشیدی . صکره نعوذ بالله مرتد اولغله فتح مکه کونی دمی هدر قلنمشیکن حضرت عثمانك شفاعتيله عفویورولدی . بعدہ قوی مسلمان اولدی .

ابوسفیان که رؤسای قریشدن اولوب جزء ثالثه بیان اولندینی اوزره فتح مکه کونی اوغوللریله برابر اسلام ایله مشرف اولهرق مؤلفه القلوبدن اولمشیدی . قیزی (ام حبیبه) امهات مؤمنیندنایدی . بیوک باشلی وقیصهیه قریب اوریه بویلو بر آدم ایدی . کرک کندوسی وکرک اوغوللری بعدالفتح مدینه منورهیه نقل خانه ایتشلردر . کرک ابوسفیان ، کرک اوغلی (یزید) کتابت نبویه خدمتده بولنشلردر . دیگر اوغلی (معاویه بن ابی سفیان) ایسه وحی کاتبی اولمشدر . اودخی درایت وبصیرت صاحبی بر ذات ایدی .

بعض مورخین دیرکه : « ابی سفیان اوغوللرینك اك خیرلوسی ، مومی ایلہ (یزید بن ابی سفیان) در »

ابوسفیانك (زیاد) نامنده دیگر بر اوغلی دخی واردر . فقط زمان جاهلیتده جاری اولان اصول تزوج اقتضاسنجه دخی ولد زنا اولدیفندن (زیاد بن ابیه) دیرلرکه (باباسنك اوغلی) دیمکدر . صکره معاویه ، آتی برادرلکه قبول ایدرک ابوسفیان نسبته الحاق ایتمشدر .

(عبدالله بن ارقم القرشی) که فتح مکه سنهسی اسلام ایله مشرف اولمشیدی . طرف نبویدن ملوکه وسائرہ مکتوب یازاردی و نزد پیغمبریده یک مؤمن ایدی .

عشره مبشره دن (زبیر بن العوام) ایله فتح خیر سنهسنده اسلام ایله مشرف اولان (جهیم بن الصلت) اموال زکات کاتبلری ایدی . (مغیره بن شعبه الثقفی) دخی (حصین بن نمیر) ایله برابر سائر معاملاتی یازارلر ایدی . اشبو مغیره بن شعبه ، بیعت رضوانده بولنمشدر وفرط ذکا ودرایت ایله معروف اولان درت ذاتدن بریدر . آنلره (دُهاث

اربعة (دیرلرکه) مغیره) و (عمرو بن العاص) و (معاویه) و (زیاد ابن ابیه) در .

(بریده ابن الحصیب السهمی الاسلمی) که رسول اکرم ، مکدن مدینه هجرت ایدرکن (غمیم) نام محله وصولرنده بنی سهمدن و کندی اهل یتشدن یتش نفر را کب ایله کلوب ایمان ایتشیدی . بردفه طرف نبویدن بنی سلیمه مکتوب یازمشدر .

(سهیل بن عمرو) برادری قدماى مهاجریندن (حاطب بن عمرو بن فهیره) و (ابو ایوب انصاری) و (عمرو بن العاص) دخی خدمت کتابت نبویهده بولنان ذوات کرامنددر .

امرای عسکریه

هجرت نبویه نك برنجی سنه سی جهاده و رخست ویرلدى . سریه ، یعنی چته بکلى آره ، صره مدینه دن چیقوب مشرکله تعرض ایدر اولدى . ابتدا کی امراى سریه ، حضرت پیغبرك عسى (حمزه) و عم زاده سی (عییده بن الحارث) و خاله زاده سی (عبدالله بن جحش) ایدی .

سکره (ابوبکر الصدیق) و (عمر الفاروق) و (عبدالرحمن بن عوف) و (ابو عییده ابن الجراح) دخی سریه امیری اولمشدردر . (علی بن ابی طالب) ایله (زید بن حارثه) ایسه دائما سریه و فرقه امارت لرنده استخدام بیوریه کلشدردر . اصحاب کرامدن (مقداد بن الاسود) دیو معروف اولان (مقداد بن عمرو) و خطبا و شعرادن (عبدالله بن رواحه) ایله (عکاشه بن محسن الاسدی) و (شجاع بن وهب الاسدی) و (محمد بن مسلمة الانصاری) دخی سریه بکلرنددر .

(عمرو بن العاص) و (خالد ابن الولید) اسلام ایله مشرف اوله رق مدینه منوره هجرت ایلدکلرنده ایکیمی دخی باشبو غلغده استخدام

بیورلدیلر . علی الخصوص خالد بن الولیدی رسول اکرم (سیف الله) دیو
تلقیب ایدرک دائماً آنی امارت عسکریه ایله استخدام بیوردی .

اوسرمده (ابوقتاده الانصاری) و (سعد بن زید الانصاری) و (قیس
ابن عباد الانصاری) و دیگر بعض اصحاب کرام دخی سریه بککنده
استخدام اولتورلردی . جزء ثالثه بیان اولندی اوزره ابوموسی الاشعری
عمری (ابوعامر الاشعری) دخی او طاس محاربه سنده بر فرقه نک امیری
ایدی .

زیر بن العوام ، قلیج اورمقده وسعد بن ابی وقاص ، اوق آتمقده
فوق العاده ماهر و ایکسی دخی غایت شجیع و بهادر ایدیلر . (طلحه بن
عبید الله) دخی شجعان اسلامدن ایدی . رسول اکرمک اک صکره نصره
ایتدیکی امیرالجلس (اسامة بن زید) درکه جزء ثالثه اولندی اوزره
حضرت صدیق ، بوامری اتقاذا یتمشدر . رضوان الله علیهم اجمعین .

سریه بکلرندن بری دخی قدمای مهاجریندن (عمرو بن امیه الضمری)
رضی الله عنه ایدی که غایت جری و چالاک و الی چابوق ، چاقر پنجه لی بر
مرد عیار ایدی و ایام جاهلیته جوق سابقه سی وارایدی . نیجه مخاطره لردن
قورتولش ، آرته قالمش بر ذات غریب الاطوار ایدی .

عصر اسلامده دخی (پیغمبر ساعیسی) دیو معروف اولوب امر تجسسه
و تبلیغ مراسلاتده و دشمن ممالکنه کیروب چیقمده حکایات غریبه سی
واردر .

از جمله : هجرتک دردنجی سنه سنده (قاره) قبیله سندن بر جماعت ،
حضرت پیغمبره کلوب « زده اسلام وار . بر قاچ آدم کوندهر . قرآن
اوقوتسونلر ، تعلیم دین ایتسونلر ، دیملریله رسول اکرم ، آلتی کشی
کونده رمش و ایچلرندن (عاصم بن ثابت) ی آنلره رئیس تعین بیورمش
ایدی . مشرک لک غرضی ایسه آنلره غدر ایدوبده رؤسای مکدن بر از
شی قایمق ایمش . اوزر لرینه هجوم ایلشله عاصم ایله اوج نفر رفیق ، مخالفت
و مدافعه قیدنده اولمالریله آنلری شهید ایتمشله و باقی ایکسی طوتوب احد

جنگنده اقباسی تلف اولان مشرکین مکيه سامشله رؤسای مکه، آنلری صلب و اعدام ایله تشفی صدر ایملرله حضرت پیغمبری اعدام ایتمک اوزره ابوسفیان طرفدن مدینه منوره کونده ریش اولان بر شخص دخی طوتولدی. بناء علی ذلک ابوسفیانی اعدام ایتمک اوزره طرف نبویدن عمرو بن امیه، مکيه کونده ریلدی. انصاردن (سلمه بن اسلم) دخی آکا ترفیق ایدیلدی.

عمروک برده و مبی اولوب سلمه بی دخی آکا بیدیریر ایدی. مکيه تقریرلنده عمرو، ده و مبی ایکی جبلک آره سنده بند ایدوب بر اقدی. سلمه «هایدی طوغری ابوسفیانک یانه واروب آتی اعدام ایدیورلم» دیمش ایسه ده سلمه «اولا بیت شریفه کیدوب طواف ایتمک وایکیشر رکعت نماز قیلسق» دیمکله کیدوب طواف ایتمشله و نماز قیلمشله. او ائنده ابوسفیانک اوغلی معاویه، عمروی کوروب طانیقله «ایشته عمرو بن امیه» دیو باغرمش. عمرو ایسه زمان جاهلیته سابقه لی وقورقونج بر آدم اولغله ایشیدنلر «عمرو، بورایه البته سوء نیت ایله کلشدر» دهرک قوشمشله و عمروک آرقه سنه دوشمشله. عمرو، آرقداشه «ایشته بنم قورقدیم بو ایدی. آرتق ابوسفیان یول یوق. بز، هان باشمک چاره سنه باقالم» دیوب قاجمشله. خارج مکده برطاغه چیقوب بر مغاره یه کبرمشله و کیجه اوراده قالمشله. عمروی آرامغه چیقانلردن (عثمان بن مالک التیمی) آتیه سوار اوله رق صباحلین اومغاره نک اوکنه کلدکده عمرو، قیلان کی صیچرایوب خنجر ایله عثمانی اورونجه جان آجیسیله اوپله فریاد ایلمشله که مکدن ایشیدنلر.

اطرافده سنی ایشیدنلر، سکیردوب کلورلرایکن عمرو، یته مغاره یه کوروب صاقلانمش. کلنلر، عثمانی صوک نفسده بولمشله و «سنی کیم اوردی؟» دیکلرلنده «عمرو» دیوب جان ویرمش «عمرو مغاره ده» دیمش. آنلر، جنازه یی قتل و دفن ایتمک تلاشه دوشمشله. آراییحیلر ایسه عمروی بولق ایچون اطرافه قوشمشله. عمرو دخی «آراییحیلرک آرقه سی

کسیلسون ده اوزمان چیقالم ، دیهرك سلمه ایله برابر ایکی کیجه دهها او مغاره ده قالدقدن صکره چیقمشلر . سلمه ، دهوه یی بولوب بینمش ومدینه منوره یه کلوب کیفیتی رسول اکرمه بیلدیرمش . عمروایسه اوکون یوریوب خیلی یول آلدقدن صکره اخشام اوستی (ضَجَّان) نام محله واصل ورمغاره یه داخل اولوب کیزلدیکی صره ده (بنی دثُل) قیله سندن برقیون چوبانی کلوب مغاره یه کیرمش و « سن کیمسک؟ » دیمش عمرو دخی « بنی دثُل قیله سندنم ، دیمکله چوبان یان یاتوب

(بیت)

صاغ بولندقجه مسلمان اولمام سالک مسلک ایمان اولمام

دیو تخی ایدرك اویودقده عمرو ، آنی اعدام ایتدکدن صکره چیقوب مدینه منوره یه کلوورکن رسول اکرمک احوالی نجسس ایچون رؤسای مکه طرفندن چیقاریلش اولان ایکی جاسوسه لدی التصادف بری اوقایله اوروب اولدورمش و دیگرخی طوتوب حضور نبوی یه کتیره رك واقع حال نه ایسه خبر ویرمش . رسول اکرم ، تبسم بیورمش و عمروه دعا ایتمشدر . عمروک بوکبی دها نیچه غریب قصه لری واردر . صکره قصاصلر [*] دخی آنلره برچوق ماصالر قاتمشدر .

اصرای ملکیه ومأمورین مالیه

هجرت نبویه نك بشنچی سنه سی وقایعی صره سنده بیان اولتدینی اوزره (بنی مصطلق) عشیرتی ، تأدیب ایله اسلام واقیاده کتوریلش ایدی . مؤخرأ آنلرك زکاتی قبض ایچون حضرت عثمان بن عفانك آنا برقرنداشی اولان (ولید بن عُبَّه بن ابی معیط) کونده ریلوب آنلرك یوردینه یاقلاشدقده تعظیم

[*] قصاص : قصه کو ، افسانه خوان ، ماصالچی .

ایچون آقا قارشو چیقمشلر ایدی . حال بوکه : ولیدایله آره لرنده زمان جاهلیتدن قاله عداوت اولدیغندن ولید ، اوغلبه لکی کورو نجه کندوسنه سوء قصد ایچون چیقمشلر دیو وهم وخوفه تابع اوله رق همان عودت ایله حضور نبوی یه کلوب « بنی مصطلق ، مرتد اولمش . اوزریمه سلاح ایله کلدیله . مال زکاتک اعطاسنه ممانعت ومخالفت ایلدیله ، دیمکله اوزرلرینه عسکر کونده رمکه قیام ونیت بیورولدی .

ایشته او اناده (یا ایها الذین آمنوا ان جاءکم فاسق ببناء فنبیّنا ان تصیوا قوماً بجهالة فصبحوا علی ما فعلتم نادمین) آیت کریمه سی نازل اولمشیدی . مفهوم منبئی بودرکه : ای مؤمنین ! بر فاسق ، سزه برخبر کتورر ایسه طورک ، تفحص وتحقیق ایدک که بیلیمه یرک بر قومه کو تواک ایله طوقونوبده ایشلایک گزیه نادم اولمایه سکز .

فی الواقع صکره بنی مصطلقک اذان وروب تماز قیلیمقده اولدقلری تحققی ایشلدر وبعض معتبرانی ، حضور نبوی یه کلوب تبریه ذمت ایشلدر .

بدایت حالده تحصیل عشر وزکات ایشی پک مهم ایدی . حضرت علی وعدی بن حاتم طائی کبی کبار صحابه دن بعض ذوات کرام ، بو خدمت سنیه ده استخدام بیورولمشدر . تحصیل اموال زکات وسائر خصوصات ایچون رسول اکرمک استخدام بیوردقلری مأمورلر چوقدر . جمله سنی تعداده حاجت یوقدر . فقط بعض مشاهیری بوجه آتی ذکر و بیان اولتور :

یمنده (همدان) قبیله سی مشایخندن (قیس بن عطاء الارحبی) هجرت نبویه دن اول مکّه مکرمه یه کلوب اسلام ایله مشرف اوله رق عودت ایلدکده کندی قومی اولان (ارحب) عشر تنک جو غنی ایمانه کلکله قیس ، همان رسول اکرمی آلوبده یمنه کوتورملک اوزره مکیه کلش ایسه ده رسول اکرم ، اولجه مدینه منوره یه هجرت بیورمش ایدو کندن مدینه منوره یه کلدکده قومنه حاکم نصب اولنه رق بر قطعه فرماننامه هایون ایله اعاده بیورولمشدر . موخرأ حضرت علی المرتضی ، یمنه تشریف ایتدکده اشبو همدان قبیله سی ، طوپدن اسلام ایله مشرف

اولمشدر . ملوك ايران نسلدن اولوب مقدا كسرى طرفدن يمن واليسى نصب اولتان (بَازَان) مؤخرأ اسلام ايله مشرف اولدقده رسول الله ، آنی بشون اقليم يمنه والى نصب وتمين بيوردی . فقط بعض نواحی به تعليم امور دينيه ايجون فقها وزكات وجزیه اموالنى قبض ايجون امنا كوندهردی . حج وداعدن عودت بيوردقلى ائنده باذانك وفاتى خبرى وارد اولمغله ممالك يمنى ، متعدد امارتله بالتقسيم صنعاني ، آنك اوغلى (شهر بن باذان) . و (زَمْع) و (زَيْد) جهتنى وحى كاتبلرندن (خالد بن سعيد بن العاص) . و بلدة (مأرب) ى فقهادن و قدماى مهاجريندن (ابو موسى الاشعري) يه و (كَنْدَه) ى ام المؤمنين ام سلمه رضى الله عنها حضرتلرينك برادرى (مهاجر بن اميه) يه و (حضرموت) قطعه سنى انصار كرامدن (زياد بن ليلىاضى) يه و ديكر قطعه لرى دخى اصحاب كرامندن برر ذاته توجه بيوردى .

فقهادن وانصارك سابقين اولينندن (معاذ بن جبل) دخى او حوالى به معلم نصب اولمغله يمن و حضرموت آرمسنده دور ايدردى و مقدا فتح مكده (عتاب بن اسيد) امير مكه و (عثمان بن ابى العاص الثقفى) امير طائف نصب و تميمين بيورلمشيدى .

(يزيد بن ابى سفيان) دخى (يَمَّا) يه و عمرو بن سعيد بن العاص (وادى القرا) يه و برادرى (سعيد بن سعيد) (عُرَيْنَه) قراسنه و ديكر برادرى (ابان بن سعيد) بجرينده (خط) نام بلده يه حاكم اولمشدر . رضى الله عنهم اجمعين .

مبعوثين و سفرای پيغمبرى

نبي محترم صلى الله عليه وسلم حضرتلرى ، حديبه دن عودن ايلدكده نامه هايون ايله ملوك اطرافه آلتى ايلچى ارسال بيوردى ، يعنى كسراى عجم

اولان (خسرو پرویز) . (عبدالله بن حذافه السهمی) یی و یمامه ملکی (هوزده بن علی) یه (سلیط بن عمرو العامری) یی و قیصر روم اولان (هرقل) . (دَحِیَّة بن خلیفه الکلبی) یی و ملوک غساندن (حارث بن ابی شمر) . امرای عسکر یه دن (شجاع اسدی) یی و حاکم مصر اولان (مقوقس) . (حاطب بن ابی بلتمه) یی و (نجاشی) یه ، یعنی حبش حکمدارینه امرای عسکر یه دن (عمرو بن امیه الضمری) یی کونده ردی .

بوسفرا ، هپ قدمای مهاجریندر . عبدالله بن حذافه ، تجارت ایله ایرا ، کیدوب کلنلردن ایدی . سلیط عامری ، سکران و سهیل بن عمروک برادریدر . دحیه ، حسن و جمال صاحبی بر ذات اولوب رسول اکرمه جبریل امین ، آنک صورتنده کلوردی . شجاع اسدی ، برادری عقبه بن ابی وهب ایله برابر بدرده و غزوات سائرده بولمیشدر . حاطب بن ابی بلتمه دخی اهل بدردن معروف بر ذاتدر . عمرو بن امیه ، سریه بکلرندن اولوب بالاده ترجمه حالی بیان اولتان مشهور عمرودر .

بعده حارث بن عمیر الازدی ، سفارنله بصرای شام طرفه کونده ریلدی . امرای غساندن (شراحیل عمرو الغسانی) اثنای راهده آنی اخذ و قتل ایتدی . ایشته موته غزاسی بوندن نشأت ایتمشدر .

بعده نامه هایون ایله بنی عبدالقیسدن ملک بحرین اولان (منذر بن ساوی) یه وحی کاتبلرندن (علاء بن الحضرمی) و عمانده حکومت ایدن (جَلَنَدی) اوغوللرینه مشهور (عمرو بن العاص) ارسال بیورولدی . صکره علاء بحرینه و عمرو بن العاص ، عمانه والی تعیین بیورولمشدر . زبیر بن العوامک برادری قدمای مهاجریندن (سائب بن العوام) دخی مکتوب مخصوص ایله (مسیلمة الکذاب) . کونده ریلشیدی .

ینه سفارتله وحی کاتبلرندن (شرحیل بن حسنه) (اَیَلَه) حاکمنه و (ظلیان بن مرید السدوسی) (بنی بکر بن وائل) قبیله سنه ارسال بیورولمشدر . (هَجَر) مجوسلارینی دینه دعوت ایلک و قبول ایتمز لر ایسه جزیه آلق اوزره

اصحاب صفه دن مشهور (ابوهریره) مقدّم علاء بن الحضرمی ایله برابر او طرفه کونده ریلشیدی. مؤخرأ حضرت عمر الفاروقك همشیره سی (صفیه بنت الخطاب) ك زوجی قدماى مهاجریندن واهل بدردن (قدامة بن مظعون القرشی) ابوهریره ایله برابر منذر بن ساوی به کونده ریلشدر .

بونلردن باشقه طرف نبویدن سفارتله ، یاخصوصی مأموریتله اطرافه بعث وارسال اولنمش خیلی ذاتلر واردر . از جمله معهود ابو جهلك آنابر برادرى، سابقین اولنندن (عباس بن ربیعة الخزومی) سفارتله بعض امرای حمیره کوندریلش و صکره بالاده بیان اولندینی اوزره یمنده (کنده) امیری نصب و تعیین بیورولمشدر .

وفات نبویدن اولجه اشراف یمندن (جریر بحلی) حضرتلری ، یمندن سفارتله نزد پیغمبری به طوب اسلام ایله مشرف اولمغله طرف نبویدن سفارتله بعض امراء یمنه کونده ریلشدر . رضی الله عنهم اجمعین .

(بحرین حکمدارلری) کسرانك والیاری حکمنده اولدقلاری کبی (ملوک غسان) و (حاکم ایله) دخی قیصرک والیاری حکمنده ایدیلر . مصر دخی قیصرک ایلاتندن معدود ایدی. لکن رسول اکرم صلی الله علیه وسلم حضرتلری ، اعلان واعلائی دین مین ایچون مبعوث اولوب ملک و دولت صدندنه بولندیفندن تابیی متبوعدن آیرمیوب کسری و قیصر ایله برابر آنلره تابع اولان ملوکه دخی نامه وایاچی ارسال ایله جمله سنی برسیاقده دین اسلامه دعوت بیورومشدر. بورالری لایقيله آکلاشیلماق ایچون اوزمانك احوالی بروجه آتی مجملأ بیان اولتور .



اجمال احوال

زمان سعادتده جزیره العربیه مجاور ایکی بیوک دولت وار ایدی که بری ایران دولتی و دیگرکی قسطنطنیه قیصرلنی ایدی. بوایکی دولت ، خیلی مدت

یکدیگر بکریله شدتلی محاربهر ایدوب کسرای عجم ، سوریه یی استیلا ایله مصره تجاوز ایلش و آناتولی یی استیلا ایله قسطنطنیه یی قورقوش ایکن قیصر هرقل ، ایرانیه غلبه ایدرک او ممالکی استرداد ایله موصله قدر تحطی ایلش و بوجله ایکی دولت دخی ضعیفله مش ایدی .

وقتیله عربلرک یمنده بر بیوک دولتری وار ایکن (ملوک حمیر) منقرض اولوب حبشلر ، برو طرفه عبور ایله یعنی ضبط ایلش ایدی . بعده کسری نوشروان ، عسکر سوق ایدرک حبشلیری یمندن طرد ایله حمیرلردن بر والی نصب ایتمشیدی . صکره ایرانیلردن صنعاده بر یمین والیسی بولنور اولدی ،

(سَبِلُ الْعَرَمِ) حادثه سندن صکره ، یعنی بلده (مأرب) ک سَد و بندلری منهدم اوله درک مملکت خراب اولدینی صرعه ابتدا (بنی اَزْد) و بعده (بنی جُدَام) و (بنی طِی) و (بنی لَحْم) یمندن چیقوب اطرافه یاییلمش ایدی . بولنر ، ایچلرندن بر معتبر ذاتی کندولرینه ملک ، یعنی شیخ المشایخ نصب ایدرلردی . صکره اوشیخلردن بعضیلری ، تزید قوت ایله بیوک وقوی حکومتلر تأسیس ایتشلردر . شویله که : بنی اَزْد ک بر قسمی ، عمانه واروب اوراده حکومت ایدر اولدیلر . وقت سعادته عمان حکومتی آنلردن جلندی اوغوللری (جَیْفَر) و (عَبد) نام ایکی برادر النده ایدی .

بر قسمی ، یثربده ، یعنی مدینه ده توطن ایتدی که انصار رسول الله اولان (اوس) و (خزرج) در .

دیگر قسمی ، سوریه حدودینه کلوب آنلردن (آل جَفَنَه) شامک جنوب شرقیسنده بر حکومت تأسیس ایتدیلر و نصاری دینه کبیدیلر . آنلره (ملوک عَسَّان) دینلور . حکومتلری (بَلَقَا) دن (تَدْمُر) . و نهر فرات یالسینه قدر ممتد و نیچه یوز سنه لر پایدار اولدی . لکن حکومتلرنده مستقل اولوب قیصر رومک والیلری حکمنده ایدیلر . آنلردن (حارث

بن ابی شمر الفسانی (حکمدار ایکن فخر عالم صلی الله علیه وسلم حضرتلری ، نبوت ایله مبعوث اولمشلردر .

(بنی جذام) دخی (یَبُوعُ) و (ایله) حوالیسندن متوطن اولوب (فروة بن عمرو الجذامی) قیصر روم طرفندن (معان) حوالیسندن بولنان عربلرک اوزرینه مأمور و حاکم ایدی ، بنی طیّی ، یعنی طی قبیلهسی ، شعوب کثیره به منقسم و اطرافه متفرق اولمشلردر .

اما بنی لخم ، بلاد عرافه کلوب آنلردن (آل نصر) (حیره حکومتی) نی تأسیس ایتدیلر . آنلره (مَنَازَرَه) و (ملوک حیره) دینلور ، حکومتلری خیلی وسعت و قوت بولدی و بیجه یوز سنه لر باقی اولدی . ملوک غسان ایله یینلرنده پک چوق محاربه لر وقوع بولمشدر . آنلر دخی حکومتلرنده مستقل اولوب کسرای عجمک والیلری حکمنده ایدیلر .

آنلرک خاتمه سی اولان مشهور (نعمان بن منذر) یکریمی درت سنه حیره حکمدارلنی ایتدکدن سکره کسرای عجم اولان (خسرو پرویز) آتی اعدام ایله حیره حکومتی بنی لخم دن آلوب طی قبیلهسی رؤساسندن (ایاس ابن قیسّه) به وردی و بنی لخمی ، حیره دن طرد ایله برلرینه طی قبیله سندن خانهلر کتوردی .

ایشته او ائناده فخر عالم حضرتلری ، رسالت ایله مبعوث اولدی . آندن سکره عرب و عجم آره سندن مشهور (ذی قار) محاربه سی وقوع بولدی .

شویله که : کسری ، منازره بی حیره دن طرد ایتمکه کندینی عربستانده تزئید نفوذ ایتیش ظن ایدردی . حال بوکه : نعمانک قتلدن طولانی قبائل عرب ، کوجنوب ایران دولتدن صوغومش اولدیلر .

ایاس ، هر نه قدر بر بیوک عرب قبیله سی شیخلرندن اولق حسیله جنسلرندن ایسه ده هنوز آکا ایصینه مامش اولدقلری جهته آکا اوتهدن برو ریاستلرینه آلیشمش اولدقلری (منازره) قدر احترام ایتزلردی . حال بوکه

نعمانك (بنی بكر بن وائل) دن منشعب اولان (بنی شیبیان) قبیلهسی شیخی (هانی بن مسعود) زدنده ودیعه اولان کلینتوزره وسائر سلاحرینی آنك قتلندن صکره کسری ، آلمق ایستیوب هانی ایسه « بنده امانتدر ویره م » دیمکه کسری ، غضبه کله رک بتون بکر بن وائل قبیله لرینی احما ایتک اوزره حیره یه براردو سوق ایتدی . ایاس طائی دخی بالذات آکا تابع اولان عشایر عرب ایله برابر بواردویه التحاق ایدوب سردار ایران ایله برابر کوفه جوارنده (ذی قار) نام موقعه قوغش اولان بنی بکر اوزرینه حرکت ایلدیلر .

بنی بکر ، بادی* امرده تلاش ایدوب حتی هانی بن مسعود ، چوللره چکیلوب صاووشمق رأینده بولنش ایکن بکر بن وائل دن منشعب (بنی عجل) قبیله سی شیخی (حنظله) ثبات کوستردی و سائر جسارت و یردی . هانی دخی آکا اقتفا ایتدی ونعمانك کندوسنده امانت اولان اسلجه سی عسکره طاغیتدی .

هپ بنی بکر ، فدایلیك یولنده مدافعه یه حاضرلاندی و ایران اردوسنک و رودنده غایت خوزیزانه برمقاتله یه باشلاندی . پک شدتلو بر محاربه وقوع بولدی . ایران اردوسی ، تبدیل موقع ایتکه مجبور اولدی . فرداسی ینه حره کیریشیلدی . ایران اردوسنده بولتان ایاد قبیله سی ، صورت انهمام کوسترمکه ایرانلور ، بوزولدی . پک چوغی قیریلدی . قاچانلر دخی صوسزلقدن تلف اولدی . ایاس طائی ، کوچ حال ایله قاچوب قورتولدی . اوکون رسول اکرم صلی الله علیه وسلم حضرتاری ، حضور سعادت لرنده بولتان اصحاب کزینه (بوکون عربلر ، عجمدن انتقام آلدی) دیمکه اوکون ضبط اولنوب بعده ذی قار محاربه سنک خبری کلدی ولدی الحساب اوکون وقوع بولنش ایدوکی معلوم اولدی .

ایشته بو محاربه ، کسرانك عربستانده کی نفوذینه خیلیدن خیلی ضعف و خلل کتورمشدر .

چونکه بنی عدنان (مضر) و (ربیعہ) دیو ایکی قسمه منقسم اولوب

بنی مضر (کنانه) و (قریش) و (هوازن) و (ثقیف) و (بنی تمیم) و (مُزَینَه) کبی نیجه بطن وشعبه له منشعب اوله رق حجاز و نجد طرف لرینه منتشر ایدیلر .

ربیمه دخی (عَزَّه) و (عبدالقیس) و (بنی وائل) کبی بطن وشعبه له و بنی وائل دخی (بنی تغلب) و (بنی بکر) دیو ایکی قسمه منقسم ایدی . بنی تغلبک منازل (الجزیره) ده ایدی . بکر بن وائل ایسه قوت و شهرتجه دیکر لرینه فائق و (بنی عَجَل) و (بنی شیبان) کبی نیجه قبیله له منقسم اوله رق عمان و یمندن بصره و کوفه جهت لرینه قدر منتشر ایدیلر . بکر بن وائلک بر شعبه سی اولان (بنی خنیفه) قبیله سی (یمامه) دیار بنی ضبط ایشار ایدی .

یمامه : شرقاً بحرین و دیار بنی تمیم و غرباً حدود یمن و حجاز و جنوباً نجران و شمالاً ارض نجد ایله محدود اوله رق طولی یکریمی مرحددر . بنی خنیفه نك رئیس اولان (هوذ بن علی) نصرانی اولدینی حالد کسری ، آتی عطایا و هدایا ایله جلب و تألیفدن خالی اولمازدی . زیرا یمنه کیدوب کلان ایران قافله لری ، آنک محافظه و حمایه سنه محتاج ایدی .

بحرین الکاسی که : شرقاً بحر فارس و غرباً یمامه و جنوباً بلاد عمان و شمالاً بصره دیاری ایله محدود و (هجر) و (قطیف) قطعه لرینی حاویدر . بادیه لرنده بنی تمیم ایله عبدالقیس و بکر بن وائل قبیله لری متوطن ایدی و زمان سعادته بحرین ملکی تیمک بر شعبه سی اولان (بنی دارم) دن (منذر ابن ساوی ایدی) . الحاصل بنی بکر وائلک اوجه تده زیاده قوت و کترت لری وار ایدی . کسری ، آنلری کسمک ایچون جسم اردولر سوقنه محتاج ایدی . حال بوکه ایران دولتک حالی آکا مساعد اولما دینی زیرده بیان اولته جق وقوعات دن معلوم اولور .

یمنک حضرموت جهتده متوطن اولان (کنده) قبیله سنک مقدما یمن و حجاز طرف لرنده حکومت لری اولوب برآراق ملوک کنده ، خلیجه قوت

بوله‌رق برو طرفلره تخطی و دیار بکری ضبط و حیره ملوکنه غلبه ایتشار ایه‌ده چوق سورموب متفرق اولمشلردر. بونلرک خاتم‌سی اولان (حارث کندی) مقتول اولدقده اوغلی شاعر مشهور (امرئ القیس) پدرینک حکومتی ضبطه خیلی چالیشدی ایه‌ده موفق اولامادیندن استمداد ایچون قیصر رومه کلوب او دخی کندیسنه اعانه ایچون عسکر ترتیب ایله آئی اعاده ایتش ایه‌ده عربستانه کیدرکن اثنای راهده فوت اولمشدر .

سائر قبائل عرب ، بر حکومته بویون ا کیوب کندی شیخلرینک هواسنه تابع اوله‌رق یکدیگریله جنک وجدال‌دن خالی دکلر ایدی .

فقط سنه‌ده درت آئی (اشهر حرم [*]) اولوب بو درت آئی ایچنده یکدیگره تعرض حرام اولدینندن بو آیلرده سربست اوله‌رق دیله‌دکری محلله کیدوب کلورلرایدی .

قریش قبیله‌سی ایسه جمله قبائل عرب غندنه معزز و محترم اولوب هروقت ایسته‌دکری یرلرده سربست کزرلردی . چونکه سکان حرم شریف ایدیلر و عربلرک مطاف و زیارتگاهی اولان بیت شریفک مفتاحی آنلرده ایدی و ماء لذیذ اوزاقدن جلب اولندی بی جهته مکده نادر بولندی بی حالده آنلر ، زواره ماء لذیذ و بلکه نیند ایچیرلردی . ایام حجه ساطلر کشیده ایدوب حجاجه یمک یدرلر ایدی .

بناءً علیه هر نره‌ده اولسه « بزء اهالی حرمز » دهرک هر درلوتعرضاتدن امین اولورلرایدی . بو وجهه یاز وقیش هر طرفه کیدوب کلورلر و سربست اوله‌رق تجارت ایدرلردی و عید منافک درت اوغلندن هر بری بر سمتک تجارتیه مالوف ایدی ، شویله‌که : (هاشم) شامه و (عید شمس) حبشه و (مطلب) یمنه و (نوفل) ایرانه کیدوب کلوردی و هر بری کندوسنک سمت تجارتنده اولان ملوک و شیوخدن امان آلمشلر ایدی .

سائر تجارت قریش دخی بلاد مذکوریه بو درت برادرک امانیه کیدوب کلورلرایدی .

[*] رجب ، ذی‌القعدة ، ذی‌الحجه ، محرم آیلری .

بنی عبد مناف، بو وجهله قبیله قریش ایچنده ممتاز اولدقلری حالده عبد المطلب بن هاشمک زمزم قویوسنی کشف و تطهیر ایتسی، قریشه و بالخاصه بنی هاشمه بر مرتبه دها شرف و یردی و عبدالمطلب زماننده بر وقعه خارق العاده قریشک شان و مرتبتی فوق العاده آرتیردی.

شویله که: کعبه بی ییقمق ایچون یمدن کلن اصحاب فیلک بقتة خارج مکده تلف اولمالری، عربلرک بیت حقنده اولان اعتقادلرینه قوت و یردی. قریشک شان و شرفنی ائک یوکسک بر درجه یه چیقاردی و (دارالندوه) یعنی (دار شوری) مکده اولوب بر امر مهم ظهورنده کړک قریشدن، کړک سائر قبائل عربدن اهل ریاست اولانلرک قرق یاشنه بالغ اولان رئیسلی، اوراده اجتماع ایله مشورت ایدرلردی. قریشک نکاحلری دخی دارالندومه عقد اولنوردی.

الحاصل بویله بین القبائل موجب شرف و اعتبار اولان منصب و وظیفه لر هپ قریشده ایدی واکرچه ایچلرنده جمله امورده مراجع اوله جق بر ملک یوق ایدی. لکن قریش قبیله سی، (هاشم) و (امیه) و (توفل) و (عبدالدار) و (اسد) و (تیم) و (مخزوم) و (عدی) و (جیح) و (سهم) عنوانلریله اون بطنه منقسم اولوب هر برنده بر ولایت عامه، یعنی وظیفه معینه وار ایدی که رئیسلی، آکا متصرف اوله رق جمله سی برر وجهله حصه دار شرف و افتخار اولورلردی.

شویله که: (سقای حاج) بنی هاشمده اولوب مقدما بو وظیفه یی (ابو طالب بن عبدالمطلب) ایفا ایدردی. صکره برادری عباس بن عبد المطلبه انتقال ایدوب کړک زمان جاهلیتده و کړک وقت اسلامده حجاجه زمزم اولاشدیر مشدر. حتی موسم حجه فخر موجودات علیه اکمل التحیات حضرتلری دخی عمی عباس الدن زمزم ایچمشدر.

(عمارت مسجد حرام) دخی بنی هاشمه عاند بر وظیفه ایدی که حرم

شریفی ایجابنه کوره تعمیر و سوپوروب تنظیف و فرش ایله تزین و قندیل و موم و ذکر و عبادت و تدریس علوم ایله مادی و معنوی تنویر ایتک دیمک اولوب دنیا لاقبردییسی ایتک کبی عبات یرینه یاقیشمایه جق شیلردن تخلیه دخی عمارتدن معدوددر . بناءً علیه زمان جاهلیتده دخی مسجد حرامده رفع صوت ایله کورولتو ایله مک و قنا سوز سولمه مک قریشک آداب عمومیه سندن ایدی و ناسی بو درلو معامله لردن حضرت عباس ، منع ایدردی .

بیت شریفک مفتاحی عبدالدار اوغول لرلنده اوله رق انلر آچوب قاردی (بیراقدارلق) و وظیفه سی دخی آنلرده ایدی . احد غزاسنده آنلرک کیمی مقتول و کیمی مجروح اولدی . بو وظیفه (عثمان بن ابی طلحه) به قالدی . (عقیاب) دینلن قریش سنجانغی دخی بنی امیه الده ایدی . وقت حربده قریش کیمک اوزرینه اتفاق ایلر ایسه عقیاب ، آکا و یریلوب امیر الجیش او، اولوردی و اتفاق ایتدکلری تقدیرده عقیاب، کیمک النده ایسه او، رئیس و امیر اولوردی .

وقت سعادتده عقیاب ، بنی امیه دن ابوسفیانک النده ایدی . بدر غزاسنده قریشک قوماندانلری تلف اولمغه ابوسفیانه رقیب قالدیغندن ریاست و امارت جیش ، بالطبع آنده تقرر ایتمشیدی . (موسم مجده حجاجه ضیافت و یرمک) وظیفه سنی دخی بنی نوفلدن (حرث بن عامر) ایفا ایدیوردی .

(مشورت) دخی بنی اسددن (یزید بن زمعه بن الاسود) ده اولوب قریش ، آکا دانیشمادن دارالتدومه عقد مجلس مشورت ایده هنلردی . اشبو یزید بن زمعه ، طائف غزاسنده شهید اولمشدر .

(دیات و تضمینات) بنی تیممدن حضرت ابوبکر الصدیقک وظیفه سی ایدی . بونلره آنجق او، قرار و یریردی و زمان جاهلیتده دخی کمال عفت و استقامت ایله معروف اولوب عامه نك آکا امنیتی وار ایدی . صانکه قریشک امور عدلیه مأموری مقامنده ایدی .

(قبه) که مهمات عسکریه نك جمعی ایچون قورولان چادرده . او

دخی بنی محزومدن خالد بن الوليدك النده ایدی . (سواری نظارتی) دخی آنده ایدی .

(سفارت) دخی بنی عدیدن عمر بن الخطابك وظیفه سی ایدی . صانكی قریشك امور خارجیه مأموری مقامنده ایدی .

(ازلام) یعنی قار او قریله قال آجق . بنی جمحدن (صفوان بن امیه) نك وظیفه سی ایدی . شویله كه : برایشه تشبث اولنه جنی وقت ایکی اوكك برینه (امر) و دیگرینه (نهی) یازوب برظرف ایچنه قودقدن صكره الهی صوقوب قغیسی چقارسه موجبنجه عمل ایتمك قریشك عادتق اولوب بونی صفوان ۰ اجرا ایتمكجه قریش ، او ایشه تشبث ایلزدی .

(بتله نذر و تقدیم اولسان اموالك محافظه سی) دخی بنی سهمدن (حرث بن قیس) ۰ عائد بروظیفه ایدی .

فتح مككه رسول اکرم بو تشریفات و اعتباراتی رفع و العا و فقط مفتاح سعادتق عبدالدار اوغوللرنده و سقاییت زمزمی حضرت عباسده ایقا بیورمشدر .

رؤسای قریش ، ایشته او پایله انظار قبائلده معتبر و محترم اولوب بو قوت ایله دین اسلامك انتشارینه مانع اولورلردی . ابوبكر الصديق ایله عمر العاروق رضی الله عنهما ، اسلام ایله مشرف اولوبده وظیفه و پایله لرینه دین مبین اوغرنده ترك و قدا ایدرك رؤسای عشره دن آیریلارلی ، سائرینه خیلی شاشقینلق ویرمش ایسه ده موسم حجه قبائل عربك مرجعی ینه کندولری اولدیتندن ناشی دین اسلامدن تنفیره و اهل اسلام ایله اختلاطدن تبعیده چالیشورلردی .

قبائل عرب ایسه اسلامه پك مستعد ایدی . حتی رسول اکرم حدیبیه ده ایکن (رقاعة بن زید الجذامی) قومندن بر جاعت ایله کلوب اسلام ایله مشرف اولدقده رسول اکرم ، آکا برسنجاقل ایله برمکتوب ویرمش و باقی قومنه کونده رمش و آنلر دخی دین اسلامی قبول ایدیورمش ایدی .

مصالحه حدیبیه ، قبائل عربك مسلمین ایله اختلاطلرینه وسیله اولدی .

محاسن اسلامی کوره دك ایچارنده دین اسلامه میل و رغبت چو قالدی .
فخر کائنات دخی ملوک اطراف ایله مراسله و مخابره به باشلادی .

بعده رسول اکرمک بر جمعیت عظیمه ایله کعبه معظمه زیارتنه وارداسی
و اوج کون مکه مکرمه ده اقامت بیورماسی و اوکونلر قریشک خارج مکده
طورماسی ، افکار عامه به پک زیاده تأثیر ایلدی .

متعاقباً (عمر بن عباس) کبی بر مدبر آدم ایله برابر رؤسای عشره دن
(عثمان بن ابی طلحه) و (خالد بن الولید) ایمان ایدرک مدینه منوره به هجرت
ایلکله رؤسای مککه بر درجه ده قوتلری آزالدی و مکده حل و عقد
اموره قادر اوج بیوک کیشی ، یعنی (ابوسفیان اموی) و (صفوان جمعی)
و (عباس بن عبدالمطلب) قالدی . حال بوکه : عباس دخی سقابت زمزم
وظیفه سیله مشغول و مقید ايسه ده دین اسلامه میل و رغبت ایله منتهی
هجرت ایدی .

اوزمان ملت اسلامیه الک یاقین اولان ملت ، نصاری ایدی . ایکی ملت
دخی اهل کتاب اولق حسیله آتش پرست اولان عجملره و سائر مشرکله
دشمن ایدیلر .

مدینه منوره به هجرتدن مقدم نیجه اصحاب کرام ، مشرکله جور
واذا سندن یزار اوله رق اهالیسی نصارا اولان دیار حبشه هجرت
ایلشاردی . بروجه بالا سفارتله اورایه کونده ریلن (عمر بن امیه) به نجاشی
پک زیاده احترام ایتمش ، همده مسلمان اولمشدر .

قیصر رومک ایلاتندن معدود اولان مصرده دین نصارا منتشر اولوب
انجق قبط قومی ، یعنی مصرک قدیم یرلی اهالیسی ، روملرک سوء
معامله لرندن یزار اوله رق اسکی استقلاللرینی آرزو ایتمکده و دولت
قیصریه نك نیجه سندن قور تولق املنده ایدیلر . رؤسای اولان (مقوقس)
دخی بوافکاره خدمت ایلردی . رسول اکرمک ایلچیسنه پک زیاده حرمت
ورطایت ایلدی و رسول اکرمه هدیه لر کونده ردی .

قیصر هرقل ، نیجه بیللردنبرو ایران محاربه لرله خراب اولان ممالکنی

کوروب اعمار ایتک اوزره قسطنطینیّه دن جیقوب سوریه به کلشیدی . سفیر نبوی ایلّه اوراده ملاقات ایدرک حسن قبول کوستردی .

عرب قومندن وملت نصارادن وقیصر رومک امراسندن اولان (آل غسان) سفیر نبوی به دهازیاده رعایت واحترام ایتک لازم کلورکن ملک غسانیان اولان (حارث بن ابی شمر الغسانی) (شجاع اسدی) به بدمعامله ایتدی .

امرای غساندن (شراحیل) دخی دیگر بر سفیر نبوی بی اعدام ایلّه مسبوق بالئل اولمایان برجنایت و خیانت اجرا ایلدی .

(بحر قزّم) جهتده واقع (ایلّه) حاکمی و جذام قبیله سنک ربیسی وقیصر روم طرفندن معان حوالیسنک مأمور مخصوصی اولان (فروّه جذامی) اسلام ایلّه مشرف اولدیغندن روملر ، حدتله رک آتی امیر غسانی بی طوتدیروب سوریه ده صلب ایلدیلر .

ایشته بو حاللر ، شام سفرلرینک آچلمسنه بادی اولمشدر و چوق کچیوب حارث بن ابی شمر ، هلاک اولوب حکومت غسانیه پوستنه کچن (جله بن ایهم غسانی) به سفارتله یته (شجاع اسدی) کونده ربیش و آنک طرفندن کندوسنه صورت احترام کوستریشدر . ملک یمامه اولان هوذه دخی رسول اکرمک ایلچیسنه بدمعامله ایدوب بددعا آلدی و چوق کچیوب هلاک اولدی .

جزء نالده بیان اولندی بی اوزره خسرو پرویز ، نامه هایونی بیرتوب آتمش وحضرت پیغمبری طوتوب کونده رمک ایچون یمن والیسی اولان باذانه امر و اشعار ایتمش ایدی . حال بوکه متعاقباً ایرانده ظهور ایدن عصیان واختلال اوزرینه خلغ و قتل اولدی و باذان ، معجزه نبویه بی کوروب یاننده کی ایرانیلر ایلّه برابر ایمانه کلدی . سائر اهالی یمن دخی اسلام ایلّه مشرف اولدی و خسرو پرویزه خلف اولان اوغلی (شیرویه) اونیدی برادرینی اعدام ایلّه بدنام اولدی . بدمه وقوعبولان طاعون علتندن ایران اهالیسنک تلتندن زیاده سی تلف اولدینی صرمده شیرویه دخی فوت اولدقه ده

یدی یاشنده اولان اوغلی (اردشیر) جالس تخت ایران اولمغله دولت ایرانیه وصی النده قالدی .

• جوق کچمیوب اکابر ایراندن، سرحد رومک محافظه سنه مأمور (ایران شهر) نام سردار عصیان ایدرک اردوسيله پای تخت ایران اولان (مداین)، کیمش وارکان دولتن نیجه ذوات ایله برابر اردشیری دخی اعدام ایله تغلباً تخت سلطنته جلوس ایتمش ایسه ده خاندان سلطنتدن اولمادینی جهتله ایرانلو، قیام و آنی اعدامله ایاغنه ایب طاقوب سوروکله دیلر وشهزاده لردن برینی تختنه اجلاس ایلدیلر . لکن جوق کچمیوب فوت اولمغله خسرو پرویزک قیزی (پوران) ی [*] تخت سلطنته کچیردیلر . بریحقی سنه یه وارمیوب اودخی فوت اولدی .

بعده شهزاده لردن برینی اجلاس ایله یکریمی کون صکره ودیکر برینی اجلاس ایله ایام قلیله ظرفنده اعدام ایدوب خسرو پرویزک (آژمیدخت) نام قیزی اجلاس ایلدیلر .

آژمیدخت ، فوق العاده کوزل اولمغله خراسان والیسی (فرخ هرمز) آنی تزوج ایتمک املنه دوشه رک اوغلی (رستم) ی یرینه قائم مقام براغوب مدینه کلدکده (آژمیدخت) آنی بر طوزاغه دوشوروب اعدام ایتدیردی . اوغلی رستم ، واقف حال اولدقده پدرینک انتقامی آلمق ایچون عساکر کلیه ایله پای تخت کلوب آژمیدختی خلع و قتل ایتدی و (اتابک سلطنت) اولدی . مؤخرأ (قادیسه) ده عساکر اسلامیه ایله محاربه ایدن (رستم) بودر .

آژمیدختک مدت سلطنتی ، آلتی آی قدر اولوب آندن صکره مدت قلیله ظرفنده ایکی شهزاده اجلاس و اعدام قیلندی . میدانده خاندان سلطنتدن کیمسه قالدی . ایرانیلر ، کیمی اجلاس ایدم جکلرنده متحیر قالدیلر .

نهایت (شهریار بن پرویز) ک بر آتشکده ده مختفی اولان اوغلی (یزدجرد) ی بولوب یکریمی بریاشنده اولدینی حالده اجلاس ایتدیلر . لکن سوز ، ارکان دولته اولوب آنک سلطنتی ، خیالی برکیغیت ایدی .

[*] ایران تاریخلرنده کی اسمی (پوران دخت) در .

زمانی محاربات اسلامیة ایلہ کجی، نہایت اعدام ایدیلدی و آنکله (اکسیرہ) منقرض اولدی . تفصیلی زیرده کلور .
ایرانک یواحوال اختلاہ سی ، فتوحات اسلامیہ بی تسہیل ایتشدز .
جناب حق ، برامرك حصولنی مراد ایتدکده اسبابنی بویله تمیہ ایدر .
عاده الله اویله جاری اولشدر .

تمہ

رؤسای قریش ، بروجہ بالاسکان حرم شریف اولق حسیله قبائل عرب اوکنده برپردہ ایدیلر .
فتح مکده بوپردہ قالدینی کی دین اسلام، هر طرفده شیوع و انتشار بولمق و جزیرة العرب نور اسلام ایلہ طولمق باشلادی .
اوانشاده علاء بن الحضرمی ، نامہ ہمایون ایلہ بحرینہ واردی . ملک بحرین اولان (منذر بن ساوی) کجی او طرفده کی عربلر ہپ ایمانہ کلدی . ایمان ایتیمان یہود و مجوسیلرہ دخی جزیرہ باغلاندی .
کذلک عمرو بن عاص دخی نامہ ہمایون ایلہ عمانہ واردقده (جلندی اوغوللری) و آنلرہ تابع اولان عربلر ، براز ترددن صکرہ ایمانہ کلدی . عمرو بن عاص، زنگینلرینک زکاتی آلوب فقیرلرینہ ویردی . درون مملکتده اولان یہودیملری دخی جزیرہ باغلادی .
الحاصل آز وقت ظرقندہ انوار اسلام ، هر طرفہ یاییلدی و قیصر و کسرایہ تابع اولان شام و عراق عربلرندن ماعدا عربلر ، ہپ مسلمان اولدی . دین ، تمام اولوب بمث نبویہ دن مراد اولان مصلحت ، ختام بولدی .
رسول اکرم دخی امثہ موعود اولان ممالکک فتحی اصحاب کرانمہ ترک و تودیع ابتد و مشتاق اولدینی ربنک دوکاه الوہیتہ کیتدی .
صلی الله علیہ وعلی آله و صحبہ وسلم .

اصحاب کرامک مرآبی

اصحاب کرام، اوج صنفدر . بری مهاجرین، یعنی قبل الفتح مکدن هجرت ایدنلردر. دیکری بری انصار، یعنی مهاجرینه معاونت ودین اسلامه نصرت ایلهین اهل مدینهدر. اوچنچی صنفی دیکر اصحابدر .

ابوسفیان و اوغوللری کبی فتح مکدن صکره مدینه منورهیه نقل خانه ایدنلر، بو صنفده داخل اولوب مهاجریندن معدود دکلردر .

مهاجرینک اک صوکی حضرت عباسدر . لکن رسول اکرمه نسباً اقرب اولدیفندن اصحاب کرام، آکا پاک زیاده احترام ایلردی . حتی عمر- الفاروق و عثمان ذی النورین، آت اوزرنده ایکن آکا راست کلسلر آدن اینوب عم رسول دهرک تعظیم ایدرلردی . رضی الله عنهم .

قبل الهجره عقبده بیعت ایلهین انصار کرام، حضرت پیغمبرک امریله کندی ایشلرینه باقی اوزره خزرجدن طقوز و اوسدن اوج رئیس انتخاب ایشلردر. ایشه بو اون ایکی رئیس (قبای) دینور. لکن اوس و خزرجده دائماً جله نك مرجعی اولان برر رئیس بولنه کلسلدر . رسول اکرمک وفاتنده اوسک رئیس (اسید بن حضیر) و خرزجک رئیس (سعد بن عباده) ایدی . رضی الله عنهما .

قبل الهجره خزرجک رئیس (عبدالله بن ابی سلول) اولوب هر ایش، آنک النده ایدی . ظهور اسلامدن صکره نفوذینه خلل کلدی . او دخی غیظ و حسدندن رئیس المنافقین و مظهر نفرین اولمشیدی .

اصحاب کرامک افضل (شیخین) یعنی ابوبکر الصدیق و عمر الفاروق بعده (ختین) یعنی عثمان ذی النورین و علی المرتضی و آنلردن صکره عشره مبشره نك باقی آلتیسی وبعده باقی اهل بدر، یعنی ملت اسلامیه نك مبداء مظفریت و ترقیاتی اولان بدر غزاسنده بولنش اصحاب کزین و صکره

(عثمان بن عفان بن) ابی العاص بن امیه بن عبد شمس بن عبد مناف
 (زبیر بن العوام) بن خویلد بن اسد بن عبدالمزی بن قصی ،
 (عبدالرحمن بن عوف) بن عبد عوف بن الحرث بن زهره بن قصی ،
 (سعد بن ابی وقاص) بن مالک بن اہیب بن عبد مناف بن کعب بن
 زهره بن حکیم ،
 (ابوبکر بن ابی قحافہ) بن عامر بن عمر بن کعب بن سعد بن تیم بن مرہ
 (طلحہ بن عیداللہ) بن عثمان بن عمرو ،
 (عمر بن الخطّاب) بن نفیل بن رباح بن قرط بن زراع بن عدی بن کعب ،
 (سعید بن زید) بن عمرو بن نفیل ،
 (ابوعبیدہ بن عبداللہ بن الجراح) بن کعب بن ضبہ بن الحرث بن فہر .

عشرۂ مبشرہ نک اجمال احوالی

ابوبکر الصّدیق رضی اللہ عنہ حضر تلمی ، فصیح اللسان ، صبیح الوجه ،
 نحیف الجسم ، قوروجہ یوزلو ، چوقور کوزلو ، یومرو آیلنلی ایدی .
 تاریخ فیلدن ایکی سنہ صکرہ طوغوب رسول اکرمدن ایکی یاش کوچوک
 ایدی . احکام شرعیہ بی کا ینبی عارف ، قرآن کریمک مزایاسنہ واقف ،
 اخلاق حمیدہ ایلہ متصف ، فوق العادہ متقی وعقیف وعادل ومنصف ایدی .
 بوجہ ایلہ برابر یک شجیع ایدی . حتی برکون حضرت علی ، مجلسندہ
 حاضر بولونانلردن «اشجع ناس کیمدر ؟» دیو سورمش و «سنسین»
 دیدکلرندہ «بن ، فی الواقع ہر کیمکلہ مبارزہ میدانہ چیقدم ایسہ اوجہی
 آلم . اما اشجع ناس کیمدر ؟» دیو بویورمش «بزیلمیورز . کیمدر ؟»
 دیو سوردفلرندہ «ابوبکر درک (بدر) کونی رسول اکرم ایچون بر
 خیمہ یاییلدی . مشرکلردن بری هجوم ایتمسون . کیم بکلہ یہجک ؟ دینلدی .
 کیمسہ یاناشما یوب ابوبکر قالدی . قلیج التده اولدینی حالہ رسول اکرمک
 باشی اوجندہ طوردی . ہر کیم هجوم ایندیسہ قلیج ایلہ قارشولایوب دفع
 ایدردی . ایشہ ناسک اک شجعی اودر ، دیدی .

حضرت صدیق ، اک اول اسلام ایله مشرف اولوب سائینی دعوته باشلامش ونیجه ذواتی دائرة اسلامه ادخال ایلش ایدی . اوزمان کوله لردن مسلمان اولانلره مشرکر ، پک زیاده اذیت ایدرلردی . اودخی آنلری ساتون آلوب آزاد ایلردی . بو وجهله آلوب حسبه الله آزاد ایلدیکی ایدی کوله دن بری (بلال حبشی) رضی الله عنه حضرتلری ایدی .

اسلام ایله مشرف اولدینی کون خانه سنده قرق بیک درهم تقدی اولوب حین هجرتده بش بیک درهم قالمش ایدی . بالجه وارینی رسول الله اوغورنده فدا ایتشدر . رسول اکرم ، آنک مائنده کندی مالی کبی تصرف ایلر ایدی وسفر وحضرده آنی یانندن آیرمازدی .

فخرعالم ، صلی الله علیه وسلم حضرتلرینک « پیغمبرلردن صکره ابوبکرکدن افضل برکیمسه اوزره کونش طلوع وغروب ایتدی ، دیمش اولدینی هر ویدر . اهل اسلامک ، عددی اوتوز سکره بالغ اولدقده حضرت ابوبکر : « آرتق میدانه چیقالم » دیدجه رسول اکرم « یا ابابکر ! هنوز عددمن آذر » دیو اعتذار بو یورورلر ایدی . برکون آنک الحاحی اوزرینه رسول اکرم ، اصحابیله برابر حرم شریفه کیتدی . لکن ، جماعت اولمایوب اصحاب کرام ، کندی عشرتلری ایچنده وحرم شریفک برر طرفنده متفرق اولدیلر . حضرت ابوبکر ، قیام ایله بر خطبه اوقویوب ناسی الله ورسولنه دعوت ایتدی وملت اسلامیه نک برنجی خطیبی اولدی . لکن مشرکر ، قیام وهجوم ایله کرک کندیسنی ، کرک سائر مسلمینی ضرب وتحقیر ایلدیلر .

صکره حضرت حمزه رضی الله عنه ، اسلام ایله مشرف اولوبده اسلامه بر مرتبه قوت کلدکدن صکره حضرت عمر ، ایمانه کلنجه جزؤ اولده بیان اولوندینی اوزره اهل اسلامی آلوب حرم شریفه کوتوردی وجاعت ایله نماز قیلدیردی . حضرت صدیقک آرزو ایتدیکی حاله او ، موفق اولدی . اوکون رؤسای قریش « ایشته قومز ، شیمیدی ایکیه بولوندی » دیدیلر . رسول اکرم ، دخی آنی (فاروق) دیو تسمیه بو یوردی .

(یا ایها النبی حسبک الله ومن اتبعک من المؤمنین) آیت کریمه سی دخی او وقت نازل اولدی که (ای پیغمبر! سکا الله وسکا اتباع ایدن مؤمنلر کافیدر) دیمک اولور .

حین هجرتده هب اصحاب کرام ، کیزلیجه مکدن چیقوب مدینهیه کلدیلر . الا عمر الفاروق، علی اوله رق هجرت ایلدی . شویله که : قلیجی قوشاندی ، یانی اوموزینه آسدی، او قلیخی الیه آلدی و رؤسای قریش ، کعبه مکرمه حولیسندده حلقه حلقه اولوب اوطور مقده ایکن حرم شریفه کیتدی . بیت شریفی یدی دفعه طواف ایتدی وایکی رکعت نماز قیلدی . بعده « یوزلرگز قاره اولسون ، دیو رؤسای قریشه بدعا ایدرک یانلرندن کچرکن » آناسنی آغلاقمق واولادینی یتیم وقاریسنی طول براقق ایستهین کیسه ، شو وادینک اوتیه طرفده بکا قاووشسون ، دیوب مکدن چیقدی ومدینهیه هجرت ایتدی . آرقه سنه دوشن اولمادی . وقعه (احد) کونی اصحاب کرام ، شاشیروبده متفرق اولدقلری زمان رسول اکرمک یاننده پایدار اولانلردن بریدر . هم بویله شجاع و بهادر ، همده عالم و عاقل ومدبر ایدی . نه زمان اصحاب کرام آره سندده بر اختلاف وقوع بولسه آنک رأیی طوغری چیقاردی . تاریخ فیلدن اوچ سنه صکره طوغمشدر . اوزون بویله ایری کوروده لی ایدی . کوزلرنده نوعا قیرمز بلیق وار ایدی . عثمان ذی النورین رضی الله عنه حضرتلری ، تاریخ فیلدن آلتی سنه صکره طوغمشدر . اورته بویلی ، بویوک صاقلالی ، اسمراللون ، کوزل یوزلو ایدی . یاناقلرنده چیچک بوزوغنی وار ایدی . اوتانغان و اخلاق حمیده یله متصف واحکام قرآنییه واقف ایدی . جزؤ اولده بیان اولوندینی اوزره (علی) و (زید بن حارثه) دن صکره حضرت ابوبکرک دعوتیه اک اول ایمانه کلن بش کشینک برنجیسی در . اک ابتدا حبشه هجرت ایدن اودر . ثروت وغنا صاحبی اولوب فی سبیل الله مبالغ کثیره صرف ایتمش وامور جهادییه پک چوق اعانه ایلشدر .

علی المرتضی رضی الله عنه حضرتلری ، انادن ، بابادن هاشمیدر . باباسی ،

عبد المطلب بن هاشمك اوغلى (ابوطالب) ونامى اسد بن هاشمك قىزى (فاطمه مدر). اسمرا اللون، قىصه يه قىرب اورتە بويلى ايدى. سقالى بيوك اولوب اوموزلرينك آردە سنى طولدير رايدى ، باشك اوڭ طرفده صاج يوقايدى. ايكي اوموزلرينك آردە سى كنىش و اوموزلى واللى قالين ، بىلكلىرى و نچەلىرى قوى ايدى . جنكده آرسلان كچى سكيدر ايدى . هر كيمكه جنك ايتدى ايسه غالب كلشدر . بهادرلىنى السنه ائامده دستان اولمشدر .

كولر يوزلو ، كوزل خوبلو ، حلیم و كريم ومتواضع ، اسراروقر آنيە به واقف ، عالم وعادل وفصیح و بليغ و خطيب بى معادل ايدى .

رسول اکرم ، آنى كوچوك ايكن خانه سعادتنه آلوب اوز اولادى كچى ترييه ايتدى . اودخى كوزنى آجوب آنى كوردى . ظلمات شرك ايجنه دوشمدى ، بئله سجده ايتدى . صبى ايكن بشت نبويه دن چندكون صكره اسلام ايله مشرف اولمشدر .

عبدالرحمن بن عوف رضى الله عنه حضرتلى ، تاريخ فيلدى اون سنه صكره طوغمشدر . قىرمزىله مزوج بياض رنگلى ، كوزل يوزلى ، بيوك كوزلى ، چوق كيربيكلى ، چكمه بورونلى ، اللرى ايرى ، يارمقلى قالين ايدى . بروجە بالا حضرت ابوبكر ك دعوتيله اڭ اول ايمان ايدن بش كشىنك ايكنجيسيدر و احد كونى ثابتقدم اولانلردن بريد . اوكون يكرمى يردن ياره لاندى و بو ياره لرك برى آياغنه اصابت ايتمكه طوپال قالدى .

سعد بن ابى وقاص رضى الله عنه حضرتلى ، قاره ياغيز ، اوزون بويلى ، كووده سى چوق قيللى ايدى . اون سكز ، اون طقوز ياشلرنده ايكن اسلام ايله مشرف اولدى . اول باول ايمان ايدن سالف الذكر بش كشىنك اوچنجيسيدر . كانكشلك سرفرازى ايدى . فى سبيل الله ابتدا اوق آتان وقان دوكن ، اودر . (فارس الاسلام) ديو معروف اولمشدر .

احد كونى اعدايه بيك اوق آتمش وفخر عالم صلى الله عليه وسلم حضرتلى آنك حقتندە « يارب ! آنك دعا سنى مستجاب قيل » ديو دعا ايتمش اولديفندن سعد حضرتلى ، هر كيمك حقتندە دعا ايتسه مستجاب اولوردى .

زید بن العوام رضی الله عنه حضرتلری ، اسمروسمیزجه ، اورته بویلو ، آز صقاللی ایدی . پدری (عوام) خدیجه الکبری رضی الله عنها حضرتلرینک برادریدر . والدهسی جد رسول اولان عبد المطلب قیزی (صفیه) در . ابوبکر الصدیق (ذات النطاقین) دیو معروف اولان کریمهسی (اسماء بنت ابی بکر) ی تزوج ایدوب آندن بش اولادی اولمشدر .

اول باول ایمان ایدن سالف الله کر بش کشینک دردنجیسیدر . ابتدا فی سبیل الله سل سیف ایدن اودر . رسول اکرم « هر پیغمبرک حواریسی واردر . بنم حواریده زیددر ، دیو بیورمشدر .

طلحه بن عیدالله رضی الله عنه حضرتلری ، قرمزیمجه یوزلو ، قیصیه قریب اورته بویلو ، کوکسی کنیش ، آیاقلری ایری وقالین ایدی . سالف الذکر بش کشینک بشنجیسیدر . احد کونی ثابتقدم اولانلردن بریدر . کفاردن بری ، اوکون رسول اکرمه بر قیلیچ حواله ایتدکده حضرت طلحه ، اول حمله یی الیه دفع ایدوب او ضربه دن چولاق اولمشدی . خیلی ثروت صاحبی ایدی . ابو عییده بن الجراح رضی الله عنه حضرتلری ، مذکور بش کشیدن صکره ایمان ایدنلرک برنجیسیدر . یوم احده ثابتقدم اولانلردندر . حتی رسول اکرمک وجه مبارکنه کیرن زره حلقه لرینی دیشلری الیه چیقاربرایکن ایکی اوک دیشی چیقمشدی . رسول الله ، آنک حقنده « بو امتک امینی ، ابو عییده در ، دیو بیورمشدر . نجیف وخفیف اللحه وقور و یوزلو واوزون یوزلو واوزون بویلو ایدی . عابد وزاهد ومجاهد وجلیل القدر بر ذات کثیرالحامد ایدی .

« رسول اکرم ، کندیسنه خلیفه نصب ایده جک اولسه ایدی کیمی تعین ایدردی؟ » دیوعایشه صدیقه رضی الله عنها حضرتلرندن سؤال اولندقدده «اولا ابوبکرری ، ثانیاً عمری ، ثالثاً ابو عییده فی تعین ایلردی » دیوجواب ویرمشدر . سعید بن زید رضی الله عنه حضرتلری ، ابو عییده الیه برابر ایمان ایدنلردندر . حضرت عمر الفاروقک عمرزادهسی وقیز قردناشی (فاطمه بنت الخطّاب)ک قوجه سیدر .

رسول اکرم صلی الله علیه وسلم حضرت قلرندن

صکره ظهوره کلن بعض احوال

وقت سعادته وحی الہی متوارد اولور و طرف نبویدن امته تبلیغ بیوریلور ایدی .

آندن صکره وحی کلاک احتمالی قالمادی. فقط قرآن کریم، نیجه اصحاب کرامک حفظنده قالدی و قرآن کریمده مصرح اولمیان مسئلهلر حقنده سنت سنیه ایله ، یعنی رسول الله نه دیمش ونه یامیش ایسه ؛ یاخود بر کیمسه بر ایش یاپارایکن کوروبده منع ایتمه مش ایسه آکا توفیق ایله عمل ایدیلور اولدی. لکن سنت سنیه واحادیث شریفه ؛ هب اصحاب کرامک تمامیه مضبوط و محفوظلری دکل ایدی .

چونکه: اصحاب کرامک ضیق معاشلری اولق حسیله کیمی بازار یرلرنده آلیش ویریش ایله و کیمی خرماقلارده فلاحت ایله مشغول اولدقلرندن دایما مجلس سعادته مجتمع اولمایوب آنجق اختلاس وقت ایتدکجه بولنورلر و طوپلانورلر ایدی .

بناءً علی ذلک طرف پیغمبریدن بر حکم شرعی بیان و تعلیم بیورلدقده حاضر بولنانلر ، آنلری بللر و بولنمایانلر ، آتی بیلمز ایدی . لکن حاضر بولنانلر ، غائب اولانلره تبلیغ ایلر ایدی .

بوجهتله بعضلری ، بعض احادیث شریفه یی و دیگرلری دیگر احادیث شریفه یی بیورلورلر ایدی و بیلمدکلرینی بیئلردن اوکره نورلردی .

حتی (ابوبکر) (عمر) (عثمان) (علی) (عبدالرحمن بن عوف) (عبدالله بن مسعود) (ابی بن کعب) (معاذ بن جبل) (عمار بن یاسر) (حذیفه بن الیمان) (زید بن ثابت) (ابوالدرداء) (ابوموسی الاشعری) (سلمان الفارسی) رضی الله عنهم حضراتی ، وقت سعادته بیله فتوی و یرلر ایکن پک چوق حدیث شریفلر ، آنلرک محفوظی اولمایوب دیگر اصحاب

کرامه مراجعت ایدرلر و « فلان مسئلهیه دأثر بر حدیث شریف واری می ؟ » دیو صورادرلر ایدی و بر حدیث شریف بولنور ایسه موجبنجه عمل ایدرلردی .

حتی بالاده بیان اولندی بی اوزره حضرت پیغمبرك وفاتنده مدفی حقنده اختلاف وقوع بولمش و حضرت صدیقك روایت ایلدیکی بر حدیث شریف موجبنجه اعلائی علینّه عازم اولدقلری یرده دفن ایدیلش ایدی .
 كذلك تركه نبویهك بين الورثة تقسیمی حقنده بين الاصحاب اختلاف وقوعه کلدیکی حالده ینه ابوبکر الصدیق « پیغمبرلردن میراث قالماز » دیو روایت ایلدیکی حدیث شریف موجبنجه عمل اولنش ایدی .

آم المؤمنین عائشه رضی الله عنها حضرتلردن مرویدرکه « رسول اکرم صلی الله علیه وسلم حضرتلری وفات ایلدکده ففاق باش قالدیردی ، عرب مرته اولدی ، انصار بر طرفه چکیلدی . اگر پدریمك اوزرینه اینن بلالر ، طاغارك اوزرینه اینسه یدی آزدی . اوله ایکن هر نه خصوصده اختلاف ایتدیلر ایسه پدرم ، تشدی ، حل مشکل ایتدی » دیو بیورمشدر .

اصحاب کرام ، اگر سنت سنیهده دخی بر صراحت بولامازلر ایسه رأی و قیاس ایله اجتهاد ایدوب موجبنجه عمل ایدرلردی .

ایشته بوجهته عصر اولده بر اجتهاد قیوسی آچیلدی و کرك اصحاب کزین ، کرك سائر مجتهدین بر مسئلهده اتفاق ایتدکده آرتق تردد و اشتباه محل قالمیوب ایشته بوکا (اجماع امت) دینلدی .

حال بوکه : ایش رأی و اجتهاده قالدنجه بحسب البشریه نیجه مسائلده اختلاف آرا وقوع بولدی و هر مجتهد ، کندی رأیله و سائر ناس ، تابع اولدقلری مجتهدك قولیه عمل ایتمه مجبور اولدی .

جزء ثالثده اجمالاً بیان اولوندی بی اوزره حضرت پیغمبرك وفاتی کونی ظهور ایدن (خلافت مسئلهسی) دخی بوقیلدندرکه احادیث شریفهده آکا دأثر بر صراحت اولمادیغندن اصحاب کرام آره سندده اختلاف آرا وقوع بولدی .

اگرچه نیچه احادیث شریفه ده (ابوبکر) و (عمر) و (عثمان) و (علی) رضی الله عنهم حضراتك خلافتلرینه دائر تلمیحات و اشارات وار ایدی و (عمر) و (عثمان) ك ابوبكردن صكره خلیفه اولاجقلری بعض احادیث شریفه دن آكلا شیلیمش ایدی . لکن هیچ برینك وقتی معین دكل ایدی و ابوبكر و علیدن هانكیسنك دها مقدم خلیفه اولاجنی اشعار بو یورلامش ایدی .

برده بونلر ، هپ كله چكدن خبر ویرمك دیمك اولوب حضرت بیغمبر بدن صكره فلانه بیعت ایدیکز دیو امر ایتمه مش و بوایشی اصحاب کرامنك انتخابنه برافش ایدی . بناء علیه دارعقبایه ارتحال بیوردقلری کون امارت و خلافت حقنده اوج رای میدانه چیقدی .

برنجیسی : انصارك رأیدرکه دین اسلامه نصرت ایدن امارت و خلافته مستحق اولق قاعده سنی اساس اتخاذا ایدرک « بو دینه قبائل عرب ، بزم قلیچلر مزك سایه سنده بو یونا کدی . امارت بزم حقمزدر » دیدیلر و کندی رئیسلی اولان (سعد بن عباد) رضی الله عنه حضرتلرینه بیعت ایلک ایسته دیلر .

ایکنجیسی : جمهور صحابه نك رأیدرکه آنلر ، بو باده مصالح امتی رؤیت ایچون لازم اولان قدرت و کفایت حصر نظر ایستدیلر و قریش قبیله سی هپ قبائل عربك اشرفی واك قوتلیسی و نفوذلیسی اولوب رسول اکرمك قریشی اولماسی دخی آنلرجه بر مزیت مخصوصه اولدیغنه مبنی آنلرک ایچندن افضل اولان ذاتی انتخاب ایلک رأینده ایدیلر .

اوچنجیسی : هاشمیلرک رأیدرکه آنلر ، قوت قرابتیه اعتبار ایدرک « بنی هاشم ، قبیله قریشك اشرفی و رسول اکرمك یقین اقرباسی اولمغله خلیفه نك هاشمی اولماسی لازمدر » دیدیلر و علی ابن ابی طالب رضی الله عنه حضرتلرینه بیعت ایلک ایستدیلر .

اگرچه رسول اکرمه نسباً اقرب اولان عمتی عباس رضی الله عنه ایسه ده مهاجرینك اك صوکی اولوب سابقین اولین و علی الخصوص

عشرە مبشرە وار ايكن آنك اتخابى قابل اولمايە جنى جەتلە ھاشمىلاردن بىرى خليفە اولمى لازىم كەلدىكى تەقدىردە ھىزىرت ئىلىنك اتخابى طىيى ايدى .

بۇ بابدە صواب اولان آنجىق جەھۇر مەھابەنك رايى ايدى . زىرا انصارىك دىن اسلامە فوق العادە نەسرتلىرى اولدىغىندىن فوق العادە احترامە شايان اولدىقلىرى كېيى رسول اكىرمە نەسباً قرابت دىخى بىر يىوك شرف ايسەدە خلافت نەبويە ، نە خىدمەت ساقەيە مەكافات اولايىلوردى ، نەدە قوت قرابتە كۆرە اقرباي پىغمبىرىيە ميراث قالەيىلوردى .

جەھۇر مەھابەنك خلافتى قىرشە تەخىصىس ايتىلىرى دىخى مجرد سىلالە نەبويەنك قرابت نەسىيە ايلە بالانتساب تەرك و تىنن ايچون اولمايۇب بىلكە قىرىشك اوزمان سىطوت و قوتى و تىن القباىل تەقۇذ و اعتبارى اولدىغىنە مەنى ايدى .

چونكى : خلافت نەبويە ، اهل اسلام آره سەندە رابطة و كلمە واحدە اوزرە اجتماعلىرىنە واسطە اولان بىر امارتدۇر . امارت ايسە جناب حەقك بىر سىر و حەكىمتىدۇر كە تاسسى دائىما سىطوت و قوت ايلە مشروطدۇر و آندىن مقصد اصلى ، دفع فساد و حفظ آسائش بلاد و تەنظىم امور جەھاد ايلە مەصالح عامەيى حسن تەنظىم و تەسويەدن عبارتدۇر . بۇدىخى سىطوت و قوتە منوطدۇر . عادەت ئالەمىيە ، بۇ جەھەلە جارى اولەكەشدر .

بۇ جەھەلە اصحاب كرام ، اوزمان ملت اسلاميەنك متحد الافكار اولەرق حركىتلە كەسب شوكت و سىطوت ايلسى ايچون بىر طوغرى يول آرايورلردى ، فقط بۇ يولى تەقەيىدە رايلىرى مەخلف ايدى .

(جەھەلەنك مقصودى بىر اما روايت مەخلف) .

وقت سعادەتدە انصار ، يىوك يىوك نەسرتلەرە موفق اولدىقلىرىدىن امارت اسلاميەيى احراز ايلە كەفى السابق دىن اسلامە خىدمەت ايلك امنىە سەنە دوشمىشلار ايدى . لىكن ھەلە اولادە شورالارنى كىركى كېيى فەكر و مەلاھظە ايدە مەمشلار ايدى كە آنلارك مەدەنى موقىتلىرى سايە ھىزىرت پىغمبىرىدە اولوب آندىن

صكره احوال، بتون بتون تغير ايدرك خود بخود اويله بيوك ايشلره موفق اولامازلردى و كندولرينك نفوذى ، مدينه منوره جوارينه منحصر اولوب بونجه قبائل عربك سعد بن عباديه تابع اولمايه جقارى مسلماتدن ايدى . اوزمان ايسه دين اسلام ، جزيرة العربك هر طرفده منتشر اولدېغندن بالجله قبائل عرب حقنده اجراى نفوذ ايله هر يرده تنظيم مصالح امت و تنفيذ احكام شريعت ايلك لازم كلوردى . بواقدار ايسه اوزمان قريشه منحصر ايدى .

اكرچه زمان جاهليتده جارى اولان (غيرت قوميه) يرينه (اخوت و اتحاد اسلام) قائم اولمش ايسه ده عربلر ييننده احوال طبيعده دن اولان افكار عصيه اقتضاسنجه خلافت ، هر قتنى قيله به كچه ديكرلرى آتى قيصقانه رق اطاعتدن ابا ايله ملت اسلاميه آره سنه تفرقه دوشمك ملحوظ و هله اوس و خزرجه سرفرو ايتيه جكلى دركار ايدى .

اماقريش قيله سى ، ذاتاً سطوت و قوت صاحبي اولدقدن بشقه اوتهدنبرى بين القبائل محترم اولوب رسول اكرم دنى قرشى اولق حسييله قريشك حكم مشرعى آلتنه كيرمك سائر قبائله كران كلزدى .

فقط خلافتي قريشك اون بطندن بر بطنى اولان هاشميله تخصيص ايتمه بر كونه مجبوريت اولديني حالده موافق حكمت دكل ايدى . زيرا حكومتك تأسيسه سى ايدن قومك افرادى ، خور مائه سى كيدير كه نه قدر چوق اولورسه آنكله او قدر چوق خور مائه لنور ، اككك بيوكى ده خورك چوغندن اولور . بناءً عليه بر حكومتك مؤسسلرى ، نه قدر چوق اولورسه او حكومتك وسعت و شوكتى او قدر زياده اولور .

عالم كون و فسادده عاده الله بو وجهله جاريدر . تاريخ عمومى و حكمت تاريخيه دقت ايله مطالعه اولندقدده بو دقيقه واضح و عيان اولور .

دينلمسون كه : اصحاب كرام ، حكمت و تاريخ او قومامشلا ايدى . بودرلو دقيق مسئله لرى فصل دوشونه بيلورلردى ؟ ، زيرا آنلر ، حكمتي

معدن علم و حکمت اولان فم سعادتنن اخذ ايتملار ایدی . بو مثللو دقایق هر کسدن اعلا بیلورلردی .

* حاصل کلام حضرت پیغمبرک وفاتندن صکره علی الاطلاق وجوه و اشراف قریشدن قبول عامیه مظهر اوله جق بر بیوک ذاته بیعت اولمق لازمه حالدن ایدی . فقط عصیتجه ، یعنی قوم و قبیله جه بیوکلک کافی اولمایوب اسلاجه افضل اولمق لازم کلوردی .

والّا اوزمان زیاده قوت و غلبه لکی اولان (بنی امیه) نك اولوسی و فتح مکیه قدر قریشک الک نفوذلیسی و حضرت پیغمبرک قانن پدری اولان (ابوسفیان بن حرب) ک انتخابی جائز اولوردی . حال بوکه : احد وقعه سندم آنک یوزندن کورولن خسارات ، هنوز خاطرلردن چیقماشدی . کرک انصار ، کرک مهاجرین آنک حکمی آلتنه کیره مزدی و فتح مکده مؤلفه القلوب صره سنه کچوب صکره قوی مسلمان اولمش ایسه ده اهل اسلام ، آکا امنیت ایده مزدی .

بوجه تله کرک ابوسفیانک ، کرک امثالی اولان وجوه قریشک انتخابلری قابل دکل ایدی و امویلردن بری انتخاب اوله جق اولسه عثمان ذی النورین رضی الله عنه حضرتلرینک انتخابی لازم کلوردی .

لکن الک آول اسلام ایله مشرف اولوب ده حضرت عثمانی دخی دائرة اسلامه آلان و رسول اکرمک مرض موتنده امر شریفیه نمازده جماعت اسلامه امام اولان یار غار پیغمبری وار ایکن آنک اوزرینه دیکرینک تقدیمی قابل دکل ایدی .

حتی رسول اکرمک وفاتی ، هرکسه دهشت ویردییکی صره ده حضرت عمر الفاروقه دخی حیرت الورمکله حضرت ابو عیده بن الجراحه واروب « الکی اوزات . سکا بیعت ایدیم . زیرا رسول اللهک بیوردینی اوزره سن بو امتک امینسین » دیدکده ابوعیده : « یا عمر ! سنک اسلامه کلدیکنک زماندنبرو بویله بر ضعیف رأییکی کورمدم . ایچکنزده صدیق و مغارده

ایکینک ایکنجیسی وار ایکن بکا فصل بیعت ایلسک ؟ « دیو حضرت عمری ایقاظ ایتشیدی .

شو حاله نظراً افکار عمومییه مراجعت اولندینی حالده حضرت ابوبکر الصدیق خلافته انتخاب اولنهجنی درکار ایدی .

بناءً علی ذلک هب اصحاب کزین ، برلشوبده بالمشاوره بو امر ائمه برقرار ویرملری لازم کلورکن جزء نائده بیان اولندینی اوزره انصارک (سقیفه بنی ساعده) ده اجتماع ایله خودبخود خلیفه انتخابه قیام ایتلمی ، ایشی صعوبته دوشوردی .

شویله که : حضرت ابوبکر وعلی و دیگر بعض اصحاب کزین ، تمهین و تکفین نبوی امر مهمیله مشغول ایکن مهاجریندن (مغیره بن شعبه) حضرت عمره کلوب « سقیفه انصار ، طوبلاندی خودبخود برشیته قرار ویرلر ایسه سکره یینمزده محاربه ظهور ایدر ، دیمکله حضرت عمر ، درحال ابوبکر ایله ابو عییده بنی آلوب سقیفه وادریلر . انصارک سعد بن عبادیه بیعت ایلک اوزره اولدقلری کوردیلر . حضرت ابوبکر ، سابقین اولندن اولان مهاجرینک فضائلی بسط وتمهید ایتدکن سکره قریشدن باشقه سنک امارتی قبائل عربک قبول ایتیهجکنی بک کوزل افاده ایتدی . حضرت عمر دخی آتی تأیید ایتدکن باشقه انصار « بزدن بر وسزدن بر امیر اولسون « دیدکلرنده بر قینه ایکی قلیجک صیغمایه جغنی اثبات ایلدی . ابو عییده دخی بک مؤثر سوزلر سوبلدی . انصارک نیقی خلوصه مقرون اولغله آنلر دخی قانوب سقیفه ده بولتان مهاجرین ایله برابر حضرت صدیقه بیعت ایدیوریدیلر . یالکز سعد بن عباده رأینده اصرار ایلدیهده یالکز قالدیفندن آنک مخالفتی و منازعه برطرف اولدی .

بووقمه ، بریوک بلیه ایدی . بیوک فساده باعث اوله بیلوردی . جناب حق ، آنک شرنندن بوامتی محافظه بیوردی .

واقما هب اصحاب کزین ، طوبلانوبده یولیه مشاوره جاری اولمادیسهده بمنّه تصالی اوناغله ، قولایقله بیتدی و حضرت ابوبکر ، معلوم اولان وقار

وهیتی ایله مقام خلافتده استقرار ایتدی . فقط شیطان لعین ، ینه دیگر مکر و خدعه ایله اهل اسلام آره‌سنه تفرقه دوشورمک ایستدی .

شویله‌که : حضرت علی ، سقیفه‌یه وارمیوب زوجہ سی فاطمة‌الزہرا رضی‌الله عنها وارضاهما حضرتلرینک خانہ‌سندہ عزلت ایتمش و بنی هاشم ایله عشرہ مبشرہ دن رسول اکرمک حواریسی و ابو بکر الصدیقک دامادی اولان (زبیر بن العوام) و خواص اصحاب کرامدن (مقداد بن الاسود) (سلمان الفارسی) و (ابوذر) و (عمار بن یاسر) ایله (ابی بن کعب) رضی‌الله عنهم دخی اورایه کیتمش ایدی .

بونلر ، هپ حضرت علی‌یه بیعت ایلمک اوزره آنک یاننده طویلانمش و امر انتخابک سقیفه‌ده اولیه بقتہ اجرا سیله کندولرینک مشاوره دن خارج براغیلدقلرینه کوجنمش ایدیلر .

فی الواقع ، حضرت (علی) و (زبیر) و (عباس) کبی کبار اصحاب کرام ، مجلس انتخابده بولنق و رأیلری آلتق لازم ایدی ، نه چاره‌که آنلری دعوت ایله استشاریه وقت مساعد اولمادی . سقیفه حادثه‌سنک دفعی ایچون حضرت صدیقہ بیعت اولتیویرمک لازم کلدی . برده بو فرقه هاشمیه طرفندن وقوع بولان اعتراضه قارشو بری طرفدن « ابوبکر و عمر و ابو عبیده کبی آنلرده سگیردوبده سقیفه‌یه کلملی ایدیلر ، دیو اعتراض اولونوبوردی .

ایشته او ائزاده حضرت عباس ، حضرت علی‌یه « کل بن سکا بیعت ایدیم ، ناس‌ده بیعت ایلر ، دیمش ایسه‌ده حضرت علی ، فتنه حدوشندن احتراز ایله قبول ایتهمشدر .

ابوسفیان بن حرب ایسه ، تازه مسلمانلردن اولدییی جهته عصیتجه یعنی قوم و قبیله‌جه بوبوکلک داعیه‌سی هنوز تمامیه دهندن چیقماش اولدیفنه منی بوبابده بوتون بوتون باشقه رأی و مطالعه‌ده ایدی . یعنی قوت قرابتہ باقیلمایه‌حق اولدینی حالده قوت عصیت جهتی کوزه‌دیلک رأینده ایدی . کندی قومی اولان (بنی امیه) یه نسبتله حضرت ابوبکر الصدیقک

قومی اولان (بنی تیم) آز اولدیغندن حضرت صدیقه بیعت ایلیوب جمعیت هاشمیه قاریشدی و پیغمبرک خلافتی، قریشک الک کوچوک شعبه سنده قالمق نهدیمکدر؟ « دییه سقیفه بیعتی قعیسح و حضرت علی به وزمان جاهلیتده همدی اولان حضرت عباسه تویسخ ایتدکدن باشقه حضرت علی به «الکئی اوزات . سکا بیعت ایدیم . والله ایستر ایسهک اطرافنی آتلو و پیاده ایله طولدیریرم « دیدکده حضرت علی « یا اباسفیان ! سن ملت اسلامیه آره سنه شقاق براقق ایستورسین « دیو آنی رد ایلمشدر .

ابوسفیان ، ملک و سلطنت کبی خلافت نبویه دخی بر خاندان ایچنده توارث ایدوب قاله جق ظن ایدیوردی .

جمهور اصحاب کزین ایسه ، خلافتی حضرت صدیقک ذاتیله قائم بر وظیفه ییلورلردی . حضرت صدیق دخی آنی اوزره رنده ایکره تی بر خلعت کبی ییلوب کندوسندن صکره ملت اسلامیجه افضل اولان ذاته انتقال ایتک راینده ایدی . زیرا مقصد اصلی ، زمان جاهلیتده معتاد اولان (غیرت عصیه) برینه (اتحاد اسلام) قائم اولمق مصلحتی ایدی .

احوال مشروحه دن آکلاشیلیورکه : کرک حضرت صدیق ، کرک حضرت علی ، هب ملت اسلامیه آره سنده شقاق و تفرقه حدوشندن صاقینیورلردی وایکیسی دخی برر موقع مشکله بولونویورلردی . زیرا جمهور صحابه ، حضرت صدیقه بیعت ایلمش اولدقلرندن کیرو دونه مزلردی . حضرت علینک باشنه طویلانان جمعیت دخی آنی خلافته انتخاب ایلمک فکرنده اصرار ایدیورلردی . حتی زیرین العوام « علی به بیعت اولنمادجه قلیجی قینه صوقام ، دیو مصر اولوب حضرت عمر دخی تهوور ایدرک « آنک قلیجنی آلك ، طاشه چالك ، دییوردی .

رسول اکرمک عمرزاده سی اولان (عُبَّه بن ابی لهب) دخی « بوایش ، بطن هاشمدن وعلی الخصوص ابوالحسن (یعنی حضرت علی) کبی بر ذات جلیل القدردن دوزر وغیری به توجه ایدر ظن ایتمز ایدم ، دییه رک اظهار تأثر سیاقده شعرلر سوبیلوردی .

او ائشاده کویا حضرت علی ؑ خلافت دعواسنده ایمش و حضرت صدیقؑ خلافتی قبول ایتیمور ایمش ، یولو سوزلر ایشیدیلدی .

حضرت علی ایسه ، خلافت حقنده یولیه مشورت و کندی رأینه دخی مراجعت اولونمادیغندن طولانی جانی صیقلمش ایسهده او یله دعوی و داعیه لرده بولونمایوب آنحق کوشه عزلت و اتزوا یه چکیله رک رسول اکرمک آتش افتراقیله یانوب یاقلمقده ایدی .

لکن ، او یله مهم وقتده اختیار اتزوا یله کرک کندوسنک ، کرک رفقاسنک هنوز کلوبده حضرت صدیقہ بیعت ایلملری ذهتله خدشه و خلجان ویرمکده ایدی .

حضرت صدیق ، بر مدت ده صبر و تحمل ایتش ایسهده بو حال ، مهادی و میانهده مبابنت وقوعنه بادی اولور و طرفینک آره سی آچیلور و مغرور جاهلار ، یا سیوری عقلیلر ، یا خود ساده دل وضعیف القلب و او یصال آدملر سوزه قاریشور ، ایش قنا یول آلور دیو خوف ایتدیکندن اصلاحی چاره سی آرامغه مجبور اولمشدر .

شویله که : (محی الدین العربی قدس سره) حضرت تارینک (محاضرات ابرار و مسامرات الاخیار) نام کتابنده و (حامد عمادی) علیه رحمة الهادی حضرت تارینک (ضوء المصباح فی ترجمه سیدنا ابی عیبه بن الجراح) نام کتابنده بسط و بیان اولوندینی اوزره حضرت صدیق ، اولا حضرت عمر الفاروق ایله محرمانه مذاکره و مشاوره ایتدکن سوکره حضرت ابو عیبه بن الجراح رضی الله عنه حضرت تارینی چاغیروب آنلر ، ایکسی برلکده اولدقلری حالده ابو عیبه یانلرینه کیردکده حضرت صدیق ، آکا خطاباً و یا ابا عیبه ! سنک ناصیه ک نه میمندر . یوز گده خیر نصل آشکاردر . رسول اللهک عندنده غبطه اولونه حق بر مرتبهده ایدک . بر یوم مشهودده (یعنی بر جمعیت علیهده) رسول الله سنک حقهده (ابو عیبه بو امتک امیندر) دیدی . جناب حق ، نیجه دفعه سنکه اسلامی عزیز و فسادخی دفع ایتمشدر . سن دائماً دینه ملجأ و مؤمنینه روح و اخوانگه معین اوله

كلشكدر . سنی بر ایش ایچون ایستدم که حالی اوزره براقیلور ایسه صوکی قورقولودر . اصلاحی واجبدر . ای جراح اوغلی ! بویاده ، سنك ملك ورفق وملايمتك ایله اونولماز وبوییلانك زهری ، سنك افسونك ایله مندفع اولماز ایسه یأس کاور ، ألمی شدت بولور ، صکره دها آجی وکوجعلاجله محتاج اولور . بوايشك سنكله تمام اولماسنی وسنك الكده انتظام بولماسنی اللهندن دیلهریم . ایمدی یا اباعییده ! الله ایچون ورسول الله ایچون وبوجاعت اسلامیه نك سلامتی ایچون هر درلو جهد وسعی ده تجوز قصور ایتمه رك بوايشه تائی وزاكت ایله طاوران . الله سنك حافظ وحامی ومعینكدر . علییه کیت ، متواضعانه تکلم ایت وخاطرکده طوت که او ، ابو طالبك سلاله سیدر وآنك ، دون غائب ابتدی کمز ذات قدسی الصفات صلی الله علیه وسلم حضر تلرینك غندنده کی مرتبه سی یرنده در . آکا دی که :

« دکنز تهلکلی ، قره قورقولو ، هوا بوز رنکلی ، کیجه قارا کلق ، کوك آجیق ، یر چییلاقدر . (یعنی اوتی ، اورمانی یوقدر) چیققم متعذر ، اینمک متعسدر . حق ، رحم وشفقتی جالب وباطل ، علف وشدتی موجب . حسد ، هلاکه بادی وعجب ، شر وعداوت مؤدیر . (یعنی اجماع امت ایله خلایقک حکمی ظاهر در . امت محمدیه ، ضلالت اوزره اجماع ایتمز . اجماعدن آیریلقدہ خطر واردر . آندن باشقه طریق سلامت یوقدر) شیطان ، ملت اسلامیه آره سنده تفرقه وعداوت براقفه چالیشور . فسق وفجور یولنده وسوسه وریر ، انسانی آلدادر ، شریر کسانئ امنیه دوشورور . دور آمدن بری دأب وعادتئ بودر . کیمسه آندن خلاص بولماز . مکرکه حق اوزرینه دیشنی صیقوب طورمق وباطلدن وعاجلدن (یعنی دنیادن) صرف نظر قیلحق واللہک ودینک دشمنی اولان شیطانک تپه سنه شدتلی وجدتی باصمق ومنحصراً اللہک رضاسنی تحصیله ربط قلب ایتمک ایله خلاص بوله . شمدی فائده ویره جک برسوز لازمدر . زیر سکوت ضرر ویردی ، نتیجه سندن قورقولدی . سکا غائب حیوانکی یدیرن ، سنی ارشاد ایش اولور . سکا عتاب ایله بیان مودت ایلان ، خالص دوستلق ایدر .

سنگه برلکده قالمى اختيار ايدن ، سکا خير خواهلقي ايلر . ذهنکده قوردیغک ندر ؟ آکا قلاباً ميل ایدیورسک ، کوز اوچله دقلى ياقیورسک . ایچکی چکیورسکده لاناك سولئور . عیان ، بیان سولیدکن صکره سولیه مک واری ؟ ایضاحدن صکره ابهام اولورمی ؟ دین آلئیدن بشقه دین و قرآن کریمده مندرج اولان اخلاقدن بشقه اخلاق و مسلك نبویدن بشقه طوغری یول واری ؟ بى کبی آدمه بوسودن کلنورمی ؟ یوقسه سنک کبی برذاته کنیش میدان ، طار وقیانیق وکوزینه ماه منیر ، طوتوق کورینورمی ؟ اورتهده بو گفتکولر ندر ؟ قاریشیق سوزلر و اوست پردهدن سسلر ندر ؟ اللهم و رسولک دعوتنه کیفیت اجابتزى وحسبہ الله هجرت و رسول الله نصرت یولنده وطنلرمزدن خروجزى ، اولاد و اموال و یارانمزدن آیرلیمزى سن پک اعلا ییلورسک . بزم اويله فدا کارلق ایتدیکنمز و قتلر سن ، چوجقلق عالنده تربیه ایدیلور و اکندیریلور ایدک . نه مراد اولئور ، نیه ندا قلئور فهم و حفظ ایده مزدک ، سوره مزدک ، یده مزدک . صکره سن کاله ایردک ، منزل مقصوده ایریشدک . شمدى قدرک مجهول و فضلک منکر دکلدر . اما بز ، او و قتلر طاعلری یرندن قالدیره جق و انسانک آلنده کی صاچلری آغاردہ جق قورقونج حاللر ایچنه دوشوب ده رین یرلرینه طالهرق و طالغهلرینه ینهرک آجی صولرینی ایچر ، قبالی یرلرینی آچار ، تملنی احکام ایدر ، قویسنک ایپلرینی بوکر ایدک . حال بوک : کوزلر حسدله طولو ، بورونلر کبر ایله مللو ، کوکسلر غیظ ایله شعله لنور . بویونلر فخر ایله اوزانور و ییچاقلر مکر ایله بیله نور و یریوزی قورقودن دبره نور ایدی . آقشام اوستی صباحه ، صباخلین آقشامه چیقاجغمزه امیدوار دکل ایدک . اولومی کوزمزه آمادجیه کیمسه یه مدافعه ایده مزدک . نیچه غصهلر یوتما دقجه براکری بی طوغرولتق ممکن اولمازدی . بو حاللرک هر برنده بابا و آنا ودایی و عموجهلرمزى و آز چوق بالجله مال و منالزى طیب خاطر و ثبات قلب و کولر یوز و طاتلی سوز ایله رسول الله فدا ایدردک . دها بونلر کبی نیچه مکتوم سرلر و خفی خبرلر واردوکه سن آنلردن غافل ایدک . صغر سنک

اولماسه غافل اولمازدك . نصل فافل اولورسين كه فكرك پارلاق ، لسانك فصيح ، اطوارك ممدوحدرد . سنك خصال حميده كه دائر سويلتهجك دها چوق سوزلر واردد وشمدي جناب حق سنی مرتبه كاله ايريشديرمش ، معدن خير قيلمش ، مرادكي اوكنه قومشدر . سنك ايشيتديكي بن علم سويلرم . وقتكه منتظر اول . قوللريكي صيغا ، بويله بريرده ايليشوب طورما و سكا كلن كيمسه يه يان چيزه رك يوز بوروشدرما . بو ايش ، هنوز تازه ميوه كيدير . چابق جوريمكه يوز طومسون ديو ذهنلرده كدر وار . سن بو امتك اككنه قاتيق كييسين . اصرار ايدوبده قورتلانما . بو امتك كسكين قليجيسين . اكر يلوبده كسمز اولما . بو امتك طاتلي صويسين . آجوبده بوزولما . والله بن ، بو ايشي رسول اللهدن صوردم . بويله جواب و بردي كه « يا بابا بكر ! بو ايش ، آكا طالب اولمايانكدر . آكا راغب اولوبده آنك ايچون مدافعه ايدنك دكلدر . آكا كوچوكلك كوسترنكدر . تعظم و تكبر ايدنك دكلدر . بو ، آنكدر كه اوسنكدر دنيلور . او ، بنمدر ديه نك دكلدر ؟ ديو بيوردي . الله بيلور كه رسول الله ، دامادلق خصوصنده بنمله مشورت ايدوب قریش دليقانلورندن بعضيلرني ياد ايتدكده « على حقنده نه بيوررسكز ؟ ديدم و « حدائت سنی حسييله آتی فاطمه يه مناسب كورميورم » ديدكده « الكز آلتنده مستور و نظر هايونكز ايله مرعي و منظور اولدقجه ايكيسنه دخي بركت ، شامل و نعمت ، مبدول اونور ، ديدم و دها چوق سوزلر سويلدم سنك دامادلنكي ترويچ و ترغيب ايلدم . بنم بونده برغرض مخصوصم يوق ایدی . سنك يريكه باشقملرينك قوقوسي كلوركن بن سنك حقكده ديديكمي ديدم . بنم او معاملهم ، سنك شمدي بنم حقمده كي معامله كدن دها خيرلو ایدی . اعتماد ايت كه : بو ايشده (يعني امر خلافتده) رسول الله سكا اشارت ايتديسه سندن باشقه سنه دخي اويله ايمالر ايتمشدر و سنك حقكده بر شي سويلديسه باشقه سنك حقندهده سكوت ايتمه مشدر . اكر ذهنكده بر شك و تردد وار ايسه كل . صحابه نك حكمی مرضی و صواب ، مسموع و حق ، مطاعدر . رسول الله ، بو جاعتدن خوشنود و حقارنده شفيق و مسرتلريه

مسرور و کدر لرله مکدر اولدنی حالدده دار عقبایه انتقال بیوردی. بیلزمیسین که رسول اکرم، اصحاب و ندما و اقربا و اصدا قاسندن هر برنی بر فضیلت ایله ممتاز، بر مزیت ایله متمیز، بر حالت ایله متفرد قیله رق براقدی. اگر هر طرفده کی امتی اولماز ایدی. رسول الله، بوامتی باشی بوش و پریشان و باطله مفتون و حقدن خافل، باقیجیسی یوق، ایدیجیسی یوقی براقدی سانورسین؟ اوله دکل والله. ربی تعالیٰ حضرتلرینه مشتاق اولوبده آنک درکاه رضوانه عزیمتی نیاز ایتمدن علامتار وضع ایله یوللری تأمین و موقوفاری و صورلرینی تسهیل و تعیین ایتدی. باذن الله تعالیٰ شرکک دماغنی قیردی و لوجه الله تعالیٰ نفاقک یوزنی یاردی و، الله ایچون قته نک بورتی کسدی و بمون الله تعالیٰ شیطانک یوزینه توکوردی و اوامر الهیهی اعلان بیوردی. بعد ازیں ایشته انصار و مهاجرین، سنک یانکده و سنکله بر یرده و بر بلده ده در. اگر آنلر، بنم سکا بیعتی ایستلر و بنم یانمده سکا اشارت ایدرلر ایسه بن، المی سنک الک اوزرینه قورم (یعنی بیعت ایلم) و اگر باشقه صورت اولور ایسه سن ده مسلمینک کیردیکی یوله کیر (آنلرک بیعت ایلدیکنه بیعت ایت) و آنلرک مصالحنه معین اول و مغلق ایشلرینی فتح و یوللرینی شاشیرانلرینی ارشاد و آزرغینلرینی منع ایت. چونکه: الله تعالیٰ، اییاک اوزرینه یار دیملاشمق ایله امر ایتمشدر. همان حق اوزرینه یار دیملاشغه حاضران و براق بزى حقد و بغضدن عاری کوکسار ایله شو دنیا دیرلکنی ختامه ایردیرلم و عداوتدن سالم کوکلر ایله الله قاووشالم. بعدذا ناس، یک ضعیفدر. آنلره آجی و آنلر حقدنه ملایم اول. کندیکه بزم سبیمزه زحمت و یرمه و قته قپوسنی قبالی براق. آرتق نه قیل و قال وار، نه ده لوم ایدن و ایشک آرقه سنی قوالایان وار. الله تعالیٰ، بزم دیدیکمزه شاهدر و بولندیغمز حاله ناظر در، ابو عبیده، حضرت صدیقدن بو وجهله تعلیمات آلوب قالقار ایکن عمر الفاروق رضی الله عنه حضرتلری، آکا «قبوده برازا کلن. سکا ده سوزم وار» دیکله ابو عبیده، قبوده برازا کلندکنن صکره حضرت عمر، بشاشت

ایله چیقوب دیمش که یا ابا عیبه ! علی یه دی که : اویقو، اصلی یوق خیالات
 کوسترن برحالتدر. خصومت، حربه مؤدی برکیفیتدر. هوا وهوس، ایشک
 صوکنی صایمامقدن عبارتدر. هر بریمزک بر مقام معلومی وحق و مشاع،
 یا مقسومی، خبر ظاهر، یا مکتومی واردر. اذکیانک اذ کیسی، قاجانی
 تألیف و اوزاق قالانی تلطیف ایدن و هر کسی میزانیله طارنان و خبری
 عیانه قاریشدرمایان (یعنی هر ایشتبیکنه اینانمایان) و قاریشک یرینه
 سره سنی قومایان آدمدر. مبهم ایله قاریشیق معرفتده و، جهله مصروف اولان
 علمده خبر یوقدر. بز، یاره سندن قوچونان ده وه لر کبی دکلز. هر قیزغین
 شینک ناری و هر سلیک بر قراری واردر. بو جاعتک سکوتی، عجزلرندن
 ناشی دکل ایدی. بوکون کلاماری ده قورقودن دکلددر. الله تعالی، محمد
 ایله هر متکبرک بورتی و هر جبارک بلنی قیردی و هر یالانچینک دینلی
 کسیدی. حقدن سکره ضلالتدن باشقه نه وار؟ بو تکبر و تعظم وال آلتندن
 تهیی و تجسس ندر؟ رسول اکرم، دار عقابیه عازم اولدی. بو ایش
 (یعنی امر خلافت) ایسه معلق و وقوف قالدی. کیمسه نک آکا خصوصیتی
 یوقدر. رسول الله، سنک حقکده صراحة برشی بیورمادی. بزلر ایسه
 فرس و روم کبی بر دولت جابریه تابع دکلز. بلکه حق و صدق ایله
 هدایتیه ایروب متین قلبی و قوی بیلکی و نصرتلی الی و کوربحی
 کوزی اولان بر امت آره سنده نور نبوت و ضیاء رسالت و ثمره
 حکمت و حریت و عنوان نعمت و ظل عصمتده یز. ظن ایدرمیسین که
 ابو بکر، بو امتیه جبر و مکر ایدرک صیچرایوبده امارتی قابدی. ظن
 ایدرمیسین که ابو بکر، بو امتک شعورلرینی سلب ایلدی، کوزلرینی
 باغلادی، دوکوملرینی چوزدی، عقللرینی بوزدی، صولرینی یاتیردی.
 آنلری یولدن چیقاردی، ضلالتیه دوشوردی، طریق هلا که کوتوردی.
 کوندوزلرینی کیجه، وزنلرینی کیله، یقظه لرینی اویقو ایتدی. صلاحلرینی
 فسادیه قلب ایلدی. اکر او ایله اولسه آنک سحری مین و مکرکی متین
 ایمش دیمک اولور. الله حقیچون او ایله دکل. او ایله اولسه هانکی آتلی

وپیاده وهانکی قارغی و قلیچ و نصل قوت و مکنّت ایله وهانکی ذخیره و مهمات وهانکی ال و شدت وهانکی قبیله و عشیرت و نصل و سیله و وسعت ایله یابدی . طوغریسی ابوبکر ، معلومک اولدینی اوزره عزیز و عالی جناب برهذاتدر . خلافته قوت و دیگر صورت ایله نائل اولمادی . والله او، نازلانیدی . خلافت ، آکا مقتون اولدی . او ، چکیندی . خلافت ، آکا صاریلدی . بو بر عطیه و عنایت درکه ، جناب حق ، آکا احسان بو یوردی و بر نعمت درکه شکرینی الله تعالی ، آکا واجب قیلدی . آنک امارتیه بوامت دخی اللهک لطفته مظهر اولدی . رسول اللهک ایام سعادتنده دخی بو های سعادت ، آنک باشنده طولاشدی . لکن او ، بوکا التفات ایتمز و وقتی کوزتمز ایدی . الله تعالی ، مخلوقاتی اعلم و قوللرینه ارحمدر . حقارنده خیرلوسنی اختیار ایلر . سنکده بیت نبوت و رسالت و کشف حکمتده مقامک مجهول دکلددر . اللهک سکا ویردیکی علمده حَقْ انکار اولونماز . لکن سنک اوموزگدن بویوک اوموزله و سنک قرابتگدن دها زیاده قرب ایله و سنک سنکگدن عالی سن ایله وزمان جاهلیتده و اسلام و شریتمده و سنک نصیبک اولمایان و آدک یاد اولونمایان و قمرلرده سیادت و ریاست ایله سکامزاحم اولان وار . اطرافکده کیلرک (یعنی زیر و رفقای رضی الله عنهمک) کومورده نمه لرینی دیکله مکده کندیکئی معذور کورورسهک ابوبکرکدن مکتوم طوتمایاجمزمز ملایم سوزلریمیزی ایشیتدیکگده بزى دخی معذور طوت واکر آنلرک سوزلرینه باقوب طوره جق اولورسهک علی التحقیق سکا او سوزلری اونوتدیره جق و بو سوزلری مطالعه یه میدان ویرمه جک حاللر ظهورده کلور . اسمنی تصریح ایتدیکمز ذات ، اکر لهنده و علیهنده اولان افکارمزی بیلسه سکوت ایله مزیدی . سنده آنی بعض امورده محرم اتخاذا ایله مزیدک . اما ابوبکر الصّدیق ، دائما رسول اکرمک سویدای قلبی و محرم اسرارى و شریک احزان و ا کدارى و مقبول و منظوری ایدی . بوده بالجله مهاجرین و انصارک حضورلرنده اولوب شهرتی دلاتدن مغنی دره . الله ایچون طوغریسنی سویلیلم . سن ، قرابتجه رسول الله اقربسین .

لكن ابوبكر، مرتبه جه اقريدر. قرابت، ات ايله قاندر. مرتبه جه قرب ايسه روح ايله نفسدر. بو ايسه بر بيوك فرقدر. مؤمنلر، آني بيلهرك بو بابه متفق اولملاردر. آنده شك ايدرسك بونده شك ايمكه اللهم الى جماعت ايله ورضاسي اهل اطاعت ايله در. ايمدى سكا بو كون خيرلو ويارين قائدهلى اولان حاله دخول ايت وبوغاز كده ايليشن شيئي چيقار، آت. اكر عمر، اوزون واجل مساعد اولور ايسه آني سينر، سينمز ييه جكسك وخوش ناخوش ايمجه جكسك. اما اويله بر وقده ييوب ايمجه جكسك كه سكا خصوصيتي اولانلردن باشقه سوزيكي رد ايدن اولمايه حق وسنك ديريكي امهرك و قانادليكيك اوجاريني كسهرك وسنك مسللكي تعيب ايدهرك سكا طمع ايدنلردن باشقه تابع اولان بولونمايه حق. او، حاليه ندامتله ديشلريكي غيجيرداده جقسك وقانلي صو يوده جقسك واوزمان كچن عمرك و آخرته كيدن قومك ايجون تأسف و تحسر ايدمه جكسك و ابا ايتديكيك كاسه ايله سقى اولونمى و ايجندن چيقمق ايتديكيك حاليه اعاده قيلنمى تمى ايدمه جكسك. بزم حقمزده وسنك حقهكه جناب حقك بر سر و حكمتي واركه بوني آنجق او، بيلور وبونك بر فايدي واركه فرحلي وكدرلي و قتلرده عون و عنايت آنجق آندن اميد اولونور. الله تعالى ولي حيد و غفور و دوددر. »

مبحث مخصوصنده بيان اولوناجني اوزره حضرت عيلنك ايام خلافتنده باشنه كلن مشكلات متواليه دن دوچار تأسف و حيرت اوله رق حضرت عمرك سوزلري عينيله ظهوره كلشدر.

حضرت ابو عبيده، حضرت عمرك بو تبليغاتي دخي حامل اوله رق سعادتمانه صديقدن چيقوب ايشك عسرت و زراكتي دوشونهرك ودهرين مطالعه لره دوشهرك خلوت خانه حضرت علي به كيتدي و حضرت صديق و قاروقدن آلا ديني سوزلري آكا تماميله تبليغ ايتدي.

حضرت علي، دقت ايله ديكله دي. او سوزلرك تاثيراتي نا ايليكنه

ایشله دی و درجه تأثیرینی بیان ضمتده دیدی که : « حَلَّتْ معلوطة و وَلَّتْ مخروطة . حَلَّ لاحلَّیت . التمس اولی لها من قول لما .

نظم

• احدى لیالک فهیسی هیسى لاتنعمی اللیلة بالتمریس .

یعنی : بوینی تمغالی دهوه چو کدی ، بوینی اینجه دهوهده قاجدی .
هایدی خیرسز ! کلز اول . آ کا ، الله بلاسنی ویرسون دیمکدن ایسه الله
خیرل ویره دیمک اولار .

بیت

صایلی کیجه لرکندن بریدر یوری هایدی . طور ، اوطور یوق بوکیجه

(بوینی اینجه اولان دهوه نك صر بلر غندنده مکروه اولدینی معلومدر) .
حضرت علی ، بو ضرب مثالری ایراد ایلدکن صوکره : « اوت ،
یا ابا عیبه ! بو سوزلر ، هپ قومک ضمیرلرنده مسترمی ، دوشونوب ده
بوyle معنارمی چیقاریورلر ؟ » دیدکده ابو عیبه : « بنده جواب بوقدر .
بن ، آنجق دینجه اولان بورجی اوده ییجی و اسلامک سوکوکنی دیکییجی ،
امتک گدیکنی سد ایدیجی یم . بوراسنی الله بیلور . خلجان قلم وداغ
درونم ، آ کا دلالت ایلر ، ده نیجه حضرت علی دیمشکه : « بو ، اوڭ بر
بوجاغنده اوطوروشم ، خلافتی طلب ، یا امر معروفي انکار ویاخود بر
مسلمه عتاب ایچون دکدر . بلکه رسول اللهک فراقی ، بنی چاریدی واوله
یخود ایتدی که آندن صوکره هانکی جمعیتده بولندم ایسه دردیمی تازه له دی
وحزن وکدرمی قات قات ایلدی . آ کا قاووشمق اشتیاقی ، بکا کافی وباشقه
شیشه طمعدن متنی در . الله بیلور که عهدالله (یعنی کتاب الله) ايله مشغول
ایدم . متفرق اولانلرینی جمع ایدیورم و عملنی اللهه اخلاص وایشنی آنک
علم واراده سنه تسلیم ایدنلره حاضر لائمش اولان ثوابه نائل اولمق امیدیه
کتاب اللهه باقیورم . مع ذلك علیهمده بر اتفاق واقع ونیم ایچون سوق
بولنان حقه مانع اولدیتنی بیلمدیم . مادام که بنم سیبه وادی طولش ونادی

(یعنی مجلس و دیوان) مجتمع اولش . آرتق مسلمیندن بر فردہ قتالق ایدنه مرحبا یوق . کؤکلده کلام وار . اکر قول وعهد ، سابق اولمسه غیظی سرچه پارماغم و آدسز پارماغم ایله فاش ایدردم و آیاقلمک آلتی و باشمک تپسی ایله انکین یرینه دالاردم . لکن ربمه ملاقی اولونجه یه قدر آغزیمی آجھام . دعوامی حضور باریده کوریرم . یارین صباح سزک جماعتکزه کیدرم و صاحبکزه بیعت ایدردم . بنی محزون ، سزی بمنون ایدن حاله دخی صبر ایلرم . تا که حکم قدر ، یری بوله . الله ، هر شیشه شاهددر .

ابوعبیده حضرتلری دیرکه : بونک اوزرینه عودت ایله (ابو بکر) و (عمر) ک یانه کلدیم . آجی ، طاتلی نه ایشتم ایه جمله سنی آنلره سویلدم و یارین علینک کله جکنی اخبار ایلدم . فرداسی علی ، مسجد شریفه کلدی . جماعتی یاروب کچهرک ابوبکرک یانه واردی ، بیعت ایلدی . کوزل سویلدی و قار ایله او طورودی .

او زمان ، ابوبکر الصدیق حضرتلری ، حضرت (علی) یه خطاباً : « سن بزجه عزیز و کریم سین . حال غضبده اللهدن قورقارسین ، حال رضاده دخی رجا ایلرسین . نه موطلو ، او کیشی یه که اللهک احسان ایلدیکی فضل ایله اکتفا ایلر . بن ، امارته راغب دکل ایدم و سرأ و علنا اللهدن آنی ایستمدم . لکن فته ظهور ایدر دیو خوف و دهشت کلوبده ناچار قبول ایتدم . امارتده راحتم یوق . بکا بر امر عظیم ، تقلید اولندی که آکا طاق و قدرتم یوق . مکر ، الله قوت ویره . بنم صبرتمه یو کله دیلن آغر یوکی الله ، سنک آرقه گدن ایندیردی . بز ، سکا محتاجز . سنک فضلکی بیلوروز . هر حالده الله راغبز ، دیمش و حضرت (علی) و (زبیر) دخی خلافته حضرت (ابو بکر) ک جمعه دن احق اولدیفنی اقرار و مشورت دن خارج بر ایلدقلری جهته متأثر اوله رق بیعتده تأخر ایلدکلری بیانیه اعتذار ایدوب طرف خلیفه دن اعتذارلری قبول بو یورولمش و میانه ده کی برودت کلیاً بر طرف اولشدرد .

ینه (ابو عیبه) دیرکه : بده علی ، استیزان ایله قالدی . عمر ، اکراماً آنی تشیع ایدرکن علی دیدی که : « شمدی به قدر کله یشم ، صاحبگری قبول ایتدی کمندن و شمدی کلشم قورقومدن دکلدر . بن ، سوزمی جدی سویلرم . کوزیمک کوردیکی و آیامک باصدینی ، یایمک جکیلدیکی و اوقمک دوشدیکی یری بیلورم . لکن بلا اوزره کلن بلاحقده اللهه اعتماداً آتمک گمینی طوتم » (بلا اوزره کلن بلا ، وفات نبوی اوزرینه طلب خلافت ایله اتهام اولونمیسدر) . بونک اوزرینه حضرت عمر ، دیدی که « بخنی اوزاتما ، سوزی طاغیتما . جماعتمک حالی معلوم . بز ، یر قوممک چاقناغی چاقار ایسهک آتش چیقاریرز ، قویوه اینر ایسهک قووانی قاندر اچق قدر طولدیریرز و اورورسهق قاناتیرز . دیگر ایسهک اصلاح ایدرز . سنک ضرب مثلریکی ایشیتدم . ایستهسم بنده سنک سوزلریکک اوزرینه برطاقم سوزلر سویلردم که ایشیتدیگکه ده سویله دیگکه یشیان اولوردک . دیمش سنک که : رسول اللهک فراقی ، بنی چارپدی . آنک ایچون بو اولک بر بوجاغنده اوطوردم . رسول اللهک فراقی ، یالکز سینی چارپدی ؟ آنکله مصاب اولانک حالی ، بوندن آغیر واعظمدر . زیرا ربیطی اولمایان سوزلر ایله جماعته تفرقه و یرمه مک و نتیجه سنده شیطانک مکرندن خوف اولنان احوالده احتیاط ایلمک دخی مصاب اولان ذاتک وظاقتنددر . شو اطرافزده کی عرب ، بر صباح اوزریمزه طوبلانسه آقشامه قالمایز . دیمش سنک که : رسول اللهه قاووشمق اشتیاقی ، باشقه شیئه طمعندن مغنی در . ایمدی آنک شریعتنه نصرت و بو بایده اللهک اوامرینی طوتانلره معاونت دخی آکا اشتیاقک ایجاباتنددر . دیمش سنک که : عهداللهه ایله مشغول ایدم . عباداللهه نصیحت و خلقه مرحمت دخی عهداللهه اقتضاسنددر . برده علیگکه بر اتفاق واقع و سنک ایچون سوق اولوتان حقه مانع اولدیفندن بحث ایتمشک . هانکی اتفاق سنک علیگکه واقع اولمش و هانکی حقک کتم اولونمش ؟ دون انصارک نه دیدکلری و نه یابدکلری معلومک اولمشدر . سنی یاد ایلدیلرمی ، یاخود سکا دائر بر اشارت

ايتديلمى؟ ايسته مهاجرين بوراده . سنك اتخابكي لسانه آلان وياخود ذهتده تصور ايله ين كيمدر ؟ ناس ، سنك ايجون طريق حقدن صاپديلمى وسنك حقدده تجاهل ايله اللهى ورسولنى صايديلمى ظن ايدىورسين؟ والله اويله دكل . لكن سن، عزلت ايتدك. وجه وملكه مشاوره يه مى منتظر اوليورسك؟ بوايه برامردر كه الله تعالى، آنى سيدمز محمد صلى الله عليه وسلمدن صكره طى ايتدى . امر خلافى ، ايلكلنمش ، ياخود قامش ياپراقلىله سد اولنمش حتل و كشادى قولاي بر ايشى صانيورسين ؟ اويله دكل والله . اورمان قابلامش ، آغاچار ياپراقلامش . هب عجميلر فصيح و ضعيفلر سمير واحقار فطين و ديكنلر خوشبو اولمشدر . اك غريبي بودر كه : قول و عهد ، سابق اولماسه غيظى فاش ايدردم ديمشك . يا دين اسلام ، اهل ديندن برينه كندى ايله و دليله تشي غيظ ايتكى براقديمي ؟ بو بر عادت جاهليه دركه الله ، آنى كوكندن قالدردى وناسى آنك مضرندن قورتاردى و آنى روح و ريحان و دليل و برهانه تبديل بيوردى . بن آرتق آغزيمي اچام ديمشك . اللهدن خوف ايله رضاسنى اختيار ايدن ، لساتى طوتار ، آغزى قبار ، خيره سى ايدر .

عمر ك بو افاداتى اوزرينه على ديدى كه « والله ياپديغمى بوزمق اوزرم ياپمادم و دونمك نيتيله اقرار ايتدم . عندالله مبايمده اك زياته زيان كورن ، نفاقى اختيار و شقاقى التزام ايدندر . هر بليده آنجق الله ايله تسلى بولنور . هر حادثه آنجق الله توكل اولنور . يا ابا حفص (ابو حفص حضرت عمر ك كنيه سيدر . برذاته كنيه سيله خطاب ايتك برنوع احترامدر) آرتق منبسط و مستريح اوله رق دون ، مجلسكه كيت . ايشتيكلك خارجنده عون و حسن توفيق الهى ايله آرقيه قوت و بره جك صوحى عفو ايتديره جك ، الفتى جمع ايدم جك ، كلفتى رفع ايدم جك حالاتدن باشقه برشى يوقدر . حضرت علينك بو افاده سى اوزرينه حضرت عمر ، دونوب مجلسه كيتدى ، فرقه هاشميه دخي بيعت ايتدى . اختلاف مندفع اولدى ، حضرت صديقك خلاقى حقدده اجماع امت واقع اولدى .

حضرت ابو عبيده دیرکه • رسول الله ك فراقندن صكره باشمه كلن
حالكرك اك كوچى بودر •

طوغرىسى بك مشكل و مخاطره لى بر حال ايدى . جناب حق ، بونده
دخى اهل اسلامى اسير كدى . اكر اوزمان جمهور صحابه ايله فرقه هاشميه
آره سنده منافسه ظهور يله مدينه منوره ده بر فتنه حادث اولايدي ، اهل
اسلام آره سنه عظيم تفرقه دوشردى و ارباب حل و عقدك تدابيرى
شاشاردى . خاطر و خياله كلك فلاكتر وقوعه كلوب صكره اصلاح
احوال بك مشكل اولور و ملت اسلاميه ك يوره كنده قيامته قدر اونولمايه جق
بر ياره آچيلور و بلكه او عريده لر آره سنده آداب اسلاميه كيرو قاله رق
صرف قوميت افكارى ميدانه چيقوبده ابوسفیان ، يا خود ديكر رؤساي
قريشدن برى ، رياستى دردست ايلك كې احتماللر خاطره كلوردى .

طوغرىسى بو حادثه ده كرك حضرت صديق كرك حضرت على ، بك
زياده بصيرت و احتياط اوزره طاوور انمشلردر .

باقسه ك آ : فرقه هاشميه ، آتش پوسكوره رك حضرت عليك باشنه
طوبلانلقدده حضرت صديق ، تهو ايدوبده اوزرلرينه و ارما دى . تا كه
مقام خلافتده استقرار ايله كندوسنه اعتماد كلدكده حضرت ابو عبيده ي
كونده ردى . حضرت على ده عجله ايتيوب « يارين كيدرم » ديدى . زيرا اودخى
باشنده كې فرقه ك تسكينه محتاج ايدى . بعده كيتدى ، بيعت ايتدى . فائده ده
ييتدى .

آ كلاشيليور كه ايكي سى دخى اهل اسلام آره سنده تفرقه حدوشندن
صاقينورلر و دفع فساد كمال اخلاص ايله چاليشورلر ايدى . آنلرك بومثللو
حال و حركتلىرى ، عين حكمت و اخلافه درس عبرتدر .

يا حضرت عليك سقيفه يه كيتيوبده كوشه ازوايه چكيلمسى خطا
دكليدى ؟ كم بيلور ؟ بلكه اودخى عين اصابت ايدى . احتمال كه اوكون
سقيفه يه كيتمش اولايدي انصار ايله مهاجرين آره سنده كې منازعه يه برده

هاشميلك بخي منضم اوله رق ايش، بر مرتبه دها صار په صارار و دها قويو بر رنكه كبر ايدى .

قالدى كه : آنلك احوالنى محاكمه ، صكره كنلارك حدى دكلدر . قرون اسلاميه نك اك خيرلوسى قرون صحابه در . آنلر ، هپ هدايت ييلديزلريدر . قرآن كريمك تفسيرى ، آنلردن اوكره نيلىدى . يونه احاديث شريفه ، آنلردن ايشيدىلىدى . احكام دينيه ، آنلردن اخذ ايدىلىدى . آنلردن اوكره نديكمز قواعد دينيه يي اله آلوبده آنلك حركتلىرى محاكمه ايتكم بزم حديمزى ؟ .

اكرچه خطا ، انسانك شاننددر . مجتهدلر دخى خطا ايدر . لكن مجتهد ، اصابت ايلر ايسه اون و خطا ايلر ايسه بر ثوابه نائل اولور .

آنلر ، هپ اركان شريعتدر . بيلرنده وقوع بولان اختلاف و منازعه لر ، هپ مباحثه و مناظره اجتهاديه قيلندن ايدى واجتهادجه اختلاف ايتسه لره حق و صوابى آكلادقلىر كې تسليم ايله اتفاق و اتحاد ايدويورلر ايدى . انئى مباحثده بربرينه سرنجه سويلسه لر بيله بربرينك قدرينى بيلورلردى . حضرت زبيرده ذرحه ذاتيات ملاحظه سى اولسه قاين پدردن آيريلازدى . وبالاده تفصيل اولنان خلاف منازعه سنده حضرت على ايله اك زياده اوغراشان حضرت عمر الفاروق ، حضرت علينك اك زياده قدرينى بيللردن ايدى .

حتى حضرت عمر ، بركون حضرت عيلدن بر مشكل مسئله صورمش ، اوده درحال جواب ويرمش . آنلك اوزرينه « حضرت علينك بولنمادىنى جماعت ايچنده بر مسئله مشكله ظهورندن الله صيغورم » ديو بيورمشدر . حضرت على دخى « رسول اكرم دن صكره بوامتك اك خيرلىسى ، ابوبكر و عمر در ، دير ايدى .

الحاصل اصحاب كزينك اختلافلىر ، هپ اجتهاده مبنى مباحثات علميه قيلندن ايدى . اغراض دنويه دن ناشى دكل ايدى . آنلك قلوب مطهره و منوره لرى حب رياست و امر سياستدن عارى ايدى .

حضرت ابوبکر الصدیق تجارت ایلہ کینور ایکن بروجه مشروح
خلفہ اولدینک فرداسی صاحبین بر معناد اوموزینه بر طاقم بزر آلوب
صامق اورده بازاره کیدرکن عمر، و ابو عیدہ راست کلور «نه یاییورسین
یا ابابکر؟ مسلمینک اموری سکا تفویض اولندی» دیدکلرنده «یا بن عیالی
نه ایلہ بسلیم؟» دیمکله «بز، سکا مال مسلمیندن یومیه فقهه تقدیر ایدرز»
دیو اصحاب کرامک اتقاقیلہ یومیه یارم قویون و یازلق، قیشلق اولقی اوزره سنده
ایکی قات البسه و سوی ایکی بیک درهم نقد کومش تخصیص قلنمش ایسده
حضرت ابو بکر «بونی زیاده ایدیکز. بنم عائلهم وار. حال بوکه سز، بنم
تجارتیه مانع اولدیکز» دیمکله بشیوز درهم ضم اوله رق ایکی بیک بش یوز
درهمه ابلاغ اولمشدر و تاریخ کاملده سالیانه سنک آلتی بیک درهم اولدی
عمر درر.

مصلح مسلمینه حصر اوقات ایلین ذاتک مصارفی، اموال مسلمیندن
صرف اولنق امور طبعیه دندر. فقط بوده یکی میداه چیغمش بر مسئله
اولدی حالده اجماع امب ایلہ قرار آلتنه آلمشدر.

بر آی صکره، حضرت ابو بکر، منبره جیقوب خطبه اوقور ایکن
«ای ناس! علی التحقیق بدن بشقه بر ذاتک بو ایشه کفایت و کفالتی
آرزو ایتمکدهیم. اگر سز، بنی نمامیلہ پیغمبرکنک مسلکنده طوتارسه کنز
بن، آ کامقتدر دکم. زیرا او، شیطاندن معصوم ایدی و آکا کوکدن وحی
کلوردی» دیو اعتراف عجز و قصور ایتمشدر. اوله ذالک فلیرنده حب
دنیا بولنورمی، اوله ذاتره سوء طن اولنورمی؟

الحاصل فخر عالم صلی الله علیه وسلم حضرتلریک وفاتی کونی خلافت
حقنده شایان اهمیت بر منازعه ظهور ایلش ایسده اجتہادجه بر اختلاف
اولوب اصحاب کزینک یتلری ایسه حلوصه مقرون اولدیندن انصار ایلہ
مهاجرین آره سنده کی اختلاف، اوکون و جمهور صحابه ایلہ فرقه هاشمیه
آره سنده کی اختلاف دخی ایام قلیله ظرفنده بر طرف ایدیش و جلهمی ال
بر لکیه ایشه صاریلمشدر.

اگرچه فاطمه الزهرا رضی الله عنها وارضاهای حضرتلری، بدرینک فراق و هجرانی ایله کوشه عززلده دلخسته و داغدار اولمغه زوج مکرّمی علی کرم الله وجهه دخی آکا غمکسار و آنکله برلکده اختیار انزوایه مجبور اوله رق درگاه خلافتیه مداوم اولماز ایش . لکن حضرت (فاطمه) نك و فائنده تجدید بیعت و تأیید خصوصیت و آندن صوکره خلیفه حضورینه مداومت ایله آکا یاور و یار و مصالح امتک رؤیتده ظهیر و مستشار اولمشدر .

ایشته بووجهله ، زمان سعادتن صکره (خلافت) عنوانیله برامارت اسلامیة تشکّل ایتدی که عالمده هیچ بروقت اولیله بر حکومت فاضله تشکّل اولونما مشدر .

بعض وقعات

رسول اللهک ، معتقملرندن اولوب ترجمه حالی یوقاروده بیان اولونان (آمین) رضی الله عنها حضرتلری که جنت ایله مبشیره اولوب بعضاً کبار صحابه ، آنی زیارت ایله تمین ایدرلردی . اشبو اونبرنجی سنه هجریه شعبانک اوانلنده ارتحال دار بقا ایتمش و صانکه کریمه محترمه نبیّ مجتبی و زوجّه مطهره علی المرتضی (فاطمه الزهرا) رضی الله عنها وارضاهای حضرتلرینه قوناقچی کیتمشدر . بر آی صکره ، یعنی سنه مرقومه رمضان شریفنک اونچنجی صالی کیجه سی دخی (حضرت فاطمه) دنیا غائله سندن کچدی . داربقایه کوچدی . آلتی آیدنبرو حسرت کشی اولدینی پدرینه قاووشدی . علی النبی و آله الصلاه والسلام .

حضرت علیدن (حسن) و (حسین) و (محسن) نام اوغوللری و (آم کا نوم) و (زینب) نام قزلری اولوب محسن ، کوجوک ایکن فوت اولمش و دیگرلری آندن صکره برحیات قالمشدر . بارک الله علیهم .

رسول اکرم صلی الله علیه وسلم حضرتلرندن صوکره حضرت فاطمه دن باشقه اولادی قالمایوب نسل نبوی سبطین مکرّمین (حسن) و (حسین) حضرتلرندن ظهور ایتمشدر . (رضی الله عنهما وارضاهما)

خلال شوالده دخی خلیفه حضرتلرینک اوغلی (عبدالله بن ابی بکر) رضی الله عنهما ارتحال داربها ایتمشدر .

حضرت صدیق، خلیفه اولدقدن سوکره زیرده بیان اولونا جنی وجهله (مرتدین) ایله محاربه به باشلامش و موسم حج کلدکده (حضرت عمر) ی امیر الحجاج نصب ایدرک قافله حاج ایله مکه مکرمه به اعزام ایلمشدر .

لاحقه

حضرت (صدیق) که نه قدر بویوک آدم اولدینی تفصیلات سابقه دن پک کوزل آ کلا شلمشدر که فخر عالمک ارتحالی اوزرینه هر کس نه پابه جفی شاشیرمش ایکن او ، میدانه جیقوب افکار ناسی بر مرکز طوبلامش وزمان سعادتده اولدینی کبی ملت اسلامیه تک اداره سنی یولنه قومشدر . فقط عمر الفاروق ایله امین امت اولان ابو عییده تک دخی بیوک بیوک همت و معاونتری میدانده در .

ارتداد غائله سنک ازالسی حقنده حضرت صدیقک مشاهد اولان همت فوق العاده سی دخی کندوسنک بیوککنه بشقه جه بر دلیلدر .

اخبار مرتدین

فخر عالم صلی الله علیه وسلم حضرتلرینک ارتحالی بتون جزیره العربی صاردسی . طرف طرف اختالار و عصیانلر ظهوره کلدی . مدینه منوره ، جمع اصحاب کزین اولدیفندن اوراده یالکز خلافت مباحثه سی ظهور ایدوب حضرت صدیقه بیعت ایله بر طرف اولدی .

امامک مکرمه بی بوده شتلی وقعه ، ییلدیریم کبی اوردی . اهالی بی حیره دوشوردی . امیر مکه اولان (عتاب بن اسید) نه پابه جفی شاشیردی ، خوف جان ایله بر محله کیزلندی .

ایشته او به نهلکلی بر زمانده (سہیل بن عمرو) کعبہ معظمہ قبوسندہ طور دی (ای اہل مکہ) دیو چاغیردی. خلق دخی آنک باشه طوبلاندی. سہیل ، آنلره خطاباً «ای اہل مکہ ! سر ، جلدن صکرہ مسلمان اولدیکیز . کلکیز ، جلدن اوّل مرید اولماکیز . رسول اللہک بیوردینی کبی اللہ ، بواشی اتمام ایدہ جکدر» دیمکله مکہ مکرمہدہ ارنداد وفوعبولابوب قریش قیلہسی ، ہب دین اسلام اوزره نابت قالدی .

او زمان ابو بکر الصّدیق رضی اللہ عنہ حضرت نرینک پدری (ابو فحافہ) مکدہ بولمفلہ خلقک اضطرانی کورنجہ بیچارہ اختیار ، تلاش ایدرک «بونہ؟» دیو سورمش . دیمشکرکے : « حضرت پیغمبر ارنحال بیورمش » دیمشکرکے « فی الواقع بر امر عظیم . اما آنک ایشی کورمک اوزره یرینہ کیم قائم اولمش؟ » دیمشکرکے « سنک اوغلاک » دیمشکرکے « یا آکا عبد مناف اوغوللری ومغیرہ مک اوغوللری راضی اولمشلری ؟ » « اوت » دیمشکر . او دخی « سنک قالدردینکی قویاجق وقویدینکی قالدیراحق بوقدر ، دیمش و جناب حقک لطفہ منشکر اولمشدر .

ابو فحافہ ، اوزمان بیر فانی ایدی . لکن کورمش کچیرمش ، بک جوق وقملر آشیرمش ، ارباب تجربہدن بر ذات اولدینی جہتلہ درحال اوغلاک خلافتدہ استقراری ، قریش اولولرینک قبولہ موقوف اولدینی تخطراتمشدر . مکہ مکرمہ کبی طائفہ دخی ارنداد وقوع بولادی قریش کبی (تقف) قیلہسی دخی بیلہ ارنداددن قورتولدی .

اما دیگر قبائل عرب ، کیمی تماماً وکیمی قسماً مرید اولدی . بعضیلری دخی « نماز قیلارزہ اما زکات و یرمہیز » دیہرک بر غریب بول آدی . بولہ زکات و یرمکدن امتناع ایدنلر حقتدہ نہ معاملہ اولنق لازم کله جی اوّل امردہ بین الاصحاب محل تردد واشتباه اولدی . حتی حضرت عمر الفاروق « لا الہ الا اللہ محمد رسول اللہ دینلر اوزرینہ فصل قلیج چکرز؟ » دیدی . خلیفہ رسول اللہ ، بو مسئلہی صورت قطعہدہ حل ابتدی و دیدی کہ

«والله ، رسول الله ویردکلی بردیشی چیچی (یعنی بریللق اوغلانی) ویرمکدن امتناع ایدرلر ایسه الم قلیج طوندجه آنلر ایله مقاتله ایدرم .
 فی الواقع زکاتی نمازدن تفریق ایدنلر ، کلمه توحیدک حقی ایفا ایتماش اولاجقاری جهته مرتدینه ملحق اولاجقاری درکار ایدی . حضرت عمر و دیگر اصحاب کزین دخی لدی الملاحظه رأی خلیفه نك حق و صواب اولدینقی تصدیق و علی العموم مرتدین ایله محاربه ایتمک اوزره اتفاق ایلدیلر .
 اکر او وقت حقوق مالیه نك استیفا سنده مساعیه اولونسیدی خلافت اسلامیة ، مستند اولدینی قوت و سطوتی کسب ایده مزدی .
 حضرت پیغمبرک و فاتنده عمرو بن عاص حضرتلری ، عمامه ایدی . همان اورادن قالقوب بحرینه کلدکده ملک بحرین اولان (منذر بن ساوی) نی اولوم حالنده بولش و جوق کچیوب منذر ، قوت اولمشدر .
 عمرو بن عاص ، بحریندن مدینه یه کلورکن بنی عامر دیارینه اوغرا دقده بنی عامر شیخنک یاتنده خلیجه عسکر کورمش و شیخ ، آ کاضیافت واکرام ایتدکن سکره آنکله محرمانه کوریشه رک » اکر سز عشر وزکات آلمقدن واز کچمز ایسه کز عرب سزه اطاعت الیز » دیش .
 عمرو حضرتلری ، مدینه یه لدی الورود اصحاب کرام ، آنک باشنه طوبلانوب عربک احوالی سؤال ایتدکلرند » عمامه واقع (دبا) بلده سندن مدینه یه قدر هپ اردولر قورولش » دیوجواب ویرمش اولدیندن اصحاب کزین ، دوچار اندیشه اوله رق حلقه حلقه اولوب سویلشمکه باشلامشدر .
 حضرت عمر الفاروق دخی عمرو بن عاص ایله کوروشمک اوزره کلورکن بر حلقه نك یانه اوغرامش که حضرت علی و عثمان و طلحه و زبیر و عبدالرحمن بن عوف و سعد بن ابی وقاص بومشله دن بحث ایدرلر مش .
 حضرت عمری کوردکلی کی صومشدر و حضرت عمر « نه بمشده ایدیکز ؟ » دیدکده برشی دیمه مشدر . حضرت عمر « قورقاییکز یا معاشر قریش ! والله سز برده لیکه کیرسه کز عرب ، سزک آرقه کزدن کیر » دیوب کچمشدر .

فی الواقع وجوه قریش ، زمانز جاهلیتده قبائل عرب سوریلرینک کوسه منلری کیدیلر. آنلر ، نه طرفه کیتسه قبائل عرب دخی او جهته متوجه اولوردی . وقت اسلامده ایسه آنلر ، سائر هدايت ییلدیزلری اولدیلر . هب قبائل عرب ، آنلره اتباع اتمک طیبی ایدی . لکن یولی بولوبده بونجه قبائل و عشائرک افکار متناقضه سنی بره قطعده جمع ایده بیلمک ایچون نه قدر عقللی باش و نه قدر متین قلب و فصل غیرت و نه مرتبه فداکارلیق لازم ایدوکی تفصیله محتاج دکدر .

ارتداد غایه سی ایسه بردن بره پک بیودی، هر طرفی دهشت بورودی. آفاق اختلال وعصیان بولوطلری قاپلادی. کرک یمنده، کرک دیگر محللرده بولنان مأمورین اسلامیه ، عودت ایلکه و قریب و بعید محللردن هب قاره خبرلرککه باشلادی. اهل اسلام ، قراکلق کیجدهده یاغموره طوتولش قیون سوریلری کبی حیرت وخشیتده قالدی .

مقدما (اسود غنی) نبوت دعواسنه قیام ایله یمنی اختلاله ویرمش اولدینی حالده آنک قلیله آسایش هنوز اعاده اولمش ایکن وفات نبوی خبری اوزرینه بتون یمن و کنده و حضرموت ممالکنده اکثری اهالی مرشد اوله رق عظیم اختلاللر پیدا اولدی .

عمانده دخی (لقیط بن مالک الازدی) نامنده برمرشد خروج ونبوت دعواسنه قیام ایله ناسی آزدیردی ، حوالی بی اختلاله دوشوردی . عمان ملکلری اولان (جیفر) ایله برادری (عبد) قاجوب طاغلره التجا ومقام خلافتدن استمداد ایلدیلر .

بحرین حکمداری منذر بن ساوینک وفاتی اوزرینه بحرین اهالیسنک اکثری مرشد اولدی . (عبدالقیس) و (بکر بن وائل) قیلهلری بحرینده اجتماع ایله (بنی لخم) دن حیره ملوکنک خانمسی اولان مشهور (نعمان) بن منذر (اوغلی) منذر بن نعمان) ی (بحرین) حکمدارلقه انتخاب ایتدیلر .

زمان سعادته حضور نبوی به کلوب اسلام ایله مشرف اولان مشهور

(حارود) ك نصایحی اوزرینه عبدالقیس قیلہسی ، اسلامه رجوع ایتدیساده
بکر ن وائل قیلہسی ، ارتداد اوزره قالدی .

او ائناده خیاسد قیلہسی شیخی (طَلِیحَه) « بکا دوالون نامنده بر ملک
وحی کتبیور ! » دهرک ادعای نبوت ایلوب غطفان و هوارن و طیی
قیلہلری دخی آکا تابع اولشلر ایدی .

یمامده ادعای نبوت ایله (خی حنیفه) بی تسخیر ایدن (مسیلمه الکذاب)
ایسه کوندن کونه جمیعنی تزئید ایلکده ایدی .

ینه او ائناده (خی تمیم) قیلہسندن (سَحَاح) نامنده بر قاری دخی
نبوت دعواسنه قیام ایله (خی تمیم) و (خی تغلب) قیلہلری و دیگر قبائلدن
بر جوق عربانی اخلال ایدرک اطراف قارته باشلامش و حتی یمامه اوزرینه
حرکت ایلش ایدی .

مسیلمه الکذاب ، آنک حرکنندن اورکوب خدعه و دیسه یولنه
سالک اولهرق بالمخبره آنک یانته واروب کوروشمشلر و میانه لرنده زوجیت
وقوعه کلهرک او یوشوب باریشمشلر . سجاج ، مسیلمه نک نبوتی تصدیق
ایدرک برقاچ کون آنکله برلکده یاتوب قالقدقدن صکره خی تغلبک یوردی
اولان (الجزیره) جانبه عودت ایلشدر .

بو وچهله هر طرفده ماش کوسترن دشمنلرک مقدارینه نسبتله اهل اسلام ،
اقل قلیل ایسه ده خلیفه رسول الله ، بوجه بالا زمان سعادته کی احوالی اصلا
تغییر ائجه مک و نبات سنیه نبویه بی تمامیه برینه کتورمک عزم و جزمنده
بولهرق عموماً مرتدین ایله محاربه بی تصمیم ایتش ایدی . فقط حضرت
اسامه نک عودتنه منتظر اولهرق مخبره ایله وقت کچیر یوردی .

شوقدرکه مکه مکرمه و طائف امیرلری ، مقام خلافتدن آلدقلری
امر موجبجه بمن جهتده تجمع ایدن مرتدلر اوزرینه سوق عسکر ایله
جعبتلری طایفه تمقده ایدیلر .

مرتدلر ایسه وقت ویرمیوب (عبس) و (ذبیان) قیلہلری مدینه

منوره جوارنده (آبرق) نام محله انمشلر و طلیحه‌یه تابع اولان عشاردن برکروه دخی کلوب نجد جهتده (ذوالقصه) نام موقه قونمشلر ایدی .

مبعوثلری مدینه منوره کلوب زکات و یرمه مک اوزره نماز ایله اکتفا اولماسنی تکلیف ایله کلرنده خلیفه رسول الله ، آنلره رد ایله جواب وردی و مدینه منوره نك کچید باشلرنی محافظه‌یه علی وزیر و طلحه و عبدالله بن مسعود رضی الله عنهم حضراتی کونده ردی . کندوسی اهل مدینه بی مسجد شریفه جمع ایله احتیاط اوزره طور دی .

او مبعوثلر ، قوم و قیلله لرینک یانلرینه عودت ایله اهل مدینه نك قلتنی خبر و یرمکله مرتدلر ، کچه لین یغما کرک یولنده مدینه منوره اوزرینه کلدیله ايسه ده ترصد اوزره بولنان محافظلر طرفلرندن خبر کلدیکی کبی خلیفه حضرتلری ، مسجدده مجتمع اولان اهل اسلام ایله چیقوب مرتدلری قاجیردی .

بده ابرقه اولانلر ، ذوالقصه ده بولنانلر ایله بالخباره مدینه اوزرینه هجومه حاضر لانشلر ایکن خلیفه حضرتلری ، موجود اولان عسکری اوکیجه ترتیب و تمیه ایدرک وقت فجرده آنلرک اوزرینه برشدلی چیقیش ایتدی و طلوع شمس ایله برابر جمعیتلرنی طاغیتدی .

بوصره ده اسامه رضی الله عنه حضرتلری ، مظفرآ و مقتبأ عودت ایلدی . خلیفه حضرتلری ، مهاجرین و انصار ایله برابر خارج مدینه‌یه چیقوب آتی قارشیلای .

اسامه نك شام طرفه کونده رلسی ، مدینه منوره ده عسکرک قلته بادی اولمش ايسه ده آنک بوسفری اوجهتده مستعد ارتداد اولان قبائلک سکوتی مؤدی اولمشدر .

کرک اسامه ، کرک عسکری یورغون اولدیضدن خلیفه حضرتلری ، آتی مدینه محافظه سنده براغوب کندوسی (آبرق) و (ربّه) ده ، (ذبیان) و (نخبکر) قیلله لرندن مجتمع اولان مرتدلر اوزرینه کیتدی . جمعیتلرنی طاغیتدی و مدینه‌یه عودت ایتدی .

اسامه نك عسكرى اطرافدن كلوب طوبلانهرق مدينه منورده قوه كافيہ حاصل اولدوقده خليفه حضرتلرى ، بالذات ذوالقصة موقعنه عزيمت ايله اوراده كي مرتدينى قاجيردى و مرتدين ايله محاربه ايتك اوزره اون بر اميرالجيلش نصب و تعيين ايله هر برينه برر سنجاق و تعليمات مخصوصه ووردى و هر برينى برر سمتہ اعزام بيوردى . قبائل و عشائره بياننامهلر كوندردى . مذكور اون بر امير بونلردر :

(خالد بن الوليد) ابتدا طليحه و بعده سالفه الذكر سجاح نام نيه كاذبيه تابع اولان (مالك بن نويرة) اوزرينه حركته مأمور اولدى .
(عكرمة بن ابى جهل) مسيلمة الكذاب اوزرينه مأمور ايديله رك يمامه طرفه كونده ريلدى . آكا التحاق ايتك اوزره آرقه سندن (شرحبيل بن حسنه) دخى ارسال بيورولدى .

(خالد بن سعيد) شام جهته و (عمرو بن عاص) قضاعة قيله سندن مرتد اولانلر اوزرينه و (مهاجر بن امية) يمنى جانيه و (سويد بن مقرن) تهامة يمه و (طريف بن حاجز) بنى سليم ايله هوازندن آنره تابع اولانلر اوزرينه و (علا بن الحضرمى) بحرينه كونده ريلدى .

(حذيفه بن محسن حميرى) ايله (عرفة بن هرة) الازدى) دخى عماه كونده ريلدى و حذيفه ، اهل (وبار) اوزرينه و عرفجه (مهره) اوزرينه مأمور اولدى . ايكيى دخى كندو موقعنده آمر مستقل اولوب لدى الاقتضا برلشدكلرند قتنى موقعده برلشورلر ايسه او موقعك اميرى ، آمر اولوب ديكرى آنك معيته بولنقى تعليماتلرى اقتضاسندن ايدى .

خليفه حضرتلرى ، ذوالقصدن عسكرله برابر بالذات محاربه به عزيمت ايلوب حتى ده وه سنه يينمشدى . لكن حضرت على كرم الله وجهه ، ده وه نك يولارنى طوتدى . « نزهه يا خليفه رسول الله ؟ سكا رسول اللهك يوم احده سويلديكنى سويلرم كه (قابجكي قينته سوق . فسكله بزي آجيقلى ايمه) ديو بويورمشيدى . والله سكا بر حال اولور ايسه اسلام ، فيما بعد انتظام بولماز » ديدى .

دیگر صحابه کزین دخی آنی صدیق ابتدی . آلك اوزریه خلیفه حضرتاری مدینه منوره یه عودت ایلدی .

هنوز خلافت منازعه سندن فارغ اولان ذاتلارك شو حال وحرکتلرینه باق . حضرت علی ، کیمسه یه مداهنه ایتمز بر ذات عالیجناب اولوب حتی امر مشاوره یولنده جریان ایتمدی دیو حضرت صدقه بیعی تأخیر ایتمدی . بو دفعه آنی جهاده کیتمکدن قطعاً منع ابتدی . اگر کندوسنده ذره جه غرض دنیوی اولسه وارسون خلیفه کیتسونده آکا بر حال اولورسه بن ، برینه کجرم دیو تصور ایدهرک هیچ اولماز ایسه سکوت ایلریدی .

حضرت صدیق کبی دین مبین اوغورنده اصلا جانی اسپرکمه یین بر ذاتک دخی جهاد کبی بر امر اهمه عزیمت ایلدیکی حالده بر کیمسه نك خاطری ایچون فسسخ عزیمت ایلهمه یه چکی درکار اولقله نیتدن دوغمسی مجرد حضرت علی نك رأی صوابنه اتباعدن عبارت ایدوکنده اشتباه اولونماز وجهل سنك ذکر وفکری ، هب دین اسلامه حسن خدمت ایلهمک نیت خالصه سنه مبنی ایدوکی آکلاشیلور .

اصحاب کزیندن بعضیلرینی غرض دنیوی ایله اتهام ایدن صایقلار ، آنلارك بو مثللو احواله دقت ایلسلر او یله بویوک ذاتلر حقنده مؤظن ایله بویوک کناهه کبرمنزل ایدی .

خبر طلیحه و سلمی

(خالد بن الولید) رضی الله عنه حضرتلری ، اون برنجی سنه هجره جمادی الاخره سنده طلیحه اوزریه حرکت ایلدی . فقط خیر اوزرندن حرکت ایله محاربه یه (طی) قیله سندن باشلا یاچق کبی بر حرکت کوستردی .

حضرت عدی بن حاتم ، آنکه برابر بولمغله ، بن ، کیده بده (طی) قیله سنی سزگله برابر اعدا علیه حرکت ایلک اوزره جمع ایده ییم ، دیدی .

کیدوب (طی) قبیله‌سی دائرة اسلامه ادخال ایدوب کتوردی و حضرت (خالد) که معینده بولوندوردی. او ائناده حضرت خالد، (عَکَّاشَةُ بْنُ مَعْصَن) و (ثابت ابن اقرم الانصاری) رضی الله عنهما حضرتلری کدف و نجس احوال ایچون ایلری کونده رمشیدی . طلیحه ، آنلره تصادف ایله ایکسی دخی شهید ایلدی .

عساکر اسلامیه ، ایلری حرکت ایلرکن یول اوزده رنده آنلرک ، جنازه لیری کورونجه پک زیاده متأثر اولارق اخذ انتقامه حرصاندیلر .

حضرت خالد ، همان عساکرینی تعیه ایدهدک (عدی بن حاتم) ایله (طی) عسکرینی (بنی اسد) اوزرینه هجوم ایندیردی و (ثابت بن قیس) ایله انصار کرامی بر قوله تعیین بویوردی . کندوسنی دخی گوگره مش آرسلان کبی اعدانک ایچنه صالدیردی . مرتدلرک کیمی مقتول ، کیمی اسیر اولدی . بقیه‌سی دخی اسلامه کلدی . طلیحه ایسه شام طرفه فرار ایتدی .

طلیحه‌نک انحام حالته منتظر اولان (هوازن) و (سلیم) و (بنی عامر) قبیله‌لری ، آنک بروجه بالا مغلوبیت و منکوبیتی اوزرینه نزد (خالد) . کلوب تجدید ایمان ایله دیلر .

بعده (غطفان) قبیله‌سیله (هوازن) و (سلیم) و (طی) قبیله‌لرینک پراکنده‌لری (حوَّاب) نام محله (مالک بن حذیفه) نک قیزی (سلمی) نامنده کی قارینک باشنه طوبلانوب بر جمعیت شقاوت تشکیل ایلدیلر .

بو ، (سلمی) وقت سعادتده اسیر اولوب آم المؤمنین (عابیه) رضی الله عنها حضرتلری آنی آزاد ایلهمشیدی . بر کون بو (سلمی) ازواج مطهرات ایچنده ایکن رسول الله صلی الله علیه وسلم حضرتلری یانلرینه کیروب : « بیلسم که هانکیگزده حوَّاب کوپکتری ، اورویه جک و اطرافنده چوق آدملر اوله جک ، دیو بویورنصر اولدینی مرویدر . ایشته بو کره حوَّابده (سلمی) نکه باشنه بر نروده شفیقا طریلا مشیدی .

حضرت خالد، بو جمیتی خبر آلدینی کبی اورایه واردی و آرسلان کبی اوزرلرینه صالدردی . (سلمی) ده وه سنک اوزرینه طوروب اشقیانک ثباته بادی اولمغه عسا کر اسلامیه ، آنک اوزرینه هجوم ایتدی . محفه سنک اطرافنده یوزکیشی قیلیجدن کچدی . نهایت ده وه سنی سیکیرله دیلر ، کندوسنی قتل ایلدیلر . آندن سوکره جمیعت اشقیا تارومار اولدی .

مؤخرأ ، حضرت (عائشه) رضی الله عنها ، دم عثمانی طلب ایتمک اوزره (طلحه) و (زبیر) رضی الله عنهما ایله بصره جانبه کیدرکن (حوآب) صوبه اوغرایوب ده کوپکلر اورومکله « نه صوبی ؟ » دیو سورددقه « حوآب صوبی » ده نیلدیکی کبی او حدیث شریف ، حضرت (عائشه) نك خاطرینه کله رک کیرو دونک ایسته مشدر . تفصیلی (وقعه جل) ده کلور .

طلحه ، بر مدت شام طرفنده سرسری کزدکن سوکره (اسد) و (غطفان) قیله لرینک اسلامه عودت ایلدکلرینی لدی الاستماع او دخی اسلامه عودت ایلش حتی مکة مکرمه یه کیدوب حج ایتمشدر .

وقعه مالک

(بطاح) شیخی (مالک بن نویره) سجاحه تبعیت ایلش اولدیفندن (خالد) رضی الله عنه حضرتلری ، (طلحه) نك کارینی تمام ایتدکن سوکره آنک اوزره دینه حرکت ایله جک ایدی . حال بوک (سجاح) الجزیره یه عودت ایلوب (بنی تیم) دخی اسلامه عودت ایتمکله (مالک بن نویره) نادم اوله رق بر حال حیرت و تردده قالمشیدی .

لکن حضرت خالد ، طرف به طرف طاعیتش اولدینی چته لردن بری (مالک) ی و عیالی و چند نفر آدملرینی طوتوب مرندلر کبی نزد خالده کتوردیلر . برلکده بولغان (ابوقتاده) رضی الله عنه حضرتلری ، آنلرک اذان او قویوب نماز قیلدکلرینه شهادت ایلدی . خلیفه رسول اللهک

تعلباتنده ایسه ایمانه کله یئرک قتل و اذان ایشیدیلن یرک خلقنه طوقونولماسی مندرج ایدی .

شوحاله نظرآ (مالک) ه ورفاقتنده اولانلره طوقونولماق لازم کلورکن خالد ، آنلری حبس ایتدیردی . حبسلینه مأمور اولان آدم دخی امری یا کلش آ کلابوب کیجه آنلری اولدوردی . بعض ناسده « خالدک امری اویله ایدی » دیدیلر . (مالک) ک فوق العاده حسن و جماله مالک اولان زوجه سنی (خالد) تزوج ایتمکه « مالکی مجرد بونک ایچون اعدام ایتدی » دینلرده اولدی .

ابوقاده ، غضبناک اوله رق مدینه یه عودت و (خالد) ک بومعامله سندن شکایت ایلدی . (مالک) ک برادری کلوب قان دعواسنه قیام ایتدی ، دعوی بو بودی .

حتی متعاقباً خالد ، مدینه یه کلدکده حضرت (عمر الفاروق) آنی قصاص ایتدیرمک ایستدی ، خلیفه حضرتلری « خطاء بر ایش اولمش . قصاص لازم کلر » دیدی . حضرت عمر « اویله ایسه باری عزل اولونسون » دیدی . خلیفه حضرتلری « اللهم مشرکله اوزره بینه سیردینی قلیجی بن ، قینه صوقام » دیدی .

فقط (خالد) ک بومعامله سنی قتیح و حرب اوزره زنده مقتول اولان آدمک زوجه سنی آلق ، انظار عربده چیرکین بر ایش اولدیفندن آنی توبیخ ایله اکتفا و مالک ایله دیگر مقتوللرک دینلرنی بیت المالدن اعطا و (خالد) ی سرعسرک لکده ابقا ایدره ک بوجه آنی بوصره ده کوریلن لزوم اوزرینه آنی یمامه جانبنه مأمور ایتمشدر .

وقعة یمامه

(عکرمة بن ابی جهل) یمامه اوزرینه واروب حال بوکه (نی حنیفه) دن مسیلمة الکذابک یاننده قرق بیك قدر مرند مجتمع اولدیفنه نظرآ عکرمة ،

کيرومن کلك اوزره اولان شرحيلي بکله مک لازم کلورايکن عجله ايده دك محاربه يه طوتوشمش و بوزولمش ايدي .

آنک مهزما کيروه رجعتي ايسه سارغسا کر اسلاميه يه خوف و دهشت کتوره حکندن خليفه حضرتلری ، آتی عمان جهته مأمور اولان (حذيفه) و (عرفجه) ايله برلشمک اوزره اوطرفه اعزام ايدرك خالد بن الوليدي بمامه اوزرينه مأمور ائتمش و شرحيله دخي آنک معيقه و ارماسي ايجون اشعار ائتمش در .

حضرت خالد ، اشبو اون برنجي سنه هجريه شوالنده عسکري جمع ايدرك مدينه منوره دن چيقدی . فقط اطرافدن تجمع ايدجک عسکرک و رودينه انتظار ايله بطاحده بر آرز توقف ايتدی .

بو اتانده شرحيل ، عجله ايدرك مسيلمه ايله جنکه طونوشوب عکرمه کبي او دخي بوزولمش و برطرفه چکيلمش ايدي . خليفه رسول الله ، حضرت خالدک خط رجعتي محافظه ولدي الحاجه آکا اعانه ضمتنده بر مقدار عسکر سوق ائتمکله او حوالده تجمع ايدن سجاج دو کونتورلی ، طاعلمش اوندیفتدن خالد ، خط رجعتدن امين اولديي حالده ايلرو حرک ايله شرحيلي مقدمه . الجيشه مأمور ايدرك بمامه اوزرينه يوریدی . مسيلمه دخي عسکري جمع و ترتيب ايدرك جنکه حاضر لاندی و طرفين يکديکرمه ملاقي اوله رق بک شدتلي محاربه يه باشلاندي . ابتدا عسا کر اسلاميه بوزولدی . حني بني حنيفه ، حضرت خالدک جادرلرينه کيروب يقمايه قويولدی .

بعده ، عسا کر اسلاميه . دونوب شدتلي هجوم و اقتحام ائتمکله ني حنيفه ، بک فنا حالده بوزولدی و جوق عسکرلری تلف اولدی .

بو صرمده سيد الشهدا (حمزه) رضی الله عنه حضرت نرينک قاتلي اولان معهود (وحشی) حضرت حمزه يي شهيد ايلديکي حربه ايله مسيلمه الکذابي قتل ايتدی . غوغا و غائله دخي بيتدی .

بو مظفریت عظيمه نك هر طرفجه تاثيرات حسنه سي کورولدی . مسيلمه ، اتباعي اقراض بولدی . سجاجک دخي آدی او بوتولدی و کندوسی خيلي

مدت الجزیره ده بنی تغلب قبیله سی ایچنده قالدی ودها صکره نبوت دعواسندن واز کچهرک اسلام ایله مشرف اولدی .

- اشبو یمامه وقعه سننده بنی حنیفه نك تلفاتی یکر می بیکی واهل اسلامك شهداسی ایکی بیکی تجاوز ایتشد .

شهدانك اوج یوز آلتمش بوقدری مهاجریندن وبر اوقدری انصاردن و باقیسی تابعیندن ایدی . حضرت عمر ك بیوك برادری اولوب بو محاربه ده علمدار بولان (زید بن الخطاب) و حضرت زیرك برادری (سائب بن العوام) و خطیب نبوی (ثابت بن قیس الانصاری) و مشهور (ابودجانه الانصاری) و (ابو حذیفه بن عتبّه) ابو حذیفه نك معتی اولوب عقل ودرایت ایله معروف اولان (سالم) کبی کبار صحابه ویتشدن زیاده قرا هپ شهدا زمره سنه ملحق ایدیلر . صاغ قالانرك اکثری دخی مجروح ایدی . رضی الله عنهم اجمعین .

جمع القرآن

اصحاب کرامدن حافظ القرآن اولانلره (قرا) دینلوردی . بعضیلری دخی سور و آیات شریفه یی متفرق اوله رق ده ریلر و تختهلر اوزرینه یازمشلر ایدی .

بروجه مالا یمامه وقعه سننده يك جوق قرا ، شهدا اولوب حفاظ قرآن آزالدی و آرتق قرآن کریمك جمعه لزوم کورولدی .

بناء علیه حضرت عمرك اخطاری اوزرینه خلیفه رسول اللهك امریله وحی کاتیلرندن و فقهای صحابه دن (زید بن ثابت الانصاری) رضی الله عنه الباری حضرتلری ، هجرتك اون ایکه یی سنه سی خلالتده بذل مجهود ایده رك قرآن کریمی محیفه محیفه جمع ایدوب مجموعه (مصحف) دینلدی و خلیفه رسول الله یاننده حفظ ایدیلدی . آندن صکره حضرت عمرك یاننده و آنك دخی وفاسدن صکره ام المؤمنین حفصه رضی الله عنها حضرتلرینك خانه سننده محفوظ قالمشدر .

وقایع بحرین

بحرین جہتی سرعسکری اولان علا بن الحضر می رضی اللہ عنہ حضر تلیء
اوطرفہ کیدر کن یمامہ حداسنہ وارد قدہ بنی خیفہ دن و ملوک یمامہ دن (تمامہ
بن اثال) دیگر بعض مشایخ ابلہ برابر آکا تابع اولش و بنی تمیدن یانہ
کندی عسکرینک برملی قایلش و بوجہ تله اردوسی خلیجہ قوت بولش
ایدی . بکر بن وائل قیلہ سی ایچندہ ظہور و خروج ایدن (حطم) نام
شیخ المشایخ ایسہ مرہ تدر دن باشنہ کلینلو اشقبا جمع ایتدکن بشقہ فی الاصل
ایمانہ کلین مشرکر دخی آنک باشنہ طویلا نغلہ بر بویوک جمعیت تشکیل
ایدرک (حجر) و (قطیف) آره سندہ بر جسم اردو قورمش ایدی . بحرین
حکمدار لغہ انتخاب اولٹان (منذر بن نعمان) دخی آنک یانندہ ایدی . خطم ،
طرف طرف مأمور لر کوند رے رک مواقع لازمیہ تقویت ویرمش و (جُوانا) دہ
اہل اسلامی محاصرہ ایتدیرمش ایدی .

علا حضر تلیء ، طوغری آنک اوزرینہ واروب آکا قارشو اردو
قوردی واولجہ (جارود) ی دعوت ایش اولدیغندن اودخی عبدالقیس قیلہ سی
آلوب اورایہ کتوردی .

آندن باشقہ احوالیدہ اسلام اوزرہ ثابت قالانلر ، ہب علا حضر تلیزنک
یانہ طویلانندی . دارین اہالیسندن باشقہ بلاد بحریندہ نہ قدر مرہ
و مشرک وار ایسہ آنلر دخی (حطم) ک یانہ طویلانندی وایکی طرف دخی
اردولرینک اطرافہ خندق چوروب شدید ومدید بر محاربہ باشلانندی .
ہر کون ، طرفین میدانہ چیقوب مقاتلہ ایدر ویورولد وقرندہ اردو .
کاہارینہ کیدر ایدی . نیچہ کونلر محاربہ ، بوجہ تله متمد اولدی . نہایت بر
کیجہ مشرک و مرہ تدرک سرخوش اولدقلری تحقیق اولتہرق عسا کر اسلامیہ ،
شبخون ایدوب خندقدن ایجری کیردیلر و آنلرہ ایچہ بر قلیج اوشوردیلر .
نہ خطم قالدی ، نہ منذر قور تولدی . جمعیتلری طاغیلدی ، کیکی مقتول

وکیمی اسیر اولدی . بقیه‌سی تارمار اوله‌رق برر طرفه فرار ایتدی . فقط بر قسمی قایقلره را کبّا (دَربَن) کیتدی .

• بونک اوزرینه علا حضرتلری ، هر طرفدن منهزمینک یوللرینی طومتق اوزره بکر بن وائل قبیله‌سندن اسلام اوزره ثابت قالانلره و (حصه تمیمی) یه و بنی شیبان قبیله‌سی مشایخندن مشهور (مثنی بن حارثه) یه یازدی و اموال غنائمی غزاته تقسیم ایتدکدن صکره دارینه عزیمت ایلدی .

لکن آراده پک واسع بر خلیج وار ایدی . حال بوکه الده قایق یوق ایدی . همان عسکره خطاباً « غازیلر ! الله تعالی حضرتلری ، سزه قره‌ده آتانی کوستردی تا که بجرده دخی آندن عبرت آله‌سکر . هایدی دشمن اوزرینه یوروپکیز و دریاپه کیریگز » دیو بیوردی و آتانی صویه اوردی . عسکری دخی کیمی آت ، کیمی ده‌وه صیرتنده اولدقلری خالد صویه اوردیلر وهب بر آغزندن (یا ارحم الراحمین یا کریم یا حلیم یا احد یا صمد یا حی یا قیوم یا قیوم لا اله الا انت یا ربنا) دیو دعا ایدرک او بیوک خلیجی قوم اوزرنده یورور کچی کچدیلر و دشمنه چاتوب درجنک اول غالب کله‌رک دارین اهاالینسی قتل عام و عیال و اولاد و ماللرینی اغتنام ایتدیلر .

اموال غنائمک خمسی بعد الاخراج باقیسی بین الغزات تقسیم اولندقدنه سواریلرک حصه‌لری آلتیشر بیک و پیاده‌لرک حصه‌لری ایکیشر بیک درهمه بالغ اولمشدر .

بکر بن وائلک مسلمینی و حصه تمیمی و مثنای شیبانی دخی اوراپه کلش اولدقلرندن برلکده بحرینه عودت ایلدیلر .

بوقتوحات عظیمه ، هب خلیفه رسول‌اللهک تدایر صائبه‌سی آتارندندر . لکن خالد و علا کچی کوزل و سائط اجراییه‌سی دخی وار ایدی .

جباب حق ، حیب ا کریمی حرمتنه او عصرده بویله فوق‌العاده ذاتلر یاراتمش و آنلرک وساطتیه شریعت محمدیه‌ی اعلا ایتمشدر .

احوال عُمان و مهره و يمن

یوقاروده بیان اولوندینی اوزره (عکرمة بن ابی جهل) یمامه سفرنده منہزم اولدقدہ خلیفہ رسول اللہ ، آنی عمان طرفہ کیدوبده (حذیفہ) و (عرفجہ) ایله بولوشمق و عمان ایشلرینی بیتیردکن صوکرہ یمہ وارمق اوزره مأمور بوورمشیدی .

حذیفہ و عرفجہ ، هنوز عمانہ وارمادن عکرمة ، اثنای راہده آنلره یتیشدی و برلکده عمانہ قریب اولان (رِجَام) نام محلہ واردقلرنده (جیفر) و (عبد) ایله مکاتبہ ایتدیلر .

رئیس مرتدین اولان (لقیط) کنسیدی اوزرینه عسکر کلدیکنی لدی الاستماع عسکرینی (دبا) قصبہ سنہ طویلا یوب اردو قورومشیدی .

(جیفر) ایله (عبد) دخی (مُحَار) ده اردو قوردیلر و (عکرمة) و (حذیفہ) و (عرفجہ) یی ایلری سوق ایتدیلر . (دبا) اوزرینه کیتدیلر .

دباده ، لدی الملاقات غایت شدتلی بر محاربه وقوع بولدی . عسا کر اسلامیہ ، هان رجعت ایلک اوزره ایکن (بنی ناجیه) و (عبدالقیس) قیله لرندن امداد کلدی . دشمن بوزولدی . مرتد لک اون بیک مقداری قیریلدی .

عسا کر اسلامیہ پک چوق غنائم آلدی . خمسی (عرفجہ) ایله مدینہ منوره یه کونده ریلدی و (حذیفہ) عمانده قالدی .

اما (عکرمة) عمان اها لیسندن و دیگر قبائل و عشایردن خیلی عسکر جمع ایدرک (مهره) یه عازم اولدی .

اوانتاده (مهره) اها لیسى، ایکی فرقه اولوب یکدیگریله منازعه ایتکده ایدیلر . برفرقه سی (عکرمة) یه تابع اسلام ایله مشرف اولمغله هان فرقه اخری اوزرینه هجوم و غلبه اولوندی ، پک چوق اموال غنائم آلیندی .

بومظفریت اوزرینه جواریه کی نواحی اهایسی هب اسلامه کلدی ،
اوحوالی دخی مرتدلردن تخلیه وتطهیر قیلندی.

بعده عکرمه ، (مهره) دن دخی خبلی عسکر جمع ایدهدک بر جسم
فرقه ایله یمنه واردی . (مهاجرین امیه) دخی مکه وطائفدن عساکر
کثیره ایله یمنه کیتمش اولدیفندن آز وقت ظرقنده یمن مرتدلری دخی
قهر وتدمیر ایدیلشدر .

بوصورتله ، هر طرفده ارتدادغانلهسی برطرف اوله رق بیت الماله عائد اولان
واردات ، بیدربی مدینه منوره یه کلور اولدی و امارت اسلامیه قوت بولدی.
ایرانه تابع اولان (حیره) حکومتی ایله قیصره تابع اولان حکومت
(غسانیه) دن باشقه هب عربلر دائره اسلامه داخل اولدی .

غزوات عراق

بروجه بالا ، ارتداد غانلهسی بر طرف اولمغله ایرانه تابع اولان بلاد
عربک فتی زمانی کلشیدی .

حال بوکه ، بحرین سفرنده (علا بن الحضرمی) معینده بولسان
(مثنی بن حارثه الشیبانی) خلیفه رسول اللهدن رخصت آلارق عراق
عرب الکاسنده غزا ایله مشغول ایدی .

اشبو اون ایکی سنه هجریهسی محرمده خلیفه حضرتلری (سیف الله)
یعنی (خالد بن الولید) رضی الله عنه حضرتلری عراق عربک فتحنه مأمور
بووردی . (مثنی بن حارثه) ایله دیگر بعض مشایخه دخی (خالد بن الولید)
معینه وارمالری ایچون تحریرات کوندهردی .

حضرت خالد ، اون بیک سواری ایله کیتدی . (مثنی) ایله رفیقلری
اولان شیخلردخی سکز بیک سواریلر کلوب آکا التحاق ایتدی. عساکر
اسلامیه مک مقداری اون سکز بیکه واردی .

خالد حضرتلری ، سواد عراقدن (باقیا) و (برسوما) نام ایکی قریه یه واردقده اهلایلری ، اون بیک آلتون جزیه ویرمک اوزره امان دیله دیلر . او دخی موافقت ایدهدک آلتونلری آلوب مرکز ایالت اولان (حیره) یه کتیدی . حیره والیسی (ایاس بن قیصه الطائی) دخی اشراف بلده ایله جیقوب طقسان بیک آلتون جزیه ویرمک اوزره عقد مصالحه ایلدی .

ایاسک بو وجهله مصالحه سی ، دولت ایرانیه نزدنده ققیح اولونارق عزل ایله یرینه امرای ایرانیه دن (زازویه) نام مرزبان (حیره) والیسی نصب اولمشدر .

حضرت (خالد) ایسه (حیره) دن حرکتده (مثنی) یی مقدمه الجیشه مأمور ایتدی و دیگر بر قولدن (عدی بن حاتم) ی یوروتدی . کندوسی دخی آنلرک آرقالرندن یورودی و (حفیر) ده طوبلانمق اوزره آنلره تعلیمات ویردی .

او جهتک ، مرزبانان اولان (هرمن) که دولت ایرانیه نلک اک بویوک رتبه سی حائز ایدی و برآ عربلرله محاربه و بحرآ هندستانه سفر ایدردی . حضرت (خالد) ک حرکتی لدی الاستماع کیفیتی دولته عرض وانها ایله برابر عسکرینی جمع ایدوب ایران شهزاده لرندن و مشهور قهرمانلرندن (قباد) ایله (آتوشجان) ی برر جناحه مأمور ایدهدک مقابله یه شتاب ایله عساکر اسلامیه دن اول واروب (حفیر) موقعی طوتدی .

حضرت خالد ، آنی کوروب (کاظمه) طرفه میل ایتدیسده هرمن ، هم بهادر و هم فن حربده ماهر بر سردار اولوب ده اول کاظمه یه ورود ایله صو محلی ضبط ایتدی .

سیف الله دخی واروب آکا قارشو اردوسنی قوردی و ایلرویه آت سوردی ، هرمنه میدان اوقودی . هرمن دخی آکا قارشو بالذات میدان مبارزه یه چیقدی .

ایکی سر عسکر ، آتلرندن اینوب یاا اوله رق یکدیگره حله ایتدیلر .
ایکیسینک حله سی دخی بوشه کیتدی . سیف الله ، هان هر مزی قوجا قلابوب
آلت ایتدی و کارینی تمام ایتک اوزره ایکن هر مزك آدملی حضرت
خالده غدر ایتک اوزره سکیرتدیلر ایسه ده (قعقاع بن عمرو التیمی) هجوم
ایدرك آنلری قتل ایتدی . سیف الله ایسه هیچ تلاش ایتیه رك هر مزی
اعدام ایله البسه سی آلدی . یالکز تاجی یوز بیكلك ایدی . چونکه ایرانده
بویه مراتب بشریه تك منتهاسی اولان رتبه یه چیقانلرك یوز بیكلك تاج
کیه لری ، دولت ایرانیه تك تشریفاتی اقتضاسندن ایدی .

بو دهشتلی واقعه اوزرینه ایران اردوسی بوزولدی و عسا کراسلامیه ،
آرقه لرینه دوشمکله آنجی آتی یوروک اولانلر قورتولدی .
سیف الله ، مژده مظفریت ایله برابر اموال غنائمک خسنی خلیفه
رسول الله ارسال ایتدکدن صکره ایلرو حرکت ایله مؤخرأ بصره شهرینک
بنا اولندیینی محله قوندی .

منای تعقیب اعدا ایچون ایلرویه و (مَعْقِل بن مقرن) ی (اُبَلَه)
جانبه کونده ردی .

بو طرفده کی (ابله) بحر فارسک شمالاً منتهاسنده و بصره موقعی جهتنده
بر بلده ایدی .

اقدیجه هر مزه امداد ایچون ایرانک ینه یوز بیكلك تاج کین سردارلرندن
(قارن) نام سردار ، بر اردو ایله کسری طرفندن اعزام قلمشیدی .

قارن ، عسکریله کلورکن انشای راهده بوزغون عسکرله قباد وانوشجانه
تصادف ایتدی . آنلری ده کندی عسکرینه قاتدی و ایلرو حرکت ایتدی .
یکیدن محاربه یه کیریشیلدی . بوکره قارن ایله برابر قباد وانوشجان دخی
میدان مبارزده مقتول اولدی .

ایران اردوسی ده فنا صورتله بوزولدی . اوتوز بیک قدر عسکرلی
قیریلدی . آندن باشقه برچونگی دخی قاچار ایکن سولرده بوغولدی . عسا کر
اسلامیه ، بک چوق اموال غنائم آلدی . خلیفه رسول اللهک امر و تعلیماتی

اقتضاسندن اولديني اوزره بو محاربه لرده محارب لردن اله كچار ، اموال و عيال لري ايله برابر اسير ايديله دي . اما ارباب فلاح ت ، جزیه كذار قلوب آنلر ، هر دلو تعرضدن محفوظ قالدی .

(وَجْهَ) و (لیس) [] محاربه لری

بروجه بالا ایکی بویوک مرزبان و شهزاده لردن ایکی مشهور قهرمان ايله برابر بونجه عساكر ايرانك تلف اولماسی ایرانلری تلاشه دوشوردی . دولت ایرانیه همان (اَنْدَرَزْغَر) نام قهرمانی کونده ردی و آرقه سندن (بهمن) نام سردار ايله برده مکمل اردو چیقاردی . اندرزغر ، (حیره) ايله (گسگر) آره سنده کی عربلردن وسائر طرفلردن کلتی عساكر طویلا یوب (وجه) نام موقعده بر بویوک اردو قوردی .

سيف الله ايسه خلال صفرا الحیره ييلديریم کي ايريشوب آنلری اوردی ، قلیجدن کپیردی .

اندرزغر ، بقیه السیوف ايله برابر قاچار ایکن صوسزلقدن تلف اولدی . ارباب فلاح ت ، ینه جزیه کذار اوله ق تعرضدن مصون قالدی . اما محارب لار اسیر ايديله ديکی صره ده بی وائل نصاراسندن (بُجیر) ايله (اسود عجلی) نك اوغوللری دخی اسیر اولدی .

بی وائل نصاراسی ، بوندن طولای حدتلندیلر و (اسود عجلی) بی کندولرینه قوماندان نصب ایدرك انبار قریه لرندۀ نهر فرات اوزرنده واقع (لیس) نام قریه ده طویلان دیلر .

اوانسانده سالف الذکر (بهمن) قیشنا نام محله بولغله همان (لیس) ده کی نصارا عرب اردوسته وارماسی و او طرفه کیتک اوزره بولتان (جابان) نام سردارک وصولنه قدر توقف ايله محاربه یه کیریشیلیمه سی ایچون کندوسته کسری طرفدن امرنامه کونده دیلشیدی .

[*] (معجم البلدان) ده (اَلْبَیْس) و (اَلْبَیْس) شکلنده مرردر .

بهمین، حال حاضر ك خطرناك اولديغنى آكلایوب نه پایاجغنى شاشیرمقله
بالمشاوره تعلیمات موضحه آلمق اوزره پای تحت ایران اولان مداینه کیتدی
و کغدوسنك عودتنه قدر حربه کیریشلمه مسنی (جبان) . توصیه ایتدی .

جبان ، عسکری استصحاب ایله خلال سفرده (لیس) موقعنه واردی
واوراده مجتمع اولان نصاری عرب یاننده اوردوسنی قوردی .

ایرانلیر ، هنوز طعام ایچون سباطلرینی سرمشار ایکن عسا کر اسلام
ایله (سیف الله) کوروندی . رؤسای ایران ، عجبا همان جنکه کیریشلم می،
یوقسه عسکری طوور ووبده صکره می جنك ایده لم ؟ ، دیدکلرنده جبان
« ا کر سزه میدان وریرلر ایسه یمک ییه بیلورسکر » دیر ایکن حضرت
(خالد) ایریشوب اردوسنی قوردی وهمان میدان مبارزه کیردی .

رؤسای عربدن (مالک بن قیس) آکا قارشو چیقدی . سیف الله ،
درحال آنی اولدوردی .

بونك اوزرینه عربلر پینده محاربه قیزشدی . ایرانلیر دخی براوغوردن
حربه کیرشدی . همان بهمین کلوب ایریشور امیدیه چوق ثبات وشدتلی
مقاومت ایلدیلر . لکن نهایت بوزولدیلر وپك چوق قیریلدیلر . قان ، سیل
کبی روان اولدی . مشرکین ایران ایله نصاری عربك مقتوللری یتش بیکه
واردی .

اوکون میدان محاربه سراپا آل قاته بویاندی ، غایت واسع بر لاله زاره
دوندی . اولاله زارک بر اوجنده ایرانلیرك بیاض یوققه لر ایله طونادلش
سباطلری دخی یر یر بیاض چیچکلر ایله طونادلش طرخلره بکزدردی .
حضرت خالد ، آنلر ایله عسکرینه بر مکمل ضیافت ویردی .

عربلر ، الک استعمال ایتمدکلرندن اونی کپکندن آیرمقسزین پیشیریر-
لردی واکثریا یدکلری آرپه اکمکی ایدی . خالص بغدای اونندن یاپلش
بیاض اکمک و یوققه بیلمزلردی . بو بیاض یوققه لری کورونوجیه جیلان
ده ریسندن یاپیلش یازی کاغدی صاندیلر « بویاض ده ریلر ندره ؟ » دیدیلر .
لکن طاندیلر ، حظ ایتمدیلر و آندن صکره بیاض یوققه ده داداندیلر .

حضرت خالد ، عسکری طویردقدن صکره طورمبوب (آمغیشیا)
بلده سنه کتدی . اھالیسی ، بر شی آلمغه وقت بولامبوب قاچدیلر . بالجله
تجمعات وسائر اموال واشیالری میدانده قالدی . عسا کر اسلامیه ، سائر
یرلردن زیاده اموال وغنائم آلدی .

بعده حضرت خالد ، امغیشیا بلده سنی خراب ایتدی ومژده مظفریت
ایله اسرآنک و اموال غنائمک مقدارینی درگاه خلافته بیلدی .
ایشته اوزمان ابوبکر صدیق رضی الله عنه حضرتلری ، « قادینلر ، خالد
کبی برار طوغورمقدن عاجزدر ، دیو بیوردی .

فتح حیره

بروجه بالا (خالد بن الولید) رضی الله عنه حضرتلری ، امغیشیا بلده سنی
تخریب ایتدکن صکره خلال ربیع الاولده (حیره) ی فتح ایلشدر .
شویله که : امغیشیادن احوال و احوالی سفینه لره تحمیل ایله (حیره) به عزیمتده
(حیره) والیسی اولان (زازویه) حیره خارجنده اردوسنی قوروب مقابله به
حاضر اولمش و اوغلی واروب (فرات) ک صوینی کسمکله سفینه لر قرده قالمش
ایدی . لکن سیف الله ، همان سواری ایله سگیرتدی ووالینک اوغلنی فرات
(بادقلی) ی اوزرنده بولدی . آتی و آدملرینی قتل ایتدی .

زازویه ، او صرده اوغلنک قتل اولندیغنی ایشیتمکله برابر ایرانده ینه
اختلال وقوع بولدیغنی خبر آلمغه همان حیره یی ترک ایتدی وایرانه کتدی .
حضرت خالد دخی واروب اونک اردوکاهنه قوندی . حیره والیسی ، دخی
قلعه کبی مستحکم اولان قصرلرینه و دیروکلیسالره قیاندی .

حضرت خالد ، آنلری حصر و تضییق ایدوب عسا کر اسلامیه دخی
طرف طرف هجوم ایدرک قبولری قیرمه باشلادقلرندن ناچار قلوب جزیه
ویرمک اوزره امان دیله دیلر . سیف الله دخی امان ویردی .

او ائناده ایاس طائی ، قصرلرک برنده ایمش . جیقوب اشراف بلده ایله
برابر حضور خالده کلدیلر . مشهور (عبدالمسیح) دخی آنلرله برابر ایدی

وسوز سوله بن اوه ایدی. عبدالمسیح ، چوق زمان معمر اولوب حتی جزء اولده بیان اولدینی اوزره (نوشروان) طرفندن تعیررؤیا ایچون (سطیح)ه کونده ریشدر .

حضرت خالد ، آکا « قاج سنه یاشادک ؟ » دیو صوردی « برقاچ یوز سنه ! » دیو جواب ویردی و کوردیکی عجاییدن سؤال ایتدکده « آنی کوردم که حیره ایله دمشق آره سنده کویار دیزلشدی . بر قادین ، یانه یالکز برچوره آلوب (حیره) دن (دمشق)ه قدر کیدردی ، دیدی .

بعده جزیه نک تعین مقداری بحثنه کیشیلدکده حیره لولر، یوز طقسان بیك آلتون ویرمه که راضی اولدیلر . فقط آندن باشقه حضرت خالد ، عبدالمسیح قیزی (کرامه) نک (شریک) نام ذاته تسلیمنی دخی شرط قیلدی . بو ایسه آنلره پک آغیر کلدی .

سببی بو ایتمش که : شریک ، مقدا (کرامه) پی کنج ایکن کوروب آکا میل ایتمش ایتمش . فخر عالم صلی الله علیه وسلم حضرتلری ، امتنک (فارس) ی و (حیره) پی فتح ایدمه جکنی اصحاب کرامنه تبشیر بویوردینی زمان (شریک) دخی حضور سعادته بولمغله (کرامه) نک کندوسنه ویرلمسنی نیاز ایدوب طرف نبویدن دخی وعد بویورولش .

بو کره (حیره) فتح اولوندقده شریک ، حضور خالده ، اووعدی شهود ایله اثبات ایلمش اولدیفندن حضرت خالد ، بو وعد نبوی پی افاده مجبور اولدی و حیره لولر ، بوندن امتناع ایتدکده « ایشی تصعیب ایتمه یکنز . قیزی بکا کتوریکز . بر بدله ربط ایله تخلص اولونور ، دیدی . آنلر دخی (کرامه) پی کتوردیلر و خالد ، آنی (شریک)ه تسلیم ایله وعد نبوی پی یرینه کتوردی . بر مناسب بدله ربطی (شریک)ه تکلیف اولوندقده بیك درهم ایستدی . درحال وروب (کرامه) پی کیر و آلدیلر . (عبدالمسیح) کبی مشهور برذاتک قیزینه بیك درهم بدل آاز اولدیفندن بعده (شریک)ه لوم ایتدکلرندن « بیکنن زیاده صایی اولدیفنی بیلزمدم » دیه اعتذار ایلشدر .

حیره نك فتحندن صكره ظهوره كلن وقوعات

حیره نك، فتحی اوزره دینه اطرافنده کی شیخار و مختارلر، همان (حیره) به کلوب عرض اعتقاد ایله ویرکولرینك مقداریخی تعیین ایتدکلرندن طرف به طرف کونده ریلن مأمور واسطه سیله واردات مذکوره اللی کون ظرفنده تحصیل و بیت المال ارسال اولمشدر .

(ضَرَارُ بنِ الْأَزْوَ) و (ضَرَارُ بنِ الحَطَّاب) و ((قعقاع) و (مثنی) برر فرقه ایله (دجله) سواحله قدر ایلغار ایله بلاد ایرانیه بی غارت ایلدکلری سرده حضرت (خالد) دخی مکتوبلر تحریر وارسال ایله ایرانیلری دین اسلامه دعوت ایلکده بولمشیدی .

فتح انبار

خندق ایله محاط و مستحکم اولان (اَنبَار) بلده سی که ایرانیلرک ذخاری اوراده در انبار اولونور و دائماً اوراده کلیتو ذخیره و سائر بولونور ایدی . امرای ایرانیه دن (شیرزاد) اوراده محافظ ایدی .

سيف الله حضرتلری ، حیره ایشلرینه نظام ویردکدن صكره اردوسیله واروب انباری محاصره ایتدی و اوقجیلری جمع ایله محصورینك کوزلرینی نشان آلمق اوزره تنیه ایلدی .

اوقجیلر ، هب بردن اوقلرینی آتدیلر و آرقاسی کسمیوب متوالاً بلده بی اوقه طوتدیلر . بیک قدر محصورینك کوزلرینی کور ایتدیلر .

شیرزاد ، (ویره) ایله (انبار) ی تسلیمه راضی اولدیسده در میان ایتدیکی شرطلره (سيف الله) راضی اولمادی و ضعیف ده وه لری کس دیروب آنلر ایله خندق طولدورتدی . اوزرلرندن عسکر یوروتدی . محصورین دخی خندقده عساکر اسلامیه یه قارشو کلدی ایسه ده شیرزاد ، باشه جیقاما یه جغنی جزم ایله یالکز حیاتی تأمین اولنق و کندوسی ، یانه اموال

واشياندن بر تسنه آلاماق شرطيله بلده نك تسليمه راضى اولدى . بو شرط ايله بلده (انبار) ى جميع اموال واشيامى ايله (سيف الله) تسليم ايتدى .
« قوشجه جاتم آزاد ! » مثلنجه قورتولوب (بهمن) ك ياتنه كيتدى .

فتح عين التمر

سيف الله حضرتلرى (زبرقان بن بدر) نام شينخى (انبار) محافظه سنده
براقوب كندوسى (عين التمر) قلعه سى اوزه رينه كيتدى .

اوراده (بهرام چورين) ك اوغلى (مهران) كلتيلو ايران عسكريله
محافظه ايدى . (عقه) نام شيخ المشايخ دخی (بنى نمر) و (بنى تغلب)
و (اباد) وسائر قيله لر دن كللى عرب عسكريله برابر آنك معيننده ايدى .
عقه ، (مهران) خطاباً : « عرب ، عربك حالى دها اعلا بيلور .
سن خالدی بزه براق ، ديمكله اودخی مع الممنونيه قلعه ده قلوب (عقه)
عسا كر عرب ايله حضرت خالده قارشو كلدى .

عقه ، ميدان حربيه كلوب صفلرينى دوزمه لدير ايكن حضرت خالد ،
سگيرتدى و آنى قوجا قلايوب اسير ايتدى . عرب عسكرينك هنوز صفلى
دوزمه لدن بوزولدى و چوغى اسير اولدى .

مهران ، بونى خبر آلدينى كې قلعه دن چيقوب ايران عسكريله برابر
فرار ايتدى . بوزغون عرب عسكرى قلعه يه كيرديلر . لكن محافظه
ايدمه مدكلرى جهته خالد كيردى ، جمله سنى قليج دن كچيردى ، (عقه) يى دخی
اولدوردى . بو محاربه ده قدامى مهاجريندن (عمرو بن رثاب سهمى)
وانصار كرامدن (بشر بن سعد) رضی الله عنهما شهيد اولشلردر .

وقعة دومة الجندل

بروجه بالا ، (عين التمر) قلعه سنك قحى عقبنده شام طرفنده كى
فصاراى عربك قحض عهد ايلدكلرينه دائر (دومة الجندل) موقعنده امير

عسکر اسلام اولان (عیاض بن غنم) طرفندن مکتوب لککله سیف الله،
او طرفه توجه ایتدی .

دومة الجندل، ناحیه سی (اُکیدربن عبدالملک) و (جودی بن ربیعہ)
نام ایکی رئیسک حکمنه تابع ایدی . یانلرینه (کلب) و (غسان) و (نوخ)
قیلهرلرندن وسائر قبائل عربدن عساکر کلیه تجمع ایتشدی .
اکیدر، سیف اللهک حرکتی ایشیتدکده مصالحه ایتک ایسته مش
ایسه ده دیکرلری آکا موافقت ایلدیکندن او دخی (دومة الجندل) دن
چیقوب کیدرکن (سیف الله) طرفندن کونده ریلش اولان بر چته، آنی
و آدم لرینی قتل ایله اموالی اغتنام ایتشدردر . سیف الله (دومة الجندل) .
کلوب بر طرفه قوندی . (عیاض) دخی دیکر طرفنده ایدی . (جودی)
عیاض اوزرینه بر فرقه سوق ایدوب کندوسی (سیف الله) . قارشو کلدی .
لکن (سیف الله) ک هجومه مقاومت ایدمیوب عسکری بوزولدی
و کندوسی اسیر اولدی . دیکر فرقه دخی بوزولدی . منهزم عسکر، قلعه یه
التجا ایلدیلر . لکن قلعه او قدر غلبه لکی آلمایوب چونغی طیشاروده قالدی .
کیمی مقتول و کیمی اسیر اولدی . (خالد) بو اسیرلرک اکثرینی حتی
(جودی) نی قتل ایتدی و اولاد و عیال لرینی اسیر ایلدی .
(جودی) نک حسن و جمال ایله موصوف اولان قیزی صاتون آلدی
و بر مدت (دومة الجندل) ده قالدی .

بقیه وقایع عراق

خالد بن الولید رضی الله عنه حضرتلری، دومة الجندلده بولوندیغی زمان
ایرانلر (حیره) نک استرداد ایملنه دوشدیلر و (انبار) اوزهرینه
(زرمهر) و (روزبه) نام سرکرده لر ایله برر فرقه کونده ردیلر . بو ایکی
فرقه (حصید) نام موقعده برلشدیلر . (بهوذا) نام سردار دخی بر
فرقه ایله (خنافس) موقعی طوتدی .

بروجه بالا ، (عین التمر) وقعه سنده (عقه) نك قتل اولنفسدن طولای
 حدتلمش اولان الجزیره عرباندن (هذیل بن عمران) ، (مصیح) ده
 وه (ربیعہ بن بحیر التغلی) ، (رُصافه) نك جانب شرقی سنده واقع (ثنی)
 و (بشر) یعنی (زُمیل) نام موقعلرده کلیتو عربان ایله قومش و (زرمهر)
 و (روزبه) ایله برلشمك نیتندہ بولنش ایدیلر .

بو بش فرقه ، برلشدیکی تقدیرده ایران و عرب عسا کردن مرکب
 بر جسم اردو تشکیل ایدرلردی . لکن طولانمغه دکل ، داورانمغه وقت
 بولامادیلر .

شویله که : حضرت خالدك (حیره) ده قائممقامی اولان قعقاع تیمی ،
 (زرمهر) ایله (روزبه) ك حرکتلرینی ایشیتدیکی کبی آنلره قارشو ایکی
 فرقه کونده رمشیدی .

متعاقباً ، دومة الجندلدن سیف الله کلدی وهمان برر فرقه ایله (قعقاع) ی
 حصید اوزهرینه و (ابولیلی بن فدکی) بی خافس اوزهرینه کونده ردی .
 قعقاع تیمی ، حصیده واردی . میدان مقاتله یه کیردی (زرمهر) ی
 اولدوردی . متعاقباً (روزبه) دخی مقتول اولدی . ایران اردوسی
 بوزولدی ، ایچلرندن پك چوق تلفات وقوع بولدی . عسا کر اسلامیّه ،
 کلّی اموال غنائم آلدی .

ایرانلرک بقیه السیوفی ، خفافسه فرار ایتدی . (ابولیلی) ایسه
 قره قوش کبی اورایه اینك اوزره اولدیغندن (بهبودا) اورادن کوچوب
 (مصیح) ده بولنان (هذیل) ك یاننه کیتدی .

سیف الله ، بو وقوعاتدن آگاه اولدینی کبی (مصیح) ده متوجه
 اولدی و ده فلان کیجه فلان ساعتده اوراده برله شلم ، دیو (قعقاع) ایله
 (ابولیلی) یه تخریرات کوندردی .

وقت معینده اوچی دخی (مصیح) ده برلشدیلر . (هذیل) ایله
 یاننده کی رؤسا و عسا کر او یقوده ایکن آنلری اوچ طرفدن باصدیلر ،
 اکثرینی تلف ایتدیلر . هذیل ، پك آز آدم ایله فرار ایده بیلدی .

(عبد العزى بن ابى رهم) ايله (ليد بن جرير) كه مقدما اسلام ايله مشرف اولوب حتى اسلامرينه دائر يانلرنده (ابو بكر الصديق) رضى الله عنه حضرت نرينك مكتوبى دخى وار ايدى . (هذيل) ك ياننده بولنمش اولدقلرندن ايكيى دخى بو وقعهده قتل اولونديلر . حضرت صديق اوليه بر خطا وقوع بولديغى خبر آلدينى كى ايكيىسك دخى بيت مالدين ديتلرغى ويرمش واولادى وعياللرغى توصيه بويورمشدر .

حضرت عمر رضى الله عنه (مالك بن نويرة) كى بونلرك قتللى دخى حضرت خالد اسناد ايلر ، حضرت صديق دخى « اهل شرك ايله قونوب كوچنلر ، بويه قضايه اوغرايه بيلور » دير ايدى .

سيف الله ايسه ، مذكور معركه دن صكره هيچ توقف ايتيىوب (ربيعه بن بجر تغلبى) نك بولوندينى (تى) موقعنده برلشمك اوزره (قعقاع) ايله (ابوللى) يه بر ساعت تعين بووردى و آنلرى يوله چيقاردى . تعين اولنان وقت وساعته اوچى دخى (تى) موقعنده برلشوب ينه اوچ جهتن (ربيعه) فرقه سنى باصديلر . جله سنى قيرديلر ، كسديلر . ايجلرندن ديل قورتولمادى . كافه اولاد وعياللرى اسير اولدى وماللى اغتنام ايديلدى . حضرت خالد ، اموال غنائمك خمسنى مدينه منوره يه كوندهردى .

ربيعه نك قزى (صها) دخى بو اسيرلر ايجنده بولونوب حضرت على رضى الله عنه ، آنى صاتون آلمش وآندن (عمر) نام اوغلى ايله (رقيه) نام قيزى اولمشدر .

هذيل ، بروجه بالا (مصيح) دن فرار ايلدكه كللى عرب عسكريله (زميل) ده بولنان (عتاب بن فلان) ك يانه فرار ايتمشدى .

حال بوكه : آنلر ، هنوز (ربيعه) وقعه سنى طويتادن حضرت خالد ، بقتة اورايه واردى . آنلرى ييلديرىم كى اوردى . اكثرينى قليجبدن كچيردى و اموال غنائمك خمسنى دركاه خليفه يه كوندهردى .

بعده زميلدن حركت ايله (عتاب بن عقه) نك بولندينى (رضاب)

نام محله سگیرتدی . لکن عتابك یاننده کی عربان ، طاغیلوب کندوسی دخی فرار ایلش اولدیفنه مبنی همان رضابدن حرکت ابتدی و شهر رمضان کلوب عسکر دخی یورغون اولدیفندن (قراض) . واردی . عسکره استراحت ویردی .

قراض ایسه ، ایران و (روم) و (الجزیره) سرحدی اولدیفندن حدود محافظه سنه مأمور اولان عساكر رومیه ، عساكر اسلامیه نك بورایه قدر کلوب صوقولدقلرینه قیزدیله و او جوارده بولنان عساكر ایرانیه بی دعوت ایدوب آنلر دخی روملر ایله برلشدیلر . (تغلب) و (ایاد) و (نمر) عربانی دخی کلوب آنلره قاریشدیله و پك جسم بر اوردو تشکیل ایله عساكر اسلامیه نك آلت طرفندن فرائی بکدیله .

روملر « بوکون کیملر ثبات ایده جك و کیملر فرار ایلیه جك ایجه آ کلاشیلسون » دیرهك مریدن آیریلدیله و شدت ایله محاربه یه قویولدیله . لکن خالدهك هجوملرینه دایانامیوب پك چوق تلفات ویرهك دیگرلرندن اول بوزولدیله . حضرت خالد ایسه « آرقه لردن آیریلایکیز » دیو عسکره امر ایتمکله روملر ، فرار ایدرکن دهها زیاده تلفات ویردیله . مقتوللرینك مجموعی یوز بیکه بالغ اولدی .

حضرت خالد ، ذی القعدة یه دك قراضده اقامت ایلدکدن سکره حیره یه عودت امرینی ویردی . (شجرة بن الاغر) ی ساقیه ، یعنی دمداره مأمور بیوردی و کندوسنی ساقده برابر کیدیورکبی کوستردی . حال بوکه بعض خواص اتباعیله خفیاً قراضدن آیریلوب جاده لردن انحراف و دره ، تپه سیر ایله مکیه کیتدی ، کیزلوجه حج ایتدی . دوندی ، حیره یه کلدی و طورمیوب همان بر فرقه ایله بر طرفه مثنایی کوندردی بر طرفدن دخی کندوسی ایلفار ایتدی . بغداد بازارینی و (قطربل) و (تل عقرقوف) طرفلرینی غارت ایلدی .

حضرت خالد ، طورماز ، اوتورماز ، آرام و راحت بیلمز و منلی بولناز بر سر عسکر ایدی . لکن خود بخود اردوسندن آیریلوب ده مکیه کیتسی

خارج از اصول بر حرکت نامقبول اولدیغندن خلیفه حضرتلری ، آنک بو حرکتی اوکرندیکی کبی کندوسنه عتاب و توبیخ ایلشدر .
 صکرده بر نوع جزا اولق اوزره زیرده بیان اولته جنی وجهله .
 مأموریتی عراقدن شامه تحویل بیورمشدر .

اون اوچنجی سنه هجریه وقایعی

بالاده بیان اولندینی اوزره خالد بن الولید رضی الله عنه حضرتلری ، ایران عساکری و الجزیره عربانی ایله جنک ایدرهك سرحد رومه کلدکده عساکر رومیه ایله بر بیوک محاربه ایتمش اولدیغنه نظراً روملر ایله دخی جنکه باشلامش اولدی .

ایرانه تابع اولان حیره ولایتی عربلری اله کجدیکی کبی قیصره تابع اولان عربلرک دخی دائره اسلامه آلینلاری زمانی ککشیدی .

بناءً علی ذلک ابوبکر الصدیق رضی الله عنه حضرتلری ، قریب وبعید محللردن اهل سینی غزایه دعوت بیورمغله اشبو اون اوچ سنه سی اوائلنده هر طرفدن مسلمین ، فوج فوج مدینه منورهیه توارد ایدر اولدیلر . آز وقت ظرفنده خیلی عسکر تجمع ایدرک مدینه منوره خارجنده اردو قوریلوب وعشره مبشره دن (ابو عبیده بن الجراح) رضی الله عنه حضرتلری چیقوب آنلره امامت ایلردی . خلیفه حضرتلری ، (خالد بن سعید بن عاصی) رضی الله عنه حضرتلرینی بر مقدار عسکرله سرحد رومه کوندردی . او دخی حدوده واردقده اطراقده کی قبائلی دعوت و آنلرده اجابت ایتمکله باشنه خلیجه عسکر طوبیلاندی . روملر ، بوندن قوشقولاتوب (بهرا) و (سلیم) و (کلب) و (غسان) و (لخم) و (جذام) قبیله لرندن کلیتلو عسکر طوبیلادیلر . لکن خالد بن سعید ، آنلرک اوزرینه وارمغله طاغیلوب فرار ایلدیلر .

بونك اوزرينه خالد بن سعيد، بر آژ دها ايلرله دی و (ماهان) نام روم جنراللك اردوسنه تصادف ايليه رك لدی المحاربه آنی دخی بوزدی و بلك چوق عسكرینی قیردی. لکن ایش، کسب جسامت ایش اولدینی جهتله مقام خلافتدن استمداد ایلدی. بواننده یمندن حمیر عسکريله (ذوالکلاع) و (تهامه) و (شجر) و (عمان) و (بحرین) عساکری ايله عکرمه بن ابی جهل، مدینه منوره یه کلتش اولدقلرندن خلیفه حضرتلری، بونلری همان خالد بن سعیدك امدادینه کوندردی.

آندن صکره جهت شامه اهمیت ویردی و تحویل امواله مأمور اصحاب کرامدن بعضیلرینك مأموریتلرینی امارت عسکریه یه تبدیل بیوردی. ازجمله قضاعه قبیله سندن تحویل اموال مأموریتله بولنان (ولید بن عقبه) بی اوطرفلردن عسکر جمع ایتك و خالد بن سعیدك یاننه واروبده آندن (أردن) ناحیه سنه کیتك اوزره مأمورایدوب اودخی قضاعه عسکريله شامه کتیدی.

عمرو بن العاص، وقت سعادتده (سعد) (هذیل) و (عذره) قبیله لرینك تحویل اموالنه مأمور ایکن طرف نبویدن عمانه ارسال بیورولدینی زمان عودتنده ینه اسکی مأموریتله اعاده سی وعد بیورولش ایدوکنه مبنی وفات پیغمبریدن صکره عماندن عودتنده خلیفه رسول الله، آنی ینه مذکور قبیله رك تحویل اموالنه مأمور ایدرك وعد نبوی بی یرنه کتورمشیدی. بوکره عمرو بن عاصی بفرقه یه امیرایك ایستیوب بوکا دائر کندوسنه یازدینی مکتوبده «وعد نبوی بی انجاز ایچون سنی اسکی مأموریتکه تعین ایتمشیدم. شمدی سنك دنیاچه و آخرتجه دها خیرلی بر مأموریته نصیبی آرزو ایتدم. مکرکه بولندینك مأموریت سنجه دها مرجع کورینه، دیو بیورمقله عمرو بن عاص دخی جوابنامه سنده «بن، اسلامك اوقلرندن بر اوقم. آنلری آتہ جق و جمع ایدہ جك اللهدن صکره سنسین. باق، قنغیسی دها قوی و تأثیرلی ایسه آنی آت، دیو یازمش اولدیفندن خلیفه حضرتلری، آنی بفرقه یه امیر ایدوب (ایله) طر قبیله جانب فلسطینه کوندردی.

بمده (یزید بن ابی سفیان) ی بر فرقه یه امیر ایدوب بلقا طریقه
دمشق شام جانبنه کوندرمشدر. آنک سنجانی آلتنده چوق کوکلی عسکر
طویلانمشدر. ایچلرنده اشراف مکدن (سپیل بن عمرو) امثالی بیوک
ذاتلر وار ایدی. خلیفه حضرتلری، یاا اولدینی حالده آتی تشیع بیورمش
و آکا تعلیمات و یردیکی صرهمده بویه نصیحت و یرمشدرکه « بن ، سنی
تجربه ایتک اوزره مأمور ایتدم . کوزل حرکت ایلرسهک اولکی مأمور -
یتکدن ده ا بیوک بر منصب و یریرم و اکر فنا حرکت ایلر ایسهک سنی
عزل ایدرم . الله قورقوسنی قلبکدن چیقارما . زیرا اوسنک ظاهرکی نصل
کورسه ایچ یوزکی دخی اویله کورر . الله اک قریب اولان، آکا عملیله
اک زیاده قرب ایدندر . تکبر و تجبر جاهلیتدن صاقین . زیرا الله ، اوصفته
و آنکله متصف اولانه بغض ایدر . عسکرینک یانه واردینکده آنلر ایله
کوزل مصاحبت ایله . آنلره نصیحت ایدهک اولدینکده سوزی قیسه
سویله . زیرا سوز ، اوزون اولورسه بعضیسی بعضیسی اونوتدیرر و نفسکی
اصلاح ایت . ناس سکا صالح اولور . بش وقت نمازی اوقات معینه سندنه
رکوع و سجودی اتمام ایدرک خشوع ایله قیل . دشمنک ایلچیلری یانکه
کلدکده آنلره اکرام ایت و چوق اکلندیرمه . تا که عسکرینک احوالی
اوکرنمهن چیقوب کیتسونلر . آنلره افکارکی بیلدیرمه واردونک خلل
و قصورنی کوسترمه . هر حالده اسرارکی میدانه قوماکه امورك غخل اولسون
و استشاره ایندییککده سوزی طوغری سویله که مشورت طوغری اولسون ..
کیجهلری اویاتق اولوب اصحابک ایله مصاحبت ایله که سکا خبرلر کله و یرده لر
آچیه . کیجهلری عسکرکه نوبت بکلهت و قره غوللریکی تکثیر ایت .
وقلی ، وقتسز آنلری طولاش . غافل اولانلری یویله وعدالت اوزره
تأدیب ایله . مستحق جزا اولانلره جزا ایتکدن قورقا . عسکرک حالندن
غافل اولما که بادی فساد اولور . فقط حاللرینی تجسس ایله آنلری تزدیل
دخی ایتمه . ناسک اسرارینی میدانه چیقارما . ظاهر حاللری ایله اکتفا ایله .
اهل کبر و عجب ایله دوشوب قالقما . اهل صدق و وفا ایله هم مجلس اول .

مال غنیمته خیانت ایله ، فقر کتورر ونصرتنه مانع اولور . قریباً نفسلری عیادتخانه لرده حبس ایتمش قومار (یعنی راهبر) کوره جکسکز . آنلره طوقونما . اونلری حالاری اوزره براق .

خليفة رسول الله ، اميرالجيوش اولانلره بويله تعليمات کافيه ونصايح لازمه اعطا ايدرك طاقم طاقم جانب شامه کونده رمشدر . بو امرانک هر بری ، بر جهته غزا ايدمه جک وبرينک باشی صيقيلور ايسه ديکرلری ، آنک امدادينه سکيردوب کيده جک ایدی . بر موقعده مجتمع اولدقلرنده قنغيسنک دائره مأموریتی ايسه او ، اميرالجيوش اولوب ديکرلرينک آنک معیتده بولماسی اوزمان اصول متخذدن ایدی . فقط ابو عیده بن الجراح حضرتلری دخی بو کره بر فرقه ایله حص جهته مأمور اولدقده ذکر اولسان امرانک جمله سنه ناظر نصب اولمشدر . رضی الله عنهم اجمعين .

(وليد بن عقبه) و (عکرمه) و (ذوالکلاع) ، خالد بن سعيدک یانه واردقلرنده خالد ، محله ايدرك ديکر امرانی بکله ميوب هان بو اوچی استصحاب ایله ماهانک اوزرينه يوریدی . ماهان ، کيرو چکيلوب دمشق شامه کیردی . خالد دخی آرقه سندن حرکت ایله دمشق یاننده (مرج صفر) نام موقعده اردوسنی قوردی . متعاقباً ماهان ، عسا کر روميه ایله بر شدتلی چيقيش ایتدی . طرق ومعابری طوتدی ويولده سعيد بن خالدی بولوب شهيد ایتدی . خالد ، اوغلنک شهادتی خبر آلدينی کبی بوزولوب عسکريله برابر فرار ایله قنادی قيريق شاهين کبی (ذو المروه) نام محله قوندى . (وليد بن عقبه) دخی آنکله برابر ایدی .

اما عکرمه ، شهره قریب بر محله آياغنی دیره بوب طوردی . يوقسه ماهان ، قره قوش کبی يتشوب عسا کر اسلامه چوق ضرر ايدمه بيلوردی . اوئانده شرحيل بن حسنه ، جانب عراقدن عودت ایله مدینه منوره يه گلش اولديشدن خليفة حضرتلری ، آنی وليدک يرينه اردن فرقسی امیری تمين ايتمکله شرحيل حضرتلری ، شام اردوسنه کلوب وخالد بن سعيدک معیتده کی عسکرک نصفی آلوب سمت مأموریتنه عزیمت ايتمشدر .

بعده مدینه منوره در بر مقدار عسکر تجمع ایتمکه خلیفه حضرت تری، آنلری (معاویه بن ابی سفیان) و یروب آتی برادری ، یزید بن ابی سفیانک معیته کونده رمش اولدیغندن معاویه ، خالد بن سعید ایله بولوشدقده آنک یاننده کی باقی عسکری دخی آلوب کیتمشدر .

امرای مشار الیهمدن عمرو بن عاص ، ارض فلسطینه و شرحیل بن حسنه ، اردنه و یزید بن ابی سفیان ، بلقایه و ابو عییده بن الجراح ، جابیه جهته واروب اوردولرینی قوروشلردر . رضی الله عنهم .

(ایمپراطور هرقل) عربلرک کوندن کونه تزید قوت ایدرک عراق عربی ضبط ایلدکن صکره دیار شامه دخی تحطی ایلدکلرینی کورونجه تلاش دوشه رک قسطنطینیهدن چیقوب سوریه دیارینه کلدکده بر مقدار ویرکو اعطا ایلک اوزره عربلر ایله مصالحه افکارنده بولنش ایسهده امراسی آکا موافقت ایلدکلرندن او دخی روملردن و نصارای عربدن عسا کر کلیه جمع ایدوب برادرینک تحت قومانداسنده اوله رق عمرو بن عاصه قارشو یوز بیک و دیگر برجنرال ایله ابوعییده به قارشو آلتش بیک و جورج (یورکی) نام جنرال ایله یزید بن ابی سفیان قارشو بر مکمل اردو و دیگر بر جنرال ایله شرحیله قارشو دیگر بر اردو سوق ایتدی و کندوسی حصده استقرار ایلدی .

هر فرقه اسلامیه نک مقابلی اولان اردولر، کندولرینه نسبتله قات قات زیاده اولدیغندن امرای بریره طوبلانغی رأی ایدوب مقام خلافتدن دخی بو یولده تعلیمات کلکله (یرموک) وادیسند طوبلانیدیلردر و بر طرفدن یرموک و بر طرفدن (واقوصه) یار و اوچوروملرینی کندیلرینه سپر ایتدیلر . روملر ، بونی کورنجه آنلر دخی مواقع مختلفهده اولان اردولرینی یرموک موقعنه جمع ایله عسا کر اسلامیه به قارشو بر بیوک اردو قوردیلر . یرموک اوچوروملری ، برجسیم خندک کی طرفینک حرکت مانع طبیعی ایدی . عسا کر اسلامیه ؛ اعدایه نسبتله اقل اولدینی جهته ذاتاً تجاوزی

حرکت ایتیموب آنجق روملر ؛ هر قتی محلدن باش کوسترسه لر او طرفه اوشوندی ایدرک مدافعه ایدیورلردی. بو حال بر خیل مدت تمتد اوله رق اصرا ، خلیفه رسول اللهدن استمداد ایلدیلر .

خالد بن ولیدک عراقدن شامه ورودی

اصرائک بروجه بالا استمدادی اوزرینه خلیفه رسول الله ، خالد بن ولیده امرنامه کونده ردی و متبائی یرینه قائم مقام براغوب و موجود معیتی اولان قوتک یاریسنی آلوبده امداد ایچون سریعا شامه وارماسنی اراده بیوردی. حضرت خالد ، اردوسنده اولان اصحاب کرامی کافه آلوبده یرلرینه بشقه آدمیلر برابق ایستدیسده بو تقسیمه متنی راضی اولمایوب « بن ، اصحاب رسول الله ایله تبین ایدرم . آنلرک یوزی صوی حرمتنه اللهدن نصرت دیلرم . مظفریق آنلرک یوزندن بیلورم » دیدی

آنک اوزرینه حضرت خالد دخی عسکری ، آنک راضی اولاجنی وجهله ایکیه بولدی واون بیک قدر کزیده عسکرله حیره دن چیقدی .

کلب قیله سنک صو محلی اولان (قُرَاقَر) نام موقعه کلدکده اهایلسی قارشو طورمغله آنلری اوردی . پک چوق اموال غنائم آلدی . بعده صوسز چوللردن وکسدرمه یوللردن سیرایله بش کونده (بهرا) قیله سنک صویری اولان (سوی) نام موقعه واصل و اهایلسی اوروب ینه پک چوق غنیمته نائل اولدی .

آندن حرکت ایله (آرک) نام محله کلدی . بورانک اهایلسی جزیه ویرمک اوزره مصالحه ایله قورتولدی .

بعده (نُدُحْر) کلدکده اهایلسی اورکوب قلمه یه قانیدیلر ایسه جنک کیریشمیوب صلحه یاتیدیلر .

آندن (قریتین) کلدی ولدی الحاربه مظفر اولدی وخیلی اموال غنائم آلدی .

بعده (حوارین) نام محلہ کلوب اہالیسیلہ لدی المحاربہ غلبہ ایدرک
کیمنی قتل و کیمنی اسیر ایتدی .

بعده (قصم) نام موقعہ ورودندہ قضاعہ قیلہ سندن اورادہ بولنان (خی
مَشَجَّه) آنکله عقد مصالحہ ایدرک تخلص کریان ایتدیلر . حضرت
سیف اللہ ، آندن دخی حرکت ایله شهر دمشق یانندہ کی طاعنک عقبہ سنہ
لدی الورود فخر عالم صلی اللہ علیہ وسلم حضرتلرینک (عقاب) نام سیاه
رنکلی سنجانی آنک یانندہ بولندیقندن بورادہ آئی کشاد ایلدی . عساکر
اسلامیہ نک شوق و غیرتی تازہ لدی . بوسیدن ناشی اورایہ (ثِنَّةُ الْعُقَابُ)
دنیلمشدر .

لواء شریف نبوی ایله سیف اللہ ، ثِنَّةُ الْعُقَابِدن (مَرِجَ رَاهُط) . کلدی
و غسانلر اوزرینہ (یوم فصیح) دیدکلری یرام کونی بقتہ "حجوم ایله کیمنی
قتل و کیمنی اسیر ایتدی .

بورادن (غوطة دمشق) اوزرینہ کونده ردیکی چتہ دخی برکلیسانی
اوروب غارت ایدرک آلدینی غنائمی حضور سیف اللہ کتوردی . روملر،
حوران جہتہ ناظر یرموک حوادثنہ منتظر ایکن یان بوکورلرندن بقتہ
سیف اللہک ظهور ایدیورمسی ، آنلری شاشیرتدی .

سیف اللہ ایسہ سیر سریع ایله (بصری) یہ واردی . بقتہ اورادہ
بولنان عساکر رومیہ یی اوردی ، بوزدی ، پریشان ایتدی . بصری
اہالیسی ، جزیه یرموک اوزرہ امان دیلہ دیلر . حضرت خالد دخی صلحاً
بصرای آلدی و بورادن اموال غنائمک حسنی ، مدینہ منورہ یہ کونده ردی .
بعده بصرادن حرکت ایله یرموک یانندہ واقع (واقوصہ) یہ کلدی
و خلال ربیع الآخرہ یرموک اردوسندہ کی امرا ایله برلشدی .

فقط اوائلادہ عمر بن عاص (غور) موقعندہ بولنوب روملرک برجسیم
اردوسی ایسہ (جَلَق) دہ (اَجْنَادِین) موقعنہ حرکت ایلش اولدیقندن
ہب امرا ، خالد بن الولید ایله برابر عمرو بن العاصک امدادینہ سکیرتدیلر .

عمرو بن العاص ، اميرالجيش اولدينى حالده لى المحاربه روم اردوسى بوزولدى و يك چوق تلفاتى وقوع بولدى . اصحاب كرامدن دخى بعض ذوات شهيد اولدى . بومحاربهده دخى خالد بن الوليدك يك چوق ياردارلنى كوزولدى .

بووقمه واسط جادى الاولى ده وقوع بولوب بعدده هپ امرا ، ينه يرموك و واقوصه موقعنده مجتمع اوله رق زيرده بيان اولنه جنى وجهله مشهور (يرموك محاربهسى) وقوع بولمشر .

او زمان روملك اخلاقى بوزولوب هر طرفده اهاالى به ظلم و تعمدى و اردولرنده انواع فحشياته تصدى ايتكمده ايدير . اهل اسلام ايسه بويوك ، كوچوك كافه حسن اخلاق ايله متصف و آداب اسلاميه ايله مؤدب اوله رق ، واردقلى يرلرده هر كسه حسن معامله و هر خصوصده حقانيت و عدالت اوزره حركت و هر درلو فحشيات و فواحشدن اجتناب ايدرلردى .

حتى بو ائشاده ، روم جنراللرندن برينك تحقيق احوال ايچون اردوى اسلامه كونده رمش اولدينى بر عرب ، بر كون بر كيجه اهل اسلام ايچنده بولنه رق عودت ايله عساكر اسلاميه نك احوالى جنراله حكايه ايلديكى صروده « آنلر ، كيجه لين هپ راهب و كوندوزين هپسى عسكردر . بينلرنده احقاق حق ايچون زنا ايدنلرى رجم ايدرلر و سارق ، كندو ملكلرينك اوغلى بيله اولسه اللى كسرلر ، ديدكده جنرال اويله ايسه » ير يوزنده آنلر ايله اوغراشمقدن ايسه يرك آلتى بزه دها خيرلى در ، ديمش اولدينى مرويدر .

يرموك وقعهسى

ايمپراطور (هرقل) ك ، (يرموك) جهتمده كى عساكرى ، ايكى يوز قرق بيك راده سنده ايدى . آنلره مقابل اولان عساكر اسلاميه قرق آلتى بيك قدر اولوب ايچلرنده بيك صحابي وار ايدى كه يوزى اهل بدردن

ایدی . او زمان روملر ، عسکرلرینی بیکر قردن مرکب اولوق اوزره
آلایله تقسیم ایده کلدکلرندن مقابله بالمثل قاعده سنجه عسا کر اسلامیه
دخی شام اولکاسنه کلدکده او وجهه بیکر بیکر تقسیم اولنمشدر .
فقط (خالد بن الولید) ک عراقدن ورودینه قدر هر امیر ، کندی
فرقه سیله باشلی باشنه جنک ایدردی .

اگرچه (ابو عبیده) حضرتلرینک نظارت عامه سی وارایدی وجهه سنک
اولومسی ایدی . لکن امر محاربده امراتک هر بری مستقل ایدی .
(خالد بن الولید) حضرتلری ، آنلری امارت واحده آلتنه آله رق
جهله سنی یکوجود کی قوللانمشدر .

سویه که : روملرک راهب وقسیسلری اوردولرینه کلوب بر، آی قدر
آنلری جنکه تشویق وتشجیع ایتدکدن صکره فدا کارانه هجوم واقتحامه
قرار و یروب اوائل رجبه حرکت باشلادیلر .

اهل اسلام دخی آنلرک حرکتلرینی حس ایتدکلری جهته بر معتاد
فرقه فرقه حرکت قیام ایلدیلر .

ایشته اوزمان (خالد بن الولید) حضرتلری میدانه چیقدی وجناب
حقه حد و ثنا ایله بده ایدرک بر خطبه اوقودی و بوجه آتی نطق
ایتدی .

« بو کون ، اللهم صایلی کونلرندن بریدر . بو کون ، اوکونمک
وسرکشک ایتک لایق دکلدر . جهاد کزی خالص وعملکنزله اللهم راضی
قیلک . بو بر کوندرکه آنک سوکی واردر . نظام وترتیب اوزره جنک
ایدن قوم ایله بویه متفرق اوله رق جنک ایتک جائز ولایق اولماز .
آرقه کزده کی ذات ، بو حالی بیلسه منع ایدردی . مأمور اولسادیقکنز
خصوصده ولی امرک رأینه موافق اولاجق صورتده رأی ایدک . »

حضرت خالدک بو سوزی اوزرینه « رأی نه در ؟ سویه » دینلمکله
اودخی خطبه سنه بو وجهله دوام ایتدی .

« ابوبکر ، سزی یکدیگره رفق ایله معامله ایدوب سهولتله اویوشورلر . دیو کونده رمشدر . یوقسه نه اولدینغی واولاجتی بیلسه سزی جمع ایتزدی . سزك بولندیگنر وضع و حال ، اهل اسلام حقنبد کندیلرینی احاطه ایدن احوال شدیددن اشدر واعداد حقنبد آنلره امداد ایلکدن ده نافعدر . الله حقیچون بیلدم که دنیا سزك آره کزه تفرقه دوشورمش . ایچکزدن بعضیکر امارته انتخاب اولونسه الله عنندنه و خلیفه رسول الله عنندنه سزه قیضه ویرمز . کلیکز ، شو دشمنلره باقکز : فصل مهیا اولمشلر . بو بر کوندركه صوکی واردر . اکر یو کون ، بز آنلری خندکلرینه یوسکور تور ایسه ک دائما آنلری یوسکور تورز واکر آنلر ، بز یوزارسه فیما بعد فلاح بولایز . ایمدی کلیکز ، امارتی (سر عسکرلکی) الدن اله تداول ایتدیریکز . بریکز یو کون و دیگریکز یارین ، اوبریکز اوبرکون امیر اولسون ، تا که هر بریکز صره ایله امیر اولاسکز ، دیدی .

فی الواقع ، روملر ، اهل اسلامک اضعاف مضاعفی اولدقارینه نظرآ هر کون بر سر عسکر فدا اولق خاطره گلر شی دکل ایدی . بونک اوزرینه امرایا لاتفاق (خالد بن الولید) حضرتلرینی او کون سر عسکرلکه انتخاب ایلدیلر .

اوصرمده روملر ، او یله مکمل بر نظام اوزره میدان حربیه چقیدیلر که هیچ بر وقت او مرتبه منتظم چیقما مشلر ایدی . ایکی یوز بو قدر آلا یلری میدانده تموج اید یوردی .

سیف الله دخی قرق بو قدر آلا یه شجمان اسلامدن برر بک نصب ایدره ک عسا کر اسلامی بر کوزل صورتده تعییه ایتدی که عربلر ، هیچ بر وقت او یله منتظم اوله رق میدان حربیه چیقما مشلر ایدی .

آلا یلری (قلب) و (میمنه) و (میسر) و (مقدمه) و (ساقه) یه تقسیم ایله (امین امت) اولان (ابو عیده) بی قلبگاهه آلدی . (ابوالدردا) دخی قاضی ایدی .

(عمرو بن العاص) ايله (شرحيل) ی صاغ جناحه و (یزید بن ابی سفیان بن حرب) ايله (قمقاع) ی صول جناحه کچوردی و (قنات بن اشیم) ی طلیعلر اوزه رینه مأمور ایتدی . (عبدالله بن مسعود) دخی احتیاطده ایدی .

ابو سفیان بن حرب ، عسا کر اسلامیه بی جنکه تشویق و تشجیع ایتمکده اولوب آنکده بو یولده پک چوق اثر غیرتی کورلمشدر .

(مقداد بن الاسود) دخی اهل بدر ايله برابر صف حریده (سوره انفال) اوقوبوب مستمعینک توپلری اورپر مکده ایدی . رضی الله عنهم اجمعین .

سيف اللهک امريله جنکه کیریشیلوب سواریلر، چرخه لاشمغه و طرفین یکدیگره حمله ایتمکه باشلادی بی صرعه مدینه منوره دن بر ساعی کلدی . خلیفه حضرتلری نامزاج اولمغه بعض ذوات، آنک حالی اوکره نمک اوزره ساعینک باشنه طوبلان دیلر ایسه ده هنوز محاربه قیزیشمش اولدینی جهته « خلیفه طرفدن امداد کونده ریلک اوزره در » کبی سوزلرله کچشدیروب حقیقت حالی کتم ایتمشدی . مکر ابو بکر الصدیق رضی الله عنه حضرتلری عازم جنان اوله رق حضرت عمر الفاروق رضی الله عنه حضرتلری ، خلیفه اولوب سر عسکرلکی ابو عییده توجیه بیورمش و ساعی ، سر عسکرلک امرینی کتورمش . لکن آل ده کیشه جک زمان اولمادیغدن ابو عییده حضر- تری دخی موقه او، امری کتم ايله صکره دن اعلان ایتلشدر .

ایشته او اثناده روم جنراللرندن مشهور (یورکی) میدان کلدی . خالد بن الولید حضرتلرینی ایستدی . او دخی یانته واردی . طرفین ، بربرینی تأمین ايله محاربه بی براغوب محاوره به کیرشدیلر .

شویله که : یورکی « یاخالد ! طوغری سویله ، یالان سویله . زیرا حر اولان آدم ، یالان سویلمز . بی آله ائمه . کریم اولان آدم ، خدعه ایلمز . سزک بیغمبرکزه کوکدن برقلیج ایندی ده اوده سکامی ویردی که آتی قنی قوم اوزرینه صیرسه ک او ، قومی بوزو یورسین ؟ » دیدکه حضرت خالد «خیر» دیمکه یورکی « یاسن نیچون سیف الله تسمیه اولندک ؟ » دیمسی اوزرینه

حضرت خالد ؑ الله تعالى ، بزره پیغمبر کوندودی . بن ، آتی تکذیب و آنکه جنک ایدنلر ایچنده ایدم . صکره بکا هدایت الهیه ایریشمکه آکا متابعت ایلدیکمده بکا (سن ، اللهم مشرکراوزرینه صیردینی قلیجیسک) دیدی و نصرتله دعا ایتدی « دیمش .

آنک اوزرینه یورکی « بکا خبر ویرکه نهیه دعوت ایدورسکز ؟ » دیمکه حضرت خالد ؑ « یا اسلام ، یا جزیه ؛ یا محاربه . بو اوچ شینک برینه دعوت ایلرز ، دیدکده یورکی « سزک دعوتکزه اجابتله ایچکزه کیرنلرک رتبه سی ندر ؟ » دیوب خالد دخی « آنک رتبه سیله بزم رتبه من یردر ، دیمسی اوزرینه یورکی « آنک ایچونده سزک کبی اجر و مکافات وارمیدر ؟ » دیو صورمش خالد دخی « اوت . بلکه او ، بزدن افضلدر . زیرا بز ، پیغمبرمن صاغ ایکن آکا اتباع ایتدککه بزه غیدن خبر ویریدی . آندن عجایب و معجزات کوردک . کوردیکمزی کورن و ایشتدیکمزی ایشیدن کیمسه مسلمان اولمق لازم کلور . سز ایسه بزم کبی کورمدیکمز ، بزم کبی ایشتمدیکمز . سزدن خلوص ایله دین اسلامه داخل اولان بزدن افضل اولور ، دیو جواب ویرمش .

یورکی ، هان قالقاتی ترسنه چویرمش و خالدک تلقینله کلمه شهادت کتورمش . بونک اوزرینه یورکی ، غسل ایدوب خالدک تعلیمی اوزره ایکی رکعت نماز قیلدقدن صکره هان سل سیف ایدرک خالد ایله برابر دشمن اوزرینه حمله ایتش و بویه مشهور بر جنرالک میدان حربده مسلمان اولیورمسی روملرک بک کوچنه کیمشدر .

اول امرده روملر ، فوق العاده شدتلی بر هجوم ایله عساکر اسلامیه بی موقعلرندن قالدیردیلر و خط رجعتلری اوزرنده بولنان عکرمه بن ابی جهل اوزرینه دوشوردیلر .

عکرمه « بن ، رسول الله ایله بونجه محاربه لرده بولوندم . شمدی فرار ایتک نه دیمکدر . بنله اولوم اوزرینه عهد میثاق ایدن وارمی ؟ » دیو ندا ایلدکده عموجه سی (هشام) و (ضرار بن الازور) درت یوزقدر فدایی ایله

بر لنگه اولوم اری اولوب خالد بن ولیدك چادری اوکنده جمله مجروح اولورق دوشونجه یه دك مردهانه جنك ایلدیلر . صکره بونلرک بر مقداری افاقت بولش و باقیسی شهید اولمشدر .

سر عسکر خالد و جنرال یورکی ، بک شدید و مدید محاربه لر ایتدیلر . عسا کر اسلامیه ، اوکله و ایکنیدی نمازلرینی ایما ایله قیلدیلر . او صروده اهل اسلام قادینلری دخی صحیحاً مردهانه جنك ایلدیلر . کوندوزک صوک دمنده جنرال یورکی ، شهید اولدی . برکون ایچنده اک بیوک بر درجه یه وصول بولدی رحمة الله علیه رحمة واسعه .

نهایه الامر روملرک بیتاب و متزلزل اولدقلری صروده سیف الله ، آنلرک قلبکاهنه بک شدتلی بر هجوم ایتدی . سواریلریله پیادهلرینک آرمسنه کیردی . سواریلر ، پیادهلری براغوب قاچدی . پیادهلری آنلرک آیاقلری آلتسنده ازیلدی . اردولری بتون بتون بوزولدی . عسا کر اسلامیه ، آرقه لرینه دوشدی . عرب آنلوسنک اوکندن قاچوب قورتولق نه قدر مشکل اولدینی معلومدر . روملرک میدان حربده دوشوب قالانلرینه نسبتله قاچار ایکن تلف اولانلر قات قات زیاده ایدی . برچوق آیلاری دخی یرموک و واقوصه اوچوروملرینه دوشوب تلف اولدیلر . برچوغنی دخی قاچارکن اهل اسلام قادینلری تلف ایتدی و روملرک وجوه و امراسندن بک چوق تلفات وقوع بولدی . حتی ایمپراطورک برادری دخی تلف اولدی و تلفاتک مجموعی یوز بیکی کچدی .

جانب اسلامیانده دخی اوچ بیک مقداری شهید وقوع بولدی . ایچلرنده (عکرمه) و اوغلی (عمرو) و (هشام بن العاص) و سعیدک اوغوللری (عمرو) و (ابان) و (سعید بن الحارث السهمی) و (نضیر بن الحارث) کبی مشاهیردن و قدما ی مهاجریندن نیجه ذوات کرام وار ایدی .

ابوسفیانک دخی بر کوزی ، اوق اصابتله اعمی اولدی . (رضی الله عنهم اجمعین) .

ایشته بو مظفریت عظیمه ، متعاقباً بوتون اقطار شامیه نك فتحه بادی اولمشدر .

وقعة فحل

(یرموک) وقعه سی اوزہ رینہ روملہ ضعف کلّی کلہ رک (حوران)
و (جولان) کبی نیچہ مملکتلر اہل اسلام الہ کچمشدر .

آنحیق (اردن) جہتندہ (فحل) نام موقعہ روملر ، سکسان
بیک عسکر جمع ایتمکله بالجلہ امراء ، اورایہ کیدہ رک خلال ذی القعدہ
بر محاربتہ عظیمہ وقوع بولمشدر .

شویله کہ : (خالد بن الولید) مقدمہ الجیشہ و (عمرو بن عاص) بر
جناحہ امیر اولوب (ابو عبیدہ) دخی بر جناحک اداره سنی الہ آلمشیدی . اصل
اردونک اداره سی (اردن) جہتی امیری اولان (شرحیل بن حسنہ) دہ ایدی .
سواری اوزہ رینہ (ضرابن الازور) و پیادہ اوزہ رینہ دخی (عیاض
بن غنم) مأمور ایدی .

شرحیل بن حسنہ حضرتلری ، (فحل) موقعہ واردی . روملرک
اردوسنہ قارشو اوردو قوردی .

ایکی اوردو آرمہ سندہ کی سولر و باتاقلر ، حرکت تجاوزیہ مانع ایکن
روملر ، کیجہ لین بر تقریبہ کچوب عسا کر اسلامیہ بی باصدیلر . (شرحیل)
ایسہ کیجہ لری غافل یا تما یوب احتیاط اوزرہ بولونور اولدیغندن صباحہ قدر
یک کوزل مدافعہ ایتدی .

فرداسی دخی محاربتہ صباحدن آقشامہ قدر امتداد بولدی . روملرک
برنجی و ایکنجی جنراللری مقتول اولدی واردولری بوزولدی .

حال بوکہ : قارا کلک باصمش اولدیغندن یوللرینی شایردیلر . سولرہ
دوشدیلر ، باتاقلرہ صاپلاندیلر .

آرقالزندن عسا کر اسلامیہ تعقیب ایله یتشدکلرینی تلف ایدوب سکسان
بیک نفرلرندن یک آزی قاجوب قورتولا بیلمشدر .



Bibliotheca Alexandrina



0434464